

«Ազգ յարեթեան եւ թորգոմեան նաեւ արբա-
համեան, վաղահաս պտուղք բուրգուղիմէոսեան
եւ թաղէոսեան, լուսածնունդ գաւակք Սուրբ
Էջմիածնեայն եւ գրիգորեայն՝ առանց ամենայն
տարակուսանաց եւ հակառակութեանց՝ հայք են
եւ ասին.

Ազգք տոհմիւ օրհնեալ.

Երկրաւ բարեբանեալ.

Լեզուաւ կանխագարդեալ.

Գրով բարգաւաճեալ.

Հաւատով ազնուացեալ.

Անուամբ ճոխացեալ,

Առաքինութեամբ բարեպաշտեալ,

Ի Տէր պարծեցեալ,

Եւ զնմանէ գոհացեալ,

Եւ յԱստուածաշունչ գրոց քարոզեալ»:

**Ղազար Ա Ջաշկեցի,
կաթողիկոս Ամենայն Հայոց (1737-1751)**

*...все, как малые, так и большие,
упадишаго народа християне армянские
желают свободы..., а оных сколько есть
силы, все в готовности обретаются и
ожидают видеть тот день, в которой бы
новую издавна желаемую свободу от всего
сердца получить! ...извольте, очи свои
разумно отворив, управлять и наше
секретное дело крепко содержать, чтоб
никому было явно и, паки повторяю, дабы
не было известно; а и вы знаете, что
наших врагов везде есть в готовности
много. Еще подтверждаю вам, вортабед,
что ежели о сих письмах узнают, то нас
погубят. Но вы делайте дело так, чтоб и
по нашей смерти не знатно было”.*

Եսայի Հասան-Ջալալյան,

Գանձաարի կաթողիկոս (1701-1728)

МАТЕНАДАРАН - MATENADARAN
ИНСТИТУТ ДРЕВНИХ РУКОПИСЕЙ ИМ. МАШТОЦА
MASHTOTZ INSTITUTE OF ANCIENT MANUSCRIPTS



ARMEN AIVAZIAN

**THE ARMENIAN CHURCH AT THE CROSSROADS
OF THE ARMENIAN LIBERATION MOVEMENT
IN THE XVIII CENTURY**

АРМЕН АЙВАЗЯН

**АРМЯНСКАЯ ЦЕРКОВЬ НА ПЕРЕПУТЬЯХ
АРМЯНСКОГО ОСВОБОДИТЕЛЬНОГО ДВИЖЕНИЯ
В XVIII ВЕКЕ**

YEREVAN - ЕРЕВАН

2003

ՄԱՏԵՆԱԴԱՐԱՆ

ՄԱՇՏՈՑԻ ԱՆՎԱՆ ՀԻՆ ՁԵՌԱԳՐԵՐԻ ԻՆՍՏԻՏՈՒՏ



ԱՐՄԵՆ ԱՅՎԱԶՅԱՆ

ՀԱՅՈՑ ԵԿԵՂԵՑԻՆ

XVIII ԴԱՐԻ

ՀԱՅ ԱԶԱՏԱԳՐԱԿԱՆ ՉԱՐԺՄԱՆ ԶԱՌՈՒԴԻՆԵՐՈՒՄ

ԵՐԵՎԱՆ

ՀՏԴ 941 (479.25)
ԳՄԴ 63.3 (2Հ)
Ա. 551

Հրատարակվում է Մաչտոցի անվ. Մատենադարանի Գիտական
խորհրդի որոշմամբ

ԱՐՄԵՆ ԱՅՎԱԶՅԱՆ

Ա. 551 Հայոց եկեղեցին XVIII դարի Հայ ազատագրական
շարժման քառուղիներում, -Եր., Լուսակն, 2003թ., 344 էջ:

*Աշխատությունը քննում է XVII-XVIII դարերի Հայոց պատմու-
թյան՝ դեռևս մոլթ մնացած մի շարք խնդիրներ: Մասնավորապես, նոր բա-
ցահայտումներով ներկայացված են Ամենայն Հայոց կաթողիկոսների կա-
պերը Հայ ազատագրական շարժման հետ, Հայոց եկեղեցու գաղափարախո-
սությունը, Արարատյան երկրի Օսմանյան տասնմեկամյա ռազմակալման
(1724-1735 թթ.) ներգործությունը՝ կաթողիկոսական երեք իրարահաջորդ
ընտրությունների վրա՝ 1726, 1730 և 1734 թթ.: Միաժամանակ ուսումնա-
սիրված են Մայր Աթոռ Սուրբ Էջմիածնի դիրքը Հայոց եկեղեցու նվիրա-
պետական համակարգում, Ս. Էջմիածնի նվիրակների հաստատությունը,
Հայ-կաթոլիկ փոխհարաբերությունները, ինչպես և քաղաքական պատմու-
թյան համար կարևոր նշանակություն ունեցող հոգևոր-կանոնական որոշ
հարցեր:*

Ա. $\frac{0503020913}{0150(01)-2003}$ 2003

ԳՄԴ 63.3 (2Հ)

ISBN 99930-969-5-4

**Տպագրության մեկնաս՝
իրավաբանական գիտությունների թեկնածու
Սամվել Գուրգենի Կարախանյան**

© Այվազյան Արմեն, 2003

Շ Ն Ո Ր Հ Ա Կ Ա Լ Ի Ք

Սույն ուսումնասիրությունը մեծավ մասամբ կատարվել է 1994-1995 թթ., Մաշտոցի անվան Մատենադարանում: Ընդհատված աշխատանքը հնարավոր եղավ շարունակել և ավարտին հասցնել միայն 2001 թ.` շնորհիվ Հայագիտական ուսումնասիրությունների արդիական կենտրոնի միջոցով ստացված դրամական նպատակային օժանդակության, որի համար երախտապարտ եմ:

Ցանկանում եմ նաև հատուկ շնորհակալություն հայտնել մոսկվաբնակ անվանի փաստաբան Սամվել Գուրգենի Կարախանյանին՝ գրքի տպագրության ծախսերը սիրահոժար ստանձնելու համար:

Համառոտագրություններ և հապավումներ

Ա.Զ.Գ - Մ. արքեպս. Օրմանեան, Ազգապատում: Հ. Ա.-Բ, Կ. Պոլիս, 1912-1914.

ԴԱԻ - Առաքել Դաւրիժեցի, Գիրք պատմութեանց: Աշխատասիրությամբ Լ. Ա. Խանլարյանի. Երևան 1990.

Դրախտ ցանկալի - Ղազար Զահեցի, Գիրք աստուածաբանական, որ կոչի «Դրախտ ցանկալի»: Կ. Պոլիս, 1733:

Դրվագներ, Ա.-Բ - Ա.Շ. Հովհաննիսյան, Դրվագներ հայ ազատագրական մտքի պատմության: Գիրք Ա.-Բ, Երևան, 1957-1959:

ԶԱՔ - «Զաքարեայ սարկաւազի պատմագրութիւն»: Գիրք Ա.-Գ, Վաղարշապատ, 1870.

ԽԱԶ - Խաչատուր արեղա Ջուղայեցի, Պատմութիւն պարսից (ԺԸ դար): Աշխատութեամբ Բ. վրդ. Աղաւելեանցի. Վաղարշապատ, 1905:

ԿՈՍ - «Թովմա Մեծոփեցու յիշատակարանը»: Հրատարակեց իւր առաջաբանով Կարապետ Կոստանեանց. Թիֆլիզ, 1892:

ՄԺ, Ա.-Բ - «Մանր ժամանակագրություններ ԺԳ-ԺԸ դարերի»: Կազմեց Վ. Ա. Հակոբյան, Հ. Ա.-Բ, Երևան, 1951-1956:

Մաշտոցի անվ. Մատենադարան - ՀՀ կառավարութեանն առընթեր Մաշտոցի անվան հին ձեռագրերի ինստիտուտ-Մատենադարան:

ԶԱՄ, Գ - Մ. վ. Չամչեանց, Պատմութիւն Հայոց: Հ. Գ, Վեներտիկ, 1786:

Ջամբռ - Սիմէօն Երևանցի, Ջամբռ: Վաղարշապատ, 1870:

ՏՅՈ - Յ. Թ. Տէր-Յովհաննեանց, Պատմութիւն Նոր Ջուղայու որ յԱսպահան: Հ. Ա.-Բ, Նոր Ջուղա, 1881:

АРО, I - *Армяно-русские отношения в 1-ой трети XVIII века*. Сборник документов, Т. II, часть I. Под редакцией Аш. Иоаннисяна, Ереван, 1964.

АРО, II - *Армяно-русские отношения в 1-ой трети XVIII века*. Сборник документов, Т. II, часть II. Под редакцией Аш. Иоаннисяна, Ереван, 1967.

АРО, III - *Армяно-русские отношения во втором тридцатилетии XVIII века*. Сборник документов, Т. III, часть I. Под редакцией В. К. Восканяна, Ереван, 1978.

CARM - *A Cronicle of the Carmelites in Persia and the Papal Mission of the XVII-XVIII Centuries*. Vol. 1-2. London, 1939.

Տոմար և հատուկ նշաններ

Գրքի մեջ, հատուկ նշումի բացակայութեան դեպքում, բոլոր ամսաթվերը արված են հին տոմարով: Հրատարակվող բոլոր բնագրերում հապավումները բացել ենք, նշանակել կետագրութիւնը, ուղղանկյուն փակագծերում առել տվյալ բնագրի ենթախորքից բխող լրացումները և մեր վերականգնում-

*ները, իսկ կոր փակագծերում՝ մեր բացատրությունները, թարգմանությունները
և խմբագրումները, որոնց հաճախ նախորդում է հավասարություն՝ = նշանը:*

Ն Ե Ր Ա Մ ՈՒ Թ Յ ՈՒ Ն

1375 թ. Կիլիկյան Հայաստանի կործանմամբ՝ հիմնովին ոչնչացվեց Հայկական պետության այդ պահին արդեն շուրջ երեքհազարամյա շարունակական ավանդույթներ ունեցող ճյուղավորված համակարգը՝ ներառյալ թագավորական հաստատությունը և Հայկական բանակը: Հետագա երեք հուժկու ազատագրական ելույթների ժամանակահատվածներում՝ 1722-1735 թթ., 1890-1921 թթ. ու 1988-ից մինչև այժմ, գրեթե զրոյից վերստեղծված ազգային-պետական հաստատությունները Հայկական քաղաքակրթության հետ իրենց կապը վերագտնելու բավարար ժամանակ չունեցան, այլ հիմնականում փոխառեցին ու նմանակեցին օտար տիրապետող ուժերի համապատասխան հիմնարկներն ու փորձը: Այնինչ հայոց պետականության արդյունավետ կազմակերպումը հնարավոր է միայն Հայկական քաղաքակրթության բուն սկզբունքները ճանաչել-ընկալելու և դրանց համաձայն առաջնորդվելու դեպքում¹:

Անկախաշինություն մերօրյա բարդագույն պայմաններում է՛լ ավելի է կարևորվում Հայկական քաղաքակրթության ծոցից մեզ հասած ավանդական հաստատությունը՝ Հայաստանյայց առաքելական եկեղեցին, որն իր յուրահատուկ աստվածաբանություն, ծիսակատարություն, հոգևոր ծառայությունների և խորհուրդների մեջ պահպանել է պետական հիմունքների վրա կազմակերպված հայ կյանքի և մտքի՝ դեռևս չհետազոտված ու չմեկնաբանված բազմապիսի արժեքավոր մասունքներ²:

* * *

Պատմական փաստ է, որ օտար պետությունները միշտ ձգտել են հնարավորին չափ մեծ ազդեցություն ունենալ հայոց եկեղեցու

ղեկավար շրջանակների վրա: Օսմանյան կայսրության և Սեֆյան Իրանի միջև բաժանման պայմաններում Ս. էջմիածինն ստիպված էր գործելու քաղաքական դժվարին և զգայուն պայմաններում՝ փորձելով այս երկու տերությունների շահերին բացահայտորեն երբեք չհակադրվել և հայության երկու հատվածներից որևէ մեկը հարվածի տակ չղնել: Սակայն թուրք-պարսկական պատերազմների ժամանակ Մայր Աթոռն անմիջապես դառնում էր այդ երկու պետությունների՝ նպատակասլաց գործողությունների վտանգավոր թատերաբեմ, իսկ Ամենայն Հայոց կաթողիկոսների ընտրություններն անցնում էին պետական աջալուրջ ուղադրության և անմիջական ազդեցությունների ներքո: Այս ամենը որոշակի լարվածություն էր մտցնում նաև արևելահայ և արևմտահայ կղերի փոխհարաբերություններում: Սույն մենագրությունը, զուգահեռ տարաժամանակյա հարցերի արծարծման հետ մեկտեղ, իր քննության կենտրոնում է պահում հե՛նց այդպիսի մի ժամանակաշրջանում՝ 1720-1730-ական թթ. առաջացած ներազգային-ներեկեղեցային մի շարք խնդիրներ:

* * *

Հայ եկեղեցու XVII-XVIII դարերի պատմությանն անդրադարձել են Հ. Տեր-Հովհաննյանը, Ղ. Ալիշանը, Գ. Աղանյանցը, Բ. Կյուլեսերյանը, Գ. Գալեմքյարյանը, Ն. Ակինյանը, Աչ. Հովհաննիսյանը, Հ. Անասյանը, Հ. Քյուրտյանը, Կ. Ամատունին, Գ. Բամպուքճյանը, Պ. Անանյանը, Մ. Թերզյանը, Լ. Խաչիկյանը, Հ. Միրզոյանը, Ս. Ճեմճեմյանը և այլ հայագետներ, որոնց ուսումնասիրությունների շնորհիվ ի հայտ են եկել բազմաթիվ կարևոր փաստեր, դեմքեր, անտիպ երկեր³: Հատուկ նշելի է 1912-1927 թթ. երեք հատորով լույս ընծայված Մ. Օրմանյանի կոթողային Ազգապատումը: Հետազոտողի համար Ազգապատումը մի անփոխարինելի հիմք է և ուղեցույց, որը մինչև օրս էլ շարունակում է մնալ ու գործածվել իբրև Հայոց եկեղեցու պատմության եզակի հանրագիտարան: Այսուամենայնիվ, աղբյուրագիտական ու պատմագիտական հետազա ձեռքբերումների համեմատ Ազգապատումը, իր անփոխարինելի պատմագիտական արժանիքներով հանդերձ, բնականաբար, զգալիորեն հնացել է, ներառյալ՝ մեր հետազոտությանը վերաբերող ժամանակահատվածի մասով:

XVII-XVIII դարերի Հայոց եկեղեցու պատմութեան հետազոտումը երեք հիմնական բարդութիւն ունի:

Առաջին՝ Հայոց պատմութեան այս ժամանակաշրջանն առհասարակ շատ թերի է ուսումնասիրված. բազմաթիվ առանցքային հարցեր մնում են դեռևս մութ ու սպասում իրենց հետազոտողներին:

Երկրորդ՝ Խորհրդային Միութեան 70-ամյա գոյութեան շրջանում Հայաստանում, փաստորեն, անհնար էր ազատորեն ուսումնասիրել Հայ եկեղեցու պատմութիւնը, դավանանքը, կանոնակարգը, ծիսակարգը: Արդունքում՝ այդ տարիներին ի Հայտ բերված ու հրատարակված բազմաթիվ բնագրերն ու հետազոտութիւնները չհամադրվեցին և չընդհանրացվեցին Ազգապատում-ին համարժեք մի նոր հիմնարար աշխատութեան մեջ, որի պահանջը մեծ է և՛ գիտական, և՛ ընթերցող լայն հանրութեան համար:

Եվ երրորդ՝ մահմեդական տիրապետութեան օրոք Հայ եկեղեցու խորը ներգրավվածութիւնը Հայոց ազատագրական շարժումների մեջ, անվտանգութեան պահանջներից ելնելով, պահվել է հույժ գաղտնի: Ըստ այդմ էլ՝ Հայ եկեղեցու գործունեութեան գաղտնի մասին վերաբերող սկզբնաղբյուրները չափազանց սուղ են, քանի որ ժամանակակիցներն համապատասխան մանրամասնութիւնները (մի քանի բացառութեամբ)⁴ միտումնավոր գրի չեն առել, իսկ գրառված փաստերի գերակշիռ մասը մեզ չի հասել՝ ոչնչացվելով դեռևս այն ժամանակ:

Գաղտնիութեան քողը Հայոց «ընդհատակյա պատմութեան» (այն է՝ զինված պայքարի գաղտնի նախապատրաստութիւնների և զուգահեռաբար քրիստոնյա հզոր պետութիւններից ռազմական օգնութիւն ստանալու վերաբերյալ տարվող շարունակական բանակցութիւնների), ինչպէս նաև 1720-ական թթ. բուն ազատամարտի շատ դրվագների վրայից կարող էր ընկնել միայն այն դեպքում, եթե Հայաստանի ազատագրութիւնն իրականութիւն դառնար և ականատես գործիչները, այդ թվում հոգևորականները, հնարավորութիւն ունենային ազատորեն վերհիշել և շարադրել իրենց տեսածն ու ապրածը: Սակայն ազատագրութիւնն ուշացավ և Հայաստանում մահմեդական տիրապետութիւնը տևեց մի քանի դար: Ուրեմն հասկանալի է, թե Հայ ազատագրական շարժումների՝ քանի-քանի պատ-

մություն և անուն է թաղված մնացել անհայտության մեջ:

Ներկայացնենք խնդիրն ավելի առարկայորեն:

Տակավին 1703 թ. մայիսի 27-ին Հայ մեղիքները գրում էին Պետրոս Ա ցարին, թե «չընդապատված ենք անհավատների լրտեսներով» (...окружены шпионами неверных...):⁵

15 տարի անց՝ 1718 թ. սեպտեմբերի 24-ին, խոր ընդհատակում եռանդով գինված ելույթին նախապատրաստվող Հայոց ուժերի պարագլուխներից մեկը՝ Գանձասարի կաթողիկոս Եսայի Հասան-Ջալալյանը, գրելով Ռուսաստանում 1711 թ. ի վեր Հայ ազատագրական շարժման լիազոր ներկայացուցիչ Մինաս վարդապետ Տիգրանյանին, նորից ու նորից նախազգուշացնում էր նրան հույժ գաղտնիություն պահպանելու անհրաժեշտություն մասին (ուսեսերեն թարգմանություն մը պահպանված այս նամակից մեջ ենք բերում մեզ հուզող խնդիրը լուսաբանող մի հատված).

«մեր անկյալ ազգը՝ բոլոր Հայ քրիստոնյաները, մեծավորներն ու փոքրավորները, ազատություն են տեսնում... որքան ուժեր ունենք՝ բոլորը պատրաստություն մեջ են գտնվում և ակնկալում հասնել այն օրվան, երբ հնուց ի վեր սպասված ազատությունը նորից ամբողջ սրտով կստանանք: ...մյուս հարցերի մասին Այվազը⁶ ձեզ բանավոր կգեկուցի: Թեև ցանկանում էինք այս նամակն առավել մանրամասն շարադրել, սակայն բազմաթիվ պատճառներով վախեցանք, չհամարձակվեցինք: Սա էլ գրեցինք, անսալով Այվազի թախանձագին խնդրանքներին, հավատ ընծայելով նրա երդմանը: Նրան նաև համառոտաբար մեր ձեռնարկի մասին պատմեցինք: ...եթե հանկարծ մեր ժողովրդից որևէ չար մարդ կամ լրտես տեսնի կամ լսի այս նամակների մասին՝ իմացած եղեք, որ մեր վերջն արդեն եկավ, իսկ Տուսն այս հիմքից կքանդվի: Այդ իսկ պատճառով էլ՝ բարեհաճեք աչալը ձորեն գործել և մեր ձեռնարկն այնպիսի գաղտնիության մեջ պահել, որ որևէ մեկին բացահայտ չլինի ու, կրկնում եմ, հայտնի չդառնա: Դուք էլ գիտեք, որ մեր թշնամիներն ամենուր շատ են: Դարձյալ հաստատում եմ, վարդապետ, որ, եթե այս նամակների մասին իմանան, մեզ կոչնչացնեն: Գործն այնպես տեսեք, որ մեր մահից հետո էլ անգամ այն հայտնի չդառնա»⁷:

[...все, как малые, так и большие, упадшаго народа християне армянские желают свободы..., а оных сколько есть силы, все в готовности обретаются и ожидают видеть тот день,

в которой бы новую издавна желаемую свободу от всего сердца получить!

...о прочем Айваз вам словесно донесет... И хотели бы мы писать плодovitое письмо, но от страху не посмели, для многих случаев, а сие писали по многому прошению Айваса, которому по присяге ево поверя, дело вкратце означили. ...ежели о сих письмах... из нашего народу или какой злой человек, или шпион приметит или услышит, то знайте, что уже нам конец будет, а сей дом от основания разорится. Того ради вы извольте, очи свои разумно отворив, управлять и наше секретное дело крепко содержать, чтоб никому было явно и, паки повторяю, дабы не было известно; а и вы знаете, что наших врагов везде есть в готовности много. Еще подтверждаю вам, Вартабед, что ежели о сих письмах узнают, то нас погубят. Но вы делайте дело так, чтоб и по нашей смерти не знатно было⁸.]

Հետաքրքիր է, որ Եսայի Հասան-Ջալալյանի՝ Մինաս վարդապետին տված զգուշացում-առաջադրանքը, թե՛ «գործն այնպես տեսեք, որ մեր մահից հետո էլ անգամ այն հայտնի չդառնա»⁸, վերջինս կատարում է անթերի, մինչև իր կյանքի վերջը: Այսպես՝ 1740 թ., վախճանվելուց ընդամենը մի քանի շաբաթ առաջ, Մինաս վարդապետը կտրուկ հրաժարվում է բացահայտել պարսկերեն լեզվով գրված մի փաստաթղթի բովանդակությունը՝ ասելով, որ այդ մասին որևէ մեկը չպետք է իմանա. ինչպես պատմում էին ռուս չինովնիկները՝

«Սնդուսված մեծ թղթի վրա՝ պարսկերենով գրված մի թերթ, իսկ թե ի՞նչ գործի մասին է այն գրված՝ Վարդապետը հրաժարվեց բացահայտել՝ ասելով, որ այդտեղ գրված գործի մասին որևէ ոք չպետք է իմանա»⁹:

[Лист писанной персидским письмом на большой бумаге лощенной, а о каком деле оной писан, о том он, Вартабед, не объявил, а сказал, что о деле писанном в том, никому партикулярным знать не подлежит.]

Նմանապես՝ լեհահայ հայտնի գործիչ Ստ. Ռոչքան, 1730-ականների կեսերին գրում էր, որ չի կարող հրապարակել այն հայ մելիքների անունները, որոնք 1699 թ. ապրիլի 19-ին Անգեղակոթում հեղինակել էին Հռոմի պապին ուղղված մի նամակ՝

«զորոց անուանան վասն պատճառի ուրուք լուծմ. գթուղ-
թն ես ինքնին թարգմանեցի, որով զհնազանդութիւն տալով
Սուրբ Աթոռոյն Հռոմայ, խնդրէին զօգնութիւն ազատելոյ ի լծոյն
անհաւատից»¹⁰ (ընդգծումն իմն է՝ Ա.Ա.):

1700 թ. մայիսի 10-ին Իսրայել Օրին և Մինաս Տիգրանյանն այս նամակը հանձնել են Հռոմի պապին¹¹: Հայ-կաթողիկ հարաբերու-
թյուններին այդքան ուշադրություն դարձրած հռոմեադավան հեղի-
նակները զարմանալիորեն չեն նկատել այն տրամաբանական կապը,
որ կա հայ մելիքների՝ 1699 թ. գրած այս նամակի և նույն 1699 թ.
Ամենայն Հայոց կաթողիկոս Նահապետ Եղեսացու և Երուսաղեմի
Հայոց պատրիարք Մինաս Ամրեցու Հռոմի պապին հասցեագրած և
նրա գերակայությունը ձևականորեն ճանաչող նամակների միջև¹²:
Այնինչ՝ այդ կապը ցույց է տալիս, որ և՛ Նահապետ կաթողիկոսի, և՛
Մինաս պատրիարքի գրություններն ունեցել են մի պարզ և հստակ
նպատակ. պապի գերակայության առերես ճանաչմամբ՝ աջակցել
1700 թ. մայիսին Հայաստանի ազատագրության խնդրով Հռոմում
Իսրայել Օրու գլխավորած հայկական պատվիրակության վարած բա-
նակցություններին:

1720-ական թթ. հայ ազատագրական շարժմանն անձամբ
մասնակցած եկեղեցական ու քաղաքական բազմաթիվ գործիչներ,
իրենց թողած հուշագրություններում դիտմամբ քար լուռթյուն են
պահպանել ինչպես իրենց նախկին գործունեության, այնպես էլ առ-
հասարակ հայոց մղած երկարատև (1722-ից մինչև 1735 թ.) ազատա-
մարտերի մասին (սույն ուսումնասիրությունը մանրամասն քննում է
է Մինաս Փերվազյանի, Ղազար Զահկեցու և մի շարք այլ գործիչնե-
րի այդպիսի պահվածքը):

Հայ գործիչները նույնանման մտահոգություններով են
առաջնորդվել նաև ավելի վաղ և ավելի ուշ շրջանում: Միքայել
Չամչյանն, օրինակ, 1783 թ. ապրիլի 26-ին գրում էր եղբորը.

«...ազգ մեր յայնպիսի վիճակի է այժմ, գորմ է բազում
զգուշութեամբ պարտ է գրել, հայելով ի բազում պարագայս, զի մի՛
փոխանակ օգտի՝ այլոյ առիթ տացի»¹³:

Պատմաբաններից ոմանք հպանցիկ նկատել են այս երևույ-
թը: Հ. Անասյանը, խոսելով 1660-1670-ական թթ. հայ բարձրաստի-

ճան կղերի ազատագրական նկրտումների մասին նկատում էր. «Եղի- ազարի գործունեությունն այս մասը քողարկված է թանձր մշուշով, և չէր էլ կարող քողարկված չլինել, քանի որ կապված էր հայոց ազա- տագրության խնդրի հետ, որը քաղաքական խնդիր էր: Այս նույն պատճառով արդեն խաչատուր Գաղատացու գործունեությունն ներ- քին ծալքերի մասին էլ բացարձակապես ոչինչ չենք գտնում հայկա- կան աղբյուրներում»¹⁴:

Մ. Օրմանյանը, անդրադառնալով Աբրահամ Կրետացի կա- թողիկոսի (1734-1737)՝ Սյունիքի և Արցախի միջով կատարած ուղևորությանը և այդ մասին նրա արած գրառումներին, նշում է. «Իրավ յուր ժամանակը արդեն ջնջված էր հայկական շարժումը, բայց կերևի թե հիշատակն ալ կորած էր, կամ թե հիշելն ալ վտանգավոր էր, որ Կրետացին Մուղանի ուղևորության մեջ հայկական պատե- րազմներուն ասպարեզ եղող ձորերեն ու դաշտերեն ալ անցնելով, բնավ անոնց մասին միտք չդարձներ»¹⁵: Անշուշտ, ճիշտն Օրմանյանի երկրորդ ենթադրությունն է, որովհետև 1720-ականների հայոց ազա- տամարտի հիշողությունը չկորավ երբեք ու առավել ևս կորած լինել չէր կարող 1730-ականների կեսին:

1760-1770-ական թթ. հայ ազատագրական շարժման երևելի գործիչ Հովսեփ Էմինի հուշերը մանրագնին քննելով, Ա. Ռ. Հովհան- նիսյանն էլ նման մի դիտողություն է անում, գրելով. «Այս բոլոր իրադարձությունների մասին Էմինը խոսում է շատ զուսպ, հավանա- բար, վախենալով վարկաբեկել խառնված անձերին»¹⁶:

Խնդրո առարկա հարցերի ուսումնասիրությունն ավելի է դժվարանում՝ մեզ հասած սկզբնաղբյուրների տարանջատ- վածություն, հատվածականություն, բազմալեզու և տարատեսակ լինելու պատճառով: Այդ նյութերից են այլազան վավերագրերը, նե- րառյալ՝ գաղտնի նամակագրությունը, որտեղ բանեցված է երկի- մաստ կամ նույնիսկ ծածկագրված լեզու, երբեմն էլ՝ միտումնավոր ապատեղեկատվություն: Կարևորվում են նաև ցաք ու ցրիվ (հաճախ՝ հակասական) դրվագային տեղեկությունները, որոնք պահպանվել են եվրոպացի, ռուս, պարսիկ, օսմանցի, հայ և վրացի ժամանակակից հեղինակների երկերում, հուշերում, դիվանագիտական, ռազմական ու հետախուզական զեկուլցագրերում:

Բացառիկ հավաստիություններ են ընկնում դիվանական

փաստաթղթերը: Հայ եկեղեցու և բարձրաստիճան հոգևորականության անմիջական մասնակցությունը հայ ազատագրական շարժման ընդհատակյա գործունեությունը հնարավոր դարձավ որոշ չափով լուսաբանել ռուսական և եվրոպական դիվաններից քաղված նյութերի մի շարք ժողովածուների հրապարակումից հետո միայն¹⁷: Ավելին՝ նույն վավերագրերը հաճախ միակ աղբյուրն են, որ ընդմիջտ անհայտությունից փրկում են 1720-ական թթ. հայոց հուժկու ազատամարտի բազմաթիվ փառավոր էջերը:

Եթե հրապարակված ժողովածուներն արդեն իսկ արժանացել են պատմաբանների ուշադրությունը (թեև անելիքները դեռ շատ են), ապա նույնը չի կարելի ասել Սիոն հանդեսում հրապարակված՝ Ս. Հակոբյանց վանքի դիվանական հարուստ նյութերի մասին, որոնք մնացել են «հում»՝ չուսումնասիրված վիճակում ու դեռ նոր-նոր պետք է հետազոտվեն: Այս նյութերը վերաբերում են հիմնականում Երուսաղեմի հայոց պատրիարքությունը, սակայն լույս են սփռում նաև Հայաստանյայց եկեղեցու պատմության մի շարք կարևոր հարցերի վրա:

Ուշագրավ են Վենետիկի Ս. Ղազար կղզու Մխիթարյան միաբանության դիվանից քաղված որոշ նյութերը (նամականի, հուշագրություններ, ինքնակենսագրություններ), որոնք վերջին տարիներին տպագրվել են ինչպես Բազմավէպ հանդեսի, այնպես էլ առանձին ժողովածուների և մենագրությունների մեջ:

Երուսաղեմի Ս. Հակոբյանց վանքի և Ս. Ղազարի մատենադարանների նորերս լույս տեսած ձեռագրացուցակներում հրապարակվել են նաև մինչև այժմ անհայտ հիշատակարաններ¹⁸:

Հատուկ նշենք, որ մեր քննության հիմնական հատվածը հենվում է փոխկապակցված մի շարք հետազոտությունների վրա, որոնք ընդգրկված են սույն գրքի հավելվածների բաժնում (այս առումով հատկապես կարևոր է Հավելված Ա ուսումնասիրությունը):

ԾԱՆՈԹԱԳՐՈՒԹՅՈՒՆՆԵՐ

¹ Ասվածն, Իհարկե, չի նշանակում, թե մեզանում անհրաժեշտ է միապետություն հաստատել կամ վերադառնալ հին կացութաձևերին և օրենսդրությունը: Ամենևին: Խոսքը վերաբերում է ընդամենը հայկական աշխարհընկալ-

ման, ազգային բնավորության և ավանդական վարքուբարքի հիման վրա կառուցվելիք ներհասարակական հարաբերություններին և պետական մեխանիզմներին:

² Հայ եկեղեցու պատմությունը Հայաստանի ընդհանուր պատմության անբաժան մասն է: Այն ծրագրված ու հետևողական ուսումնասիրության կարիք ունի: Ուստի Հայ եկեղեցու պատմությունն ուսումնասիրող պատմագիտահետազոտական առանձին կենտրոնի հիմնումն ու այլևս անխափան աշխատանքը հասունացած անհրաժեշտություն են:

³ Տե՛ս աստ, *Օգտագործված աղբյուրների և գրականության ցանկ*:

⁴ Բացառությունների մեջ պետք է հիշատակել երեք սկզբնաղբյուր. ա) 1730-ական թթ. Վենետիկում՝ 1720-ականների Սյունյաց ազատամարտին մասնակից գործիչների բերանից Ղուկաս Սեբաստացու գրի առած ու խմբագրած պատմությունը (տե՛ս *Դաւիթ Բէկ կամ «Պատմութիւն Ղափանցոց»*: Աշխատասիրեց Սամուէլ Արամեան, Վենետիկ-Ս. Ղազար, 1978). բ) Աբրահամ Երևանցու *Պատմութիւն պատերազմացն 1721-1736 թուի՝ 1730-1740-ականներին շարադրած գործը* (Վենետիկ-Ս. Ղազար, 1977). և գ) Եսայի Հասան-Ջալալեանի 1722-1727 թթ. միջև հեղինակած *Պատմութիւն համառու Աղուանից երկրի* երկը (Երուսաղէմ, 1868):

⁵ **Г. А. Эзов**, *Сношения Петра Великого с армянским народом. Документы, извлеченные из Московского главного и С.-Петербургского архивов Министерства Иностранных Дел, ... и других учреждений* (СПб.: Типография Импер. АН, 1898), с. XXXVII.

⁶ Այվազը Հայ կապավոր էր, ռուսական ծառայության մեջ հայտնի էր Սիմեոն Ռոմանով անունով (տե՛ս АРО, II, с. 342, прим. 87):

⁷ Տե՛ս АРО, I, док. 155, с. 371-372:

⁸ 1721 թ. ապրիլի 5-ին Մինաս վարդապետին ուղղած իր նամակում՝ Եսային ևս մեկ անգամ շեշտում էր այս խնդիրը. «Բայց զայս պնդագոյն պատուի սիրելոյդ որ յետ եւ յառաջ իմ ամենայն թուղթք որ այսմ խորհրդոյ առ քեզ եւ այդր գրեալ եմ, պիտի որ թէ ի կենդանութեան քում, կամ թէ զկնի մահուան, եւ մեր ազնեաց ոչ ոքաց ձեռն չանկանի, որ մեծ վնաս կուհասանի սուրբ աթոռոյս եւ մեզ, լաւ իմասցիս զայս եւ հոգասցիս եւ զզուշասցիս վասն ապագային, զի մի հասցեն մեզ պատիժք եւ դու լիցիս պատճառ այսպիսի իրաց» (АРО, I, док. 162, с. 384):

⁹ АРО, III, док 97, с. 132.

¹⁰ **Ստ. Ռօջբայ**, *Ժամանակագրութիւն կամ տարեկանք եկեղեցականք* (Վիեննա, 1964), էջ 190:

¹¹ «Իսրայէլ Օրին, Պերօջ իշխանի որդին, ընդ իւր բերեալ զՄինաս վարդապետն Խարբերոցի, եկն ի Հռոմ եւ մատոյց Իննոջ. ԺԲ-ին զթուղթն ի տասն

Մայիսի Մելիքաց Հայոց գրեալ յԸնկեղակութ յամի 1699 Ապրիլի 19»․ - նույն տեղում:

¹² Տե՛ս Ստ. Ռօշքայ, *Ժամանակագրութիւն...*, էջ 190. Մինաս Ամդեցու 1699 թ. դեկտեմբերի 11-ի նամակի ամբողջական հրատարակումը տե՛ս Կարապետ Ամատունի, «Մինաս վրդ. Ամդեցի, Պատրիարք Երուսաղէմի (1630-1704 նոյմբ. 24)»․ - *Յանդէս Ամսօրեայ*, 1983, էջ 79-82:

¹³ Սահակ ձեմճեմեան, *Հ. Միքայէլ Չամչեան եւ իր Հայոց պատմութիւնը* (Վենետիկ-Ս. Ղազար, 1983), էջ 22:

¹⁴ Հ. Ս. Անսայան. *XVII դարի ազատագրական շարժումներն Արևմտյան Հայաստանում* (Երևան, 1961), էջ 256:

¹⁵ ԱԶԳ, սյուն. 1989, էջ 2911:

¹⁶ А. Р. Иоаннисян, *Иосиф Эмин* (Ереван: Изд. ЕГУ, 1945), с. 285.

¹⁷ Տե՛ս Գ. Ա. Эзов, *Сношения Петра Великого с армянским народом...*, ук. соч. 1898. *Армяно-русские отношения в 1-ой трети XVIII века*. Сборник документов, Т. II, часть I. Под редакцией Аш. Иоаннисяна (Ереван, 1964), Том II, часть II. Под редакцией Аш. Иоаннисяна (Ереван, 1967). *Армяно-русские отношения во втором тридцатилетии XVIII века*. Сборник документов. Том III. Под редакцией В.К. Восканяна (Ереван, 1978).

¹⁸ Յանկանում ենք հատուկ ընդգծել, որ հայագիտության այս երկու օջախներում վերջին տասնամյակներում կատարված աշխատանքի համար պարտական ենք նախ և առաջ երջանկահիշատակ Նորայր արքեպս. Պողարյանին և Աբբահայր Սահակ ձեմճեմյանին:

Գ Լ Ո Ւ Խ Ա .

**ԱՄԵՆԱՅՆ ՀԱՅՈՑ ԿԱԹՈՂԻԿՈՍԻ ԸՆՏՐՈՒԹՅԱՆԸ՝ ԲՋՆԻԻ,
ՀԱՂԲԱՏԻ, Ս. ԹԱԴԵՈՍԻ ԵՎ ՏԱԹԵՎԻ
ԱՐՔԵՊԻՍԿՈՊՈՍՆԵՐԻ ՀԱՎԱՆՈՒԹՅՈՒՆ ՏԱԼՈՒ ԿԱՆՈՆԸ
(առաջացման ժամանակն ու հանգամանքները)**

Խոսելով 1114 թ. Կիլիկիայում՝ «ի Սեաւ Լեառն» գումարված եկեղեցական մեծ ժողովի մասին, որտեղ քննության էին դրված նաև Աղթամարի կաթողիկոսության իրավասությունները, Միքայել Չամչյանն, իմիջիայլոց, գրում էր.

Եւ թուի թէ յայս ժողով սահմանեցաւ այն կանոն, զի յընտրութեան կաթողիկոսի լիցի միաձայն հաւանութիւն չորից գլխաւոր Աթոռոց արքեպիսկոպոսաց՝ որ ի Մեծն Հայս¹, այսինքն են՝ Բջնոյ, Հաղբատայ, Թարէոսի վանաց, որ յԱրտագ, եւ Ստաթեւու կամ Տաթեւու. եւ եղաւ վճիռ՝ զի առանց հաւանութեան սոցա անվաւեր լիցի ընտրութիւնն²:

Հետագայում այս տեղեկությունը ձեռք բերեց պատմական ստույգ փաստի համարում, քանի որ այն վկայակոչել են բազմաթիւ հայագետներ՝ Ղ. Ինճիճյանը, Մ. Մսերյանցը, Ղ. Ալիշանը, Վ. Մանկունին, Կ. Կոստանյանցը, Մ. Պոտուրյանը, Մ. Օրմանյանը, Բ. Կյուլեսերյանը, Մ. Հասրաթյանը, Լ. Խաչիկյանը³:

Թժվարկված հեղինակներից մասնակի վերապահություն էին կատարել միայն Ղ. Ալիշանն ու Լ. Խաչիկյանը: 1873 թ. Ալիշանը նկատում էր, որ «ինչպես անտարակույս չէ այս ժողովիս մեջ կանոնվիրն, նույնպես ալ տարակուսելի է, թե հաջորդ կաթողիկոս ընտրու-

Թյանց մեջ պահզվա՞ծ է միշտ կանոնն թե ոչ»⁴: Քսան տարի անց, դարձյալ անդրադառնալով նույն հարցին, Ալիշանն արդեն վերագրում էր կանոնը XIII դարին կամ նույնիսկ ավելի ուշ շրջանի. «Յայնմ (13) դարու կամ զկնի երեւին հաստատեալ օրէնքն չձեռնադրելոյ կաթողիկոս Հայոց՝ առանց հաւանութեան կամ ներկայութեան չորից գլխաւոր եպիսկոպոսական աթոռոց ժամանակին, յորոց մին էր Սիւնեացն»⁵:

Իսկ Լ. Խաչիկյանն իրավամբ պնդում էր, որ 1114 թ. նման կանոնակարգ չէր կարող ընդունվել.

Այդ տարածված կարծիքը հիմնադրուկ է ու սխալ. 1114 թ. Արտազի աթոռ գոյություն չի ունեցել, իսկ Բջնին, XII դարում հայոց եկեղեցու նվիրապետության առումով, աննշան մի վայր է եղել... Կաթողիկոսական ընտրության վերոհիշյալ կարգը, մեծ հավանականութամբ, հաստատվել է հենց 1293 թ. խնդրո առարկա ժողովում, որը գումարվել էր Հռոմկլայի անկումից հետո՝ կաթողիկոսական աթոռի համար նոր նստավայր որոշելու և նոր կաթողիկոսի ընտրությունը նախապատրաստելու նպատակով: Այս թյուրիմացությունը, ըստ երևոյթին, ծագել է Գրիգոր Անավարզեցի կաթողիկոսին Գրիգոր Գ. Պահլավունի (Փոքր վկայասեր) կաթողիկոսի (1113-1166) հետ շփոթելու հետևանքով⁶:

Չամչյանի տեղեկությունն ամբողջովին մերժել է միայն մխիթարյան միաբան Վարդան Հացունին.

Մեր նախնյաց մատենագրության մեջ գոյություն չունի, և անգիր ավանդություն կամ լոկ թվիք մը էր անշուշտ այն «կանոնը», որ Չամչյանին «թվէր» սահմանված 1114ին գաղթամարցիս բանադրող ժողովեն, - և զոր կրկնեցին Ինճիճյան, Հ. Ալիշան, Մսերյանց և այլք ևս... Այսպիսի վճիռ չէ տրված երբեք. ինչպես ձրի էր Օրբելյանի պահանջն ալ՝ թե «առանց սոցա (այսինքն եպիսկոպոսաց Սյունյաց - Վ. Հ.) ոչ ձեռնադրի պատրիարք Հայոց, եւ ոչ լինի ժողով [ընտրութեան], այլ գլուխ եւ հրամանատար ժողովո սոքա լինին»⁷: Պատմչիս օրով իսկ և առանց յուր ներկայության - մանավանդ մին յուր կամաց հակառակ - ընտրվեցան Ստեփանոս Դ ու Գրիգոր Անավարզեցի, և ընտրությունը հավասարապես հաջող ու վավերական եղավ⁸:

Նախ՝ անդրադառնանք Լ. Խաչիկյանի առաջադրած ժամանակագրական սրբագրությունը: Եթե խնդրո առարկա ընտրակարգն իրոք հաստատված լիներ Կիլիկիայում 1293 թ. կայացած ժողովում, ապա այս մասին անպայման հանգամանորեն կհաղորդեր Ստեփանոս Օրբելյանը՝ 1297 թ. ավարտին հասցրած⁹ իր «Սյունիքի պատմություն» մեջ: Տաթևի գիտնական առաջնորդը պարզապես չէր կարող չըջանցել այդօրինակ ծանրակշիռ մի որոշում, որն իբր մի աննախադեպ պատվաբեր լիազորություն էր դնում անձամբ իր ու իր փառաբանած Աթոռի հաջորդ գահակալների վրա: Այսպես պիտի լիներ նաև այն պատճառով, որ նույն ժողովի ժամանակ կաթողիկոս ընտրված Գրիգոր Անավարզեցին (1293-1307) նախ և առաջ իրեն էր տեղյակ պահում եկեղեցական-քաղաքական այլևայլ կարևոր խնդիրների մասին. «...մեր հայերուն Արեւելցւոյ մեծերուն զիրքս գիտացուցեալ եմք եւ կեցուցեալ: Առաջինն Օրպելին, որ է Սիւնեաց արհիեպիսկոպոս... ցուցաք զգիրքսն եւ հաստատեցաք այս տարի (իմա 1294 թ. Ա.Ա.)...»¹⁰: Այսուհանդերձ, Ստ. Օրբելյանն իր երկում ոչինչ է ասում այդ կանոնի մասին, իսկ կաթողիկոսի ձեռնադրության ժամանակ Սյունյաց աթոռակալի «հրամանատարության» վերաբերյալ նրա պնդումը՝ կարճ, բայց և սպառիչ կերպով հերքում է Վ. Հացունին (տե՛ս վերը):

Ավելին, 1293-ի ժողովը, անցնելով ամբողջ հայությունը կաթողիկոսացնելու մարմաջով բռնված Հեթում Բ թագավորի (1289-1294, 1295-1296, 1299-1307) թելադրանքով, կաթողիկոս էր ձեռնադրել լատինամետ կուսակցության պարագլուխ Գրիգոր Անավարզեցուն¹¹: Հետևաբար, այն չէր կարող միաժամանակ հայ նվիրապետության գլխավոր իրավասությունը՝ կաթողիկոս ընտրելու մանդատը, ընդմիջտ շնորհել հայադավանությանը կառչած և հայոց լատինամետ թագավորի վարչական հսկողության սահմաններից դուրս գտնվող արևելյան չորս հեռավոր աթոռներին¹²:

Այսպիսով, Լ. Խաչիկյանի սրբագրումը ևս ընդունելի չէ: Սակայն, հաստատելուց կամ հերքելուց առաջ Վ. Հացունու պնդումը՝ այն է, թե բացի Չամչյանից, «մեր նախնյաց մատենագրության մեջ գոյություն չունի» այդպիսի կանոնի մասին որևէ այլ տեղեկություն, անհրաժեշտ է պատասխանել ևս մի քանի հարցի. ի՞նչ հիմքեր է ունեցել Չամչյանը նմանօրինակ պատասխանատու հայտարարություն

անելու համար: Արդյո՞ք եղել է մի սկզբնաղբյուր, որից նա քաղել է իր տեղեկությունը, և, եթե եղել է, որքանո՞վ է ա՛յն արժանահավատ:

Խնդիրը հետազոտողները չեն նկատել, որ Չամչյանից հինգ տասնամյակ առաջ նույն հաղորդումով հանդես էր եկել հայ նշանավոր աստվածաբան, բանաստեղծ ու եկեղեցական գործիչ, 1737-ից մինչև 1751 թ. Ամենայն Հայոց կաթողիկոս պաշտոնավարած Ղազար Զահկեցին: 1733 թ. Կ. Պոլսում լույս տեսած իր Դրախտ ցանկալի կարևոր աշխատության մեջ¹³, հայոց հայրապետների գավազանագիրքը ներկայացնող բաժնում (էջ 577-611) խոսելով Վահան Ա. Սյունեցի կաթողիկոսի (968-969) գահընկեցություն մասին՝ Ղազար Զահկեցին անում է հետևյալ գրառումը (ստորև այն և Չամչյանի հաղորդումը ներկայացնում ենք գուգահեռաբար)․

«Տէր Վահան՝ ամա ա (1):

Սա աղանդաւորելով զգայլենիսն գառնենեաւ թաքուցեալ ընդ աղօտ իմն տեսութեամբ, այլ յորժամ ծայրացեալ եղեւ փառաւոր իշխանութեամբ, յայնժամ արծարծամբ հրատարակեաց զաղանդն հերձուածողութեան: Յաղաքս որոյ ժողովեալ չորից ավթուակալաց, այսինքն՝ Տաթեւու վանից, եւ Թաղէսի առաքելոյն, եւ Ախպատու, եւ Բջնուոյ՝ արտաքսեցին զնա յԱթուռոյն: Քանզի նախկնական կարգ մեր այս է. որ այն չորիցն բանիւք եւ հաւանութեամբ նստցին կաթողիկոսունք եւ ի նոցանէ օծցին: Եւ եթէ ոչ գնասցեն ըստ հայրենական ականդութեանց եւ քաղաքաւարութեանց Հայաստանեայց եկեղեցւոյ, արտաքսեցին հրամանաւ նոցունց, վասնզի նոքա են պատօզք եւ ո՛չ այլոք: Յաղաքս որոյ ընկեցիկ լեալ ի նոցունց անտի...»¹⁴:

«Եւ թուի թէ յայս ժողով սահմանեցաւ այն կանոն, զի յընտրութեան կաթողիկոսի լիցի միաձայն հաւանութիւն չորից գլխաւոր Աթուոց արքեպիսկոպոսաց՝ որ ի Մեծն Հայս, այսինքն են՝ Բջնոյ, Հաղբատայ, Թաղէսի վանաց, որ յԱրտագ, եւ Ստաթեւու կամ Տաթեւու. եւ եղաւ վճիռ՝ զի առանց հաւանութեան սոցա անվաւեր լիցի ընտրութիւնն»¹⁵

(ընդգծումն՝ Ա.Ա.):

Այս երկու հաղորդումների կառուցվածքային ու նաև բառային հարազատությունն անմիջապես մատնում է մեկի ծագումը մյուսից. Չամչյանը, մասնավորապես, գլխիվայր է շրջել Աթոռների հերթականությունը և համառոտել է մի քանի նախադասություն: Վստահելով Ղազար Զահկեցու հեղինակությունն ու բանիմացությունը, գուցե նաև ունենալով լրացուցիչ այլ տեղեկություններ՝ Չամչյանը հավաստի է համարել չորս Աթոռների մասին այս հաղորդումը: Միևնույն ժամանակ, սակայն, Չամչյանն իրավացիորեն անստույգ է նկատել այս «նախկնական կարգի» առաջ գալը IV-IX դարերում, ու նաև X դարում, երբ, ըստ Ղ. Զահկեցու, այն իբր արդեն գործի էր դրվել: Ուստի, կասկածելով Ղ. Զահկեցուն ժամանակագրության հարցում սխալվելու մեջ՝ Չամչյանը վերագրել է կանոնի ծնունդը իրեն ամենահավանական թված պատմական պահին (այստեղից էլ նրա «Թուխ թէ» դարձվածը): Ղազար Զահկեցուն այսպես սրբագրելով, Չամչյանն առաջնորդվել է իր բազմիցս կիրառած տրամաբանական-կիրականայական եզրահանգման նույն այն խմբագրական եղանակով, որ մենք ժամանակին սահմանել էինք նրա մեկ այլ սկզբնաղբյուրը քննելիս¹⁶:

Համենայն դեպս, մեր հերթին ստուգելով Ղ. Զահկեցու հաղորդումը, համոզվեցինք, որ սկզբնաղբյուրները լուծւմ են Վահան Սյունեցու գահընկեցություն գործում չորս Աթոռների իբր վճռորոշ դեր խաղացած լինելու մասին¹⁷: Ավելին, Ասողիկը հականե-հանվանե հիշում է Վահան Ա-ին աթոռազրկած՝ 969 թ. Անիի եկեղեցական ժողովի ամենաազդեցիկ մասնակիցներին. «Տէր Խաչիկ Արշարունեաց եպիսկոպոս եւ հայր Պողիկարպոս՝ առաջնորդ Կամրջաձորոյ, եւ հայրն Սարգիս Հոռոմոսի վանաց վանական եւ հայր Ստեփանոս Սեւանայ վանաց վանական, եւ այլ եպիսկոպոսունք եւ հարք բազումը»¹⁸: Ինչպես տեսնում ենք, հանվանե հիշված, այսինքն՝ իրենց դիրքով կամ գործունեությամբ աչքի ընկած չորս գործիչներից երեքը Շիրակ նահանգից էին, որտեղ էր նաև կաթողիկոսանիստ Արգիւնան և ամենակարևորը՝ արքայանիստ Անին: Ժողովին Շիրակի հոգևորականների ցուցաբերած այսպիսի ակտիվությունը խոսում է հոգևուտ Մ. Օրմանյանի այն ենթադրության, ըստ որի Վահան կաթողիկոսի գահընկեցությունը պայմանավորված էր ինչ-ինչ պատճառներով ծագած «հակառակություն» նրա և Անիում նստող

Բագրատունի թագավոր Աշոտ Ողորմածի միջև¹⁹: Բացի այդ, նոր կաթողիկոս ընտրված Ստեփանոս վանականը ևս չէր ներկայացնում Ղազար Զահկեցու մատնանշած չորս կենտրոններից որևէ մեկը, մանավանդ, որ 969 թ. Բջնիի, Արտազի և Հաղբատի եպիսկոպոսություններ պարզապես չեն եղել²⁰:

Ինչևէ, պարզ է, որ Տաթևի, Ս. Թաղեի, Հաղբատի և Բջնիի գերիրավասությունների մասին Ղազար Զահկեցու հաղորդումը չի համապատասխանում IV-XIV դարերի իրականություններին և սկզբնաղբյուրների տվյալներին: Շեշտենք, որ այս կանոնն անհայտ էր նաև Հայոց դատաստանագրքերի հեղինակներին²¹: Այս կարգի սահմանումը, թերևս, կարող էր առավել ճշմարտանման դիտվել Ամենայն Հայոց կաթողիկոսարանը Ս. Էջմիածին տեղափոխելու՝ 1441 թ. վաղարշապատում գումարված ժողովի կապակցությամբ, սակայն, Թովմա Մեծոփեցու և այլոց հաղորդումներում այդ մասին որևէ խոսքի բացակայությունն ի չիք է դարձնում նաև այս հավանականությունը: Ինչպես ցույց կտանք սույն ուսումնասիրությունից Հավելված Ա-ում, XVII դարում Հայոց կաթողիկոսական ընտրությունները հատուկ քննություն առարկա դարձրած Հայ հոգևորական երևելի գործիչները նույնպես անտեղյակ էին այսպիսի կանոնի գոյությունը²²:

Բայց ահա նույն կանոնի մասին հստակ տեղեկություն ենք գտնում նաև Սիմեոն Երևանցու Զամբու-ում.

«Եւ ի մէջ սոցին (խօսքը վերաբերում է Մայր Աթոռին ենթակայ վիճակների առաջնորդներին՝ Ա.Ա.) նախապատել եւ գերյարգելի զկնի կաթուղիկոսին՝ էին եւ են, որպէս պատրիարզ, չորից սրբոց եւ հռչակաւոր վանից առաջնորդքն, այսինքն. սրբոյն Թադէոսի առաքելոյ վանիցն՝ որ ի յԱրտազ գաւառի, սրբոյն Ստաթէի՝ որ ի Սիւնիս, սրբոյն Աստուածածնի վանիցն՝ որ ի Բջնի, եւ սրբոյն Նշանի վանիցն՝ որ ի Հաղբատ. որք են իբր աթուակալք եւ տեղապահք կաթուղիկոսին, որոյ եւ ի յընտրութեանն պարտին ներկայ գտանել եւ յօծմանն նախապէս զձեռն զնել ի գագաթ կաթուղիկոսին»²³:

Արդ, Զամբու-ը միակ օրինակով գրվել է 1765 թ. Էջմիածնում՝ Սիմեոն կաթողիկոսի (1763-1780) ձեռքով²⁴ նախատեսված լինելով միմիայն Մայր Աթոռի ներքին օգտագործման համար՝ «ի յօգուտ նոյնակերտի Աթոռոյս, ի յենարան եւ ի հեշտութիւն ի սմա նստօղ Հայ-

րապետաց, գործակալաց եւ համայն հարազատից պաշտօնէից սորին»²⁵: Այս մատյանի հետագա ճակատագիրը դեռևս պարզ չէ. ընդօրինակություններ հայտնի չեն, իսկ 1873 թ. հրատարակության առաջաբանում սոսկ ասված է, թե՛ «ոչ բազումք ամբ էին յորմէ հետէ ազատեցաւ սա ի գերութենէ»²⁶: Ամեն ինչից դատելով՝ Միմենոն կաթողիկոսի այս հաղորդումը Չամչյանին անծանոթ է մնացել: Այն (ինչպես և Ղազար Զահկեցու հաղորդումը) վրիպել է նաև չորս Աթոռների իրավասությունների խնդիրն արծարծած հետագա բոլոր հեղինակների ուշադրությունից: Այս տեղեկությամբ վերջնականապես ժխտվում է Վ. Հացունու կասկածամտությունը, քանզի Միմենոն կաթողիկոսը հաստատում է կանոնի հավաստիությունն ու կիրառումը իր իսկ գահակալության օրոք:

Ավելին, մեզ հաջողվեց հայտնաբերել նույն կանոնի մասին մի լրացուցիչ արժեքավոր հաղորդում ևս: Հայ եկեղեցու բարձրաստիճան գործիչ՝ Մինաս վրդ. Փերվազյանը (1680-1757)²⁷, իր անտիպ ինքնակենսագրությունում, հետևյալ մանրամասնություններն է հայտնում 1726 թ. փետրվարին Կ. Պոլսում տեղի ունեցած կաթողիկոսական ընտրությունների մասին.

«...ահա եհաս առ իս թուղթ ի Կոստանդնուպոլսոյ՝ գրեալ ի պատրիարգէ եւ ի մեծամեծաց հայոց, յորում փութացուցանէին զիս հասանել ի Կոստանդնուպոլիս՝ յնտրել զկաթողիկոս: Զայս ծանուցեալ իմ, գնացի ի Կոստանդնուպոլիս: Եւ իբրեւ կամէին տալ ինձ զկաթողիկոսութիւն²⁸, հրաժարեալ ի նոցանէ, գնացի ի Եալովայն: Եւ նոքա ժողովեալ ընտրեցին կաթողիկոս զԿարապետ վարդապետն զառաջնորդն Գաղատիոյ: Յայս ժողով կոչեցին եւ զիս ստիպմամբ: Բայց ես ոչ ժամանեցի յընտրութիւնն, այլ միայն ի հանդէսն ընտրութեան, զոր կատարէին յեկեղեցւոջն, ընդ որ եւ ես հաճէի: Քանզի ընտրութիւն կաթողիկոսին, ըստ օրինաց եւ վճռոց հայոց, պարտ է լինիլ յարքեպիսկոպոսէ վանացն Թաղէի առաքելոյն, Հաղբատու, Տաթեւու եւ Պչնոյ, զորոյ գհակառակն արարին եւ առնեն ի Կոստանդնուպոլիս: Ուստի՝ իբր զապօրինաւոր ինչ, ոչ կամեցայ մտանել ի ժողովս նոցայ»²⁹:

Այսպիսով, Ամենայն Հացոց կաթողիկոսի ընտրությանը՝ Բջնիի, Հաղբատի, Ս. Թադեոսի և Տաթևի վանահայր-առաջնորդների հավանություն տալու կանոնը պատմականորեն ստույգ է, սակայն

այդ մասին բոլոր սկզբնաղբյուրները պատկանում են XVIII դարին³⁰: Ստորև հետևողականորեն ճշտելու ենք կանոնի առաջացման ժամանակը, հանգամանքները, ինչպես և ամենահետաքրքիրը՝ թե ի՞նչու է Ղազար Զահկեցին կանոնի սահմանումը միտումնավոր կարգով փոխադրել խորը միջնադար:

ԾԱՆՈԹԱԳՐՈՒԹՅՈՒՆՆԵՐ

¹ XVII-XVIII դարերում հայ հեղինակները հաճախ Մեծ Հայքի տակ հասկանում էին Պարսկահայաստանը, իսկ Փոքր Հայքի տակ՝ Տաճկահայաստանը: Սրա շատ հստակ մի օրինակ է տալիս Չամչյանը՝ անդրադառնալով 1664 թ. Կ. Պոլսի հայկական համայնքում տեղի ունեցած դեպքերին. «Ի Կոստանդինուպոլիս յերկուս պառակտեցան ժողովուրդք. կէսք ի կողմն էջմիածնի էին, մանաւանդ նոքա՝ որք եկեալ էին ի քաղաք անդր յաշխարհէ Մեծին Հայոց եւ Պարսից, որք եւ կոչէին արեւելցիք. եւ կէսք՝ մանաւանդ թէ յովովք՝ ի կողմն Եդիսագարու, եւ սոքա էին բնակք քաղաքին՝ ժողովեալ անդր ի սահմանաց Փոքուն Հայոց եւ Հոռոմստանու, եւ կոչէին հռոմցիք».- ՉԱՄ, Գ, էջ 700-701:

² ՉԱՄ, Գ, էջ 37. հմտ. էջ 486-487:

³ Տէն Դուկաս վ. Ինճիճեան, *Հնախօսութիւն աշխարհագրական Հայաստանեայց աշխարհի*: Հ. Գ (Վենետիկ, 1835), էջ 254-255: **Ղեւոնդ Ալիշան**, *Շնորհալի եւ պարագայ իւր* (Վենետիկ-Ս. Ղազար, 1873), էջ 57: **Վահրամ վրդ. Մանկունի**, «Կրօնական պատմութիւն ժողովոց Հայաստանեայց եկեղեցւոյ հանդերձ կանոնադրութեամբք».- *Արարատ*, 1874, էջ 121, 197-198: **Կարապետ Կոստանեանց** (հրատարակիչ), *Թովմա Մեծփեցու յիշատակարանը* (Թիֆլիզ, 1892), էջ 39: **Մկրտիչ Պոտուրեան**, «Հայ կաթողիկոսութիւն».- *Բազմավէպ*, 1902, էջ 556: Ա.ԶԳ, սյուն. 930, 1453: **Բաբգէն Կիւլէսէրեան**, *Պատմութիւն կաթողիկոսաց Կիլիկիոյ, 1441-էն մինչեւ մեր օրերը* (Անթիլիաս, 1939), սյուն. 1210: **Մ. Հարաթյան**, «Բջնի».- *Հայկական սովետական հանրագիտարան*: Հ. Բ (Երևան, 1976), էջ 536: **Լևոն Խաչիկյան**, «Արտազի Հայկական իշխանությունը և Ծործորի դպրոցը».- *Բանբեր Մատենադարանի*, 1973, No. 11, էջ 136, ծնթ. 27: Այս հարցն առհասարակ չի արծարծված **Գրիգոր վրդ. Մազսուտյանի՝ Ընտրեալք յԱստուծոյ Ամենայն Հայոց կաթողիկոսի ընտրութիւնը (Երևան. «Նաիրի», 1995) գրեթե ամբողջովին կոմպիլյատիվ աշխատության մեջ:**

⁴ **Ղ. Ալիշան**, *Շնորհալի եւ պարագայ իւր*, էջ 57:

⁵ Ղ. Ալիշան, *Սիսական* (Վենետիկ-Ս. Ղազար, 1893), էջ 19:

⁶ Լ. Խաչիկյան, «Արտազի Հայկական իշխանությունը», էջ 136, ծնթ. 27: Կրկնակայում հավաքված 1293 թ. ժողովի մասին տե՛ս նույն տեղում, էջ 135-137. ԱԶԳ, սյուն. 1196-1197:

⁷ Տե՛ս *Ստեփաննոսի Սիւնեաց եպիսկոպոսի «Պատմութիւն Տանն Սիսական»*: Ի լոյս ընծայեաց Մկրտիչ Էմին (Մոսկուա, 1861), էջ 18. Հմմտ. «Պատմութիւն նահանգին Սիսական»՝ արարեալ Ստեփաննոսի Օրբէլեան արքեպիսկոպոսի Սիւնեաց (Թիֆլիզ, 1910), էջ 27:

⁸ Տե՛ս Վարդան վ. Հացունի, *Կաթողիկոսական ընտրութիւն եւ ձեռնադրութիւն պատմութեան մէջ* (Վենետիկ-Ս. Ղազար, 1930), էջ 53-54:

⁹ Տե՛ս Ստեփանոս Օրբելյան, «Սյունիքի պատմութիւն»։ Թարգմ., ներած. և ծանոթագրութիւնները՝ Ա. Ա. Աբրահամյանի (Երևան, 1986), էջ 58, 540 (ծնթ. 1647, 1648):

¹⁰ Տե՛ս Կղեմէս Գալանոս, *Միաբանութիւն Հայոց սուրբ եկեղեցւոյն ընդ մեծի սուրբ եկեղեցւոյն Հռովմայ*: Հ. Ա. (Հռոմ, 1650), էջ 441. Հմմտ. Լ. Խաչիկյան. «Արտազի Հայկական իշխանութիւնը», էջ 138:

¹¹ «...առնէ ժողով թագաւորն Հեթում եւ տայ ձեռնադրել կաթողիկոս Հայոց զՏէր Գրիգոր՝ Անաւարդայ եպիսկոպոս...» (տե՛ս Ստ. Օրբելեան, *Պատմութիւն նահանգին Սիսական*, էջ 446): Օրմանյանը նրբանկատորեն նշում է, որ Օրբելյանի այս ձևակերպումը «կցուցնե, թե եպիսկոպոսներու ժողովը եղած է ոչ թե ընտրելու, այլ ձեռնադրութիւն կատարելու համար» (ԱԶԳ, սյուն. 1196):

¹² 1290-ականների դրությամբ, այս չորս ավտոնների գահակալներից միակ լատինասերը՝ Արտազի Տիրացու եպիսկոպոսն էր (նրա մասին տե՛ս Լ. Խաչիկյան, «Արտազի Հայկական իշխանութիւնը», էջ 136-139):

¹³ *Դրախտ ցանկալի*-ի հրատարակութեան թվականը ճշտված է ստորև, Գլուխ է:

¹⁴ *Դրախտ ցանկալի*, էջ 593:

¹⁵ ՉԱՄ, Գ, էջ 37:

¹⁶ Տե՛ս Ա. Մ. Այվազյան, «1720-ական թթ. Սյունյաց ազատագրական շարժման պատմութիւնից (սկզբնադրւոյնների համադրման փորձ)».- *Պատմաբանասիրական Հանդես*, 1990, No. 2, էջ 125-128:

¹⁷ Տե՛ս Սամուէլ Անեցի, *Հաւաքմունք ի գրոց պատմագրաց*: Հրտ. Արշակ Տէր-Միքելեանի (Վաղարշապատ, 1893), էջ 100-101: Կիրակոս Գանձակեցի, *Պատմութիւն Հայոց*: Աշխատասիրությամբ՝ Կ. Ա. Մելիք-Օհանջանյանի (Երևան, 1961), էջ 87: Ստեփանոս Տարոնացի (Ասողիկ), *Պատմութիւն տիեզերական* (Ս. Պետերբուրգ, 1885), էջ 181-182: Վարդան վ. Արեւելցի, *Հաւաքումն պատմութեան*: Աշխատասիրությամբ՝ Ղ. Ալիշանի (Վենետիկ-Ս. Ղազար, 1862), էջ 89:

¹⁸ Ստեփանոս Տարոնացի (Ասողիկ), *Պատմութիւն տիեզերական*, էջ 181:

¹⁹ Տե՛ս Ա.ԶԳ, սյուն. 970:

²⁰ Հաղբատի վանքը հիմնադրվել էր միայն 976 թ. (տե՛ս Կարո Ղաֆաղաբյան, *Հաղբատ*: Երևան, 1975, էջ 10-13):

²¹ Հմմտ. Մխիթար Գոչ, *Գիրք դատաստանի*: Աշխատասիրությամբ՝ Խ. Թորոսյանի. Երևան, 1975, էջ 141, 404 (այստեղ ասված է միայն, որ կաթողիկոսը կարող է կարգալուծ արվել «կամ ի կաթողիկոսէ, կամ յիւրոց ձեռնադրողաց եպիսկոպոսաց»): *Sempadschfr kodex*, herausgegeben und ubersetst von Josef Karst. Strassburg, 1905, p. 106. *Судебник Смбага спаранета (гундстабля) 1265 г.* Перевод со среднеарманского, предисловие и примечания проф. А. Г. Сукиасяна (Ереван, 1971), с. 108-109.

²² Այդ ուսումնասիրությունը նախապես լույս էր տեսել համառոտ թերթային (*Հայաստանի Հանրապետություն* օրաթերթ, 26 մարտի 1995 թ.) և ընդարձակ գիտական տարբերակներով. - տե՛ս Ա. Մ. Այվազյան. «Հայոց կաթողիկոսի ընտրության հանգամանքները ժե-ժէ դարերում (երկու հնատիպ վավերագրերի քննություն)».- *Հանդէս Ամսօրեայ*, հունվար-դեկտեմբեր 2000, No. 1-12, էջ 349-428:

²³ *Ջամբռ*, էջ 55:

²⁴ Տե՛ս *Ցուցակ ձեռագրաց Մաշտոցի անվան Մատենադարանի*: Հ. Ա. (Երևան, 1955), սյուն. 451, ձեռ. 978:

²⁵ Տե՛ս *Ջամբռ*, տիտղոսաթերթ:

²⁶ Նույն տեղում, էջ Բ:

²⁷ Նրա կենսագրական որոշ մանրամասնությունները մասին տե՛ս **Յովհաննէս Պատկերահան, Նամականի (1695-1758)**: Աշխատասիրեց Սահակ ձեմձեմեան (Վենետիկ-Ս. Ղազար, 1988), էջ 27-28, ծնթ. 27:

²⁸ Որ Մինաս Փերվազյանի թեկնածությունն իրոք առաջ է քաշվել, տեղեկանում ենք այլ աղբյուրներից ևս (տե՛ս, օրինակ, *Բազմավէպ*, 1978, No. 3-4, էջ 260):

²⁹ «Վարք գերապատիւ Մինասայ արքեպիսկոպոսին Զմիւռնիոյ գրեալ համառօտիւ ի դիմաց իւրոց», *Մատենադարան Մխիթարեանց ի Վենետիկ (Ս. Ղազար)*, ձեռագիր 2660: Մեր խնդրանքով, 1995 թ. սույն ձեռագիրը սիրահոժար պատճենել և Երևան էր ուղարկել Վենետիկի մխիթարյանների երջանկահիշատակ Աբբահայր Սահակ վրդ. ձեմձեմյանը:

³⁰ Մոտավոր պատկերացում կազմելու համար, թե որ բնակավայրերի և տարածքների վրա էր տարածվում այս չորս աթոռների հոգևոր իշխանությունը, տե՛ս 1765 թ. Ս. Էջմիածնում այդ մասին արված գրառումները (աստ, Հավելված Բ, Վավերագիր Բ): Այս վավերագիրը, սակայն, չի առանձնացնում Հաղբատի վիճակը, այլ խոսում է միայն Թիֆլիսի վիճակի մասին: Պարզվում է, սրա պատճառը 1750-1760-ական թթ. դրությամբ Հաղբատի

վանքի անմխիթար, գրեթե ամայի դրուժյունն էր, որն ստիպել էր Աղեքսանդր Բ Բյուզանդացի կաթողիկոսին՝ 1754 թ. մարտից մինչև 1755 թ. նոյեմբերն ընկած միջոցին (սա նրա կաթողիկոսության ժամանակահատվածն է) մի որոշում կայացնել Հաղբատի, Սանահինի և Թիֆլիսի վիճակները միավորելու մասին: Մեր ձեռքի տակ գտնվող այդ կոնդակից մեջբերենք մի պերճախոս հատված.

«...Հաղբատու եւ Սանահնոյ վանորայքդ, վասն մեղաց եւ անօրէնութեանց մերոց ամայացեալք են եւ աղքատացեալք... քանզի առաջնորդք եւ միաբանք ոչ կարեն նստիլ եւ կայ առնուլ ի դոսս վասն դառնաշունչ բերմանց ժամանակիս... որ թողեալք զվասն ամայի՝ եկեալ նստին ի յօրհնեալ քաղաքդ ձեր (իմա Թիֆլիս, Ա.Ա.) ի մէջ աշխարհականաց, որ է անդայեհ (°) իմն, եւ՛ ի կանօնաց արտաքոյ, եւ՛ ձեզ ժողովրդականացդ ձանձրութիւն եւ առիթ բամբասանաց, զի քաղաքի միոյ մի՛ առաջնորդ պիտո է, ո՛չ երկու եւ երեք: Քանզի եւ վարդապետքն, որք եկին ի տեղւոյդ ի Սուրբ Աթոռս, սոքա եւս հրաժարեցան կամաւ եւ յօժարութեամբ իւրեանց յառաջնորդութենէ Հաղբատու եւ Սանահնոյ վասն այդ ասացեալ պատճառդ, որք ահա յանձն առին մնալ ի Սուրբ Աթոռս եւ պաշտել զկարգս իւրեանց, որպէս եւ առաջնորդք եւ միաբանք այլոց վանօրէից կան ի սմա եւ գտուրս ժողովրդոց վայելելով...»

...եւ մեր մտածելով... ոչ պատշաճ տեսաք յատուկ յատուկ առաջնորդս կարգել այդոցիկ վանիցդ առ ժամանակ մի՝ մինչեւ ինքն Տէր այդ արասցէ եւ կամեսցի: Այլ բաւական համարելով զմի միայն Առաջնորդ ձեզ երից վիճակացդ, այսինքն՝ Թիլֆիզու, Հաղբատու եւ Սանահնոյ, զսիրելի որդիկդ մեր եւ զհարազատ գաւակս Սրբոյ Գահիս՝ Աւետիք հանձարաշատ եւ Աստուածաբան վարդապետդ կարգել, որ որպէս մինչեւ ցայսօր էր առաջնորդ Թիլֆիզու, նմանապէս այսուհետեւ վերստին լիցի Առաջնորդ եւ հօվիւ հոգեւոր Հաղբատու եւ Սանահնոյ վիճակացդ եւս եւ հովուեսցէ՛ զձեզ զամենեսեանդ հոգեւոր եւ Աստուածային բանիւ»:

Մաշտոցի անվ. Մատենադարան, ձեռ. 9120, էջ 39-40, շարունակված է էջ 44-ում: Ի դեպ, Աղեքսանդր Բ կաթողիկոսի այս որոշումն առաջացրել է վրաց կաթողիկոսի դժգոհությունը (տե՛ս նույն տեղում, էջ 45-46):

Գ Լ ՈՒ Խ Բ .

ՄԱՅՐ ԱԹՈՌ Ս. ԷՋՄԻԱԾՆԻ ՔԱՂԱՔԱԿԱՆ ԴՐՈՒԹՅՈՒՆԸ 1720-ԱԿԱՆ ԹՎԱԿԱՆՆԵՐԻՆ

1605 թվականից ի վեր Արարատյան աշխարհ ոտք չկոխած օսմանյան բանակն այստեղ հայտնվեց մեկ էլ 1724 թ. հունիսին¹: Երեքամսյա պաշարումից հետո, սեպտեմբերի 23-ին թուրքերը գրավեցին Երևանի բերդը²: Ավելի շուտ՝ 1724 թ. հունիսի 12-ին Կ. Պոլսում կնքվեց ռուս-թուրքական պայմանագիրը, որի համաձայն, բացառությամբ Դերբենդից Մազանդարան ձգվող մերձկասպյան շրջանների, որոնք 1722-1723 թթ. արդեն հիմնականում գրավված էին ռուսների կողմից, ամբողջ իրանական Այսրկովկասը ճանաչվեց Օսմանյան կայսրության տարածք³: Այդպիսով օսմանյան ռազմավարչական իշխանությունն, անհայտ և անորոշ ժամանակով, հաստատվեց ամբողջ Արարատյան երկրի, այդ թվում նաև՝ Մայր Աթոռ Ս. Էջմիածնի վրա:

Այս շրջադարձային փոփոխությունը բոլորովին նոր ու չափազանց բարդ խնդիրներ էր դնում Մայր Աթոռի առջև: Եթե մինչ այդ՝ սկսած 1461 թվականից, Օսմանյան կայսրության մեջ ապրող հայուկները, իբրև առանձին «միլլեթ», պետություն առջև ներկայացված էր Կ. Պոլսի հայոց պատրիարքով ու պատրիարքությունմբ, ապա այժմ՝ Հայաստանյայց եկեղեցու նվիրապետական կառույցում գերազույն մարմին հանդիսացող Ամենայն Հայոց կաթողիկոսությունը, բնականաբար, ձգտելու էր ինքը կատարել այդ դերը: Այս հավակնությունն աստիճանաբար ամրանալու էր, որովհետև էջմիած-

նի կաթողիկոսն ու միաբանները, տեսնելով Իրանի շարունակվող ճգնաժամն ու քայքայումը, նրա մեծ մասի հայտնվելն աֆղանական, օսմանյան և ռուսական ռազմակայման տակ, առաջիկա տարիների ու տասնամյակների համար, Օսմանյան իշխանություններին այլընտրանք չէին կարող պատկերացնել: Հետևաբար՝ Մայր Աթոռն իր և Հայոց եկեղեցու շահերի տեսակետից անիմաստ ու վտանգավոր էր դիտելու Օսմանյան կայսրության տարածքում էջմիածնի գերակայության գիջումը Պոլսի պատրիարքությունը: Սակայն, ինչպես կտեսնենք, 1724-1735 թթ. այդ խնդիրը որևէ վերջնական լուծում չստացավ ու մնաց առկախ վիճակում, որովհետև հայ եկեղեցու կառավարումը Ս. էջմիածնից մեծապես դժվարացել էր ստորև քննվող մի շարք հանգամանքների բերումով:

Պարսկաստանում և Այսրկովկասում (հիմնականում՝ Արցախում և Սյունիքում) շարունակվող պատերազմը քաղաքական-տնտեսական ընդհանուր անապահով իրադրություն էր ստեղծել ողջ Այսրկովկասում, որոշ չափով էլ՝ Օսմանյան կայսրության արևելյան շրջաններում⁴: Արարատյան երկրի հայությունը, որ Մայր Աթոռի հիմնական հենարանն էր, մարդկային ահավոր կորուստներ էր կրել. լեհ ճիզվիտ Թ. Կրուշինսկին, որ մինչև 1725 թ. գտնվում էր Պարսկաստանում, հաղորդում է, որ միայն Երևանի գրավման ժամանակ սպանվել էր 30.000 հայ, բացի այդ, տասնյակ հազարավոր հայեր քշվել էին գերություն⁵: Փլուզվել էին էջմիածնի տնտեսական կարողությունները, խզվել էին կապերը արևելահայությունից ֆինանսական մայրաքաղաք Նոր Զուղայի և առհասարակ Պարսկաստանի, ինչպես և՛ Գանձասարի, Տաթևի, Գանձակի, Շամախիի, այլ կարևոր կենտրոնների ու թեմերի հետ:

Աստվածատուր Ա. Համադանցի կաթողիկոսը (1715-1725) և նրա կապերը հայ ազատագրական շարժման հետ

Աստվածատուր կաթողիկոսի անունը ցայսօր հանիրավի կերպով չի ներառվել 1720-ական թթ. հայ ազատագրական շարժման գործիչների շարքում, մինչդեռ այդ ասպարեզում կան նրա գործունեությունը լուսաբանող պերճախոս տեղեկություններ:

Կաթողիկոսանալուց (1715 թ. մայիսի 7)⁶ մոտ մեկ տարի անց Աստվածատուր կաթողիկոսը հանդիպեց հայ զինված ապստամբությունը վաղուց ի վեր գաղտնաբար նախապատրաստող գործիչներից մեկին՝ Մինաս վարդապետ Տիգրանյանին: Այս երկուսի միջև Ս. էջմիածնում 1716 թ. հուլիսի 15-ից մինչև 23-ը տևած խորհրդակցությունները⁷ բացահայտում են Աստվածատուր կաթողիկոսի շրջահայաց ու զգուշավոր, բայց միաժամանակ բացարձակ նվիրվածությունը Հայաստանը զենքով ազատագրելու գաղափարին: 1717 թ. մարտի 14-ին Մինասը ռուսական կառավարությունը տված իր բանավոր զեկույցում հայտնում էր, որ, լսելով իրենից ազատագրական ծրագրերի և ռուսներից սպասվող օգնություն մասին, կաթողիկոսը (մեջբերում ենք)

«չառ ուրախացավ և բանավոր նրան պատասխանեց, որ այն գործը, որի մասին վարդապետն իրեն տեղեկացրեց, շառ բարի է և նա ցանկանում է այդ գործում ծառայել և օժանդակել նորին ցարական մեծությանը (իմա՝ Պետրոս Ա.-ին, Ա.Ա.), միայն թե նա մեծ մտավախություն ունի շահից, քանզի դա մեծ գործ է. այնպես չստացվի, որ իրենք բոլորը (իմա՝ ամբողջ Հայությունը, Ա.Ա.) ավերածությունների ենթարկվեն: Սակայն, եթե նորին ցարական մեծությունը ցանկանա Պարսկաստանի դեմ պատերազմով դիմել և իր զորքերն այդ երկիր ուղարկել, ապա թող նույն վարդապետի (իմա՝ Մինաս Տիգրանյանի, Ա.Ա.) կամ այլ հաւատարիմների միջոցով նախապես իրեն լուր տա, թե ինչ է նրանից ակնկալում, իսկ ինքն՝ իր բոլոր հավատարիմների հետ, պատեհ միջոցը գտնելով, այդ գործում հավատարմորեն և կարեցած չափով օգնություն ցույց կտա»⁸:

Այդ պատասխանը գրավոր ներկայացնելու Մինասի խնդրանքին՝ Աստվածատուր կաթողիկոսը խոհեմաբար առարկում է, ասելով.

«գրավոր այս բանը շարադրելը և [ռուսաց ցարին] հավատարմություն հայտնելն անհնար է, քանզի այս գործը պետք է հույս գաղտնի պահել՝ պարսիկներից և որոշ Հայերից: Փոխարենը՝ կտա վարդապետին քողարկված իմաստով մի նամակ, ուր կասվի, թե նա եղել է պատրիարքի մոտ և զեկույցել նրան ամեն տեսակ գործերից, որոնք ընդունվել են սիրով և հաճությամբ»⁹:

Զեկույցի վերջում Մինաս Տիգրանյանը եզրակացնում էր, որ Գանձասարի Եսայի կաթողիկոսը լրիվ պատրաստ է դիմելու զինված ազատագրական պատերազմի և ուսաների օգնությունն ապավինելու, իսկ Ս. Էջմիածնի կաթողիկոսը՝ «թեև բանավոր հայտնում էր իր հակավածություն մասին, սակայն այդ գործում Եսայու պես վստահելի չէ, քանզի [պարսից] շահից շատ է երկնչում»¹⁰:

Հետագա իրադարձությունները ցույց են տալիս, սակայն, որ Աստվածատուր կաթողիկոսի նկատմամբ Մինաս վարդապետի արտահայտած այս մտավախությունը չափազանցված էր, գուցե նաև՝ միտումնավոր: Ամենայն հավանականությամբ, Մինասը ուսաներին դիտավորյալ էր հետ պահում Աստվածատուր կաթողիկոսի հետ աշխույժ կապեր հաստատելու մտքից՝ նպատակ և առաջադրանք ունենալով առավելագույնս ապահովագրել Ս. Էջմիածնի անվտանգությունը:

Ազատագրական պատերազմի այս նախապատրաստությունների շղթայում պետք է դիտել 1719 և 1721 թթ. Եսայի Հասան-Ջալալյանի Ս. Էջմիածին կատարած երկու այցը, որոնց արդյունքում էլ Աստվածատուր կաթողիկոսն արձակեց չորս կարևոր կոնդակ: Այս կոնդակները տնտեսապես ու վարչականորեն զորացնում էին Գանձասարի Աթոռը՝ շնորհելով նրան պատմականորեն Ս. Էջմիածնին ենթակա մի շարք շրջաններ՝ Շամախին, Շիրվանը, Շաքին, Ղաբալան¹¹: Աստվածատուրի կոնդակներից մեկը պարզապես արտառոց էր. այն ուղղված էր Գանձասարին երբևէ որևէ տուրք չտված շրջանների հայությունը՝ «ի վերայ Նախիջևանու, Գողթնեաց, Ղափանու, եւ Թիֆլիզու..., զի զկամաւոր ողորմութիւնս տալով օգնեսցեն պարտուց նորին»¹²:

Ավելին, Աստվածատուրը Եսայու նկատմամբ բարյացակամ հանրային տրամադրություն ստեղծելու ջանք է թափում՝ առ այդ շեշտելով նաև իր և Եսայու մտերմությունը և հորդորելով ժողովրդին.

«զի ընկալցին զԵսայի կաթողիկոսն եւ զնուիրակական արդիւնսն ի նա յանձնեսցին՝ որպէս նուիրակի ի Սրբո[յ] Էջմիածնէ զնացելոյ...

Թէպէտ մեր էիք բնական՝ եւ մեր էք, սակայն մեք մերով կամաւ եւ յօժարութեամբ դմա շնորհեցաք ի սէր դորին եւ վասն աղքատութեան Գանձասարու աթոռոյն: Այսուհետեւ պարտիք հնազանդիլ եւ ընդունիլ զԵսայի կաթողիկոսը ձեր, որում ներհակքն՝ մեզ են ներհակք» (ընդգծումն՝ Ա.Ա.)¹³:

Կարծում ենք, Եսային բազմիցս օգտագործած պիտի լիներ այս կոնդակի մեկից ավելի մեկնաբանությունյան տեղիք տվող այն բանաձևումը, որը Եսայու թշնամիներին դասում էր Աստվածատուրի թշնամիների շարքը՝ «որում ներհակքն՝ մեզ են ներհակք»։ Այս բանաձևումը կարելի էր ի ցույց դնել որպես ազատագրական պատերազմի գաղափարին Ս. Էջմիածնի լիակատար համերաշխություն մի այլաբանորեն արտահայտված վկայություն, որը շատերի (հատկապես՝ տատանվողների) համար Հայաստանի ազատագրություն վտանգավոր ձեռնարկին միանալու մի լրացուցիչ փաստարկ ու դրդիչ պիտի ծառայեր:

Այս կոնդակները միտված էին զգալիորեն ամրապնդելու առաջիկայում սպասվող ազատագրական պատերազմի մեջ առաջամարտիկի դեր ստանձնելու ընդունակ (և այդ առաքելությունը եռանդունորեն նախապատրաստվող) արցախահայությունից դիրքերը և բարձրացնելու Արցախի հոգևոր-քաղաքական կենտրոն Գանձասարի հեղինակությունը: Հիշենք, օրինակ, որ տեղական հայոց զինուժը գաղտնաբար վերակազմելու, արդիական գեներով սպառազինելու և գլխավորելու նպատակով՝ մոտավորապես նույն ժամանակ՝ 1718-1720 թթ. միջև, Շիրվանից Արցախ էր հրավիրվել ու բուռն գործունեություն ծավալել հայ պրոֆեսիոնալ զորահրամանատարներից բաղկացած մի խումբ՝ Ավան-յուզբաշու առաջնորդությամբ (ժամանակակիցներն այս զինվորականներին անվանում էին «չիրվանցիներ», «Շիրվանայ տղէք»)¹⁴:

Ձի բացառվում, որ Արցախն ազատագրական պատերազմի միջնաբերդ դարձնելու ծրագրին Ս. Էջմիածինն սկսել էր աջակցել դեռևս մինչև Աստվածատուր կաթողիկոսի գահ բարձրանալը՝ տակավին Նահապետ և Աղեքսանդր կաթողիկոսների օրոք, որովհետև նրանք էլ Եսայուն աննախադեպ կարգի օժանդակություն են ցույց տվել, մասնավորապես Աղեքսանդր կաթողիկոսն առաջինն էր, որ փորձ արեց (թեկուզ ավարդյուն) Շամախու և Շիրվանի հայերին դնել Գանձասարի ուղղակի ենթակայություն տակ¹⁵: Այս վարկածի ստուգումը, սակայն, առանձին ուսումնասիրության կարիք ունի:

Ըստ երևույթին, Աստվածատուր կաթողիկոսը հայություն պաշտպանական կարողությունները ամրապնդելու նմանատիպ քայլեր էր ձեռնարկում նաև այլ շրջաններում: Այդպիսի գործունեու-

Թյան մասին է հուշում 1724 թ. հունիսի 1-ին Սանահինի վիճակի ժողովրդին նրա ուղղած կոնդակը, որով հորդորվում է «առատ տրօք» օգնել վանքի առաջնորդ Հովհաննես վարդապետին նույն վանքի պարիսպը կառուցելու համար¹⁶: Կոնդակը գրվել է օսմանյան ռազմական մեծ կամպանիայի նախօրերին, երբ Երևանը դեռևս գրավված չէր: Հավանական է, ուրեմն, որ Սանահինի պարսպի կառուցումն ու այս կոնդակը որոշակիորեն կապված էին սպասվող պատերազմական գործողությունների հետ:

Եվ այսպես, 1722-1724 թթ., երբ ազատագրական պատերազմն արդեն իրականություն էր, որքան էլ Աստվածատուր կաթողիկոսն ու հայ գործիչները ձգտում էին դադարի պահել հայոց զինուժի հետ Ս. էջմիածնի կապերը, դրանք այնքան ծավալուն էին, որ ի վերջո հայտնի դարձան և՛ պարսկական, և՛ օսմանյան հետախուզությունը: Պետրոս դի Սարգիս Գիլանենցի՝ խիստ հավաստի աղբյուր ճանաչված օրագրի¹⁷ մեկ այլ տեղեկություն ուղղակի է խոսում այդ կապի մասին (տեղեկությունը վերաբերում է 1723 թ. ապրիլ-մայիս ամիսներին միջոցին)։

«Մեր կաթողիկոսն (իմա՝ Աստվածատուր Համադանցի՝ Ա.Ա.) հայոց ասկարին [=գիլավորություն] խեղ մին այ, որ յամիչայ [=ձշտապես] գաղտուկ մինն ըզմիսու գիր ան ելել գրում: Մեր կաթողիկոսին մին գիրն կբռնուի: Էս գիրն կբերեն կտան Յարեւանայ նայիպին [=խանի փոխանորդին]: Էս նայիբն կաթողիկոսին կանչել էր տարել, թէ՛ «դու էլ աս մեզնէ դօնմիչ ելել [=ըմբոստացել ես մեր դեմ]¹⁸. Էս քո գիրն այ: որ հայոց ասկարին գրել աս»: [Կաթողիկոսն] ասացել այ, թէ՛ «էտ գիրն ես չեմ գրել, էտ թշնամու շինած գիրայ»: Եւ [նայիբը] կաթողիկոսին էլ շատ խաֆայաթ [=տեղություն] կտայ եւ ԴՌ (4000) ոսկի ջառիմա [=տուգանք] յինք կառ[ն]ու, քանի օր կպախի, յետոյ մարդ մէջ կընկանի, բաց կթողու»¹⁹:

Այս դեպքից մի քանի օր անց Երևանի նայիբը դարձյալ կանչում է կաթողիկոսին և խնդրում.

«Թէ՛ ձեր Հայոց ասկարն շատ թուրք ա ջառթում, որ ուզեն՝ գոն Յարեւանայ վերայ. դու մին գիր գրէ՛ ձեր ասկարին վերայ, որ էս երկիրն չը գոն եւ մեր մարգին դէկմիչ չնեն [=ձեռք չտան]»²⁰:

Կաթողիկոսը դժկամորեն մի նամակ է գրում Հայոց զորքերի հրամանատարուժյանը, նայիբին զգուշացնելով, որ հագիվ թե նրանք ենթարկվեն իր խոսքին: Սակայն նայիբը պնդում է՝ ասելով, թե «թամամ ինայէրոց գլխայորն դու աս, որ յամիշայ [=միշտ] քեզ կլսեն... պիտի որ գրես»²¹: Մեծ ճնշման ենթարկվելով՝ Աստվածատուր կաթողիկոսը «մին մախիլայ գիր կը գրէ», այսինքն՝ մի կեղծ դիմում է գրում Հայոց զորքերի հրամանատարուժյանը²², որում առերեսորեն հորդորում է Հայոց զորքին չչարժվել դեպի Արարատյան երկիր, սակայն՝

«գրին տակումն կը գրի, թէ «դուք ինչպէս խելիաթ [=Հարմար] կը տեսնէք, էնպէս արէք, ձեր գիտացածն ձեռաց տէք ոչ (=ձեր ծրագրերը մի մատնեք)»²³ (ընդգծումն իմն է՝ Ա.Ա.):

Արդ, «գրին տակումն» անգլերեն և ռուսերեն թարգմանիչները հասկացել են իբրև «նամակի վերջում»²⁴: Սակայն կաթողիկոսն այդ տողերը բացահայտ գրել չէր կարող, ուստի այս «գրին տակումն» պետք է հասկանալ իբրև նամակի բովանդակուժյունից դուրս՝ նույն թերթի կամ ծրարի ներքևի ինչ-որ հատվածում անպայման ծածկագրով գրի առնված տողեր (Մայր Աթոռում ծածկագրերի գործածումն ընդունված է եղել)²⁵:

Հայկական զորքի հրամանատարուժյունը մի պատասխան գրուժյամբ հայտնում է, որ կաթողիկոսին հարգելով, նրանք չեն շարժվի դեպի Արարատյան երկիր, թեև նախապես այդպիսի մտադրուժյուն ունեին, և պահանջում է պարսկական իշխանուժյուններից Մայր Աթոռն ու Հայ բնակչուժյանը նեղուժյուն չպատճառել:

«մենք ուզում ինք գինք ձեզ վերայ, չումքի մեր կաթողիկոսն մեզ գրել էր՝ թէ «սոքա մեզ բարեկամ ան, սոցա դէքմիշ չնէք եւ դէս չգէք», մեր կաթողիկոսին խաթեր խամար էլ եկինք ոչ, յետ դառցանք: Չուն որ մենք էս մարդայորուժիւնն արարինք, պիտի որ դուք էլ մեր կաթողիկոսին եւ իւր թամամ վանքէրին եւ միայբանոցն եւ տեղիտ ինայէրին ջաֆայ չառէք՝ լեվ աղաթօվ պախէք»²⁶:

Սակայն, որոշ ժամանակ անց Երևանի նայիբը Հանդիմանում է Աստվածատուր կաթողիկոսին կեղծ նամակ գրելու համար, քանի որ հայկական զորքերը հաջողուժյամբ շարունակում են ընդլայնել և ամրացնել իրենց վերահսկողուժյան տակ գտնվող տարածքները:

«Նախան Կաթողիկոսին կկանչէ, թէ՛ «քոյ Խայէրն թուրք ջառթելն իվելայցուցել ան, քո գրած գիրն մախիլայ էր գրած. մենք էլ քեզ հավատման չենք եւ էստոնք քեզ թողման չենք»²⁷:

Այս ամենը Գիլանենցին հաղորդել է այդ իրադարձությունների պահին էջմիածնում գտնված Մկրտիչ վարդապետը, որը ճշտում է միայն, որ Աստվածատուր կաթողիկոսի նամակը հասցեագրված էր «Հայոց ասկարի մեծայորին»: Ամենայն հավանականությամբ, նամակը ստացողն ու դրան պատասխանողը Արցախի հայոց զորքերի գլխավոր հրամանատար Ավան-յուզբաշին էր, և ո՛չ Դավիթ-բեկը, որի ուժերը (չուրջ 20 000 զինվոր) քանակապես մոտ երկու անգամ զիջում էին Արցախի հայոց բանակին ու դեռևս Սյունիքի ներսում լուծելիք բարդ խնդիրներ ունեին²⁸: Ի դեպ, 1723-1724 թթ. հայ զինվորությունների չորս խոշոր հատվածները (Արցախ, Սյունիք, Երևան, Նախիջևան) իսկապես նպատակ են ունեցել ստեղծելու միասնական ազատագրական ճակատ, որն Արցախի հայ հրամանատարությունը 1724 թ. սկզբին դեռևս հնարավոր էր թվում՝

«Եւ էս Խայերին մէջտեղն Քուրդ [=մահմեդական ուժեր] կայ: Էս Խայերն ասում ան, թէ... «կուզանք Քուրտին վերէն, քուրտն փչացենք, որ տեղէս (իմա՛ Արցախից, Ա.Ա.) մինչի Երևան ողջ Խայեր ան՝ Ա [1] կուտառնան»²⁹:

Բայց այս ծրագիրը, տարբեր պատճառներով, իրագործել չի հաջողվում³⁰:

Մեկ տարի անց՝ 1724 թ. մարտի 13-ին, Ս. էջմիածնից մի նամակ էլ է հասցեագրվում Արցախ՝ «իշխանաշուք իշխանացադ գլուխ կարգեալ... պարոն Աւան բէկ ուզբաշուն» (նույն նամակի ռուսերեն համառոտ թարգմանություն մեջ ասված է՝ “письмо одного архимандрита главного, которой при патриархе Большой Армении живет в монастыре Араарском, к собранию Армянскому, к главному юзбаше Авану партикулярно...”)³¹: Օսմանյան խոշոր հարձակման նախաշեմին գրված այս նամակում՝ Արարատյան երկրի հայությունը ու նաև պարսկական իշխանությունների անունից, շտապեցվում է ռուսական զորքերի խոստացված (սակայն՝ երբեք չիրագործված) առաջխաղացումը: Հետաքրքիր է, որ նամակն ստորագրել է ոչ թե Աստվածատուր կաթողիկոսը, այլ նրա աթոռակալ Հովասափը. անշուշտ,

սրանով դարձյալ փորձ էր արվում հնարավորին չափ ապահովագրել կաթողիկոսի անձը հետագա հնարավոր բարդություններից:

Ս. Էջմիածնի համերաշխությունն ու համագործակցությունը Հայ ազատագրական շարժմանը Հայտնի էր դարձել նաև օսմանյան հետախուզությանը: 1723 թ. ապրիլի 2-ին Էջմիածին այցելած թուրք ղեսպանը, Աստվածատուր Ա. Համադանցի կաթողիկոսին մեղադրում էր թե՛ «դու էլ մեծ սուլչի (=հանցանքի) տէր աս, որ Ըռուստին խես մին աս դառցէլ, էսչանք խայ աս կանգընացուցել, որ ասում ան, թէ ԿՌ (60 000) խայ եարաղով հազիր ան (=գինված պատրաստ են [կո-վելու])»³²:

Այս գաղտնի կապը հաստատում են նաև 1724 թ. փետրվարի 25-ին Ղարաբաղից ռուսների մոտ առաքված պատվիրակները, որոնց ասելով՝ Հայերի «Արարատյան պատրիարքը (այսինքն՝ Ս. Էջմիածնի կաթողիկոսը - Ա.Ա.) Ղարաբաղ՝ Եսայի կաթողիկոսի մոտ հաճախակի մարդկանց է ուղարկում ու նամակներով հավաստիացնում՝ նրա հետ իր ունեցած համաձայնությունը [ռուսների օգնությամբ ազատագրվելու հարցում]»³³:

Այս առումով դիտելի է, որ Ռուսաստանում գտնվող Հայ ազատագրական շարժման ներկայացուցիչ Մինաս վրդ. Տիգրանյանի գործունեությունը բացահայտվել էր փոքր-ինչ ավելի շուտ՝ մոտավորապես 1720 թ.: Սա պարզվում է 1725 թ. սկզբին հայկական էսկադրոնի հրամանատարներից մեկի՝ Մինաս վերդապետին գրած նամակի հետևյալ հատվածից.

«Հայր սուրբ, այժմ ամենուրեք հայտնի եղավ մեր բանը. այսքան տարի ոչ ոք չգիտեր քո խորհրդի և գործունեություն մասին, այլ և այն բանի մասին, որի համար դու այդտեղ ապրում ես: Ահա այժմ հինգ տարի է, ինչ մեր բանը հայտնի դարձավ բոլոր դավաճաններին...»³⁴

Այսպիսով, տարածաշրջանում անսպասելիորեն հայտնված Հայկական խոշոր գինուժի կապերը Ս. Էջմիածնի հետ հայտնի էին դարձել և առաջացրել իրանական և օսմանյան տերությունների խոր անվստահությունը Մայր Աթոռի նկատմամբ:

Մեկ տարի անց, սակայն, իրադրությունն այլ էր. ռուսները 1724 թ. հունիսին Կ. Պոլսում պայմանագիր էին կնքել Բարձր Դռան

Հետ՝ համաձայնելով գրեթե ամբողջ Այսրկովկասի ու Հյուսիսային Իրանի օսմանյան ռազմակալմանը և բավարարվելով սոսկ մերձկասպյան շրջանների գրավմամբ: Օսմանցիները մեծ գորքով ներխուժել էին Այսրկովկաս և Հյուսիսային Իրան, Թիֆլիսն ու Վրաստանը առանց դիմադրության անցել էին նրանց վերահսկողության տակ, իսկ հայկական զինված ուժերը, հույսը սխալմամբ դնելով ռուսական խոստացված առաջխաղացման վրա, լիովին կորցրել էին նախաձեռնությունը և պարփակվել Արցախ-Սյունիք լեռնային տարածագոտում: Աստվածատուր կաթողիկոսը, 1724 թ. սեպտեմբերի սկզբին շահ Թահմասպ Բ-ի մոտից վերադառնալով Մայր Աթոռ, ելնելով փոխված հանգամանքներից, խոհեմորեն կատարում է օսմանցիների առաջադրանք-խնդրանքը և ստանձնում Երևանի բերդի անձնատվության բանակցություններում գլխավոր միջնորդի դերը³⁵:

Աստվածատուր կաթողիկոսը ջանում էր վաստակել օսմանցիների վատահոլությունը, անշուշտ, նպատակ ունենալով Մայր Աթոռի և նվաճված տարածքների հայություն շահերի պաշտպանությունը: 1725 թ. հոկտեմբերի 10-ին, սակայն, նա դժբախտ պատահարի զոհ դարձավ³⁶: Սա էլ մի նոր ուժգին հարված էր Մայր Աթոռին, որի գահը թափուր մնաց մինչև 1728 թ. սկզբները, երբ Կարապետ Ուլնեցին (որն Ամենայն Հայոց կաթողիկոս էր ընտրվել 1726 թ. փետրվարին Կ. Պոլսում) վերջապես ժամանեց Ս. Էջմիածին³⁷:

Վերը թվարկված հանգամանքների բերումով 1724-1728 թթ. էջմիածինը պարզապես ի վիճակի չէր կատարելու իր սովորական կառավարչական գործառույթները և որևէ լուրջ մրցակցություն առաջարկելու Կ. Պոլսի պատրիարքությունը, որի գերհեղինակավոր Հովհաննես Կոլոտ պատրիարքը (1715-1741), շահագործելով Բարձր Դուռն հետ իր վաղուց ի վեր մշակած կապերը, շարունակում էր քրտնաջան աշխատել թե՛ օսմանցիների նվաճած պարսկական նոր նահանգներում, թե՛ կայսրության նախկին սահմաններում ապրող հայության շահերի օգտին: Բայց նա դրանով իսկ, կամա թե ակամա, հաստատում էր Հայոց եկեղեցու կառույցի ներսում՝ այդ պատմական միջոցին գոյացած Կ. Պոլսի պատրիարքության իրական գերիշխանությունը:

ԾԱՆՈԹԱԳՐՈՒԹՅՈՒՆՆԵՐ

- ¹ Տե՛ս Ա. Մ. Այվազյան, «Երևանի 1724 թ. պաշտպանությունից ժամանակագրություն մասին»։ - *Պատմա-բանասիրական Հանդես*, 1991, No. 1, էջ 95:
- ² Նույն տեղում, էջ 98-100:
- ³ Պայմանագիրն ամբողջությամբ տե՛ս *Полное собрание законов Российской империи*. Москва, 1830, т. VII, No. 4531:
- ⁴ Տե՛ս *Դաւիթ Բէկ կամ «Պատմութիւն Ղափանցոց»*, էջ 96-97 (փաստաթուղթ 12), էջ 98 (փ. 16, 17), էջ 99 (փ. 19), էջ 101 (փ. 27), էջ 106 (փ. 37): Օսմանյան զորքը գերեզմարել էր ոչ միայն պարսկահպատակ, այլև, որ կարող է տարօրինակ թվալ, օսմանահպատակ բազմաքանակ հայերի (տե՛ս ՉԱՄ, Գ, էջ 783):
- ⁵ Այս մասին ավելի մանրամասն տե՛ս Ա. Մ. Այվազյան, «Իրադարձությունները Ղափանում և Նախիջևանի խանությունում 1724 թ.»։ - *Պատմա-բանասիրական Հանդես*, 1991, No. 2 (133), էջ 113. **Armen M. Aivazian**, *The Armenian Rebellion of the 1720s and the Threat of Genocidal Reprisal* (Center for Policy Analysis, American University of Armenia, Yerevan, Armenia, 1997), pp. 36-39.
- ⁶ ՉԱՄ, Գ, էջ 768. ԱԶԳ, սյուն. 1918:
- ⁷ АРО, I, док. 148, 154, с. 358, 367.
- ⁸ АРО, I, док. 154, с. 368:
- ⁹ Նույն տեղում. կաթողիկոսի գրած նամակը տե՛ս АРО, I, док. 148, с. 358-359:
- ¹⁰ АРО, I, док. 154, с. 370.
- ¹¹ *Ջամբռ*, էջ 84: Օրմանյանը վրիպմամբ իբրև Եսայու երկրորդ այցելության տարի է նշել 1720-ը (ԱԶԳ, սյուն. 1929): Սիմեոն Երևանցին այս այցելություններին տալիս է զուտ եկեղեցական-եկեմտական իմաստ, այս տեսակետին հետևում է նաև նրանից օգտված Մ. Օրմանյանը: Եսայի Հասան-Ջալալյանի երկում այս այցելությունների մասին չի հիշատակված (տե՛ս **Եսայի Հասան-Ջալալեան**, *Պատմութիւն Համառոտ Աղուանից երկրի*: Երուսաղէմ, 1868):
- ¹² *Ջամբռ*, էջ 84:
- ¹³ Նույն տեղում:
- ¹⁴ АРО, II, док. 278, с. 187-188. Հմմտ. Ա. Մ. Այվազյան, «Իրադարձություններն Այսրկովկասում 1723 թ. և արցախահայերի առաջին օգնական ռազմերթը Սյունիք»։ - *Պատմա-բանասիրական Հանդես*, 1990, No. 4 (131), էջ 69-71: Արցախում կենտրոնացվող հայոց զինուժը զինելու և մարզելու նախապատրաստությունների մասին համառոտաբար տե՛ս **Armen M.**

Aivazian, *The Armenian Rebellion of the 1720s and the Threat of Genocidal Reprisal*, pp. 9-10, 15-17.

¹⁵ Տե՛ս *Ջամբռ*, էջ 81-83:

¹⁶ *Մաշտոցի անվ. Մատենադարան*, Կաթողիկոսական դիվան, թղթ. 1, վավ. 42: Աստվածատուր կաթողիկոսի այս կոնդակը վրիպել է Հ. Անասյանի ուշադրութիւնից, տե՛ս նրա «Հայկական մատենագիտութիւն»-ը, Հ. Ա. (Երևան, 1959), էջ 676-685:

¹⁷ Գիլանէնցի հաղորդումների արժանահավատութիւնը իրավամբ բարձր են գնահատել այդ աղբյուրն ուսումնասիրած պատմաբանները՝ Ք. Պատկանյանը, Ա. Հովհաննիսյանը և Լ. Լոքհարթը, տե՛ս **Петрос ди Саргис Гиланенц**, *Дневник осады Испагани афганами (1722-1723)*. Перевод и объяснения К. Патканова. СПб., 1870, с. XXIII. Հմմտ. **Աշ. Յովհաննիսեան**, *Պետրոս դի Սարգիս Գիլանէնցի*: Ս. էջմիածին, 1916, էջ 12. տե՛ս նաև *The Chronicle of Petros di Sarkis Gilanentz*. Translated from the original Armenian and annotated by Caro Owen Minasian. With an Introduction and additional Notes by Laurence Lockhart. Lisbon, 1959, pp. X-XII:

¹⁸ Անգլերեն թարգմանված է այսպես՝ «դու՞ էլ էս մեզ լքել կամ դու՞ էլ էս մեզնից երես թեքել [You have also abandoned us!]. - *The Chronicle of Petros di Sarkis Gilanentz*, p. 49.

¹⁹ Տե՛ս «Ժամանակագրութիւն Պետրոս դի Սարգիս Գիլանէնցի», Գլուխ 104. - *Կռունկ Հայոց աշխարհին*, 1863, No. Գ, էջ 196:

²⁰ Նույն տեղում, Գլուխ 105, էջ 197:

²¹ Նույն տեղում:

²² «Մախիլա»-ն ուսեսերեն ճիշտ չէ թարգմանված՝ “написал письмо в общих выражениях” (**Петрос ди Саргис Гиланенц**, *Дневник осады Испагани афганами*, с. 40),, անգլերենում ճիշտ է՝ «a false letter» (*The Chronicle of Petros di Sarkis Gilanentz*, p. 49, note 3):

²³ «Ժամանակագրութիւն Պետրոս դի Սարգիս Գիլանէնցի».- *Կռունկ Հայոց աշխարհին*, 1863, No. Գ, էջ 197: Անգլերեն թարգմանութեան միջից լրիվ դուրս են ընկել «ձեր գիտացածն ձեռաց տէք ոչ» բառերը (*The Chronicle of Petros di Sarkis Gilanentz*, p. 50), իսկ ուսեսերեն թարգմանութիւնն այս դրվագում ստույգ է՝ “не выдавайте ваших планов” (**Петрос ди Саргис Гиланенц**, *Дневник осады Испагани афганами*, с. 40):

²⁴ *The Chronicle of Petros di Sarkis Gilanentz*, p. 50; **Петрос ди Саргис Гиланенц**, *Дневник осады Испагани афганами*, с. 40.

²⁵ Մայր Աթոռում ծածկագիր նշանների գործածութեան մասին տե՛ս «Դիւան Հայոց պատմութեան»: Աշխատասիրութեամբ՝ Գիւլա Աղանեանցի: Գիրք Գ,

Թիֆլիս, 1894, էջ 842-852. Գիրք ԺԱ, Թիֆլիս, 1913, էջ 463:

²⁶ «Ժամանակագրութիւն Պետրոս դի Սարգիս Գիւանէնցի».- *Կռունկ Հայոց աշխարհին*, 1863, No. Գ, էջ 197:

²⁷ Նույն տեղում, Գլուխ 107, էջ 197:

²⁸ Տե՛ս Ա. Մ. Այվազյան, «Իրադարձութիւններն Այսրկովկասում 1723 թ. և արցախահայերի առաջին օգնական ռազմերթը Սյունիք», էջ 63-80: Դավիթ-բեկի տրամադրության տակ գտնվող մարտիկների ընդհանուր թիվը ճշտել ենք 1720-ական թթ. Հայոց զորքի թվաքանակին նվիրված դեռևս անտիպ մի հոդվածում:

²⁹ ԱԾԾ, II, ԾԾԾ. 239, Ծ. 99. Ա. Մ. Այվազյան, «Իրադարձություններն Այսրկովկասում 1723 թ.», էջ 77-78:

³⁰ Armen M. Aivazian, *The Armenian Rebellion of the 1720s and the Threat of Genocidal Reprisal*, p. 46. Ա. Մ. Այվազյան. «Իրադարձությունները Ղափանում և Նախիջևանի խանությունում 1724 թ.», էջ 102-114:

³¹ ԱԾԾ, II, ԾԾԾ. 228, Ծ. 85-86.

³² «Ժամանակագրութիւն Պետրոս դի Սարգիս Գիւանէնցի».- *Կռունկ Հայոց աշխարհին*, 1863, No. Գ, էջ 196:

³³ “...однакож оной патриарх Арарацкой, чрез частую пересылку в Карабах к патриарху Исайю, письмами обнадеживает о своем согласии с ним” (տե՛ս АРО, II, док. 291, с. 206.):

³⁴ Աչ. Յովհաննիսեան, *Պետրոս դի Սարգիս Գիւանէնցի*, էջ 17, 26:

³⁵ Տե՛ս Judasz Tadeusz Krusinski, *The History of the Late Revolutions of Persia*. Vols. 1 and 2. New York, 1973 (Լոնդոնի 1740 թ. հրատարակության վերատպությունն է), Vol. 2, p. 178. Հմմտ. Աբրահամ Երեւանցի, *Պատմութիւն պատերազմացն 1721-1736 թուի*: Հրատարակեց Սահակ Ճեմճեմեան. Վենետիկ-Ս. Ղազար, 1977, էջ 31-35): Տե՛ս նաև Արմեն Այվազյան, «Աստվածատուր Ա. Համադանցի կաթողիկոսը (1715-1725) և Հայ ազատագրական շարժումը».- *Էջմիածին հուլիս-օգոստոս*, 2002:

³⁶ ՉԱՄ, Գ, էջ 801:

³⁷ Տե՛ս ՉԱՄ, Գ, էջ 804. Ա.ԶԳ, սյուն. 1954:

ԳԼՈՒԽ Գ.

ԿԱՐԱՊԵՏ ՈՒԼՆԵՑԻՆ (1661-1729) ԵՎ ՆՐԱ ԿԱԹՈՂԻԿՈՍԱՆԱԼՈՒ ՀԱՆԳԱՄԱՆՔՆԵՐԸ

1720-ական թթ. Կ. Պոլսի պատրիարքություն՝ Հայ եկեղեցու նվիրապետական կառույցում ձեռքբերած գերիշխան դիրքը առավել ցայտուն արտայայտություն ստացավ 1726 թ. փետրվարին՝ Հովհաննէս Կոլոտի հովանու ներքո անցկացված Ամենայն Հայոց նոր կաթողիկոսի ընտրության ժամանակ¹:

Ստորև մանրամասն քննելու ենք Կարապետ Ուլնեցու կաթողիկոսանալու հանգամանքները, այս մասին Սիմեոն Երեւանցու հայտնած կարծիքը և այդ կապակցությամբ Օրմանյանի արած մեկնաբանությունները:

Իր Ջամբու-ում, Սիմեոն Երեւանցին, դրվատելով հանդերձ Կարապետ Ուլնեցու անձը², միաժամանակ գրում էր.

«Սա ի հրաւիրին ի մեծ Պօլիս օժեցաւ կաթողիկոս՝ թելադրութեամբ եւ չար դիտաւորութեամբ Բաղիշեցի Յովհաննէս վարդապետին (որ յայնմ ժամանակի պատրիարք էր նոյնոյ քաղաքին Պօլսոյ): Քանզի ետ օժանել զսա ի կաթողիկոս՝ որպէս ասացաք, եւ ինքն եւ իւրքն ձեռնադրեցան անդ եպիսկոպոս: Եւ մինչ ետես զի ամենայն ըղձից իւրոյ ահա ժամանակ է լնանցեման (զի տեսանէր զԿարապետ կաթողիկոսան միամիտ եւ անտեղեակ որպիսութեանց սրբոյ Աթոռոյս)՝ յաւել եւ զայս չարութիւնս. զի զարգա տալն կաթողիկոսաց թաղաւորացն օսմանցւոց ընդ ձեռամբ իւրով արար: Յայնմ օրէ սովորութիւն եղեւ՝ զի զոր ինչ խնդիրս ունիցին կաթողիկոսքն ի յօսմանցւոց թաղաւորէն՝ պատրիարքն Պօլսոյ տայցէ զարգայն եւ ո՛չ այլ ոք...»³:

Քիչ անց Սիմեոն կաթողիկոսն այս հարցն արծարծում է ևս մեկ անգամ.

«Ապա ի հրաւիրելն ի կաթողիկոսութիւն վերոյիշեալ Կարապետ կաթողիկոսիդ (որ էր յայն կուսացի եւ մանաւանդ ի վիճակէն Սրսայ), Աթոռոյս որպիսութեան, պատուոյն եւ իշխանութեան ամենեւեւին անտեղեակ, ինքն եւս ծեր եւ պարզամիտ: Իսկ այն Յովհաննէս վարդապետն Բաղիշեցի... խորամանկ, շոքմոզ, կեղծաւոր եւ խաբող, որպէս բերքն է Բաղիշու եւ այնց կողմանց...»⁴:

Օրմանյանը, ընդարձակորեն⁵ մեկնաբանելով վերոբերյալ ամբաստանությունները, գալիս է այն եզրակացութեան, թե դա միմիայն Սիմեոն կաթողիկոսի անձնական կարծիքն է, որն իբր արդյունք է նրա կաթողիկոսութեան օրոք՝ 1763-1780 թթ., Մայր Աթոռի և Պոլսի Հայոց պատրիարքութեան միջև առաջացած լարվածությունների.

«...Հավանական կկարծենք ըսել, թե Երևանեցին՝ կաթողիկոսական Աթոռին վրա գտնվելով, կփափաքէր ամեն գործ իր հրամանին ներքև առնուլ, ինչպէս իրեն տարապայման տարածյալ գործունեութենէն ալ կգուշակվի: Արդ՝ տեսնելով որ Տաճկաստանի գործերուն նկատմամբ իր ձգտումներն արգելք կգտնէին Կ. Պոլսո պատրիարքներուն իրավասութենէն, և կարծելով որ այդ դրությունը Կոլոտի օրէն և Կարապետի ընտրութենէն սկիզբն առած է՝ իր բոլոր գայրույթը թափած է արդէն վախճանած Կոլոտի գլխուն, որով ընդդիմախօսի հանդիպելու վտանգէն ալ զերծ կմնար»⁶:

Սակայն հարցի զննումն այսպես՝ զուտ անձնական շահերի և ձգտումների տեսանկյունից, թույլ չի տալիս նշմարել, որ իրականում երևութապես միայն միջանձնային այս հարաբերությունների թիկունքում շարժվում են խմբակային շահեր և հաշվարկներ, քաղաքական ծրագրեր և պետական ազդեցություններ: Սիմեոն Երևանցու վերը բերված տեսակետն ամենեւին զուտ զգացմունքի և անհատական փորձառություն արդյունք չէ, ինչպէս կարծում է Օրմանյանը, այլ հիմնված է պատմական կարևոր զարգացումների վրա: Ստորև ցույց ենք տալու, որ Սիմեոն կաթողիկոսն ընդամենն արտահայտել է այն բացասական կարծիքը, որ 1726 թ. ի վեր ձևավորվել է Կոլոտի գործունեության հանդեպ ինչպէս Մայր Աթոռ Ս. Էջմիածնում, այնպէս էլ հայ, ու հատկապես արևելահայ կղերի լայն շրջա-

նակներում: Բոլորովին այլ խնդիր է, որ Սիմեոն կաթողիկոսի՝ Պոլսի պատրիարքների հետ ունեցած անախորժուկությունները կարող էին հուզական թարմ լիցք հաղորդել նրա քննադատությունը՝:

Կոլոտի դեմ դժգոհությունների սկիզբը

Հովհաննես Կոլոտի դեմ առաջին լուրջ դժգոհություններն առաջացան 1726 թ., երբ նա Կ. Պոլսում կազմակերպեց կաթողիկոսական ընտրություններ և Ամենայն Հայոց կաթողիկոսի պաշտոնում առաջադրեց ու պաշտպանեց Կարապետ Ուլնեցու թեկնածուկությունը:

Մայր Աթոռից Աստվածատուր կաթողիկոսի մահվան լուրն ստանալուն պես՝ Կոլոտն անմիջապես սկսել է պատրաստություններ տեսնել Կ. Պոլսում հաջորդ կաթողիկոսի ընտրություններն անցկացնելու համար: Նա նաև իսկույն առաջադրել է Կարապետ Ուլնեցու թեկնածուկությունը, որը 32 տարի շարունակ՝ 1694-ից մինչև 1726 թ., անընդմեջ առաջնորդել էր «Գաղատիոյ առաքելական վիճակը»⁸: 1725 թ. դեկտ. 21-ին Պոլսում գրված մի նամակի մեջ այդ մասին այսպես է ասված.

«Հայոց կաթողիկոսն վախճանեցաւ եւ կամեցան ի տեղի նորա ի Գաղատիոյ եղեալ զԿարապետ վարդապետն նստուցանել՝ Ստամբոլու պատրիարզին մարիֆաթովն (՝ներկայացմամբ, առաջարկութամբ, գովասանական երաշխավորութամբ)»⁹:

Երկու օր անց գրված մեկ այլ նամակից տեղեկանում ենք, որ Կ. Պոլսում 1725 թ. դեկտեմբերի վերջին շաբաթվա մեջ գումարված խորհրդակցական ժողովը («ժողով գոյ աստ վասն կաթողիկոսի») առաջադրել է մի քանի այլ թեկնածուկություններ. «ոմանք՝ զՄինաս վարդապետ Ակնցի..., ոմանք՝ զԿարապետ վարդապետն, ոմանք՝ զՄանուէլ եւ ոմանք զայլ, եւ տակաւին չեն բացորոշեալք»¹⁰:

Այսպիսով, պարզվում է, որ Կոլոտի՝ Կարապետ Ուլնեցուն կաթողիկոսացնելու առաջարկությունն հանդիպել է առնվազն մի քանի օր տևած դիմադրության: Եթե նկատի ունենանք, որ այդ պահին Կոլոտ պատրիարքը գտնվում էր իր իշխանության և հեղինակության գագաթնակետին, ապա նրա առաջարկությունն անմիջապես չընդունելը պետք է շատ լուրջ հիմքեր ունենար:

Կարապետ Ուլնեցու ընտրությանը մասնակցած արևելահայ եպիսկոպոսները

Ուլքե՞ր են եղել Կարապետ Ուլնեցու կաթողիկոսանալուն դեմ եղած կամ առնվազն դժկամորեն վերաբերած եպիսկոպոսները: Կարապետ Ուլնեցու ինքնակենսագրականից պարզվում է, որ ընտրական ժողովին, բացի պոլսեցիներից և մյուս օսմանահպատակ հայերից, մասնակցել են նաև արևելահայ գործիչներ.

«...ի ՌՃՂԴ (1725) թուին հանգեալ ի Քրիստոս տէր Աստուածատուր կաթողիկոսն Սուրբ Էջմիածնի, որոյ պատճառաւ իջեալ յարեւելեան եւ Հոռոմաստանու եղեալ արքեպիսկոպոսունք ի Թագաւորանիստ մեծ մայրաքաղաքն Կոստանդնուպօլիս... եւ նախահոգակ պատրաստութեամբ հրաւիրեցին զգագաշեալ ծերութիւնս իմ յայս աստիճան կաթողիկոսութեան¹¹:

...եկին եւ հասին այլ եւս մեծամեծ եպիսկոպոսունք ի յարեւելից եւ ի բոլորից...»¹²:

Զեռնագրության հանդեսը տեղի է ունեցել 1726 թ. մարտի 6-ին, «անառակի կիրակի» օրը, Ս. Աստվածածին եկեղեցում. մասնակցել է առնվազն 12 եպիսկոպոս¹³:

Այս հանդեսին ստուգապես մասնակցած կարելի է համարել արևելահայ կղերական կուսակցության հետևյալ երեք ներկայացուցիչներին.

1) ընտրությունից անմիջապես հետո աթոռակալ նշանակված և Մայր Աթոռ ճանապարհ ընկած Սիմեոն (մեծ) վարդապետ Երևանցուն, որը դեռևս 1724 թուականից յիշուում է որպես Ս. Էջմիածնի նվիրակ Կ. Պոլսում¹⁴:

2) Կաթողիկոսի թեկնածուների շարքում հիշատակված Մանվել Աստապատցին, որին Սիմեոն վարդապետի հետ միաժամանակ կամ դրանից ոչ շատ անց Կարապետ կաթողիկոսը հավանաբար երկրորդ աթոռակալ է նշանակել¹⁵: Մանվել Աստապատցու նախընթացը մեզ անձանոթ է¹⁶, այնուհանդերձ, դատելով նրան աթոռակալ նշանակելու փաստից, ինչպես նաև Մայր Աթոռի հետ Աստապատի հոգևորականության ավանդական սերտ կապերից¹⁷, կարելի է հետևեցնել, որ նա բարձրաստիճան հոգևորական էր և, ի տարբերու-

Թյուն կաթողիկոս ընտրված Կարապետ Ուլնեցու՝ քաջածանոթ էր Մայր Աթոռի գործերին: Թերևս այդ պատճառով էլ աթոռակալ է նշանակվել¹⁸:

3) Նույնպես կաթողիկոսի թեկնածու է հիշված ակնցի Մինաս Փերվազյանը, որին 1726 թ. մարտին Կարապետ Ուլնեցին նշանակում է Զմյուռնիայի առաջնորդ (ըստ Փերվազյանի՝ իր նշանակումը պայմանավորված էր այս հանդեսին նրա ներկայանալով՝ «Բայց իբրև գտայ ի հանդէսն կաթողիկոսին, առժամայն արար զիս կաթողիկոսն առաջնորդ Զմիւռնիոյ»¹⁹:

Թեև Մինաս արքեպսկ. Փերվազյանը ծննունդով արևելահայ էր՝ ակնցի էր²⁰, այնուամենայնիվ 1725 թվականի դրուժյամբ արդեն հայտնի էր իր «էջմիածնական» գործունեությունը: 1710-1725 թթ. նա եղել էր Հաղբատի և Թիֆլիսի միացյալ մեծ վիճակի առաջնորդը²¹, 1722 թ. դեկտեմբերի 12-ին իր իսկ «ձեռամբ» գրված մի նամակի համաձայն, ինքն էր՝

«Աթոռակալ սուրբ Եջմիածնի. յաժմուս արքեպիսկոպոս եւ առաջնորդ Հաղբատու Սուրբ Նշանին, Թագաւորաշէն աթոռոյն եւ բոլոր Վրացտանու վերատեսուչ»²²:

1724 թ. սեպտեմբերի 9-ով թվագրված մի վավերագրի մեջ ևս հիշվում է «Մինաս աթոռակալ»ը, որը նույն Մինաս Փերվազյանն է²³:

Ինչպես տեղեկանում ենք 1722 թ. դեկտեմբերի 12-ի նամակից, այդպես էլ Եղիա Մուշեղյանի դիվանում գտնվող նյութերից²⁴, Մինաս Փերվազյանը եռանդուն ու պատասխանատու մասնակցություն է բերել նաև 1720-ականների սկզբին ծավալված Հայ ազատագրական շարժմանը, թեև ինքն այս մասին լռել է անգամ կյանքի մայրամուտին հեռավոր Վենետիկում գրած ինքնակենսագրականի մեջ՝ հաշվի առնելով Հայաստանում մնացած գործիչների, մերձավորների ու առհասարակ Հայ եկեղեցու անվտանգություն պահանջները²⁵:

4) Հետագա քննությունը թույլ է տալիս ենթադրել, որ օժման հանդեսին ներկա արևելցի եպիսկոպոսների թվում կարող էր լինել նաև այդ պահին Կեսարիայում Ս. Էջմիածնի նվիրակը՝ Ղազար Զահկեցին:

Կարապետ Ուլնեցու կենսագրական կարևոր մանրամասներ

Ինչո՞ւ «ոմանք» (իմա՝ Հիմնականում արևելահայ գործիչները) դեմ էին Կարապետի կաթողիկոսանալուն և ինչո՞ւ էին հենց նրանք առաջադրում այլ թեկնածուություններ: Այս հարցին Սիմեոն Երևանցու վերը մեջբերված հատվածում կա երկու բացատրություն. ա) Կարապետը, ըստ Սիմեոնի՝ «Աթոռոյս որպիսութեան, պատուոյն եւ իշխանութեան ամենեւին անտեղեակ, ինքն եւս ծեր եւ պարզամիտ» էր, և բ) Կարապետը «էր յայն կուսացի եւ մանաւանդ ի վիճակէն Սըսայ»: Քննենք երկու դրույթն էլ:

1726 թ. Կարապետը 65 տարեկան էր²⁶ և ինքն իրեն համարում էր խոր ծերություն մեջ. այսպես, 1727 թ. սեպտեմբերին նա իր տարիքի մասին գրում էր՝ «երեկոյալ պահու կենաց իմոց²⁷», կամ՝ «Եւ իմ տեսեալ (կաթողիկոս ընտրուելու բազմակնիք փաստաթուղթը՝ Ա.Ա.)՝ արդարեւ բազմիցս հրաժարեալ չոգայ յետս, զբազում ինչ անկարուծիւն պատճառելով, մանաւանդ զծերութիւնս եւ զցաւազարուծիւնս իմ ցուցանելով... վասն որոյ իջի ընդ նոսա ի քաղաքն մեծ, որպէսզի եւ ցուցեալ զծերութիւնս իմ եւ դարձայց ի վանս»²⁸, կամ՝ «անդանոր (իմա՝ Սկիւտարի հոգետանը) հանգուցին զծերս» եւ այլն²⁹: Այն, որ Կարապետը վախճանվեց 1729 թ. հոկտեմբերի 2-ին, ևս վկայում է նրա վատառողջության մասին:

Կարապետն իրոք «ամենեւին անտեղեակ» էր Մայր Աթոռի «որպիսութեան, պատուոյն եւ իշխանութեանը», քանզի միակ կարճատև այցով այնտեղ էր եղել տակավին 1694 թ.³⁰, իսկ 1705 թ-ից ի վեր՝ 21 տարի (!), Գաղատիայի վիճակի սահմաններից դուրս չէր եկել³¹:

Ուրեմն ակնհայտ է, որ Կ. Պոլսի ընտրական ժողովին Կարապետի կաթողիկոսանալուն դեմ եղած գործիչները բերած պիտի լինեին նրա ծերության և Մայր Աթոռի գործերի մեջ անփորձ լինելու վերը նշված փաստարկները: Սակայն, դրանք այնքան էլ խոսուն չեն եղել թեկուզև այն պատճառով, որ Կարապետ Ուլնեցին պահպանել էր դեռևս մտքի և մարմնի այնպիսի ունակություն, որ կաթողիկոս ընտրվելուց հետո կարողացավ բավական աշխույժ գործունեություն ծավալել և՛ Կ. Պոլսում, և՛ Ս. Էջմիածնում: Մասնավորապես, մնալով

Կ. Պոլսում «տարի մի եւ Բ (2) ամիս՝ առ ի հոգալ զբազում հոգս Սուրբ Աթոռոյն, մանաւանդ պէսպէս հրամանահանութեան»³², նա, Հովհաննէս Կոլոտի անփոխարինելի գործակցութեամբ, կարողացավ ձեռք բերել, իր իսկ բառերով՝

«Հրաման արքունական վասն մեր յոյժ պիտանի եւ կարելոր, խեթկիչ բռնաւորաց, զի մի՛ արգելօղք լինիցին հոգեւոր հրամանաց եւ դատողութեան մերում եւ կամ նեղեացեն զնուիրակունս մեր, եւ այլ սոյնպիսի վեցեսին հրամանս սաստիկս, ի յօգուտ եւ յապահով յանգստակացութիւն Սրբոյ Աթոռոյն Էջմիածնի, եւ նորին կալուածոցն, հողոցն եւ ջրոցն եւ միաբանիցն, ոչ միայն Սուրբ Էջմիածնին, այլ եւ ամենայն վանորէիցն. որովհետեւ կալան զերկիրն Օսմանցիքն, եւ է Սուրբ Աթոռն ի յանցս ճանապարհին պատերազմաց, եւ չեւ եւս են հաշտեցեալք, կարի յարկաւորք են այսպիսի հրամանքս զորս ընկալաք»³³:

Կարապետը, իր կրթվածութեամբ և վարչական կարողութեամբ, վաղուց ի վեր մեծ հարգանք էր վայելում եկեղեցական շրջանակներում: Ահա թե 1714 և 1718 թթ. ինչպես էր բնութագրում Կարապետին Կարմիր վանքի միաբան Հովհաննէս Զեյթունցին.

(1714 թ.) «...ի յառաջնորդութեան Սրբոյ Աթոռոյս Զեյթունցի Կարապետ Աստուածաբանութեամբ ճոխացեալ վարդապետին, արհի եւ պանծալի արշի եպիսկոպոսին, որ այժմ ունի եւ վայելէ զիւր գահապետութիւն, հանդերձ բազմահոյլ եւ գումարախումբ միաբանիւք, զոր իսկոյն կառավարէ եւ խնամարկէ զիւրաքանչիւրն ըստ պիտոյիցն հարկաւորօքն եւ վայելչականօքն, հոգեւորականօք եւ մարմնականօք ամենիմաստ գիտութեամբն իւրով...

(1718 թ.)...յառաջնորդութեան սրբոյ ուխտիս Զեյթունցի ամենապատուելի մեծի Տեառն Կարապետի գերահռչակ եւ ճոխափառ ծայրագոյն բաբունապետի եւ Աստուածաբանութեանց վարդապետի, եւ առաքելական վիճակիս Գաղատիոյ՝ արեգականափայլ եւ լուսածագ Արքայ եպիսկոպոսի...»³⁴

Կարապետ կաթողիկոսի վարչական-դիվանագիտական կարողությունները մասին դրական է արտահայտվում նույնիսկ նրան կուսակցական հակառակորդ համարող Սիմեոն Նրեանցին.

«Սա էր այր ծեր եւ անձնեայ, մեծաշուք եւ առատաձեռն... Սա ետ նկարել զպատկերս երկոտասան Առաքելոցն ի ճակատ Աւագ

խորանին եւ ետ ծաղկել ոսկեզօծ եւ գեղեցիկ գունօք: Ունի հոգացեալ եւ զգրեանս օգտարարս... Եւ մինչ ի ժամանակս սորա երկիրս մեր ընդ իշխանութեամբ Օսմանցւոց էր, ուստի եւ սա կարի յառաջագէմ եւ յաջողակ էր ի բանս եւ սիրիւր ի նոցունց, զԵրևանու մեղիք Յակոբճանն ի կախաղանէն իջուցեալ ապրեցոյց ի մահուանէն»³⁵:

Այս պարբերությունից կարելի է մակաբերել նաև, թե Կարապետին կաթողիկոսացնելու անհրաժեշտության օգտին ինչպիսի փաստարկներ պետք է բերած լիներ Կոլոտ պատրիարքը (որն այդ պահին, ի դեպ, դեռևս եպիսկոպոս չէր): Թեև Գաղատիայի առաջնորդն իսկապես վատածանոթ էր Պարսկահայաստանի եկեղեցաքաղաքական վիճակին և ավանդական կացութեանը, սակայն, ամբողջ կյանքն ապրած լինելով Օսմանյան կայսրության մեջ, նա հրաշալի գիտեր Արարատյան երկրի և Մայր Աթոռի վրա իրենց վարչությունը հաստատած օսմանցիներին: Իսկ այդ պահին ամենակարևոր գործն, իրոք որ, Երևանի օսմանյան կուսակալի հետ լավ հարաբերությունների հաստատումն էր: Նույնիսկ Կարապետ Բ Ուլնեցուն չհամակրող Սիմեոն կաթողիկոսի վկայությամբ՝ Կարապետն այս խնդիրը փայլուն է լուծում: Ուստի Կարապետ կաթողիկոսին «պարզամիտ» անվանելով՝ Սիմեոնը նկատի ուներ, նախ և առաջ, նրա անկեղծությունը, պարզ սիրտ ու հասարակ վարք ունենալը (ի հակադրություն՝ «խորամանկ, շքմոգ, կեղծաւոր եւ խաբող» Կոլոտի), ապա նոր նրա անտեղյակությունն էջմիածնի կաթողիկոսի և Մայր Աթոռի գերակայության վերաբերյալ զանազան արարողակարգային ընդունված նորմերին և այլ կարգի խնդիրներին³⁶: Առհասարակ՝ Սիմեոնի բերանում «պարզամիտ»ը դրական իմաստ ունի, այլապես նա այն չէր օգտագործի իրեն իսկ ինքնաբնութագրելիս³⁷:

Վերը նշել ենք, որ, օսմանյան հետախուզությունը համոզված էր, որ Աստվածատուր Համադանցի կաթողիկոսը մասնակցել է Արցախում և Սյունիքում կենտրոնացած հայկական զինուժի համախմբմանը, որոնք իրենց հերթին կապ էին հաստատել պարսկական հակաօսմանյան ուժերի և Ռուսաստանի հետ: XVIII դարում էլ (ինչպես և այսօր) ապստամբների և օտար պետության հետ համագործակցելը դիտվել է իբրև հակապետական գործողություն եւ լրտեսություն: Ահա մեկ օրինակ: 1745 թվին, ձերբակալելով հայ ճանաչված

երկու արքեպիսկոպոսների և հարուցելով մի շարք ամբաստանություններ, Ղազար Ձահկեցին նրանց ամենամեծ մեղքը համարում էր լրտեսությունը.

«Ստուգուլթեամբ ի վերայ հասեալ եմ, զի դուք երկոքին եւս լրտես էք յայլմէ թագաւորութենէ (իմա՝ Օսմանյան կայսրության - Ա.Ա.). վասն որոյ պա՛րտ է ինձ դատաստան առնել ընդ ձեզ, եւ յետ դատելոյ առաքել ի Դավրէժ առ մեծ իշխանն պարսից, զինա եւս դատեսցէ եւ պատուհասեսցէ զձեզ»³⁸:

Միջպետական հարաբերությունների ոլորտին վերաբերող այսօրինակ իրողությունների դիտարկումը թույլ է տալիս ճշտել Կ. Պոլսում Կարապետ Ուլնեցուն կաթողիկոս ընտրելու ընթացքի վրա ազդած թերևս ամենավճռորոշ՝ ցայսօր չնկատված և ստվերում մնացած հանգամանքը: Բանն այն է, որ այդ ընտրությանը միջամտած պետք է լիներ Բարձր Դուռը, որը ցանկանալու էր Ս. Էջմիածնի գահին բազմած տեսնել հե՛նց Կարապետի պես ողջ կյանքն Օսմանյան երկրում պաշտոնավարած վստահելի մի անձի, և ո՛չ թե իրեն վատածանոթ արևելահայ եկեղեցական որևէ գործչի, որը կարող էր Արցախում և Սյունիքում թուրքերին դիմադրող հայկական զինուժի հնարավոր գաղտնի աջակիցն ու համախոհը լինել, կամ անցյալում հաստատված կապեր ունենալ պարսկական և ռուսական իշխանությունների հետ:

Ս. Էջմիածնի Աթոռին օսմանահայատակ գործչի տեսնելու իր պահանջով կաթողիկոսական ընտրությունների վրա ներազդելու համար Օսմանյան արքունիքը ուներ միակ արդյունավետ ճանապարհ՝ իր պահանջը ներկայացնել ի պաշտոնն մշտապես Բարձր Դուռն հետ գործակցող Կ. Պոլսի Հայոց պատրիարքին ու նրանից էլ ակնկալել այդ պահանջի կատարումը: Այլ հարց է, որ ինքը՝ Կոլոտ պատրիարքը չէր կարող բարձրաձայն բոլորի առջև բացահայտել Բարձր Դուռն դրած այս խիստ պայմանը, որի մասին գիտեին գուցե մի քանի հոգի միայն: Հետնաբեմային այս անցուղարձին ժողովականների մեծ մասը, ինչպես և ժողովուրդը անտեղյակ էին: Սա էլ հենց նպաստեց Կոլոտին ուղղված մեղադրանքների առաջացմանը, ըստ որի հե՛նց նա է խախտել Հայ եկեղեցու աւանդությունները՝ կաթողիկոսական ընտրությունն անցկացնելով Կ. Պոլսում ու նաև չհարգելով չորս Աթոռների գերակա մասնակցության կանոնը:

Կարապետ Ուլնեցին իբրև «յայնկուսացի»
(*արևելահայ և արևմտահայ կղերի հարաբերությունները*
XVII-XVIII դարերում)

Սակայն, Կարապետի կաթողիկոսանայուն դեմ եղածները, ավելի խորքում ունեին կարևոր ու, անշուշտ, ժողովի ժամանակ բարձրաձայն չարժարծված ևս մի պատճառ, այն է՝ որ Կարապետը «յայն կուսացի եւ մանաւանդ ի վիճակէն Սըսայ» էր: Մ. Օրմանյանը, բանեցնելով Սիմեոն կաթողիկոսի դեմ նույնպիսի անհարկի հարձակողականություն, որպիսին վերջինս գործածել էր Կոլոտի դեմ, այս առթիվ գրում է, թե Սիմեոնը «քսուլթյան ձևերու ալ կղիմե և Կարապետին ի վիճակէն Սըսա, այսինքն՝ պարզ ծննդյամբ զեյթունցի ըլլալը կհիշէ, զի այն նշանակութենէ զուրկ պարագա մըն է և ոչ երբեք Կարապետի՝ Սսո միաբան կամ Սսո Աթոռէն եպիսկոպոսացած ըլլալը կցուցնէ. ապա թե ոչ՝ հայտնապես գրած կըլլար զայդ եթե այնպես եղած ըլլար: Իբր քսուլթյուն կնկատենք նաև Կարապետը «յայնկուսացի» կոչելը, լատինամիտ և կաթողիկոսյան հակամետ ըսել ուզելով»³⁹:

Իրականում, ինչպես ստորև կտեսնենք, Սիմեոն Երևանցու «յայնկուսացի»-ն նշանակում է արևմտահայ եղիազար Այնթապցի (1682-1691) և Նահապետ Եդեսացի (1691-1705) կաթողիկոսների կղերական կուսակցության ներկայացուցիչ, կուսակցություն, որը վաղուց ի վեր վարկաբեկված էր արևելահայ հոգևորականության շրջանում և որին հաճախ վերագրվում էր նաև լատինամետ ընթացք:

Առանց մեջբերելու հանրահայտ փաստերը՝ հիշեցնենք, որ սկսած Կիլիկյան Հայաստանի ժամանակաշրջանից՝ արևելահայ և արևմտահայ կղերի հարաբերություններում որոշակի լարվածությունը մերթմընմերթ բերում էր անցանկալի բախումների: Մասնավորապես, 1441 թ. Ս. Էջմիածնում Մայր Աթոռի վերահաստատվելուց ի վեր, ավանդական էին դարձել Սսի և Էջմիածնի միջև հակասությունները, Չամչյանի բառերով ասած՝ «ատելութիւն թշնամութեան, որ կայր ի մէջ երկուց Աթոռոց»⁴⁰: Ամենալուրջ ճգնաժամը արձանագրվեց 1664 թ., երբ Սսի գահակալ Խաչատուր Գաղատացու ձեռքով կաթողիկոս օծված եղիազար Այնթապցին հռչակվեց բոլոր արևմտահայոց կաթողիկոս: 1681 թ. եղիազարի՝ Ս. Էջմիածնի կաթողիկոս

դառնալով կրքերն առժամանակ հանդարտվեցին, սակայն շատ չանցած, նրա աշակերտ Նահապետ Եդեսացու անօրինաբար կաթողիկոսանալով (1691 թ. օգոստ. 10)՝ Հայաստանյայց եկեղեցին ապրեց ևս մեկ ցավոտ շրջան, որը, բացի բարոյական, նյութական և անգամ մարդկային ծանր կորուստներից, հանգեցրեց մինչև իսկ Մայր Աթոռից արևելահայ խոշորագույն կենտրոններից մեկի՝ Նոր Զուղայի ամբողջ վիճակի ժամանակավոր փաստական անջատմանը (1693/4 թ-ից մինչև 1705 թ.)⁴¹: Եղիազար և Նահապետ կաթողիկոսների հանդեպ արևելահայ հոգևորականության շրջանում ձևավորված ընդհանուր բացասական վերաբերմունքի արտահայտությունները մանրամասն ներկայացրել ենք սույն գրքի Հավելված Ա-ում (տե՛ս, մասնավորապես, Զաքարիա Քանաքեռցու տված գնահատականը):

Միանգամայն բնական է, որ այս մտապատճենի (ստերեոտիպի) հակադարձ երեսը գտնում ենք հայ կղերի արևմտահայ կուսակցության մեջ. տակավին 1634 թ. Սսի Սիմեոն Բ. Սեբաստացի (1633-1648) կաթողիկոսը Ս. Էջմիածնի կաթողիկոսին հղած իր մի գրգռիչ նամակում այսպես էր ակնարկում պարսկական վարչության ներքո պաշտոնավարելու թերի պարագաները.

«Սակայն երկրի մերում չես կարող առնել ինչ, հանդարտ կաց, զի այս երկիրս Օսմանեան երկիր է, սոցա դատաստանն ուղիղ է, Աստուած զսոցա թագաւորութիւնն հաստատ պահեսցէ...», կամ՝ «...սոքա օսմանցի են. թէպէտ այլազգի են, բայց ուղիղ դատաստան ունին»⁴²:

Այս վերջին մտապատճենը, սակայն, հաճախ մերժվել է հե՛նց սեփական ճամբարում. այսպես 1656 թ. հունիսի 5-ին Կ. Պոլսի հայ բնակչությանը, Ս. Էջմիածնի նվիրակին հասցեագրած մի նամակում, ծայրահեղ բացասական բնութագրություն է տալիս Օսմանյան կայսրությանը, ավանդաբար անվանելով այն Տունս Հունաց.

«Ի Կոստանդնուպօլսոյ Զ (6) եկեղեցոյ իշխանաց, աթոռակալից, եկեղեցականաց եւ այլ հասարակ քահանայից, ժողովրդեան մեծամեծաց եւ փոքունց եւ այլ եկք եւ բնիկք Հոռմցոցս ամենայնի՝ ուչ լիցի քեզ Արեւելցի Մարտիրոս եւ Մովսէս վարդեպետք եւ նուիրակդ, պարոնտէրդ եւ փիլիսոփայդ, որ լու եղեւ փափաքելի եւ սխրալի գալուստ քո առ անարգ եւ մոլի, յիմար եւ տմարդի Տունս Յունաց (ընդգծումն իմն է՝ Ա.Ա.)»⁴³:

Արդ, Սիմեոն Երևանցին, ստանալով իր կրթությունն ու դաստիարակությունն Ս. Էջմիածնում («վարժեալ ի մանկութենէ ի ծոց սրբոյ Աթոռոյ»⁴⁴), քաջատեղյակ էր Եղիազարի ու Նահապետի վայգործունեությանն ու դրա տխուր արդյունքներին: Այսպես, ծանուցելով, որ սկսած 1706 թ. Էջմիածնի կաթողիկոսները, բացի պարսից շահից, ենթակա էին դարձել նաև օսմանյան սուլթանի հաստատմանը, նա նշում էր. «որոյ պատճառն է գլխաւորապէս Եղիազարու եւ այլոց նոյնապիսեաց լրբութիւնն»⁴⁵: Այն, որ «այլոց նոյնապիսեաց» ասելով, Սիմեոնն առաջին հերթին նկատի ունէր Նահապետ Եդեսացուն, պարզ է դառնում վերջինիս այսպիսի բնութագրությունից՝ «էր նման Եղիազարու (որոյ էր աշակերտ). այր ճոռամախօս եւ փառապերճ, իշխան եւ ահարկու, յորմէ կասկածէին ամենեքեան»⁴⁶:

Լսելով Կարապետ Ուլնեցուն կաթողիկոսացնելու Կոլոտի մտադրության մասին՝ Կ. Պոլսի ժողովին մասնակցող արևելահայ հոգևորականները, անշուշտ, վերհիշել են կաթողիկոսացուի կենսագրության երկու մանրամասնություն. նախ՝ Կարապետը, ինչպես և Եղիազար կաթողիկոսը՝ ծնունդով կիլիկեցի էր՝ «ի վիճակէն Սրսայ», և երկրորդ՝ 1694 թ. նրան եպիսկոպոսացրել ու Գաղատիո վիճակի առաջնորդ էր կարգել ոչ այլ ոք, քան Նահապետ կաթողիկոսը⁴⁷: Ավելին, Կարապետի «հոգևոր ծնօղ»՝ Գաղատիայի նախկին առաջնորդ Ստեփանոս արքեպիսկոպոսը, նույնպես զեյթունցի էր և Նահապետ կաթողիկոսի հետ լավագույն հարաբերությունների մեջ էր: Նահապետի համար ծանր 1694 թ., երբ Նոր Զուղան արգեն ի լուր ամենքի իր անվստահությունն էր հայտնել Ս. Էջմիածնի կաթողիկոսին՝ արգելելով իր վիճակի տարածքում պատարագի ու ժամբարության մեջ հիշատակել նրա անունը (տե՛ս Հավելված Ա), Ստեփանոսն, ի նշան իր արակցության, «բազում ընծայելք» Մայր Աթոռ է ուղարկում Կարապետ Ուլնեցուն⁴⁸: Ուստի հին թշնամությունը չմոռացած արևելահայ եկեղեցականները (ու նրանց հետագայում ընդամենը կրկնած Սիմեոն Երևանցին) իրավունք ունեին Կարապետին անմիջապես նկատելու «յայնկուսացի», այսինքն՝ եղիազար-նահապետյան արևմտահայ կուսակցության ներկայացուցիչ:

Այնուամենայնիվ, «ի վիճակէն Սրսայ» արտահայտության իմաստն ու ենթաիմաստներն առավել ընդգրկուն պատկերացնելու համար պետք է փոքր-ինչ ավելի խորանալ պատմության մեջ: 1633

թ. Սսի վերոհիշյալ Սիմեոն կաթողիկոսը, իր պնդմամբ՝ առաջնորդ-վելով Գաղատիո ժողովրդի ցանկությամբ, եպիսկոպոսացրել և տեղի առաջնորդ էր կարգել կիլիկեցի Թորոս վարդապետին: Սա Ս. էջմիածնի իրավասությունների կոպիտ խախտում էր, քանզի Գաղատիա-Անկյուրիան, ինչպես, պատասխանելով Փիլիպպոս կաթողիկոսի հանդիմանությանը, ընդունում էր ինքը Սսի Սիմեոն կաթողիկոսը՝ «էջմիածնի է թեմն»: Սակայն, դրա հետ միասին, նա չէր հրաժարվում իր իրավունքից՝ ազատորեն եպիսկոպոս ձեռնադրելու հատկապես նրանց, ովքեր ծննդեամբ Սսի վիճակից էին:

«Արդ այսուհետեւ ի՞նչ իրաւունք մնաց քեզ, որ թուղթ յղես վասն նորա եւ մեղադրես զմեզ, թէ՛ եպիսկոպոս ես օրհնեալ զի եթէ օրհնեմ, զի՞նչ վնաս ի նմանէ՛ ո՞չ ապաքէն ի մեր թեմն է, զի ի կողմանէ հօր ի Գամրայ երկրէն է եւ ի մօր կողմանէ՛ ի Մելիտինայ, զի հարբ եւ մարբ իւրով ի թեմէս եւ ի վիճակէս մերմէ է, քեզ զի փոյթ է, որ թուղթ եւ մեղադրանք յղես ի կողմանս մեր»⁴⁹:

Միաժամանակ, Սսի Սիմեոնն իր հերթին մեղադրում էր Ս. էջմիածնին, թե «զբերիացի (=հալեպցի) Մարգար երիցու որդին՝ զՍիմեոնն օրհնեցիք (նկատի ունի եպիսկոպոս ձեռնադրելը՝ Ա.Ա.)»⁵⁰: Հետևաբար՝ Սիւ-էջմիածին ավանդաբար լարված հարաբերությունների տեսանկյունից, Կարապետ Ուլնեցու ծննդյան վայրը ժամանակակիցների համար բոլորովին էլ «նշանակութենէ զուրկ պարագա մը չէր», ինչպես կարծում է Օրմանյանը:

Մի կարևոր հանգամանք ևս: Կարապետ Ուլնեցին Զեյթունից եկել էր Գաղատիա 1678 թ., 17 տարեկան հասակում, իր խոսքերով՝ «յետ ուսման դպրութեան եւ յետ վաղճանի ծնօղացս»⁵¹: Երեք տարի անց նա ձեռնադրվում է քահանա⁵²: Մինչդեռ 1652 թ. Երուսաղեմում էջմիածնի Փիլիպպոս և Սսի Ներսես կաթողիկոսների միջև կնքված հայտնի կանոնադրության առաջին իսկ կետի համաձայն՝

«Իւրաքանչիւր կաթուղիկոս զիւրոյ վիճակի նուիրեալն ձեռնադրեսցէ [եպիսկոպոս] եւ մի գայլոց. եւ թէ դէպ լինիցի զի ձեռնադրեսցէ յայմէ վիճակէ գոք՝ յիւրում վիճակին տեղաւորեսցէ զնա... երկրորդ՝ զի ինքն նուիրեալն եւս մի համարձակեսցի առ այլ կաթուղիկոս գնալ՝ թողլով զիւրն, այլ առ իւր կաթուղիկոսն»⁵³:

Բժախնդիր մոտեցման ղեպքում «նուիրեալ» կարող էր համարվել քահանայությանը նախորդող հոգևորական աստիճանները⁵⁴ ստացած կամ նույնիսկ մկրտված որևէ մեկը⁵⁵: Արդարև, Կարապետը մկրտվել և եկեղեցական առաջին պաշտոններն էլ ստացել էր իր ծննդավայր Զեյթունում, ուստի նրա մասին ասված «ի վիճակէն Արսայ» դարձվածը սխալական չէ նաև այս տեսանկյունից: Ինքը Կարապետը, շատ սերտ հարաբերություններ պահպանելով իր ծննդավայրի հետ⁵⁶, հատուկ ընդգծում էր՝ «եմ ի Տանէն Կիլիկիոյ»⁵⁷: Պարզվում է նաև, որ Կարապետն ունեցել է անվանակից ավագ եղբայր վարդապետ, որն, ըստ ամենայնի, գործել է Սսի վիճակի սահմաններում (1694-ի դրությամբ մահացած էր)⁵⁸: Իսկ մյուս եղբայրը՝ Ստեփանոսը և նրա որդի Հակոբը քահանայագործում էին Զեյթունի մեջ⁵⁹:

Մեկ այլ ճշտում. Կարմիր վանքի վերոհիշյալ միաբան Հովհաննես Զեյթունցին Կարապետ Ուլնեցու եղբոր՝ Ստեփաննոս քահանայի որդի Հակոբ քահանայի որդին էր⁶⁰: Նա գրում է՝ «եմ երկրաւ գերմանացի ի գեղջէն Զեյթունայ՝ ի տանէ նախնեացս Դագոնց կոչեցելոյ»⁶¹: Ուրեմն՝ Կարապետ Ուլնեցու նախնիների «ազգանունը» եղել է Դագոնց:

Կարապետի հոգևոր հայր Սաչլու (=Գիսավոր=Վարսավոր=Վարսամ⁶²) մականվանյալ Ստեփանոս Զեյթունցին էլ առնվազն 1673-ից եղել է Զեյթունի Ս. Աստվածածնի թեմի առաջնորդը⁶³: Անպարզ հանգամանքների բերումով և 1652 թ. կնքված վերոհիշյալ համաձայնագրի խախտումով, 1678 թ. նա ստանձնել է Գաղատիո էջմիածնական վիճակի առաջնորդությունը. իր ասելով՝

«ես իմ կամաւ թողի [Զեյթունի Ս. Աստվածածնի] գառաջնորդութիւն Մկրտիչ վարդապետի, եւ ես Ստեփանոս եպիսկոպոս նստա՛յ յԱնկիւրի հրամանաւ նախ Մարտիրոս [Ղրիմեցի] վարդապետի, որ էր վէթիլ (=լիազոր ներկայացուցիչ) Յակոբ [Դ. Զուղայեցի] կաթողիկոսի եւ յետոյ ինքն՝ Յակոբ կաթողիկոսն, ինքն հաստատեաց զմեզ յաթոռս այս եպիսկոպոս եւ առաջնորդ, որ յետ նորա եկեալ մեծն Եղիազար [Ա. Այնթապցի Ա. կաթողիկոս] եղեւ առաջնորդ յէջմիածինն եւ նա՛ եւս ետ մեզ ձեռագիր առաջնորդութեան»⁶⁴:

Գաղատիայի առաջնորդությունն ստանձնելու համար Ստեփանոսի ստացած եռակի հաստատումն արդեն ինքնին փաստում է,

որ Սսի վիճակից՝ Ս. Էջմիածնի վիճակ փոխադրվելը բավական արտառոց և նուրբ իրադարձություն է եղել:

Այսպիսով, Սիմեոն Երևանցու վերոբերյալ մի քանի արտահայտությունների պարզաբանումը հանգեցնում է հետևյալ եզրակացություն: Կարապետ Ուլնեցին, արևելահայ հոգևորական գործիչների պատկերացմամբ, եղել է Եղիազար Այնթապցի (1681-1691) և Նահապետ Եդեսացի (1691-1705) կաթողիկոսների վարկաբեկված կղերական կուսակցության ներկայացուցիչը. մինչդեռ 1706-ից մինչև 1725 թ. Մայր Աթոռը Ս. Էջմիածինը կառավարվել ու ձևավորվել էր Եղիազարի և Նահապետի ոխերիմ թշնամի՝ Նուղահայ կղերական կուսակցության ներկայացուցիչներ Աղեքսանդր և Աստվածատուր կաթողիկոսների օրոք: Քսան տարի շարունակ ղեկավարվելով և դաստիարակվելով այս հայադավանապաշտ կաթողիկոսների ու նրանց նշանավոր համախոհների (ինչպիսին էր, օրինակ, Հովհաննես Մրքուզ Զուղայեցին) աջի և պատգամների ներքո, երբ Եղիազար ու Նահապետ կաթողիկոսների կղերական կուսակցությունն այլևս ընդամիշտ օտարված էր թվում Մայր Աթոռից, արևելահայ կղերը մեծ անակնկալի է եկել՝ տեսնելով Կարապետ Ուլնեցուն կաթողիկոսի գաշին բարձրացած:

Սակայն Կարապետ Ուլնեցու ընտրությունը հարուցել էր նաև այլ կարգի մտավախություններ և բարձրաձայն դժգոհություններ, այն է՝ որ Կարապետ Ուլնեցին, հետևելով Կ. Պոլսի Հովհաննես Կոլոտ պատրիարքին, ենթադրաբար դիմել է կաթոլիկ եկեղեցու հետ մերձեցման անթույլատրելի քայլերի: Հանգամանորեն քննենք այս խնդիրը:

ԾԱՆՈԹՎԳՐՈՒԹՅՈՒՆՆԵՐ

¹ ԱԶԳ, սյուն. 1944:

² Տե՛ս Զամբու, էջ 28:

³ Նուլյն տեղում, 299:

⁴ Նուլյն տեղում, էջ 235-236:

⁵ Տե՛ս ԱԶԳ, սյուն. 1945-1947:

⁶ ԱԶԳ, սյուն. 1947:

⁷ Տե՛ս Զամբու, էջ 29, 56-57, 62, 234-238:

⁸ Տե՛ս Բարզէն Կիւլէսէրեան, Ցուցակ ձեռագրաց Անկիւրիոյ Կարմիր վա-

նուց եւ շրջակայից (Անթիլիաս, 1957), սյուն. 478, 480:

⁹ **Սահակ Ճեմճեմեան**, «Նոր նիւթեր Կ. Պոլսոյ երջանկայիշատակ պատրիարք Յովհաննէս Կոլոտի մասին (քաղուած Ս. Ղազարի դիւանէն)»։ - *Բազմավէպ*, 1978, էջ 260:

¹⁰ Նույն տեղում:

¹¹ **Տե՛ս Բարզէն Կիւլէսէրեան**, *Յուցակ ձեռագրաց Անկիւրիոյ Կարմիր վանուց եւ շրջակայից*, սյուն. 483, Հմմտ. սյուն. 433:

¹² **Տե՛ս «Կարապետի կաթողիկոսի Ուլնեցոյ Վարք ինքնագիր»**: Հրատարակեց Սահակ Ճեմճեմեան. - *Բազմավէպ*, 1978, էջ 289: Ս. Ճեմճեմեանի ուշադրութիւնը, սակայն, վրիպել են այս հիշատակարանի համառոտ տարբերակները, որոնք ունեն մի շարք լրացուցիչ տեղեկութիւններ և հրապարակված են Բ. Կյուլեսերյանի *Յուցակ ձեռագրաց Անկիւրիոյ*-ում (սյուն. 101-104, 432-435, 482-486): Նույն գրքում Կյուլեսերյանը նշում էր, որ «այս ընդարձակ հիշատակարանն արդեն ընդօրինակած և դրած ենք Անկյուրիո շայոց պատմութեան մեջ՝ Կարապետ կաթողիկոսի վրա գրելու ատեն, վավերագրներու շարքին և տված ենք կարևոր ծանոթութիւններ ալ» (սյուն. 298): Յավոք, «*Հայ Անկիւրիա*» վերնագրված այդ, ըստ ամենայնի, արժեքավոր աշխատութիւնը ցայսօր անտիպ է մնացել (տե՛ս Բ. Կիւլէսէրեան, *Պատմութիւն կաթողիկոսաց Կիլիկիոյ*, սյուն. 1109):

¹³ Այս մասին ունենք երկու առանձին տեղեկութիւն. ա. «ՌձՀԵ (1726) մարտի 9 (6) Կարապետ վարդապետն կաթողիկոս օրհնեցին, որ էր անառակի կիրակին» (*Մաշտոցի անվ. Մատենադարան*, ձեռագիր 2347, պահպանակ Դ). բ. 1726 թ. մարտի 12/23-ին գրված մի վավերագրում կարգում ենք. «...Կարապետ վարդապետ՝ Գաղատիու առաջնորդն եղև կաթողիկոս... ի յերկոտասան եպիսկոպոսաց յեկեղեցին Աստուածածնայ...» (տե՛ս **Ղեւոնդ Տայեան**, *Մայր դիւան մխիթարեանց Վենետիոյ ի Ս. Ղազար, 1707-1733*: Վենետիկ, 1930, էջ 31): Չամչյանը օծման հանդեսին տալիս է փոքր-ինչ տարբեր թվագրում՝ 1727 թ. փետրվար 27, որը նույնիսկ նոր տոմարի վերածելու դեպքում ստացվում է մարտի 9-ը և մարտի 6-ի հետ չի համընկնում (ԶԱՄ, Գ, էջ 801-802):

¹⁴ Ինչպես տեղեկանում ենք Մաշտոցի անվ. Մատենադարանում պահվող՝ ԱՀմեդ Գ սուլթանի հիշրեթի 1138 թ. ռաջապ ամսի 1-ին (այսինքն՝ 1726 թ. մարտի 5-ին) արձակած Ֆերմանից, կաթողիկոս ընտրվելուց անմիջապես հետո Կարապետ Ուլնեցիին աթոռակալ է նշանակում Սիմեոն վարդապետին և որպես փոխանորդ առաքում Ս. Էջմիածին: Նույն վավերագրի հակառակ կողմում առկա է ավելի ուշ գրանցված (ըստ երևույթին, 1760-ական թթ., երբ Մայր Աթոռի դիվանը Սիմեոն կաթողիկոսի հրամանով կարգի էր բերվում) հետևյալ բացատրաբերը.

Յորժամ Կարապետ կաթողիկոսն ի Պօլսոյ զՍիմէօն վարդապետն Աթոռակալ արարեալ յղեալ է ի Սուրբ Աթոռս, գայս ֆարմանս Հանեալ էի սուլթան ԱՀմէտ Թաղաւորէն ի վերայ փաշայից, դազեաց եւ այլ մեծամեծաց եւ ենկիչարոց, զի՝ ուր եւ դիպեցի նա ի գալն յԱթոռս, մի՛ ոք նմա դիպեսցի եւ զբան պահանջեսցէ:

(*Մաշտոցի անվ. Մատենադարան*, Կաթողիկոսական դիվան, թղթապահակ 1գ, վավերագիր 310): Այս Սիմեոնին Հիշուամ է նաև Սիմեոն Երևանցի կաթողիկոսը.

Այլ եւ առն գովելոյ, շնորհաշատի եւ պեծիմաստի, Տեառն Սիմէօն Աստուածաբանի վարդապետին Երևանցւոյ զմեծ եւ զարժանի արձանագրեցման գործն ոչ է զանց առնելի, որ է ի ՌձՀԳ (1724) թուոջն մինչ Օսմանցին ի մերս կոյս դիմեաց եւ էառ գերկիրս մեր, յիշեալ Սիմէօն վարդապետն ի Կոստանդնուպօլիս նուիրակ էր Սրբոյ Աթոռոյս, մեծաւ հոգունակութեամբ զհրամանագիրս եհան ի թագաւորէն ի վերայ սէրէսկէրին իրոյ, զի ի յԱթոռս ամենեւին ոչ մերձեսցին եւ մի վնաս ինչ տայցեն, որպէս եւ եղեւն: Որ ահա նոյն հատի շերիֆն դոյ ի Սուրբ Աթոռս (*Ջամբռ*, էջ 28-29, 241):

Մ. Օրմանյանն ու Պ. Հարությունյանը հատուկ նշել են այս Սիմեոն Երևանցի վարդապետի և Սիմեոն Երևանցի կաթողիկոսի տարբեր անձ լինելը (ԱԶԳ, Գլուխ 1945. **СИМЕОН ЕРЕВАНЦИ, Джамбр** (Москва. Изд. Вост. Лит-ры, 1958), с. 381, прим. 55): Շատ հավանական է, որ մեծ Սիմեոնը հենց այն Սիմեոն վանականն է, որին Աստվածատուր կաթողիկոսի խնդրագրով՝ 1724 թ. մարտի 29-ին սուլթան ԱՀմեդ Գ-ն համաձայնել էր դարձնել Երևանի առաջնորդ՝ ազատելով Կարսի և Բայազետի առաջնորդությունից (*Մաշտոցի անվ. Մատենադարան*, Կաթողիկոսական դիվան, թղթապահակ 1գ, ցուցակ No. 29, վավերագիր 291) և որի դիմաց կաթողիկոսի չանվանված ներկայացուցիչը (գուցե այդ պահին Կ. Պոլսում գտնվող նույն Սիմեոնը) գանձարան էր մուծել 6800 ախչա (տե՛ս նույն տեղում, վավերագիր 330):

¹⁵ Տե՛ս «Կարապետի կաթողիկոսի Ուլնեցւոյ Վարք ինքնագիրը». - *ԲագմաՎէպ*, 1978, էջ 292-293: **Սահակ Չեմճեմեան**, «Նոր նիւթեր Կ. Պոլսոյ երջանկայիշատակ պատրիարք Յովհաննէս Կոլոտի մասին», էջ 269: ՉԱՄ, Գ, էջ 802:

¹⁶ Գ. Բամպուքճյանը սխալմամբ դնում է այս Մանուկէին Կոլոտ պատրիարքի աշակերտների շարքում (տե՛ս Գ. **Բամպուքճեան**, *Յովհաննէս պատրիարք Կոլոտ (1678-1741) եւ իր աշակերտները*: Ստանպուլ, 1984, էջ 123-

124): Կոլոտի աշակերտներից որևէ մեկը 1725-ի դեկտեմբերին չէր կարող առաջագրվել կաթողիկոսի թեկնածու թե՛ տարիքի, թե՛ հոգևորական աստիճանի պատճառով (հիշենք, որ, օրինակ, ինքը Կոլոտն այդ պահին դեռևս եպիսկոպոս էլ չէր, իսկ նրա լավագույն աշակերտ Հակոբ Նալյանը միայն 1728 թ. ստացավ մասնավոր վարդապետություն աստիճան, տե՛ս Գ. Բամպուլքեան, *Յակոբ Նալեան պատրիարք 1706-1764*: Ստանպուլ, 1981, էջ 17-19): Այնինչ Կարապետ կաթողիկոսը՝ 1726 թ. օգոստ. 25-ին գրված մի նամակի մեջ, այս Մանուելին հորջորջում է «Աթոռակալ որդեակին Մանուել մեծ (այսինքն՝ տարիքն առած, վաստակաշատ, հեղինակավոր, Ա.Ա.) վարդապետի...» (տե՛ս Գ. Բամպուլքեան, *Յովհաննէս պատրիարք Կոլոտ*, էջ 123):¹⁷ Օրինակ, 1708 թ. փետրվարի 20-ին էջմիածնի Աղեքսանդր Ա Ջուղայեցու հայտնի կտակ-շրջաբերականը ստորագրած 138 գործիչներից առնվազն 5-ը՝ աստապատցի էին, որոնցից 4-ը՝ էջմիածնի միաբան (Մինաս արքեպիսկոպոսը և երեք վարդապետներ՝ Նաչատուրն ու երկու Մարտիրոսը) - տե՛ս Ազգասէր Արարատեան, Կալկաթա, 1849, էջ 95-96:

¹⁸ Աստվածատուր կաթողիկոսի օրոք՝ 1724 թ. մարտին, հիշվում է Ս. էջմիածնի նաև մեկ ուրիշ աթոռակալ՝ Հովասափ անունով (տե՛ս АРО, II, ДОК. 288, с. 85):

¹⁹ «Վարք գերապատիւ Մինասայ արքեպիսկոպոսին Զմիւռնիոյ...», *Մատենադարան Մխիթարյանց ի Վենետիկ (Ս. Ղազար)*, ձեռ. 2660, էջ 6:

²⁰ 1727 թ. Կարապետ Ուլնեցիին Մինաս Փերվազյանի մասին ասում է՝ «Առաջնորդն Իգմիրու, հոգևոր որդեակն իմ Մինաս վարդապետն Ակնցի» (տե՛ս «Կարապետի կաթողիկոսի Ուլնեցույ Վարք ինքնագիր» - *Բազմավէպ*, 1978, էջ 293): Արդյո՞ք սա նշանակում է, որ Մինաս Փերվազյանը և 1694 թ. Գաղատիայի Ս. Աստվածածնի «տէր Մինաս վարդապետ»ը՝ նույն անձն է (Հմմտ. «Յուցակ ձեռագրաց Անկիւրիոյ», սյուն. 930): Համենայն դեպս, Մինաս Փերվազյանի ինքնակենսագրականում որևէ տեղեկություն չկա իր՝ Գաղատիայում երբևէ գտնվելու և Կարապետ Ուլնեցուն մինչև կաթողիկոս ընտրվելը ճանաչելու մասին: Ինքնակենսագրականում Մինասը չի գրում, սակայն, թե ումից է ստացել վարդապետական գավազանը:

²¹ *Յովհաննէս Պատկերահան, Նամականի*, էջ 27-28, ծնթ. 27:

²² Տե՛ս АРО, II, ДОК. 169, с. 20:

²³ Տե՛ս «Դիւան Սուրբ Յակոբի» - *Սիրոն*, 1971, էջ 367:

²⁴ Տե՛ս «Երիտ Կարնեցու դիվանը: Նյութեր Մերձավոր Արևելքի և Ասորկովկասի պատմության»: Առաջաբանը և ծանոթագրությունները պրոֆ. Ա. Գ. Աբրահամյանի (Երևան. «Միտք» հրատ., 1968), վավերագիր 91, էջ 177: Փաստորեն, այս ժողովածույի հրատարակիչ Աշ. Աբրահամյանը շփոթել է Մինաս Փերվազյանին (իսկ երկու այլ փաստաթղթում՝ ոմն վաճառական

Մինասին, տե՛ս էջ 79 և 117) Մինաս Տիգրանյանի հետ, համտ. անձնանունների ցանկ, էջ 356, նաև՝ էջ 340, ծնթ. 37: Իրականում՝ Մինաս Տիգրանյանը ժողովածույի որևէ վավերագրում հիշատակված չէ:

²⁵ Տե՛ս *Մաշտոցի անվ. Մատենադարան*, դրսի ժապավեն No. 268:

²⁶ Ծնվել է ՌձԺ (=1661) թ. - տե՛ս «Կարապետի կաթողիկոսի Ուլնեցույ Վարք ինքնագիր». - *Բազմավէպ*, 1978, էջ 286: Ուշմիջնադարյան Հայաստանում ծեր է համարվել հիսունն անց մարդը. այս կապակցությամբ մի հստակ տեղեկություն է հայտնում Թովմա Մեծոփեցին (ԺԸ դար), որն ընթերցողից ներողամտություն հայցելով, գրում է. «դու անմեղադիր լեր, ծեր էի եւ յետ 50 ամաց սկսայ. վասն այսորիկ յետ եւ յառաջ բերեցի» (տե՛ս **Թովմա վ. Մեծոփեցի**, *Պատմութիւն Լանկ-Թամուրայ եւ յաջորդաց իւրոց*: Աշխ.՝ Կարապետ վ. Եասնաղարեանի, Փարիզ, 1860, էջ 44. համտ. **Բ. Կիւլէսէրեան**, *Պատմութիւն կաթողիկոսաց Կիլիկիոյ*, սյուն. 1148-1149): Նմանապես, 1245 թ. Սիմեոն Թարգմանիչը գրում էր, թե «յոյժ ծերացեալ էի եւ տկարացեալ յաչաց եւ ի մտաց եւ ի զօրութենէ, զի զվաթան ամենիւք էի» (տե՛ս *Մաշտոցի անվ. Մատենադարան*, ձեռագիր 2347, էջ 322բ. ի դեպ, հրատարակված է սուլյն հիշատակարանի փոքր-ինչ տարբեր բովանդակություն ունեցող մի տարբերակը, որ վերցված է Հայաստանից դուրս գտնվող ձեռագրի միջից, տե՛ս «Հայերեն ձեռագրերի հիշատակարաններ, ԺԳ դար»: Կազմեց՝ Ա. Ա. Մաթևոսյան, Երևան, 1984, էջ 248-249): Հայաստանի կենսապայմանները որևէ լուրջ բարելավում չապրեցին ընդհուպ մինչև XX-րդ դարը, ուստի ծերություն այսպիսի ըմբռնումը միանգամայն համապատասխանում է նաև 1720-ական թվականներին: Թեև չպետք է մոռանալ, որ Հայաստանը միշտ եղել է երկարակյացների երկիր: Պատահական չէ, որ Ռափայել Պատկանյանն այդ առթիվ մի հատուկ նշում է անում 1883 թ. գրած իր «Հայաստանի ազատության վարդապետարանում». «Հայաստանը կարժէ ամենամեծ զոհերի, վասնզի նորա մէջ կեցողի կեանքի տեւողութիւնը միջին թւում է 75 տարի». տե՛ս *Յեղին ձայնը* (Երևան, 1999), էջ 6: Հին և միջնադարյան շրջանում Հայի երկարակեցություն վավերագրական հաստատումները ի մի բերող ուսումնասիրություններ չեն կատարվել: Ահա, սակայն, մի փաստագրված օրինակ. Վրթանես արքեպիսկոպոս Ստեփանյան՝ ծնվել է Կեսարիայում 1661 թ., մահացել է Հռոմում 1671 թ.՝ հարյուր տաս տարեկան հասակում (տե՛ս **Յովհաննէս Պատկերահան**, *Նամականի (1695-1758)*, էջ 22, ծնթ. 17):

²⁷ Տե՛ս *Բազմավէպ*, 1978, էջ 285:

²⁸ Նույն տեղում, էջ 289:

²⁹ Նույն տեղում, էջ 292:

³⁰ Նույն տեղում, էջ 286:

³¹ Նույն տեղում, էջ 287-288:

³² Տե՛ս Բ. Կիւլէսէրեան, *Յուցակ ձեռագրաց Անկիւրիոյ*, սյուն. 102:

³³ *Քաղմավէպ*, 1978, էջ 290: Հիշված վավերագրերը նկարագրված են *Ջամբո-ու-ում* (էջ 242-244) և այժմ պահվում են Մաշտոցի անվ. Մատենադարանի Կաթողիկոսական դիվանում, թղթ. 1գ (պարսկերեն, արաբերեն, օսմաներեն), վավերագրեր 306-311, 313, 314, 321: Սիմեոն կաթողիկոսի օրոք վավերագրերի հակառակ էջին գրվել են համառոտ բացատրագրեր: Իբրև օրինակ, ստորև զետեղում ենք դեռևս մինչև Կարապետի կաթողիկոս ընտրվելը՝ 1725 թ. հոկտեմբերի 24-ին, սուլթանի տված Ֆերմանի բացատրագիրը, որն արժեքավոր տեղեկութիւններ է պարունակում էջմիածնի տնտեսական վիճակի մասին (նույն տեղում, վավերագիր No. 306):

ՄԼՔԵՐԻ ՖԱՐՄԱՆՆ Է ՎԱՍՆ ՄԵՐ ԽԱՐԱՃԻՆ ԻՍՊԷՆՃԻ ԵՒ ՈԶ-
ԽԱՐԻ. ՍՈՒԼԹԱՆ ՅԱՀՄԷՏԻՆ Է

Սուլթան Ահմէտ թագաւորի Ֆարմանն է, վասն մաղափութեան Սրբոյ Աթոռոյս, զոր գրէ ի վերայ Ռաջաֆ փաշային եւ Ղալուոյն եւ այլ մեծամեծացն Երեւանու: Եւ մաղափիրքն են այսինչ. Բ (2) գուլթան, Ռեճ (1500) սօմար սերմ, Եճ (500) ոչխար, Բ (2) տինկ, Բ (2) ձիթահանք, եւ բովանդակ ջրաղացքն եւ այգիքն: Ի սեւազլխացն, ասէ, ճագիայ եւ իսպանճ (գլխահարկի տեսակ է՝ հնգանորդ - Ա.Ա.) մի առցի՝ թէ՛ ի մեծացն, եւ թէ՛ ի փոքունցն: Եւ ոչ յանյիշատակաց ապրանաքն գբան ինչ առցէ ոք, զի էջմիածնի հասանիլ պարտին: Եւ բաց ի ԳձԾ (350) դուռուչէն, զոր Երեւանու խանքն առեալ են, փաշայքն գաւելի իրս մի առցեն, այլ գայնքանն միայն առցէն:

Իսկ եւ, ասէ, ի յՕչականու ի տասնէն մի, եւ ի Մաստարայու ի տասներկուէն մի մուլքս առցեն: Նաեւ Դ (4) եկեղեցիքն եւս ասէ ընդ էջմիածնի մաղափ լիցին, զորս թէպէտ ոչ գրէ յանուանէ, այլ յայլ Ֆերմանս գրեցեալ գոն, որք են՝ Սուրբ Հռիփսիմէն, Գայիանէն, Շողակաթն եւ Երեւանու անապատն: Ի ՌձԼԸ (1138) թուոջն տաճկաց: Զայս ընդ արգայի Աստուածատուր կաթողիկոսին է տուեալ: Գ (3) սաւատ (=պատճեն) եւս ունի: Շարի կնիքով:

Ավելի ուշ շրջանում ուսերեւնով ավելացված է՝ 15-го Съфера 1138 г. Геджира (=1725 հոկտեմբերի 24):

³⁴ Բ. Կիւլէսէրեան, *Յուցակ ձեռագրաց Անկիւրիոյ*, սյուն. 187, 910:

³⁵ Տե՛ս *Ջամբո*, էջ 28:

³⁶ Հմմտ. նույն տեղում, էջ 59-63:

³⁷ Նույն տեղում, էջ 34:

³⁸ ՉԱՄ, էջ 828:

³⁹ Տե՛ս Ա.ԶԳ, սյուն. 1946. Հմմտ. սյուն. 1953:

⁴⁰ ՉԱՄ, Գ, էջ 628:

⁴¹ Այս մասին մանրամասն տե՛ս վերը:

⁴² **Բ. Կիւլէսէրեան**, *Պատմութիւն կաթողիկոսաց Կիլիկիոյ*, սյուն. 1245-1246:

⁴³ «*Օրագրութիւն Երեմիա Չէլէպի Քէօմիւրճեանի*»: Հրատ. Մեսրոպ Նշա-
նեան, (Երուսաղէմ, 1939), էջ 182:

⁴⁴ *Ջամբռ*, էջ 33:

⁴⁵ Նույն տեղում, էջ 238:

⁴⁶ Նույն տեղում, էջ 26:

⁴⁷ *Տե՛ս Բազմավէպ*, 1978, էջ 286-287: Գաղատիո Ս. Աստվածածին վանքի մի-
աբան, Կարապետ Ուլնեցու եղբոր թոռ Հովհաննես Զեյթունցին սխալվել է,
գրելով, թե Կարապետին եպիսկոպոսական աստիճանը շնորհել էր Եղիազար
Այնթապցին (տե՛ս **Բ. Կիւլէսէրեան**, Յուլցակ ձեռագրաց Անկիւրիոյ, սյուն.
911-912):

⁴⁸ *Տե՛ս Բազմավէպ*, 1978, էջ 286:

⁴⁹ *Տե՛ս Բ. Կիւլէսէրեան*, *Պատմութիւն կաթողիկոսաց Կիլիկիոյ*, սյուն. 1242-
1243. Հմմտ. 330:

⁵⁰ Նույն տեղում, սյուն. 1240:

⁵¹ *Տե՛ս Բազմավէպ*, 1978, էջ 286:

⁵² Նույն տեղում:

⁵³ ԴԱՎ., էջ 270-271:

⁵⁴ Այդ աստիճաններն են. 0. Սաղմոսերգուք և ավելածուք, 1. Դոնապանք,
2. Ըթեցողք, 3. Երգմնեցուցիչք, 4. Ջահընկալք, 5. Դպիրք, 6. Սարկավազք
(տե՛ս *Մաշտոց ձեռնադրութեան կղերիկոսաց, սարկաւազաց եւ քահանա-
յից*: Վաղարշապատ, 1876, էջ 5-23):

⁵⁵ Հմմտ. *Նոր բառգիրք Հայկազեան լեզուի* (Վենետիկ, 1837): Հ. Բ, էջ 287:

⁵⁶ *Տե՛ս Բ. Կիւլէսէրեան*, *Յուլցակ ձեռագրաց Անկիւրիոյ*, սյուն. 481. Հմմտ.
Բազմավէպ, 1978, էջ 287:

⁵⁷ *Տե՛ս Բազմավէպ*, 1978, էջ 285. Հմմտ. **Բ. Կիւլէսէրեան**, *Յուլցակ ձեռագրաց
Անկիւրիոյ*, սյուն. 102, 433:

⁵⁸ **Բ. Կիւլէսէրեան**, *Յուլցակ ձեռագրաց Անկիւրիոյ*, սյուն. 930:

⁵⁹ Նույն տեղում, սյուն. 195, 930:

⁶⁰ Նույն տեղում, սյուն. 195, 930:

⁶¹ Նույն տեղում, սյուն. 195:

⁶² *Տե՛ս Բազմավէպ*, 1978, էջ 286. **Բ. Կիւլէսէրեան**, *Յուլցակ ձեռագրաց Ան-
կիւրիոյ*, սյուն. 101, 433, 482, 748, 912:

⁶³ **Բ. Կիւլէսէրեան**, *Յուլցակ ձեռագրաց Անկիւրիոյ*, սյուն. 394, 748, 1128:

⁶⁴ Նույն տեղում, սյուն. 395:

Գ Լ Ո Ւ Խ Դ .

ԿԱԹՈՒԿՈՒԹՅԱՆ ՆԿԱՏՄԱՄԲ ԿԱՐԱՊԵՏ ՈՒԼՆԵՑՈՒ ԵՎ ՀՈՎՀԱՆՆԵՍ ԿՈԼՈՏԻ ՎԱՐԱԾ ՔԱՂԱՔԱԿԱՆՈՒԹՅՈՒՆԸ

Սկսած Կիլիկյան Հայաստանի թագավորության ժամանակներից՝ Հայոց լատինասիրությունը, որպես կանոն, ունեցել է գործնական երկու դրդապատճառ. առաջին՝ ստանալ քրիստոնյա Եվրոպայից քաղաքական և ռազմական աջակցություն, երկրորդ՝ օգտագործել եվրոպական քաղաքակրթության ձեռքբերումները Հայոց կրթությունն ու մշակույթը զարգացնելու համար: Ուրեմն սկզբից ևեթ ընդգծենք, որ, առհասարակ, ինչպես ժամանակին ճիշտ նկատել է Հ. Անասյանը՝ «Հայոց լատինասիրությունը... առերեսային էր, լոկ կաթոլիկ Եվրոպայի համակրանքը շահելու համար... այն պետք է չափերտների մեջ առնել և կամ ուղղակի անվանել կեղծ-լատինասիրություն»¹:

Ի մի բերելով Եղիազար Այնթապցու «լատինասիրության» բազմաթիվ դրսևորումները՝ Հ. Անասյանը նկատում է, որ Եղիազարը «Հռոմեական եկեղեցու հետ մերձեցման և ընդհանրապես լատինասիրական բացահայտ հակումներ է ցուցաբերել 1664/1665 թվականներից սկսած» և «այդ գիծն ունեցել և պահպանել է նաև Էջմիածնի իր կաթողիկոսության ընթացքում»²: Նույն ուղեգիծն էր որդեգրել նաև նրա աշակերտ ու հետնորդ Նահապետ Եղեսացի կաթողիկոսը (տե՛ս Հավելված Ա, էջ 187): Այսպիսով, միայն այն հանգամանքը, որ արևելահայ կղերը Կարապետ Ուլնեցուն համարել է Եղիազար և Նահապետ կաթողիկոսների «վերապրած» կուսակից, արդեն ինք-

նին բավարար էր Մայր Աթոռի գահին անսպասելիորեն հայտնված զեյթունցի հայրապետին՝ լատինամիտոլոգյան մեջ կասկածելու համար:

Սակայն արդյո՞ք Կարապետ Ուլնեցուն լատինասիրուծյան մեջ կասկածողներն առաջնորդվել են միայն Եղիազար, Նահապետ և Կարապետ կաթողիկոսների միջև տեսնելով կուսակցական-գաղափարական կապ, թե՞ դրանից բացի, Կարապետ կաթողիկոսն ինքն էլ անձամբ նկատվել է ինչ-ինչ կաթոլիկամետ գործողությունների մեջ:

Այս հարցին պատասխանելու համար, նախ դիտել տանք, որ ժամանակակիցներից շատերը մեղադրել են Հովհաննես Կոլոտ պատրիարքին կաթոլիկ եկեղեցու նկատմամբ խոշոր զիջումներ կատարելու մեջ: Ուշագրավ է, որ Կոլոտը, առաջին անգամ փորձարկելով իր հաշտարար քաղաքականությունը տակավին 1720-1721 թթ.³, ապա, ավելի զգուշորեն՝ 1725 թ.⁴, առավել համարձակորեն այն գործադրեց հենց Կարապետ Ուլնեցու կաթողիկոս ընտրվելուց հետո ու հատկապես վերջինիս Կ. Պոլսում 1726-1727 թթ. գտնվելու միջոցին: Կոլոտի նախաձեռնած և կազմակերպած այդպիսի քայլերից էր, օրինակ, 1727թ. ապրիլի 2-ին Կ. Պոլսի լատին պատրիարքի՝ Ամենայն Հայոց կաթողիկոսին տված աննախադեպ այցը, որն ընդունվեց մեծ հանդիսավորությամբ ու ճոխուծյամբ.

«...եկն եւ լատին եպիսկոպոսն յայցելութիւն Կարապետ կաթողիկոսի՝ յապրիլի 2 հանդերձ Լուքաքի թարգմանաւ եւ քանի մի պատուաւոր արամբք: Գնաց ընդառաջ նոցա Յովհաննէս պատրիարք քահանայիւք եւ սարկաւազօք՝ զգեցեալ զշուրջառս եւ առեալ բուրվառ ի ձեռին՝ մինչեւ ի դուռն եկեղեցւոյ: Եւ այնպէս եբեր եւ եմոյժ գեպիսկոպոսն ի ներքս եւ անդ էարկ ի վերայ նորա զմեծագին զիւր շուրջառ: Եւ յետ աղօթից առեալ տարաւ հանդիսիւ ի վերին սենեակն յոր նստէր կաթողիկոսն, ուր եւ ցուցին մեծարանս եւ սէր առ միմեանս. եւ բազում ժամս արարին առանձին խօսակցութիւն չորքերն նոքա, այսինքն՝ կաթողիկոսն եւ պատրիարզն եւ լատին եպիսկոպոսն եւ թարգման նորա...»⁵:

Համաձայն ենք Սահակ Ծեմճեմյանի հետ, որ այս իրադարձությունն «արդարեւ եզակիան է այդ դարուն և այդ օրերուն համար»⁶:

Այդ ացելուծյանը նախորդել էր Կարապետ կաթողիկոսի և Հովհաննես Կոլոտի ջանքերով ձեռքբերված աննախադեպ մեկ այլ

պայմանագիր՝ հայադավան և կաթողիկոսացած հայերի միջև, ըստ որի. ա) կաթողիկոսացածները պարտավորվում էին այդուհետ հաճախել միայն հայկական եկեղեցիներ⁷, և բ) կաթողիկոսի և պատրիարքի «սաստիկ հրամանաւ» հայկական եկեղեցիներում արգելվում էր երգել «Ով հրաշալի» շարականի վերջին երեք՝ «Տեսի ես», «Աստանօր» և «Գեղեցիկ» հետսամուտ տուները, որոնց մեջ նգովք է արձակված Քաղկեդոնի ժողովի և Լևոնի տոմարի դեմ⁸: Այս «սաստիկ հրամանը» ևս պետք է գրգռեր հայադավան զանգվածներն ու ավանդական դիրքերին հավատարմորեն կառչած հայ կղերը: Ավելի ուշ՝ 1737 թ. Կոլոտի վերարձակած նույն հրամանը բերեց մինչև իսկ նրա դեմ ուղղված իսկական ապստամբություն, և Կոլոտը փախուստով միայն կարողացավ ազատվել կեսարացի հայադավանապաշտների ձեռքից⁹:

Հովհաննես Կոլոտի և Կարապետ կաթողիկոսի այսպիսի հաշտարար գործունեությունը հայկական որոշ շրջանակներում դժգոհություն և անհանգստություն է առաջացրել: Լատին եպիսկոպոսի այցելությունից ընդամենը երեք շաբաթ անց՝ ապրիլի 22-ին, Կ. Պոլսից Մխիթար Սեբաստացուն տեղեկացնում էին, թե՛ «այժմ լսեմք, թէ ոմանք անձինք քահանայք եւ ժողովուրդ խորհուրդ արարեր են արգտալ փաշային վասն փաթրիքին (իմա՛ Կոլոտ պատրիարքին)՝ թէ Ֆռանկ (=կաթողիկ) եղեալ է: Ջայս լուեալ, փաթրիքն հնար խորհի վասն գլխաւորի սոցին գիլամ առնուլ եւ քիւրէկն զրկել (=թիապարտություն ուղարկել)»¹⁰:

Չամչյանի համաձայն՝ Կարապետ կաթողիկոսի դեպի Մայր Աթոռ ճանապարհվելու ուշացումը երկու պատճառ է ունեցել. «մի՛ զի սպասէր առնուլ լուր խաղաղութեան յերեսաց պատերազմաց՝ որ ի կողմանս Արարատայ, եւ միւս եւս՝ զի տակաւին ակն ունէր ընդունիլ այլ եւս պատասխանի ինչ ի Հոռովմայ»¹¹:

Նույն 1726-1727 թթ. պատվում էին իրականությունը չհամապատասխանող լուրեր առ այն, թե իբր Կոլոտն ու Մխիթար Սեբաստացին մշտական նամակազրական կապի մեջ են¹²: Իրականում այս լուրերն ուղղակի հետևանք էին մխիթարյանների և նրանց մշակութային գործունեությունից հակամաք Կոլոտի ցուցաբերած բարյացակամության և խրախուսանքի¹³: 1726 թ. հոկտեմբերին և նոյեմբերին գրված նամակներում կարդում ենք, որ Կարապետ կաթողիկոսն ու Կոլոտը՝ «ուր եւ իցէ՛ գովաբանեն զԱբբահայրն» և թե՛ «կաթողիկոսն

եւ պատրիարքն խիստ կու սիրէ զձեզ (մխիթարյաններին) եւ զձեր մեծաւորն, եւ այս այնքան յայտնի՝ մինչ զի յաւուր միում ի մեծի Հանդիսի, ի մէջ բազմականաց դրուատելով գովաբանեաց զձեր մեծաւորն»¹⁴:

Կապը Հայաստանում շրջող ու կաթողիկոսություն քարոզող մխիթարյանները և արդեն Ս. Էջմիածին ժամանած Կարապետ կաթողիկոսի միջև պահպանվել է նաև հետագայում: Այս մասին կարելի է որոշակի պատկերացում կազմել՝ կարդալով 1728 թ. սեպտեմբերի վերջին մխիթարյան միաբան Հակոբ վարդապետ Բուզայանի՝ Ախլցխայի շրջակայքից Վենետիկ ուղարկված նամակի հետևյալ տողերը. «Ուստի հաւատամ, թէ առաւել ապահովագոյն շրջիմք մեք Հոգեւոր Հօրն (իմա՝ Կարապետ կաթողիկոսի) լոկ հրամանագրովն, քան թէ բեհմովթին միովն»¹⁵:

Գաղատիա-Անկյուրիա թեմը և Հայ-կաթողիկ հարաբերությունները

Այսպիսով, Կարապետ Ունեցու լատինասեր լինելու համբավն առաջացել էր դեռևս մինչև նրա Ս. Էջմիածին ժամանելը: Սակայն այդ կարծիքն է՛լ ավելի սաստկացած պետք է լիներ Կարապետի մահից հետո, քանի որ 1736-1737 թթ. Անկյուրիան (Գաղատիան) դարձավ կաթողիկական հաջողված հեղաշրջման կենտրոն. կաթողիկացած հայերը գրավեցին հայկական 7 եկեղեցիներից 4-ը¹⁶: Ինչո՞վ էր պայմանավորված Հռոմի այս խոշոր հաջողությունը:

Արդեն 1717 թ. հունիսի դրուկոսմբ, Անկյուրիայի Հայ կաթողիկները իրենց թիվը հաշվում էին 300-400 հոգի, սակայն այդ պահին հոգևոր հովիվ դեռ չունեին¹⁷: Պարզվում է, որ Անկյուրիայի կաթողիկ համայնքը կազմակերպելու խնդիրը սկսել են լուծել հե՛նց Կարապետ Ունեցու առաջնորդության շրջանում՝ 1724-1725 թվականներին. այս մասին վկայում է Հակոբ վարդապետ Բուզայանը 1725 թ. ապրիլի 13-ին Կ. Պոլսից Մխիթար Սեբաստացուն գրած իր նամակում՝ նշելով. «ես ուղղեցի զգնացս իմ ի Գաղատիա, ըստ որում եւ նոքայն լուեալ սպասեն ինձ փափագանօք...»¹⁸: Մխիթարյան այս քարոզչին Անկյուրիա, Դիարբեքի և Թոխատ էր առաքել անձամբ

Մխիթար Սեբաստացին՝ 1724 թ. արձակած հրահանգով. «...բայց եւ զայն արարից, որ ի պատուիրանի գրեալ ես գնալ» - 1724 թ. դեկտեմբերի 4-ին Մխիթարին էր գրոււմ Հակոբ Բուզայանը: Նա նաև հայտնոււմ է, թե «մերոյս թագաւորութեան հրեշտակը (իմա՛ Կ. Պոլսոււմ Վենետիկի դեսպանը - Ա.Ա.)» իրեն խորհուրդ է տվել չգնալ «յորս գաւառս առաքէ զքեզ Աբբահայրն... վատ ժամանակ է ի յայնս գաւառս գնալոյ, զի ի մեծ արեկոծութեան պատերազմի են այնք գաւառք»¹⁹:

Բուզայանն ամբողջ վեց ամիս՝ ընդհուպ մինչև 1726 թ. փետրվար, մնում է Անկյուրիայում²⁰: Ցավոք, այդ միջոցին Գաղատիայում մխիթարյանների գործունեութիւնը վերաբերող՝ Ս. Ղազարի դիվանում պահվող վավերագրերը, ներառյալ Բուզայանի այս նամակները, հրապարակված են (գուցե դիտավորապես) միայն հատվածաբար, ուստի հնարավորութիւն չունենք ուղղակի տեղեկութիւններ քաղել Կարապետ Ուլնեցու և մխիթարյանների միջև եղած հարաբերութիւնների մասին: Սակայն, ամեն ինչից դատելով, այդ հարաբերութիւնները եղել են ջերմ, Բուզայանն էլ վայելել է Կարապետ Ուլնեցու լիակատար աջակցութիւնը. այդ մասին անուղղակի կերպով վկայում է նաև 1728 թ. սեպտեմբերի վերջին Ախլցխայի շրջակայքից Բուզայանի գրած ու վերն արդեն հիշատակված նամակը, որը փաստում է Կարապետ Ուլնեցու հետ նրա շարունակվող կապը:

Այս Հակոբ վարդապետ Բուզայանը, ըստ երևույթին, վերադարձել է Անկյուրիա և շարունակել իր քարոզչութիւնը, քանզի Ս. Ղազարի դիվանին քաջածանոթ Սահակ Ճեմճեմյանը թերևս հե՛նց սրան է անվանում «Հ. Հակոբ միայնակյաց, Գաղատիոյ երկար տարիներու քարոզիչ», նաև մի հատված բերելով վերջինիս՝ 1726 թ. փետրվարի 24-ին Անկյուրիայից Մխիթար Սեբաստացուն ուղարկած նամակից.

«գոհութիւն գիրոնէ մերմէ եւ զգերյարգեցելոյդ այնքան է, զի ի թղթի գրել ոչ կարեմ: Մանաւանդ, մինչ եհաս առ իս ի Գաղատիա 10 «Քրիստոնէական վարդապետութիւն», զորս գերյարգելիդ շարադրեալ է, զի բերան ներհակաց մերոց ոչ այլով իւրիք խցել կարեմք՝ եթէ ոչ գրեամբք ի քէն շարադրեցելոց»²¹:

Հայկական միջավայրում գործող եվրոպացի միսիոներները պարզ գիտակցել են կաթոլիկ քարոզչութիւնն արդյունավետորեն

վարելու՝ մխիթարյանների ունեցած առավելությունները: 1728 թ. դիմելով նույն Հակոբ Բուզայանին, նրանք արձանագրել են. «առաւել գործունեայ է բանն ձեր, քան զմերն, ըստ որում էք ի նոյնոյ ազգէ»²²: Այսպիսով, Անկյուրիայում Հռոմի ձեռք բերած հաջողությունները մեծապես պայմանավորված էին կաթոլիկ հոգեորսությանը մխիթարյանների ու նրանց հետևած անտոնյան հայ միաբանների բերած ժրաջան մասնակցութեամբ և եռանդուն քարոզչութեամբ: Անկյուրիայում մխիթարյաններն սկսել էին կաթոլիկություն քարոզել 1720-ական թթ. սկզբից, իսկ անտոնյանները՝ 1732-1736 թթ.:

Կարապետ Ուլնեցուն կարող էին հետմահու մեղադրել նաև այն բանում, որ նրա նշանակած²³ Գաղատիո նոր առաջնորդը՝ Մովսես վարդապետ Շիրինյանը, նույնպես բարյացակամ վարքագիծ էր որդեգրել անտոնյան հայ կաթոլիկ միաբանների նկատմամբ, և եթե Ջամջյանի հաղորդումը ստույգ է, նույնիսկ ինքն էր օր ձերբության կաթոլիկացել (թեև Օրմանյանը տրամաբանորեն կարծես թե կարողանում է ժխտել այս վերջին հավանականությունը)²⁴:

Այնուամենայնիվ, վերը կատարված քննությունը գալիս է նոր փաստերով հաստատելու Մ. Օրմանյանի արտահայտած այն կարծիքը, որ Անկյուրիայում և այլուր կաթոլիկների ունեցած «հաջողության պատճառները պիտի տեսնենք նախ այն հաշտարար ընթացքին մեջ, որուն կհետևեր Կոլոտ (ավելացնենք՝ նաև Կարապետ Ուլնեցին - Ա.Ա.), անուղղակի ասպարեզ թողնելով սպրդող քարոզիչներուն, և երկրորդ՝ այն ձևին մեջ, զոր որդեգրած էին Մխիթարյան և Անտոնյան միաբանները, դյուրամատույց ընծայելով հոռմեականության ընդունելությունը»²⁵:

Ժամանակակից հայ այն գործիչներն ու զանգվածները, որոնք ի սկզբանե դեմ էին կաթոլիկների նկատմամբ տարվող անարդյունավետ, պարտավորական տարրեր պարունակող և ազգակործան տեսանելի հետևանքներ ունեցող քաղաքականությունը, պիտի է՛լ ավելի խիստ մեղադրեին այդ քաղաքականության գլխավոր հեղինակներին՝ Հովհաննես Կոլոտին և Կարապետ Ուլնեցուն: Հե՛նց այդ խիստ գնահատական էլ տեղ է գտել Սիմեոն կաթողիկոսի Ջամբուում:

Արդ, մեր քննություն շարունակությունը թեթևացնելու համար, այժմ արդեն անենք մի քանի հստակ եզրակացություն:

Նահապետ Եղեսացուց հետո Ս. Էջմիածնի նոր գահակալ ընտրվեց նրա հակառակորդ՝ Ջուղահայ կղերական կուսակցությունից պարագլուխ Աղեքսանդր Ա. Ջուղայեցին (1706-1714), որին հաջորդեց նույն կուսակցության ներկայացուցիչ Աստվածատուր Ա. Համադանցին (1715-1725): Մինչ Կարապետ Ուլնեցու կաթողիկոսանալը՝ քսան տարի շարունակ Մայր Աթոռի միաբաններին հավաքագրել, կառավարել ու դաստիարակել էին Ջուղահայ կաթողիկոսները, որոնք, ինչպես ասվեց, խիստ թշնամական վերաբերմունք ունեին Եղիազար և Նահապետ կաթողիկոսների ու նրանց մտերիմ գործիչների նկատմամբ: Պետք է նաև ասել, որ 1706-ից մինչև 1723 թ. տևած ժամանակահատվածը եղավ Մայր Աթոռի համար բարեկարգման ու բարգավաճման բացառիկ հաջող մի շրջան²⁶:

Դատելով մեր ձեռքի տակ եղած նյութերից և վերը կատարված քննություններից՝ կարելի է նաև պնդել, որ արևելահայ չորս գերապատիվ աթոռների մասին կանոնը սահմանված պետք է լիներ Նահապետ Եղեսացի կաթողիկոսի մահից՝ 1705 թ., հետո: Ամենայն հավանականությամբ, կանոնը հաստատվել էր Աղեքսանդր Ջուղայեցու գահակալման տարիներին՝ 1705-1715 թթ.: Առավել ստույգ է թվում 1708 թվականը, երբ կաթողիկոսական ընտրությունների կարգի հարցերն արծարծվեցին հատուկ շրջաբերական-կոնդակով²⁷:

Կոլոտ պատրիարքի և Կարապետ կաթողիկոսի՝ կաթոլիկների հանդեպ որդեգրած հաշտարար դիրքորոշման քաղաքական դրդապատճառները

Իհարկե, Կոլոտ պատրիարքի և Կարապետ Ուլնեցու՝ կաթոլիկների հանդեպ հաշտարար գործողությունները բխում էին ամենևին ո՛չ պապասիրությունից: Ո՛չ էլ այդ գործողություններն այս անգամ թելադրված էին միայն Եվրոպայից քաղաքական հովանավորություն ստանալու և կրթական-մշակութային համագործակցություն ծավալելու հայոց ավանդական նպատակներով:

Խնդիրը 1720-ական թթ. ռազմաքաղաքական իրադրությունն էր: Պարզաբանենք:

1720-ական թթ., դառնալով օսմանյան ազդեցիկի զոհ, արևելահայությունը տվել էր մարդկային և նյութական ահավոր կորուստներ²⁸: 1724-1734 թթ. ամբողջ Այսրկովկասն ու հյուսիսային Իրանը ռազմակալած օսմանյան բանակների համար միակ աննվաճ ամրոց էին մնացել հայոց Արցախն ու Սյունիքը, որոնք այդ տարիներին ձեռք էին բերել փաստական անկախություն և ողջ տարածաշրջանում հայտնի դարձել պետականություն իմաստ պարունակող Հայկական սղնախներ, Հայկական գորբ, Հայկական բանակ նոր անվանումներով: Ռուս-թուրքական հասունացող պատերազմի դեպքում, Արցախ-Սյունիքում կենտրոնացած 50-60 հազարանոց հայկական մարտունակ զինուժն ի վիճակի էր ցանկացած ժամանակ կտրելու թուրքերի և նրանց Կովկասյան սուլնի դաշնակիցների՝ ռազմավարական կարևոր նշանակություն ունեցող հաղորդակցությունը: Հայկական սղնախները համառորեն արհամարհում էին շարիաթի սկզբունքային պահանջը՝ ոչ-մահմեդականների հնազանդությունը մահմեդականներին: Ըստ այդմ էլ՝ դիմադրություն ցույց տվող արևելահայերը (ինչպես նաև Իրանի շիաները) ենթարկվում էին զանգվածային ոչնչացման, որն օսմանյանների ավանդական ռազմական քաղաքականությունն էր: Ուշագրավ է հատկապես 1723 թ. սկզբին օսմանյան կառավարության՝ Ֆաթվայի կարգով ընդունած այն որոշումը, որով բանակին հրահանգվում էր զանգվածաբար գերեզմարել ու ոչնչացնել Իրանի շիա և քրիստոնյա դիմադրող բնակչությունը²⁹: Քաղաքական խիստ վտանգավոր դրություն մեջ էր հայտնվել ամբողջ հայությունը, ինչպես և հայ եկեղեցին:

Այս պայմաններում, ինչպես մանրամասն քննել ենք մեկ այլ ուսումնասիրության մեջ³⁰, հայերի մեջ ծայր էր առել «ազգովին բնաջնջման ենթարկվելու» տագնապը, որն առկա էր իրանական և օսմանյան պետությունների ողջ տարածքում, ռազմաճակատներին մոտ և հեռու վայրերում՝ Թիֆլիսում, Ռեշտում, Շամախում, Ղարաբաղում, Պոլսում և այլուր: Հայոց այս սաստիկ անհանգստությունն անհիմն չէր, այլ մի կողմից բխում էր Իրանի և Թուրքիայի քաղաքական-հասարակական իրականության սթափ գնահատումից, իսկ մյուս կողմից՝ արդյունք էր այն սպառնալիքների, որ ուղղում էին ապստամբած հայերի դեմ սկզբում պարսիկները, ապա թուրքերն ու նրանց դաշնակից Կովկասյան սուլնի լեռնականները:

1725 թ. մարտի 9-ին Ստամբուլից Վենետիկ՝ Մխիթար Սեբաստացուն Եղիա վարդապետ Մարտիրոսյանի ուղարկած նամակում կարդում ենք.

«...Թագաւորն (իմա՝ սուլթան Ահմեդ Գ-ը) տաղտկացեալ է ի հայոց եւ բազմիցս կամեցեալ է ի պատճառս Աճեմիստանու (այսինքն՝ Իրանում ընթացող պատերազմի) բնաւ զՀայս բնաջինջ առնել, բայց մուֆթին ոչ տուեալ է զհրաման առ ի բնաջինջ առնել զՀայս: Ուստի գիտելով զայս [Հովհաննես Կոլոտ] պատրիարքին, թէ ի պատճառս Սղնախու Հայերուն կարի զայրացեալք են մեծամեծք տեղւոյս՝ «անհաւատարիմ» ասելով, եւ յորժամ սկսի աստ եւս ինքն բռնել տալ գուղղափառսն (իմա՝ կաթողիկէներին), յայնժամ վերանորոգին վէրքն Թագաւորին, թէ աստ եղեալքն եւս են ապստամբք: Վասն այսորիկ եւ վասն այլոց գաղտնի պատճառաց (sic) ոչ ըմբռնէ գոք»³¹:

Հայերին բնաջնջելու գաղափարն առաջացել էր այն բանից հետո, երբ օսմանյան կանոնավոր գորքերը, բախվելով Արցախում և Սյունիքում հայոց կազմակերպած արդյունավետ դիմադրությանը, չարաչար պարտություններ էին կրել և տասնյակ հազարավոր սպանվածներ տվել, ինչպես և ասված է վերոբերյալ գրության մեջ՝ «ի պատճառս Սղնախու Հայերուն կարի զայրացեալք են մեծամեծք տեղւոյս՝ «անհաւատարիմ» ասելով» կամ, ինչպես շեշտված է մեկ այլ վավերագրում՝ «եւ այս ամենայն վարկանի պատճառեցեալ գոլ ի յաւերմանէ զօրաց Տաճկաց ի Հայոց»³²:

Օսմանյան կառավարող շրջանակները կասկածում էին, որ հայության արևմտյան հատվածը ևս կարող է գեներլի դիմել՝ «թէ աստ եղեալքն եւս են ապստամբք»: Այս մտավախությունն անտեղի չէր. դիվանական փաստաթղթերը հաստատում են, որ համատեղ ապստամբելու նպատակով արևելահայերը գաղտնի կապ էին հաստատել Վասպուրականի և Տիգրանակերտի (գուցե և այլ) հայ ազատագրական կենտրոնների և անգամ ասորիների հետ³³ (այս մասին ավելի մանրամասն տե՛ս Գյուլխներ Թ և Ժ-ում): Այլ հարց է, որ պատմական անբարենպաստ հանգամանքների և արևելահայ ղեկավարության թույլ տված ռազմավարական խոշոր սխալների պատճառով այդ ծրագրերն այդպես էլ անկատար մնացին: Այդ պատճառներից այստեղ նշենք երկու գլխավորը. ա) 1722-1724 թթ. արևելահայ ազա-

տագրական շարժման ղեկավարությունը, հայկական զգալի զինված ուժեր կենտրոնացնելով Արցախում և Սյունիքում, բռնեց ռուսական զորքերին սպասելու կրավորական դիրք, այդ պատճառով էլ ուշացրեց ու չկարողացավ ընդլայնել իր իշխանությունը Հայաստանի այլ տարածքների և դրանց բնակչության վրա: Այդպիսով ձախողվեց հուսալի կապի հաստատումը հայ ազատագրական այլ կենտրոնների, հատկապես, Երևանի, Նախիջևանի և Վասպուրական-Տարոնի հետ, որոնք կարող էին եռապատկել ու քառապատկել հայ ապստամբների մարդկային և նյութական ռեսուրսները՝ հայկական զորքերի թիվը հասցնելով նախապես ծրագրված 150-200 հազար զինվորի: Բ) Ի տարբերություն հայկական զինուժի որդեգրած խուլ պաշտպանողական ռազմավարության և ռուսների առաջխաղացման վրա հույս դնելու սխալ հաշվարկի, սկսած 1722 թ. կեսերից օսմանյան բանակը խոշոր ուժեր կենտրոնացրեց Այսրկովկասին և Իրանին սահմանակից գոտում, հատկապես՝ Արևմտյան Հայաստանում (օսմանյան բանակների կազմավորման գլխավոր կետերներն էին Էրզրումը, Վանը և Կարսը): 1723 թ. հունիսին անցնելով հարձակման, օսմանցիներն այլևս նախաձեռնությունն իրենց ձեռքից բաց չթողեցին և արդեն 1725 թ. դրությամբ կարողացան գրավել ամբողջ Այսրկովկասը, բացառությամբ Արցախ-Սյունիքի և դրանից երկու-երեք տարի առաջ ռուսների ձեռքին հայտնված մերձկասպյան շրջանների³⁴:

Ահա այս պայմանների ծանրության ներքո էր, որ Օսմանյան կայսրության մայրաքաղաքում գործող արևմտահայ վերնախավը, ներառյալ Հովհաննես Կոլոտ պատրիարքն ու Կարապետ կաթողիկոսը, փորձել են լուծել երկու կարևոր խնդիր. առաջին՝ վերապատահեցնել Բարձր Դուռը հայկական «միլլեթ»-ի հավատարմության մեջ և, երկրորդ՝ կանգնեցնել կաթոլիկության քարոզարշավի պատճառով աստիճանաբար թափ առնող հայության նոր պառակտումն ու ջլատումը: Այս վերջին դիրքորոշումը լավագույնս արտահայտված է պոլսահայ կաթոլիկ և հայադավան համայնքներին արված այն հաշտարարական խոսք-դիմումում, որ սկզբնաղբյուրները վերագրում են և՛ Կարապետ Ուլնեցուն, և՛ նրա աթոռակալ Մանվել Աստապատցուն, և՛ Հովհաննես Կոլոտին, ահավասիկ.

«զի՞նչ է այս աղմուկն, որ ոմանք ասէք՝ մի բնութիւն, եւ ոմանք՝ երկու, արարէք խաղաղութիւն ի միջի ձերում՝ վասն սիրոյն

Աստուծոյ, շատ է չարն եւ վիշտն եւ պատիժն ազգին մերոյ: Եւ այսպիսի... բանիւք՝ երկուց կողմանցն եւս միշտ ջանան հաճոյացուցանել զինքեանս... ջանան խափանել զչարն»³⁵:

Հովհաննես Կոլոտի և Կարապետ Ուլնեցու հակակաթողիկ ձեռնարկները

Կաթողիկոսության նկատմամբ զիջողական քայլեր ձեռնարկելով հանդերձ՝ և՛ Կոլոտը, և՛ Կարապետ Ուլնեցին միշտ եղել ու մինչև վերջ էլ մնացել են Հայ եկեղեցու վարդապետության դիրքերին:

Ուշագրավ է, որ մինչև 1723-1725 թթ., այսինքն՝ մինչև Արևելյան Հայաստանում հայ-օսմանյան զինված առճակատումը և դրա հետևանքով օսմանյան միջավայրում հակահայկական տրամադրությունների բորբոքումը՝ Կարապետ Ուլնեցին անհաշտ դիրքորոշում է ունեցել կաթողիկոսություն քարոզողներին դեմ: Այսպես՝ երբ մոտ 1713 թ. Աբրահամ Պետրոս Արծիվյանը, քարոզելով գալիս հասնում է Գաղատիա, այստեղ նրա դեմ արգելք է դրվում. ինքն այսպես է գանգատվում՝ «ո՛չ եթող զիս քարոզել Կարապետ եպիսկոպոս քաղաքին, զի լցեալ էր փքով նախանձու եւ տգիտութեան»³⁶: Նույնպիսի վերաբերմունք Կարապետ Ուլնեցին դրսևորել է նաև 1721 թ. տեղի ունեցած հակակաթողիկ մեծ հալածանքների ժամանակ. Անկյուրիան հիշված է հենց այն քաղաքների շարքում, որտեղ կաթողիկները ենթարկվել էին ամենախիստ հետապնդումների³⁷:

Ինչ վերաբերում է Հովհաննես Կոլոտ պատրիարքին, ապա նա, անհրաժեշտության դեպքում, չի վարանել խիստ պատժամիջոցներ կիրառել կասեցնելու համար կաթողիկների քարոզչությունն ու գործունեությունը, ինչպես, օրինակ՝ 1720-21, 1728, 1733-34, 1735 թվականներին³⁸: 1735 թ. հունիսի 2-ին Պողոս Տայի Միմոնյան վարդապետը Կ. Պոլսից Մխիթար Սեբաստացուն գրած նամակում՝ Կոլոտի հավատափոխություն մասին ոչ-հավաստի մի լուր մեջբերելով, հայտնում էր.

...գայս, գորմէ ասելոց եմ, լուայ ի Մօնսինեօէն (իմա՝ Կ. Պոլսի լատին եպիսկոպոսից - Ա.Ա.), զի «այս պատրիարգ գրաւանութեան գիր յղեալ իցէ առ սրբազան պապն եւ նմանէ օրհնու-

Թիւն առեալ իցէ: Բայց հետ որոյ զայնքան հակառակութիւն եւ հայհոյութիւն արար», ասաց, «Թէեւ վերստին մեղայ գոչիցէ՝ ոչ լինի լսելի»³⁹:

Տեղեկանալով նույն իրադարձությունների մասին՝ 1735 թ. հուլիսի 1-ին Գրիգոր Շղթայակիրը գրում էր Կոլոտին (այս տողերը բացահայտում են Շղթայակրի և Կոլոտի իրական վերաբերմունքը կաթողիկականութեան նկատմամբ, իսկ կաթողիկները «երկաբնակ» ավանդական անվան փոխարեն կոչված են «չարաբնակ»):

«Լուայ եւ զմաքառումն քո ընդ չարաբնակսն՝ Տէր օգնեսցէ քեզ աղօթիւք Սրբոյ Լուսատուին մերոյ՝ բայց զգոյշ լեր ի նոցա չար խորամանկութեանց եւ ի քաղցկեղ բանից՝ եւ Տէր օգնեսցէ...»⁴⁰

Եթե Կոլոտ պատրիարքը Հռոմի պապին իրոք դավանափոխութեան գաղտնի գրութիւն ուղարկած լիներ, ապա երեք տարի անց՝ 1738 թ., Կ. Պոլսում Ֆրանսիայի դեսպանն ու Պոլսի լատին եպիսկոպոսը չէին հորդորի նրան դարձյալ նույնը անել՝ «գրել թուղթ դաւանութեան առ ի յայտարարութիւն ողջմտութեան հաւատոյն»⁴¹: Դրանից հետո՝ 1738 թ. դեկտեմբերի 4-ին Կոլոտն ընդամենը խիստ սիրալիր, սակայն հայադավանութեան դիրքերից մի թիզ անգամ չնահանջող մի նամակ է գրել Հռոմում պաշտոնավարող կարգինալ Լուդովիկոս Պելլուկային (այդ նամակը հրատարակել և ծանոթագրել է Ս. Ճեմճեմյանը)⁴²:

Կարևոր է նկատել նաև, որ երբեմն Կոլոտի զիջողական քայլերը կաթողիկների նկատմամբ պարտադրել են օսմանյան պաշտոնյաները: Այդպես է պատահել, Գրիգոր Շղթայակրի համաձայն, 1737 թ..

«...յօրն ուրբաթ, որ ի վաղիւն Եփեսոսի Ս. Ժողովոյն տօնն էր, Ղայմախամ Եկէն Մէհմէտ փաշան, որ նախ մաքսապետ էր, թելադրութեամբ լատինացւոց մեծին՝ սաստիկ հրաման յղեալ էր առ Պատրիարք վարդապետն (իմա՝ Հովհաննես Կոլոտը, Ա.Ա.), թէ «ի Հայոց եկեղեցիսն պատուէր տուր, զի զՈվ հրաշալւոյ յետին երեք տուն շարականն մի՛ ասիցեն»: Եւ նա յահէ պատուէր ետ չասել, որ եւ զամենայն ոչ ասացին. եւ Ով հրաշալի ասելն խափանեցաւ ի Ստամպուլու, եւ եղեւ այն չար սովորութիւն: Եւ մեք յայնմ գիշերի յեկեղեցին ոչ գնացաք, այլ տրամութեամբ եւ լալով զօրն անցուցաք»⁴³:

Կոլոտի՝ միշտ Հայ եկեղեցու պաշտպանությունն ղերքերին մնալու օգտին է խոսում նաև հետևյալ հետաքրքրական պատմությունը: 1720-ական թթ. սկզբից Կոլոտը հետաքրքրություն էր ցուցաբերում Մխիթար Սեբաստացու հրատարակչական գործունեությունն նկատմամբ⁴⁴: Մասնավորապես, սկսած 1726 թվականից, նա անընդհատ, միջնորդավորված ճանապարհներով, հորդորում էր Մխիթարին ձեռնարկել Թովմա Աքվինացու Աստվածաբանություն հանրագումարի լիակատար թարգմանությունն ու հրատարակությունը⁴⁵: Եվ սա այն դեպքում, երբ Կոլոտն արդեն իսկ պատվիրել էր Հռոմի Հավատասփյուռի վարժարանում ուսանած խարբերդցի Ղուկաս վարդապետին հատվածաբար թարգմանել Աքվինացու այդ երկը և 1734 թ. դրությամբ այդ աշխատանքը մի զգալի մասով արդեն կատարված էր⁴⁶: 1738 թ. Կոլոտը, միջնորդի միջոցով կրկին հետաքրքրվելով, թե ինչու Մխիթարը չի տպագրում և Պոլիս առաքում իր թարգմանած Աքվինացու այդ Աստվածաբանությունը, ասում է՝ «մեք զոմանս մասունս թարգմանեալ ունիմք եւ զոմանս մասունս ոչ»⁴⁷:

Ինչու՞ էր Կոլոտն ա՛յդքան շահագրգռվածություն ցուցաբերում՝ կաթոլիկ աստվածաբանության այս հիմնաքար աշխատությունն ամբողջությամբ հայերենով թարգմանված ունենալու մեջ: Ինչպե՞ս էր նա պատրաստվում օգտագործել այդ թարգմանությունը:

Մինչև այս հարցերին պատասխանելը, հիշենք, որ դեռևս 1329-1344 թթ. Թովմա Աքվինացու այս երկի առանձին բաժիններ հայերեն էին թարգմանել Հակոբ և Հովհան Բռնեցիները: Ստուգապես չգիտենք, թե այս թարգմանություններն արդյոք հասանելի են եղել Կոլոտին, սակայն Կոլոտը և իր աշակերտները պետք է առնվազն լսած լինեին այդ թարգմանությունների մասին, քանի որ ժամանակակիցներից շատերն էին դրանց լավատեղյակ: Այսպես, Լվովի (Լեոպոլսի) հայոց Վարդան արքեպիսկոպոս Հովնանյանը՝ 1707 թ. հունվարի 20-ին գրած նամակում, պատասխանելով Մխիթար Սեբաստացու հարցումին, խորհուրդ էր տալիս դիմել Չահեցիներին, որոնք, իր տվյալներով, ունեին Աքվինացու Աստվածաբանությունը⁴⁸: Ինչպես նկատել է Ս. Արևշատյանը՝

«այդ թարգմանությունների, ինչպես և Բարդուղիմեոս Բոլոնիացու ու Պետրոս Արագոնացու աշխատանքների շնորհիվ Գլաձորի և Տաթևի դպրոցների գործիչները ծանոթացել են Թովմա

Աքվիինացու ուսմունքին և հաղորդակից դառնալով արիստոտելյան փիլիսոփայության կաթոլիկական մեկնաբանությանը, պայքար ծավալել Հռոմի եկեղեցու գաղափարական հարձակման դեմ»⁴⁹:

Արդյո՞ք Աքվիինացու Աստվածաբանության ամբողջական հայերեն թարգմանությունն ունենալու Կոլոտի ձգտումը նույն կերպ չի բացատրվում, այսինքն՝ որ Կոլոտն այդ թարգմանությունը ցանկանում էր կիրառել կաթոլիկ քարոզչություն դեմ: Այս հարցին կարելի է դրական պատասխան տալ: Ահա թե 1733 թ. լույս տեսած և ժամանակակիցի բնորոշմամբ «ընդդէմ երկաբնակաց»⁵⁰ ուղղված Վէմ հաւատոյ իր երկի մեջ՝ կաթոլիկ քարոզչության դրուլթներից մեկը ինչպես է քննադատում Կոլոտի ամենամտերիմ աշակերտ Հակոբ Նալյանը.

«Այսպէս եւ զբանս Թովմայի Աքուինացոյն (որ ասէ, թէ՛ «եթէ Ադամ ո՛չ մեղանչէր՝ Քրիստոս ո՛չ մարմնանայր») փոխեցին եւ ի նմանէ վկայութիւն բերեն, թէ՛ «եթէ Ադամ ո՛չ մեղանչէր՝ Քրիստոս մարմնանայր», որպէս ասէ Սկոթոս վարդապետն նրբամիտ⁵¹: Իսկ բանն Թովմայի առ մեզ գտանի եւ ի գիրս մարդեղութեան խստապէս ընդդիմանայ, թէ՛ վասն մեղացն Ադամայ մարմնացաւ Քրիստոս (ընդգծումն՝ Ա.Ա.)»⁵²:

Այսպիսով հավաստվում է, որ Աքվիինացու Աստվածաբանության հայերեն ամբողջական թարգմանությունն ձեռքի տակ ունենալու Կոլոտի ցանկությունն բուն նպատակը կաթոլիկ քարոզչության չեզոքացումն էր՝ արդյունավետ հակաքարոզչության միջոցով, որը նախատեսում էր կաթոլիկ աստվածաբանության հնարավորին չափ լավ իմացություն: Կոլոտի հովանավորութեամբ իրականացված Նալյանի հաստատիոր Վէմ հաւատոյ երկի հրատարակությունը՝ հայ եկեղեցու (ինքնըստինքյան, նաև հայ ժողովրդի) գաղափարական ինքնուրույնությունը պաշտպանող այդպիսի հակաքարոզչության ձեռնարկներից մեկն էր:

Ազգապահպանման և հայադավանություն պաշտպանության դիրքերին կանգնած հայտնի գործիչ Գևորգ Մխլայիմը (1681-1758), ևս մշտապես ստացել է Հովհաննես Կոլոտ պատրիարքի աջակցությունն ու նաև պատվեր-առաջադրանքները: Հայ եկեղեցու դեմ որևէ աշխատություն լույս տեսնելուն պես Կոլոտը՝

«Հրաման տուեալ էր նմա, ասելով, թէ «դու՛ եւս ընդդիմարկն նոցին բանիցն՝ գրեա՛ եւ տպագրեա՛ եւ ցրուեա՛»⁵³:

*Ու հե՛նց Կոլոտ պատրիարքի հովանավորութեամբ էլ Մխլա-
յիմը 1734 թ. Կ. Պոլսում հրապարակել է իր «Գիրք վիճաբանութեան
ընդդէմ երկաբնակաց» հայտնի երկը:*

ԾԱՆՈԹԱԳՐՈՒԹՅՈՒՆՆԵՐ

¹ Հ. Ս. Անասյան, *XVII դարի ազատագրական շարժումներն...*, էջ 257:

² Նույն տեղում, էջ 256-267 (մեջբերված եզրակացությունը՝ էջ 264-265):

³ Տե՛ս ՉԱՄ, Գ, էջ 775-778:

⁴ 1725 թ. հոկտեմբերի 5-ին Կ. Պոլսից Մխիթար աբբաճորը հղած նամակում մխիթարյան միաբան Միքայել վարդապետը պատմում է, որ Վենետիկից նավով մխիթարյան նորատիպ գրքերի Պոլիս հասնելուց հետո, հայերից ոմանք ամբաստանել են Կոլոտ պատրիարքին՝ «թէ Ֆուէնկիտանու Ֆուէնկի գրքեր գան եւ Ֆուէնկ շինէն գագգն մեր եւ չէ փոյթ քեզ», ինչից հետո միայն Կոլոտը, արքունի ֆերմանով, արգելում է այդ գրքերի նավից դուրս հանումն ու վաճառքը. - *Բազմավէպ*, 1978, էջ 277:

⁵ ՉԱՄ, Գ, էջ 803:

⁶ Ս. Ճեմճեմյանը, հրատարակելով Չամչյանի սկզբնաղբյուրը, այս այցելու-
թյունը թվագրում է մարտի 30 կամ 31-ով. - *Բազմավէպ*, 1978, էջ 269:

⁷ Հայկական եկեղեցիներ այցելելու խնդիրը կենտրոնականն էր հայադա-
վան-հայկաթուղիկ հարաբերությունների մեջ: Այն սկիզբ էր առել տակավին
Եփրեմ Ղափանցու (Տաթևացու) պատրիարքություն տարիներին (1684-1686,
1694-1698): Կոլոտն այս խնդիրը լուծելու իր առաջին ապարդյուն փորձն
էր արել տակավին 1720-1721 թթ. (տե՛ս ՉԱՄ, Գ, էջ 775-778): Այն փորձել
էր լուծել նաև Մխիթար Սեբաստացին. 1718 թ. իր միաբանութեան պաշտպա-
նութեան խնդրով Հուճումում գտնվելու ժամանակ, նա հաջողեցնում է ստա-
նալ «քահանայապետական հատուկ հրամանագիր, որու գորութեամբ» հայ
կաթուղիկներին թույլ էր տրվում հաճախել հայկական եկեղեցիներ: Սակայն
1728 թ. այս հրամանագիրը վերջնականապես «չեղյալ կհամարվի, ու Հոռ-
մեն Պոլիս կհասնի նոր հրահանգ, բացարձակորեն արգիլելով ունէ՛ «կաթուղի-
կերի» հաճախել Հայոց եկեղեցիները, թույլ տալով միայն «գնալ ի գաւիթն
եկեղեցվոյն եւ տալ զտուրք գանձանակին, որպէսզի մի՛ հալածումն յարու-
ցանիցեն» (տե՛ս *Բազմավէպ*, 1978, էջ 266, 270):

⁸ ՉԱՄ, Գ, էջ 802-803. հմտ. ԱԶԳ, սյուն. 1952:

⁹ ԱԶԳ, սյուն. 1994. *Բազմավէպ*, 1978, էջ 270-271:

¹⁰ *Բազմավէպ*, 1978, էջ 269-270: 1735 թվականին՝ հաշտարար մեկ այլ ցույ-

ցից հետո, կրկին «գտան եւ ոմանք, որք սկսան բամբասել զպատրիարզն, թէ ի լատին է դարձեալ»։ - ՉԱՄ, Գ, էջ 813:

¹¹ ՉԱՄ, Գ, էջ 803-804:

¹² Տե՛ս նույն տեղում, էջ 275 (1726 թ. նոյեմբերի 9-ին Պոլսից Վենետիկ ուղարկված նամակը):

¹³ Տե՛ս *Բագմավէպ*, 1978, էջ 266-267, 275-282:

¹⁴ *Բագմավէպ*, 1978, էջ 279, 281:

¹⁵ Տե՛ս *Դաւիթ Բէկ կամ «Պատմութիւն Ղափանցոց»*, էջ 111: XVIII դարի երկրորդ կեսին Ախլցխայում կաթողիկ քարոզչութեան ու դրա հետեւանքների մասին տե՛ս Պ. Հակոբյան, *Հայ կաթողիկոսութիւնը պատմա-քննական լուսի տակ*. - *Հրավեր ողջամտութեան* (Մայր Աթոռ Ս. Էջմիածին, 1993), էջ 49-76. **В. М. Мартиросян, П. А. Чобанян.** “Документы по истории армяно-грузинских взаимоотношений и общественной жизни Грузии (2-ая половина 18 века)”, - *Кавказ и Византия*, Выпуск 3 (1982), с. 232-269.

¹⁶ ՉԱՄ, Գ, էջ 814. Հմմտ. ԱԶԳ, սյուն. 1988: Գաղատիայի թեմի հետ առնչված մի արտառոց պատմութիւն էլ արձանագրվել էր տակավին մինչև Կարապետ Ուլնեցու կաթողիկոս ընտրվելը: Կարմիր վանքի նախկին միաբան՝ 1706-1720 թթ. Կեսարիո արքեպիսկոպոս պաշտոնավարած Վրթանես Ստեփանյանը, 1720 թ. տեղափոխվել էր Հոռոմ և այնտեղ աշխատել իբրև Հայոց ձեռնարկիչ եպիսկոպոս (տե՛ս Յ. Պատկերաճան, *Նամականի*, էջ 22, ծնթ. 17): 1694 թ. գրած իր հիշատակարանի մեջ Կարապետ Ուլնեցին, «միաբան եղբայրների» շարքում, հիշում է նաև սրան՝ իբրև «տէր Վրդանէս Կեսարացի»։ - տե՛ս Բ. Կիւլէսէրեան, *Յուցակ ձեռագրաց Անկիւրիոյ*, սյուն. 930:

¹⁷ Տե՛ս Յովհաննէս վ. Թորոսեան, *Վարք Մխիթարայ Աբբայի Սեբաստացւոյ* (Վենետիկ, 1901), էջ 327: Օրմանյանն այս թիվն սխալմամբ վերագրել է 1732 թվականին (ԱԶԳ, սյուն. 1988), մինչդեռ այդ ժամանակ, անկասկած, կաթողիկներն արդեն բազմապատիկ շտապած պետք է լինեին:

¹⁸ Տե՛ս *Դաւիթ Բէկ կամ «Պատմութիւն Ղափանցոց»*, էջ 98 (վավերագիր 17):

¹⁹ Տե՛ս *Դաւիթ Բէկ կամ «Պատմութիւն Ղափանցոց»*, էջ 96-97 (վավ. 12). Հմմտ. էջ 98 (վավ. 16), 101 (վավ. 27), 103-104 (վավ. 31):

²⁰ Նույն տեղում, էջ 101 (վավ. 27):

²¹ **Սահակ ձեմեմեան, Մխիթար Աբբազոր հրատարակչական առաքելութիւնը** (Վենետիկ-Ս. Ղազար), 1980, էջ 77:

²² *Դաւիթ Բէկ կամ «Պատմութիւն Ղափանցոց»*, էջ 110:

²³ Տե՛ս *Բագմավէպ*, 1978, էջ 290:

²⁴ ՉԱՄ, Գ, էջ 813: ԱԶԳ, սյուն. 1988:

²⁵ ԱԶԳ, սյուն. 1988: Մխիթարյանների և անտոնյանների գործելակերպի մասին Օրմանյանն ավելի մանրամասն գրում է նախորդ՝ 1987 սյունակում,

որ հենց այդպես էլ խորագրված է՝ «Մխիթարյանց ընթացքը»:

²⁶ Տե՛ս Ա.ՁԳ, սյուն. 1916:

²⁷ «Աղեքսանդր Զուղայեցի կաթողիկոսի կտակ-չըջաբերականը (1708 թ. փետրուարի 20)».- *Ազգասէր Արարատեան, Կակաթա, 1849, թ. 12:*

²⁸ Հայուլթյան կրած այդ կորուստները, այլազան աղբյուրների համեմատական քննութամբ, հաշվել և ներկայացրել ենք աստ՝ **A. Aivazian**, *The Armenian Rebellion of the 1720s and the Threat of Genocidal Reprisal*, pp. 36-39:

²⁹ Մանրամասն վերլուծությունը տե՛ս **A. Aivazian**, *The Armenian Rebellion of the 1720s...*, pp. 33-36; հմմտ. **Laurence Lockhart**, *The Fall of the Safavi Dynasty and the Afghan Occupation of Persia* (London: Cambridge University Press, 1958), pp. 251-252; **J. de Hammer**, *Histoire de l'empire ottoman*. T. XIV. Paris, 1839, pp. 91-93; **Mohammed A. Hekmat**, *Essai sur l'Histoire des Relations Politiques Irano-Ottomanes de 1722a 1747* (Paris, 1937), p. 119. Թուրքերեն բնագիրը տե՛ս **Muhammad Rashid**, *Tarikhi-i-Rashid Efendi*, Vol. III, Constantinople, Հիշրեթի 1153 թ. (1740-1741 թթ.), էջ 16b-17a (այս հատվածի հեղինակը Մուստաֆա Չելեբի-Ջադեն է):

³⁰ **A. Aivazian**, *The Armenian Rebellion of the 1720s...*, op. cit..

³¹ *Դաւիթ Բէկ կամ «Պատմութիւն Ղափանցուոց»*, էջ 97:

³² *Դաւիթ Բէկ կամ «Պատմութիւն Ղափանցուոց»*, էջ 104: 1723-1727 թթ. Հայկական և օսմանյան զորքերի միջև տեղի ունեցած խոշոր ճակատամարտերի ժամանակը, վայրը և օսմանցիների տված կորուստների թիվը ճշտող աղյուսակը տե՛ս **A. Aivazian**, *The Armenian Rebellion of the 1720s...*, p. 20.

³³ **Ա. Մ. Այվազյան**, «Դաւիթ-բեկի Հայաստան գալու ժամանակն ու հանգամանքները».- *Պատմա-բանասիրական հանդես*, No. 3 (130), էջ 83-85. АЕД, II, ДДД. 258-259.

³⁴ Տե՛ս նաև **A. Aivazian**, *The Armenian Rebellion of the 1720s...*, pp. 46-47.

³⁵ Քաղվածքը վերցրել ենք 1726 թ. նոյեմբերի 9-ին Մխիթար Սեբաստացուն Կ. Պոլսից մխիթարյան միաբան Ստեփաննոս վարդապետի գրած մի նամակից. - *Բազմավէպ*, 1978, էջ 269. հմմտ. ՉԱՄ, Գ, էջ 802. **Գ. Բամպուքճեան**, *Յովհաննէս պատրիարք Կոլոտ (1678-1741) եւ իր աշակերտները*, էջ 277:

³⁶ **Բ. Կիւլէսէրեան**, *Պատմութիւն կաթողիկոսաց Կիլիկիոյ*, սյուն. 1355. հմմտ. **Մեարոպ Քեչիչեան**, *Յուցակ հայերէն ձեռագրաց Ձմմառի վանքի մատենադարանին* (Վիեննա, 1964), էջ 197: Արծիվյանն ստույգ թվականը չի նշում, սակայն գրում է, որ Գաղատիայից անմիջապես մեկնել է Կ. Պոլիս և քարոզելու հրաման ստացել Սահակ Ապուլէիսցի պատրիարքից, որը և շուտով՝ 1714 թ. պաշտոնանկ է եղել:

³⁷ Տե՛ս ՉԱՄ, Գ, էջ 777:

³⁸ ՉԱՄ, Գ, էջ 776-778, 804, 805-806, 808-809. հմմտ. **Յ. Թորոսեան**, *Վարք Մխիթարայ...*, էջ 334-335:

³⁹ *Բազմավէպ*, 1978, էջ 274:

⁴⁰ «Դիւան Սուրբ Յակոբի»։ - *Սիրոն*, 1972, էջ 464:

⁴¹ ՉԱՄ, Գ, էջ 823:

⁴² *Բազմավէպ*, 1978, էջ 296-301:

⁴³ «Ստորագրութիւն ուղեւորութեան Տ. Գրիգորի Շղթայակրի Պատրիարքի Ս. Աթոռոյս յերուսաղէմի ի Կ. Պօլիս»։ - *Սիրոն*, 1866, էջ 142:

⁴⁴ *Բազմավէպ*, 1978, էջ 276-281:

⁴⁵ *Բազմավէպ*, 1978, էջ 277-278: Մխիթար Սեբաստացին, Հովհաննես Սեբաստացու հետ համատեղ, Աքվինացու «Աստվածաբանութեան հանրագումարի» թարգմանութիւնն սկսել էր դեռևս 1712 թ. ու ավարտել 1716-1717 թթ.: 11 հատորների մեջ զետեղված այս թարգմանութիւնը ցայսօր անտիպ է. - տե՛ս Ս. Զեմճեմեան, *Մխիթար Աբբահօր հրատարակչական առաքելութիւնը*, էջ 18-21, 25, 259:

⁴⁶ 1734 թ. դրութեամբ թարգմանված էր թովմա Աքվինացու «Աստվածաբանութեան» Բ մասը. այդ ձեռագիրն այժմ պահվում է Ղալաթիո Ազգային Մատենադարանում, թիվ 49, էջք 666 (տե՛ս Գ. Բամպուլքեան, *Յովհաննէս պատրիարք Կոլոս*, էջ 292): Մի մասնակի օրինակ էլ կա Երուսաղէմի Հայոց պատրիարքութեան մատենադարանում (տե՛ս Ն. Պողարեան, *Մայր ցուցակ ձեռագրաց Սրբոց Յակոբեանց*: Հ. Դ, Երուսաղէմ, 1969, էջ 597-598):

⁴⁷ *Բազմավէպ*, 1978, էջ 277-278:

⁴⁸ Տե՛ս Ս. Զեմճեմեան, *Մխիթար Աբբահօր հրատարակչական առաքելութիւնը*, էջ 19: XVII դարի կեսերին Լեհաստանում գրող մեկ այլ հեղինակ նույնպէս հիշում էր ջահկեցիներին.

...Թղթեր Հռոմայ փափէն եկին...
Թէ կաթողիկոսըն Մելքիսեթ
Ընդ Ֆռանգաց ուխտ ու դաշն ետ.
Ճահուկ գրքովք ձեռնադրանք ետ,
Զմեզ այլազգեացը գերի ետ...

Ղեւոնդ Ալիշան, *Կամենից տարեգիրք Հայոց Լեհաստանի եւ Ռուսիայի հաւաստեայ յաւելուածովք* (Վենետիկ-Ս. Ղազար, 1896), էջ 205:

⁴⁹ Ս. Արեւշատյան, «Թովմա Աքվինացի»։ - *Հայկական սովետական հանրագիտարան*: Հ. 4 (Երևան, 1978), էջ 201:

⁵⁰ *Դրախտ ցանկալի*, էջ 702:

⁵¹ 1729 թ. վերոհիշյալ Ղուկաս Խարբերդցին թարգմանել էր նաև Սկոթոսի *Աստվածաբանութիւնը* (Գ. Բամպուլքեան, *Յովհաննէս պատրիարք Կոլոս*, էջ 292):

⁵² **Յակոբ Նպեան**, *Վէմ հաւատոյ* (Կ. Պոլիս, 1733), էջ 321:

⁵³ Տե՛ս *Մաշտոցի անվ. Մատենադարան*, ձեռ. 883, էջ 86ա (վերցրել ենք

Հետևյալ ուսումնասիրությունից՝ **Արմեն Տեր-Ստեփանյան**, «Գեորգ Մխլա-
յիմ»․ - *Էջմիածին*, 1984, No. 5 (մայիս), էջ 38):

Գ Լ Ո Ւ Խ Ե .

ԱՐՐԱՀԱՄ Բ ԽՈՇԱԲԵՑԻ ԿԱԹՈՂԻԿՈՍԻ
ՀԱՐԱԲԵՐՈՒԹՅՈՒՆՆԵՐԸ ԿՈԼՈՏ ՊԱՏՐԻԱՐՔԻ ՀԵՏ
(1719-1734)

Նախնական դիտողություններ

Մեր հետագա քննությունն առանցքում են Այսրկովկասում օսմանյան իշխանության տարիներին՝ 1724-1735 թթ., Մայր Աթոռ Ս. Էջմիածնի և Կ. Պոլսի Հայոց պատրիարքարանի միջև զարգացող հարաբերությունների ցայտօր անհայտ մնացած կարևոր դրվագները¹:

Կարապետ Բ Ուլնեցի կաթողիկոսը՝ թե՛ իր բնատուր հեզու-
թյունից, թե՛ խիստ առաջացած տարիքից, և թե՛ Կոլոտի կողմից իրեն
կաթողիկոսացնելու երախտագիտության զգացումից ելնելով, իր գա-
հակալման երեք տարիների ընթացքում (1726-1729) միշտ մնաց Կ.
Պոլսի Հայոց պատրիարքի ազդեցության տակ: Ամենայն Հայոց հայ-
րապետի այսպիսի կախյալ վիճակը, որքան էլ այն պայմանավորված
լիներ առարկայական պայմաններով, անտարակույս, դժգոհություն
էր առաջացնելու՝ նախկինում վճռորոշ ձայն ունեցած Մայր Աթոռի
միաբանության և նրա հետ սերտորեն կապված հոգևոր խոշոր կեն-
տրոնների մեջ: Ստեղծված դրությունը պետք է գնահատվեր իբրև
Հայոց եկեղեցու ընդհանուր գործերում Կ. Պոլսի պատրիարքության
չափից ավելի մեծացած հզորություն, համապատասխանաբար նաև
Ս. Էջմիածնի դիրքերի և ինքնուրույնության թուլացում: Ավելին,
ժամանակակիցները չգիտեին, որ ընդամենը մի քանի տարի անց

Արարատյան երկիրը դարձյալ հայտնվելու է պարսկական տիրապետության տակ (1735 թ. սեպտեմբերի 22-ին պարսկական զորքերը վերատիրացան Երևանին, դրանով իսկ ապահովելով իրենց իշխանությունն Արարատյան երկրի վրա²):

Կարապետի մահը, սակայն, կտրուկ փոխեց այս իրավիճակը: Նախ՝ Մայր Աթոռի միաբանությունն այս անգամ ձեռքից բաց չթողեց նոր կաթողիկոս ընտրելու նախաձեռնությունը և, հենվելով վեց տարվա ընթացքում արդեն ամրացած Երևանի օսմանյան իշխանությունների վրա, շատ արագ նոր կաթողիկոս ընտրեց Մշո Սուրբ Կարապետի առաջնորդ Աբրահամ արքեպիսկոպոս Խոշաբեցուն (1677-1734 թ. նոյեմբերի 11)³: Այն, որ Մայր Աթոռի միաբաններն իրոք շտապել են կաթողիկոսի ընտրությունն ինքնուրույնաբար անցկացնել Ս. Էջմիածնում, երևում է հետևյալ փաստերից: Կարապետ կաթողիկոսը մահացել էր 1729 թ. հոկտեմբերի 2-ին⁴, Աբրահամն էլ ընտրվելու լուրն ստանալուն պես՝ ճանապարհ է ընկել, 1730 թ. հունվարի 4-ին մտել Ս. Էջմիածին և ընդամենը երեք օր անց կաթողիկոս օծվել⁵ (Օրմանյանը, ձեռքի տակ չունենալով լրացուցիչ տեղեկություններ, ենթադրաբար գրում է, որ Աբրահամը չպետք է ճանապարհ ընկած լիներ «խոր ձմեռվան մէջ» և նրա օծումն սխալմամբ դնում 1730-ի մարտի վերջին)⁶:

Այս շտապողականությունը կարելի է բացատրել, նախ և առաջ, Ս. Էջմիածնի գերակայությունը վերահաստատելու ցանկությունամբ և Կ. Պոլսում նոր ընտրություններ թույլ չտալու մտավախությամբ: Հետաքրքրական է, որ Խոշաբեցին իր կաթողիկոս ընտրվելու մասին լուրը մեծ ուշացումով է ուղարկում Կարինից Երուսաղեմ՝ իր քեռորդի Գրիգոր Շղթայակիր պատրիարքին, որը Կոլոտի մշտական և հավատարիմ դաշնակիցն էր: Նամակը Կարինից Երուսաղեմ է հասնում ավելի քան 7 ամսում՝ 1730 թ. հուլիսի 26-ին: Թերևս այս դիտումնավոր ուշացումն էր պատճառը, որ այդ մասին պատմող Շղթայակրի նամակի լուսանցքում, նրա քարտուղարի ձեռքով, իմիջիայլոց, ավելացված է՝ «զի մահու հափ վիրաւորեաց զմեզ Վեհն (=կաթողիկոսը)»⁷: Շատ հավանական է, որ Կոլոտը ևս ուշացումով է տեղեկացվել նոր կաթողիկոսի ընտրության մասին:

Ամեն դեպքում, Կոլոտ պատրիարքը դժվար թե բացահայտորեն հակադրվեր Աբրահամ Խոշաբեցու՝ Ամենայն Հայոց կաթողիկոս

ընտրվելուն, որովհետև Աբրահամը Կոլոտի համալսարանական ավագ ընկերներից էր, նաև, ինչպես ասվեց, նրա հոգևոր հայր և մերձավորագույն բարեկամ՝ Երուսաղեմի պատրիարք Գրիգոր Շղթայակրի քեռորդին⁸: Այս երեքն այն հինգ վարդապետների և երկու աբեղաների թվի մեջ էին, ովքեր 1704 թ. Ամրդուլի վանք-համալսարանից տեղափոխվեցին Մշո Ս. Կարապետ⁹: Եվ առաջին հայացքից թվում է, թե այս երկու համալսարանակից ընկերների մեջ որևէ խնդիր չպետք է առաջանար:

Աբրահամ Խոշաբեցու և Կոլոտի հարաբերությունները 1719-1727 թթ.

Իսկապես, մինչև կաթողիկոս ընտրվելն Աբրահամը և Կոլոտը արտաքնական հրաշալի հարաբերությունների մեջ էին: Ահավասիկ, այս փաստը հաստատող երեք վկայություն (ներկայացնում ենք ժամանակագրական կարգով):

Ա. 1719 թ. Կոլոտը գրում էր.

«Ընդ մեզ էր յամենայնի ի սկզբանց անտի եւ մեծապատիւ եղբայրն իմ Աբրահամ վսեմաբան եւ քաջաշնորհ վարդապետն, որ է այժմ վերատեսուչ եւ արժանաժառանգ առաջնորդ Տարօնոյ եւ գահակալ սրբոյ ուխտին այնորիկ»¹⁰:

Բ. 1720 թ. հունիսի 25-ին Կոլոտը և Երուսաղեմի Գրիգոր Շղթայակիր պատրիարքը մի համատեղ կոնդակ են հղում Բաղեշի ժողովրդին, որտեղ, ի թիվս այլ խնդիրների, կոչ են անում ամեն կերպ աջակցել Աբրահամ Խոշաբեցուն՝ վանքերի պարտքերը վճարելու գործում (ամենայն հավանականությունով, կոնդակը գրվել էր Աբրահամ Խոշաբեցու և մի քանի այլ գործիչների խնդրանքով)¹¹:

Գ. 1727 թ. Աբրահամն այցելել է Երուսաղեմ, որտեղ իր և Կոլոտի հիշատակին մի խաչքար է կանգնեցրել.

«Ի թվին ՌՃՀԶ (1727) ամին կանգնեցաւ սուրբ խաչս բարեխօս առ Աստուած վասն տեառն Յովհաննու պատրիարգ վարդապետի՝ սրբոյ Աթոռոյս սպասաւորի, եւ տեառն Աբրահամու՝ դիտի Մշոյ սուրբ Կարապետի եւ ծնողաց նոցա. յիշեցէք ի Տէր եւ Աստուած ողորմի ասացէք. ամէն»¹²:

Այսուհանդերձ, հակառակ Կոլոտի հետ իր այս երկարամյա բարեկամության, Մայր Աթոռի և Կ. Պոլսի պատրիարքության ներհակություններն արդեն այն աստիճան էին խորացել, որ ուժգնորեն զգացնել տվեցին հե՛նց Աբրահամ Խոչաբեցու Ս. Էջմիածնում գահակալելու տարիներին: Ըստ ստորև մեջբերվող տեղեկությունների՝ Աբրահամը չի եղել Կարապետ Ուլնեցու պես Կոլոտի հետ ամեն բանում համաձայնող կաթողիկոս, այլ վարել է բավական կարծր ինքնուրույն քաղաքականություն: Ըստ երևույթին, Աբրահամ Խոչաբեցին ինքն էլ անձամբ շատ դժգոհ է եղել Կոլոտի կատարած քայլերից, հատկապես՝ կաթողիկոսների նկատմամբ հաշտարար-զիջողական դիրքորոշում բռնելուց, ինչպես նաև 1726 թ. կաթողիկոսական ընտրությունները Կ. Պոլսում կազմակերպելուց (հիշենք, օրինակ, որ հայ եկեղեցու կանոնադրության այս կոպիտ խախտումն այնպիսի վրդովմունք էր առաջացրել Մինաս արքեպիսկոպոս Փերվազյանի մոտ, որ նա իբրև բողոքի նշան հրաժարվել էր ներկայանալ ընտրություններին): Անցնենք այս կռահումները լուսաբանող փաստական նյութին:

Աբրահամ Խոչաբեցու և Կոլոտի հարաբերությունները 1730-1734 թթ.

Աբրահամ կաթողիկոսի և Կոլոտի միջև եղած որոշակի լարվածության մասին է վկայում Սիմեոն Երևանցու աշակերտության շրջանին վերաբերող հետաքրքրական մի դրվագ, երբ Աբրահամ կաթողիկոսը, դժգոհելով Պոլսի պատրիարքարանի՝ «ուղեղներ որսալու» գործելակերպից, այս դեպքում՝ Սիմեոն Երևանցուն Ս. Էջմիածնից Պոլիս գայթակղել-տանելու Կոլոտի ջանքերից՝

«վիրավորված սրտով սաստիկ հանդիմանում է... և ասում.
«չա՞տ համարեցիք մի տղա Սուրբ Աթոռի համար, որ նորան էլ ունեցում էք հեռացնել այստեղից»¹³:

Ամրդոլի վանքի այս երկու նախկին եղբայր-միաբանների միջև եղած խնդիրների մասին կան նաև շատ ավելի հստակ տեղեկություններ: Այսպես՝ 1732 թ. հոկտեմբերի 5-ին Երուսաղեմից Կոլոտին հղած նամակում Գրիգոր Շղթայակիրը գրում էր.

«Լուսայ յոմանց զՍուրբ Գաճի (=Ս. էջմիածնի) նուիրակին զվատչուեր զարարան. եւ ընդ այն զարհուրեալ եւ զարմացեալ կամ՝ յապշութեան եւ մտախոհ լեալ ոչ գիտեմ, թէ զի՞նչ ասացից. զի դու յորժամ լուար՝ ընդէ՞ր ոչ զգացուցէր Եղբորդ (իմա՝ Աբրահամ Մշեցի կաթողիկոսին, Ա.Ա.)՝ զի պատժակոծ զնա առնիցէր: Եւ կամ թէ ինքն (իմա՝ նվիրակը, Ա.Ա.) դառնահամբաւ՝ զի՞նչ տեսեալ զմէնջ նեղութիւն, որ այսքան զմեզ ի բերանն որդնալի առեալ պախարակէ. զոր Տէր լիցի ինքեան վրէժխնդիր եւ հատուցէ ըստ գործոց իւրոց՝ ամէն:

Եւ կամ թէ ազգն մեր արամեան, քահանայք եւ ժողովուրդք երլիք (=տեղացի) եւ եկք, զայսքան եպերանաց խօսս լուեալ ի պիղծ բերանոյ նորա, եւ մի ի նոցանէ ոչ խօսեցաւ, թէ՛ «ընդէ՞ր այդպէս զանիրաւան բարբառիս»: Ուրեմն լոյս աչացս, բարձեալք են իրաւունք յերկրէ, եւ կենաց իմոց վա՛յ թէ որպէս պարտիմք կենցաղավարիլ ի մէջ այսպիսեացս: Եւ դու կարի մի տրտմիցիս՝ յիշեա զբանն, որ վասն Տեառն մերոյ գրէ Հեզն սուրբ, թէ «Հիսուս չոգաւ թաքեալ ի նոցանէ եւ այլն»¹⁴: Եւ խնդրեմ յԱստուծոյ, զի քեզ արիութիւն եւ համբերութիւն տացէ, եւ զթշնամիս քոյ ի կոր կործանեսցէ, յիշելով զխղճութիւնս մեր եւ զամբարտաւանութիւնս նոցայ»¹⁵:

Նույն մտահոգությունները, ավելի քողարկված և այլաբանական ձևակերպումներով, արտահայտված են 1733 թ. հունիսի 11-ին Գրիգոր Շղթայակրի՝ Կոլոտին հասցեագրած նամակում.

«...հոգի, մի՛ տրտմիր՝ այլ ուրախ լեր, զի վարձք քո բազում են յերկինս. թող ասեն ասողքն զինչ որ կասեն, հատուցանող դատաւորն արդար է: ...բայց յորժամ զմիւս գիրն ընթերցայ՝ տրտմութեամբ լցայ ընդ խղճութիւն գառնուկին իմոյ, որ ի բերանս գայլաց անկեալ կայ՝ զոր Աստուածն Դանիէլի խցցէ զուխս նոցա: Եւ այժմ զստոյգն քեզ գրեմ թէպէտ սիրտս եւ ձեռքս ի զողումն է՝ (այլ զի՞նչ առնեմ, որովհետեւ ամենայն յաջողումն ի Տեառն է՝) Սրբոյ Աթոռոյ Գահակալն յայն կէտն է եւ այլ աւելի, եւ Սրբոյ Եկեղեցոյդ պարտքն եւս զիզեալ կայ, զոր Տէր ոչնչացուցէ: Եւ ըստ գրոյդ զօրութեան հոտեալն քառօրեայ եւ չարուցեալն ի Սուրբ Գաճն, յերկիրն եւ այդր՝ զբազում բարեկամս ստացեալ է. մինչ զի ի հարկէ յայնպիսի տեղոջ յղեալ ես, որ բացարձակ զչարիս իւր յայտնէ, զոր Տէր զինքն պատժեսցէ... Բայց ընդ լսողսն եւ չխօսողսն ես զարմացեալ եմ. վա՛յ աշխարհիս գայթակղութեան եւ

մարդոց անհավատարմութեան: ...զի դանն (sic) ոչ բարով նոր զնաց անդ (թե ու՞ր՝ պարզ չէ - Ա.Ա.) մի գուցէ դարան ինչ գործիցէ եւ լիցի առիթ խազմի (=խռովութեան): Եւ դու եւս շատ մի՛ անկանիր ի հետն, զի ստուգիւ զիւսագեացեալն ի դիւէ լլիկալ գործէ զնանրուութիւն. մի՛ լիցի, թէ մեք պատճառ խռովութեան՝ զոր Տէր փրկեսցէ...»¹⁶:

Ինչպես տեսնում ենք, Շղթայակիրը մեղադրում է Աբրահամ կաթողիկոսին երկու հարցում. նախ՝ Հայ եկեղեցու վզին պարտքեր փաթաթելու մեջ («Սրբոյ Եկեղեցոյդ պարտքն եւս դիզեալ կայ»), և, երկրորդ՝ համագործակցելու համար Կոլոտին պախարակող ինչ-որ անձի՝ «գան»-ի, հետ, որին բնորոշում է իբրև «հոտեալն քառօրեայ եւ չյարուցեալն ի Սուրբ Գահն»: Ուշագրավ է նաև այն, որ պոլսահայ զանգվածները չեն բռնել Կոլոտի կողմը և չեն դատապարտել նրա այդ քննադատին: Սա վկայում է ինչպես այդ անանուն անձի վայելած հեղինակութեան և ազդեցիկ դերքի, այնպես էլ՝ Կոլոտ պատրիարքի հաշտարար քաղաքականութեան դեմ հայ զանգվածների լայն շերտերում առաջացած լուրջ դժգոհութեան և կասկածների մասին: Սակայն, ո՞վ էր Կ. Պոլսի Հայոց պատրիարք Կոլոտի այդ հզոր թշնամին, որի անունն անգամ իր նամակներում խուսափել է տալ Շղթայակիրը: Բարեբախտաբար, Շղթայակիրի 1732 թ. հոկտեմբերի 5-ի վերոբերյալ նամակն ունի մի փաստ, որը հնարավորութեամբ է տալիս ճշտել նաև Կոլոտի հակառակորդի ով լինելը, այն է՝ նամակում նշվում է այդ մարդու պաշտոնը՝ «զՍուրբ Գահի նուիրակն»:

Ստորև քննությունը շարունակելու ենք հետևյալ երկու հարցի ուղղությամբ. ա) ի՞նչ էր Հայ եկեղեցու նվիրակութեան հաստատությունն առհասարակ ու 1720-ական թթ. մասնավորապես, և բ) ո՞վ էր 1732-1733 թթ. Ս. էջմիածնի նվիրակը Կ. Պոլսում:

ԾԱՆՈԹԱԳՐՈՒԹՅՈՒՆՆԵՐ

¹ Ազգային-եկեղեցական այս երկու կենտրոնական հիմնարկությունների հարաբերություններն հնարավոր կլինի ամբողջական տեսությունամբ ներկայացնել Երևանի, Կ. Պոլսի, Երուսաղեմի և մյուս հայկական մատենադարաններում ցրված համապատասխան վավերագրերն ի մի բերելուց և հրատարակելուց հետո միայն:

² Աբրահամ Կրետացի, *Պատմութիւն*, էջ 68:

³ Հմմտ. ԱԶԳ, սյուն. 1965:

⁴ ՉԱՄ, Գ, էջ 805. *Մաշտոցի անվ. Մատենադարան*, ձեռագիր 2347, պահպանակ Դ:

⁵ *Մաշտոցի անվ. Մատենադարան*, ձեռագիր 2347, պահպանակ Դ: **Ներսէս Ակիւնեան**, *Բաղէշի դպրոցը (1500-1704)*: Վիեննա, 1952, էջ 376:

⁶ ԱԶԳ, սյուն. 1965:

⁷ «Նամականի Գրիգոր Շղթայակիր պատրիարքի» («Դիւան Սուրբ Յակոբի»): - *Սրոն*, 1971, էջ 432:

⁸ Կոլոտը Գրիգոր Շղթայակիրից էր ստացել ծայրագոյն վարդապետութեան աստիճանը (տե՛ս Գ. Բամպուքճեան, *Յովհաննէս պատրիարք Կոլոտ*, էջ 23):

⁹ **Ն. Ակիւնեան**, *Բաղէշի դպրոցը*, էջ 372-378:

¹⁰ **Բարդէն Կիւլէսէրեան**, *Կոլոտ Յովհաննէս պատրիարք*, էջ 164:

¹¹ **Գ. Բամպուքճեան**, *Յովհաննէս պատրիարք Կոլոտ*, էջ 270-273:

¹² Նույն տեղում, էջ 274. **Տիգրան Սաւականեանց**, *Պատմութիւն Երուսաղէմի*: Հ. Բ (Երուսաղէմ, 1931), էջ 1231. **Ն. Ակիւնեան**, *Բաղէշի դպրոցը*, էջ 376:

¹³ *Դիւան Հայոց պատմութեան*, Գիրք Գ, էջ ԿԵ-ԿԶ: Գյուղ Աղանյանցն այս դրվագը քաղել է «Ճառ գովութեան՝ գովելեաց կոչեցեալ իսկութիւն բանի: Նախընտրաբար վասն սրբազան...» գրքուկից (տե՛ս *Դիւան Հայոց պատմութեան*: Գիրք Գ, էջ ԽԵ, ծնթ. 3): Այս ձեռագիրը պահվում է Ս. Պետերբուրգում Մելքիսեդեկ բանասերի հավաքածոյում, տե՛ս *Մաշտոցի անվ. Մատենադարան*, No. 268 դրսի ժապավենը:

¹⁴ *Յովհաննէս Աւետարանիչ*, Գլուխ ԺԲ, 36:

¹⁵ «Նամականի Գրիգոր Շղթայակիր պատրիարքի» («Դիւան Սուրբ Յակոբի»): - *Սրոն*, 1972, էջ 61-62:

¹⁶ «Դիւան Սուրբ Յակոբի»։ - *Սրոն*, 1972, էջ 72-75. Հմմտ. նույն տեղում, էջ 378, 469-470, 471:

Գ Լ Ո Ւ Խ Զ .

Ս. ԷԶՄԻԱԾՆԻ ՆՎԻՐԱԿՆԵՐԻ ՀԱՍՏԱՏՈՒԹՅՈՒՆԸ

Հայ եկեղեցու նվիրակական հաստատությունը մեզանում, ցավոք, առանձին ուսումնասիրությունների առարկա դեռևս չի դարձել¹: Ուստի դժվար է ստուգապես ասել, թե այն ե^օրը է ստեղծվել և սկզբնապես ի^{նչ} գործառույթներ է ունեցել:

Սուրբ մյուռոնի բաշխումն անկասկած կաթողիկոսական նվիրակի ամենավաղ հաստատված պարտականություններից մեկն է եղել. X-XI դարերում խմբագրված Հայոց Կանոնագիրքն արդեն որոշակիորեն կարգավորում էր մյուռոնի բաշխումը.

«Եպիսկոպոսունք մի՛ իշխեսցեն միւռոն աւրհնել կամ յաւելուած առնել եւ տալ քահանայից, այլ ամ յամէ ի հայրապետանոցէն առցեն ըստ կանոնական հրամանի սուրբ հարցն»²:

Սկզբնաղբյուրներում Ամենայն Հայոց կաթողիկոսի նվիրակի մասին մեզ հանդիպած ամենավաղ վկայությունը վերաբերում է 1290 թ.³ (1317-1318 թվականներին գրված մի վավերագիր արդեն հիշատակում է նվիրակի՝ մյուռոնի բաշխման առաքելությունը)⁴:

Հնարավոր է, որ նվիրակի պաշտոնը կանոնագրորեն հաստատված լինի 1246-ից մինչև 1290 թ. ընկած միջոցին, որովհետև 1246 թ. Կոնստանդին Բարձրբերդցի կաթողիկոսը, Կիլիկիայից բուն Հայաստան ուղարկելով Վարդան Արևելցուն և հանձնարարելով Հայաստանի ամբողջ ժողովրդին ընդունել նրան իբրև կաթողիկոսի փոխանորդ՝ «փոխանակ անձին իմոյ» (որ, ինչպես շուտով կտեսնենք,

նվիրակի հիմնական առաքելությունները էր), այդուհանդերձ՝ Վարդան վարդապետին «նուիրակ» չի անվանում⁵: Կիրակոս Գանձակեցին ևս, հիշատակելով նույն այցը մոտավորապես 1200-1271 թթ., Վարդանին «նուիրակ» չի կոչում⁶: Այսքանից թերևս կարելի է եզրակացնել, որ XIII դարի կեսերին նվիրակի պաշտոն դեռ գոյություն չուներ և անհայտ էր ժամանակակիցներին: Հետևաբար, պատմաբանասիրական գրականություն մեջ՝ 1246 թ. այցի կապակցությամբ, Վարդան Արևելցուն նվիրակ անվանելը պետք է առայժմ՝ մինչև հնարավոր նոր փաստերի ի հայտ գալը, պայմանականորեն ընկալել⁷:

Ինչևէ, XVI-XVIII դարերում Հայ եկեղեցու ներքին կառույցում նվիրակների կշիռն զգալիորեն աճել էր: Պատահական չէ, որ իր հեղինակած աղոթքներից մեկում Ղազար կաթողիկոսը նրանց է դիմում հատուկ բարեմաղթանքով.

«Մեծազան աշխատութեամբ վաստակօղ Նուիրակացն մերոց, որք ընդ ոլորտս տիեզերաց՝ գօրութիւն եւ կարողութիւն»⁸:

Որո՞նք էին, ուրեմն, Ս. Էջմիածնի նվիրակի պարտականություններն ու իրավասությունները: 1760 թ. Մայր Աթոռում Սիմեոն վարդապետ Երևանցու ձեռքով գրված մի նամակում, կարդում ենք, որ Ս. Էջմիածնի

նուիրակին գործն այն է, որ գպատուիրանս Աստուծոյ քարոզէ եւ հոգեւորապէս իշխէ ժողովրդեանն եւ գսուրբ միւսոն բաշխեսցէ⁹:

Այսքանով, սակայն, նվիրակի իրավասությունները չէին սահմանափակվում: Նույն նամակը, որ գրվել էր ի պատասխան ինչոր փիճակից Ս. Էջմիածնի նվիրակի մասին ուղարկված բողոքի, ունի նաև հետևյալ հետաքրքրական տողերը.

«Գրեալ էիք [կաթողիկոսին], թէ գրեա՛ նուիրակին, որ մեր խօսիցն հետեւիցի... յայսքան քաղաք եւ յայսքան յերկիր նուիրակք գնան, ի միոյ մեծէ կամ ի փոքունէ ոչ եմք լուեալ, թէ՛ «սրբազան հայր, գրեա նուիրակին, որ մեզ հետեւիցի»: Քանզի ի բնէ այսպէս է կարգն, որ սրբազան հայրն կոնդակ գրէ ժողովրդեանն,

թէ՝ «Տլու եւ Հնազանդ լինիցիք նուիրակիս մերում»: Եւ նուիրակին եւս հրաման տայ սաստելոյ եւ յանդիմանելոյ, կապելոյ եւ արձակելոյ...»

Պարզվում է, որ այս նամակը գրելիս, Միմենոն Երևանցին ձեռքի տակ է ունեցել և իբրև կաղապար օգտագործել իրենից ավելի վաղ գրված կաթողիկոսական մի կոնդակ, որը հաջողվեց Հայաստան բերել: Դա Ղազար Ա Ջահկեցի կաթողիկոսի (1737-1751) հեղինակած և հետագայում կաղապարային փաստաթղթերի շարքում ընդգրկված մի անթվական կոնդակ է, որն ի թիվս այլ խնդիրների, հաստատում է, որ ժողովուրդն ու հոգևոր դասը պարտավոր են ենթարկվել Ս. Էջմիածնի նվիրակին՝ «որդիական խոնարհութեամբք՝ Տլուք, Հնազանդք եւ հպատակք լինիլ դմա» (այստեղից են վերցրված Միմենոնի՝ «Տլու եւ Հնազանդ լինիցիք նուիրակիս մերում» բառերը)¹⁰: Չի բացառվում, որ Ղազար Ջահկեցին ևս ունեցել և իր հերթին իբրև կաղապար է օգտագործել ավելի վաղ գրված կաթողիկոսական նույնաբնույթ մի ինչ-որ այլ կոնդակ:

Իսկ 1765 թ. գրված իր Ջամբո-ում Միմենոն Երևանցին հետևյալ նշումներն է արել նվիրակ առաքելու և նվիրակների իրավասուլթյունների մասին.

«Ըստ ժամանակին գնուիրակունս առաքել առ յամենեսեան իբր փոխանորդ ինքեան՝ ի քննել եւ վերահասու լինել գորպիսաբար կացութեանց եկեղեցեաց եւ եկեղեցականաց, գիւղն Աստուածագործ բաշխել ի յօժումն օժելոց եւ ի սրբազնագործել գսրբագործելիսն...»

Եւ նուիրակն սորին որքան ի յեկեղեցիս իւրեանց կացցէ՝ Հնազանդութեամբ եւ անտրտունջ ընդունին, հոգալով զպիտոյսն կերակրոց եւ ըմպելեաց. յիշեն եւ զանունն ի յեկեղեցին նախքան զանուն Առաջնորդին իւրեանց՝ նախագահ ունելով քան զնա տեղեալ եւ պատուով (ընդգծումն իմն է՝ Ա.Ա.)»¹¹:

Այսպիսով, Ս. Էջմիածնի նվիրակը հանդես էր գալիս իբրև Ամենայն Հայոց կաթողիկոսի փոխանորդ ու, որպես այդպիսին, ավելի մեծ հոգևոր լիազորություններ և իշխանություն ուներ, քան իր նվիրակության տարածքի մեջ մտնող որևէ վիճակի առաջնորդը: Վերատեսչությունից զատ, նվիրակների մյուս կարևոր գործն էլ Ս. Էջմիածնի օգտին նվիրատվություն կազմակերպելն էր (կամ, մերօրյա

անգլերեն հայտնի եզրով՝ fundraising-ը): Այս աշխատանքների մասին որոշակի պատկերացում կարելի է ստանալ՝ 1629-1631 թթ. Կաֆայում Ս. Էջմիածնի նվիրակի ծավալած գործունեությունից վերաբերյալ ժամանակակցի տված հետևյալ հաղորդումներից.

«Սաչատուր վարդապետն եկաւ Էջմիածնայ լուսափուխ մեռոնաւ, որ էր նուիրակ նորընծա Տէր Մովսէս կաթողիկոսին, Բ (2) աշակերտ ունէր, մինն ճգնաւոր, մինն՝ կիսասարկաւագ:...Նուիրակ վարդապետն դատապարտեց ըզքահանայքն, Դ-Ե (4-5) քահանայ արգիլեց, տուգանք խառ, ոսկի, գիրք, խաչ, ըսկի, որըն կամաւ, որն ակամայ, ժողովուրդ ալ բանադրեց՝ Վարդանն, Յարութիւնն եւ այլ մէկ քանիքն: Քաղքիս ժամերն ամէնն ժուռ եկաւ, ինչ որ տըւին էա՞՞ գաւազան տըւին, ասմաւուրք տըւին:...Նուիրակ կացուց պարոնտէրն եւ տէր Մկրտիչն ուղարկեց Կէզլով, Պախչա-Սարայն, Խարա-Սուռն, գեղրանքն ընթանուր [Խըր]մին երկիրն. գընացին, նուիրակեցին ու բերին... Եւ դարձեալ ինքն ելաւ գընաց, մէմ ալ ինքն նուիրակեց, ետոյ յեկաւ նըստաւ Խարա-Սուռն, խապար խըրկեց կաֆացոց, զիս եկէք առէք, կամ մեռոնըս ուղարկեցեք: Մենք մեռոնն ուղարկեցաք, ետոյ բարկացաւ մեզ կաֆացոցս: Ելան դաւրվաթորայք եւ քահանայք հաւասար գնացաք, ապա ուրախացաւ, Գ (3) ժամէս ձ (100) խուռչ ուզաց, Բ (2) ժամէն Լ (30) խուռչ էառ, ետոյ մեռոնն թափեց Խարա-Սուռն...

Թվականն ՌՁ (1631) այսաւր շաբաթ օր է, ապրիլի Լ (30) է, այս եկաւ ան սահաթին մտաւ նաւ եւ գընաց. Աստուած բարի ճանապարհ տայ»¹²:

Այս և այլ հաղորդումներից երևում է, որ Ս. Էջմիածնի նվիրակներն ունեցել են նաև օգնականներ և գործակալներ, որոնք հաճախ նույնպես նվիրակ են կոչվել:

Սեփական պետքերն ու ծախսերը հոգալու համար մերձակա և հեռավոր շրջաններ «նվիրակներ» են առաքել նաև Գանձասարի և Աղթամարի կաթողիկոսները, Երուսաղեմի պատրիարքը, առանձին վանքերի և թեմերի առաջնորդները: Սակայն, ի տարբերություն Ս. Էջմիածնի նվիրակների, սրանց գործունեությունը սահմանափակվել է գուտ դրամահավաքով և հոգևոր-վերատեսչական որևէ իշխանություն կամ գործառույթ չի պարունակել: Ուստի այս «տեղական» նվիրակների գործունեությունը հատուկ անդրադառնալը մեր հետազոտությունից նպատակներից դուրս է: Օսմանյան կայսրության տա-

րածքում Ս. Էջմիածնի նվիրակները կարող էին բախվել մյուսոն բաժանող և այլ նույնանման լիազորություններով օժտված «մրցակից» նվիրակների հետ միայն Եղիազար Այնթապցու ստեղծած հակաթոռ կաթողիկոսություն օրոք՝ 1665-1680 թթ.¹³:

Ս. Էջմիածնի նվիրակը հավաքում և իր հետ Մայր Աթոռ էր բերում հետևյալ կարգի նվերներ՝ «վարագոյր, գոգնոց, աթոռ, կոնք, սկիհ, աւետարան, շապիկք եւ շուրջառք. բերի ընդ իս եւ մեծագին ջահ մի», - պատմում էր Կ. Պոլսում նվիրակած Պետրոս Քյուլթյուր վարդապետը¹⁴:

Ս. Էջմիածնի նվիրակի պաշտոնն, իր գործառույթներով, որոշակիորեն համընկնում է Հռոմեական Կաթողիկե եկեղեցու առաքելական դեկրետի կամ լեգատի պաշտոնին¹⁵, որի մասին դեռևս XVII դարի սկզբին Սիմեոն Լեհացին ճշգրիտ տեղեկացնում էր.

«Այլ եւ ունի Փափն ամէն երկիր Լէկաթ, որ է նուիրակ: Եւ ամէն տարի Ենէրալնի առաքէ առ ի դատել եւ քննել զանուղղայ կարգաւորս եւ դնել հարպետ (=փոխանորդ), առաջնորդ, վանաց հայր: Եւ այսպէս ամէն երեք տարի փոխեն եւ այլ դնեն. այսպիսի կարգաւ վարին: Եւ սահման կայ ի մէջ նոցա, զի ոչ ոք չկարէ դատել զկարգաւորսն, բայց միայն եպիսկոպոսն, եւ զեպիսկոպոսն՝ Փափն կամ Լէկաթն¹⁶ (ընդգծումն՝ Ա.Ա.)»:

Հետաքրքիր է, որ Ս. Էջմիածնի նվիրակի պաշտոնավարության ժամկետը, կարծես նմանօրինակված լինելով, նույնպես երեք տարի էր: Այսպես, Ս. Էջմիածնի նվիրակները՝ «նուիրակութեան ժողով» անելու, այսինքն՝ հանգանակություն և նվիրատվություններ հավաքելու նպատակով կարող էին մուտք գործել նույն բնակավայր՝ նախորդ նվիրակությունից երեք տարի անց միայն: Ինչպես հաղորդում է 1725 թ. կեսերին Եվդոկիա մտած Ս. Էջմիածնի նվիրակի գրագիրը.

«Երեք օրէն ապա հասի յԵւդոկի,
բայց անդ չէր ժամ նուիրակութեան ժողովի,
զի դեռ երկու ամ անցեալ էր նուիրակի.
վասն այն թողաք եւ գնացաք ի Ղայսերի»¹⁷:

Սակայն, հաջորդ տարի՝ 1726 թ., նրանք վերադառնում են Եվդոկիա և նվիրակություն կատարում.

«Իսկոյն ապա դարձաք քաղաքն յԵւզոկի,որ այն միայն մնացեալ էր եզակի. անդ արարաք զնուիրակութիւն ըստ կարգի, որպէս վերոյ ութերորդի տանն յիշի»¹⁸:

Նվիրակութիւնն անելու ավանդական եռամյա ժամկետը Հաստատում է նաև Եփրեմ կաթողիկոսի (1809-1830)՝ վերոհիշյալ կոնդակը. «Ժամանակ շրջագայելոյ նուիրակաց ի վիճակի իւրեանց պայմանեալ է լինիլ երեք ամ»¹⁹: Սիմեոն Երևանցին, օրինակ, Հնդկաստանում նվիրակութիւնն արեց երեք ու կես տարի²⁰:

Այնուամենայնիվ, դեռևս վաղ է Հաստատապես եզրակացնել, թե որ ուղղութիւնը է կատարվել նվիրակութիւնն երեք տարվա ժամկետի փոխառումը. արդյոք Ս. Էջմիածի՞նն է կաթողիկ եկեղեցու փորձն ուշադիր ուսումնասիրել և նվիրակութիւնն վերաբերյալ այս ու մի շարք այլ կանոնադրական կետեր փոխառել, թե գուցե Հոռոմն է նկատել Հայ եկեղեցու նվիրակութիւնն կառույցի արդյունավետութիւնը և որոշել է այն ընդօրինակել: Թեև երկրորդ տարբերակը պակաս հավանական է թվում, բայց և այնպես այդ չի կարելի բացառել թեկուզ այն պատճառով, որ կաթողիկ նվիրակները՝ լեզալիսերի, նունցիների, ինթերնունցիների աստիճաններն ու նրանց գործունեութիւնն կանոններն առաջին անգամ պաշտոնապես Հաստատվել են Գրիգոր XIII պապի գահակալման օրոք՝ 1572-1585 թթ.²¹, երբ Հայ նվիրակութիւնն արդեն վաղուց գործող համակարգ էր: Կաթողիկ եկեղեցու օտարերկրյա մշտական ներկայացուցչութիւնը (նունցիների Հաստատութիւնը) ևս բավական ուշ է ձևավորվել՝ XVI դարի առաջին կեսին: Չի բացառվում նաև, որ դարերի ընթացքում Հայ և կաթողիկ եկեղեցիները միմյանցից ընդօրինակած լինեն նվիրակական գործունեութիւնն զանազան տարրեր:

Ի՞նչ դժվարութիւններ ու բարդութիւններ էին պատահում Ս. Էջմիածնի նվիրակի աշխատանքում:

Նախ, նվիրակի պաշտոնը երբեմն շատ վտանգավոր է եղել: Թուրք-պարսկական երկարամյա պատերազմներից մեկի (1501-1515 թթ.) միջոցին՝ 1506 թ., Կ. Պոլսով Ղրիմ և Լեհաստան անցած ու վերադարձած Ս. Էջմիածնի նվիրակներին՝ մեղադրելով Իրանի օգտին լրտեսութիւնն անելու՝ Եվրոպա անցնելու ու Օսմանյան կայսրութիւնն թշնամի քրիստոնյա պետութիւնների հետ կապ հաստատելու փորձի մեջ, դատապարտում են գլխատման.

«Յեջմիածնէն նուիրակք եկան
Բոլոր աշխարհս Հոռոմոց Տան:
...Ասին չաշուտ (=լրտես) են միաբան,
Սօֆին (=Իրանի շահը) զրկել ի Ֆրանկիստան...»²²

Մեկ այլ սկզբնաղբյուրը նույն դեպքը վերագրում է 1503 թվին. «Թվ. ԶԾԲ Ըստըմպօլն՝ գտէր Յովհաննէսն, գտէր Դաւիթն, գտէր Սարգիսն՝ որք էին յէջմիածնայ նվիրակք, նահատակեցան...»²³:

Ավելի հաճախ, սակայն, բարդությունները լինում էին վիճակների և թեմերի առաջնորդների հետ՝ հոգևոր-վարչական գերիշխանության հողի վրա, քանզի նվիրակը, ինչպես վերն արդեն ասվեց, Ամենայն Հայոց կաթողիկոսի փոխանորդի կարգավիճակ ունենալով, ուներ նաև վերահսկողի դեր: Նվիրակն ու առաջնորդը, միմյանց հավասարակշռելով, միշտ գտնվում էին բավական նուրբ հարաբերությունների մեջ: Զուր չէր, օրինակ, Գրիգոր Շղթայակիրը՝ Կոլոտին գրած մի նամակում (9 սեպտեմբեր 1724 թ.), շեշտում Ս. Էջմիածնի նվիրակին ընդունելու և նրա հետ աշխատելու «տաժանելիությունը»:

«Եւ լաւ ես արարեալ, զի սիրով ընկալեալ ես զնուիրակ վարդապետն. Աստուած տայ զի մինչեւ ի վերջն սիրով լիցի, թէպէտ է՛ յոյժ տաժանելի»²⁴:

Իսկ Կ. Պոլսի պատրիարք Հակոբ Նալյանը (1741-1764), դառնացած Ս. Էջմիածնի կաթողիկոսների և նրանց նվիրակների հետ իր և իր նախորդի՝ Կոլոտ պատրիարքի ունեցած տհաճ խնդիրներից, մեղադրական էր կարգում:

«Նուիրակքն՝ անօրէնք,
Ուղարկողքն՝ անիրաւք,
Տգրկապէս ծըծին զարիւն՝
Զազգա խնայօղ մարդ չի մընայ»²⁵:

XVI-XVIII դարերում իր նվիրակների միջոցով Ս. Էջմիածինն ապահովում էր ինչպես Հայ եկեղեցու բավական արդյունավետ (ընձեռած հնարավորությունների սահմաններում) կառավարումն ու վերատեսչութիւնը, այնպես էլ իր եկամուտների մեծագույն մասը: Ս. Էջմիածնի նվիրակների ցանցն այն առանցքային օղակն էր, որ կա-

պում էր աշխարհասփյուռ հայությունը հայկական օրենքներին, ավանդույթներին և, ի վերջո, հայրենիքին ու համազգային շահերին:

ԾԱՆՈԹԱԳՐՈՒԹՅՈՒՆՆԵՐ

¹ Այս հարցին մասնակիորեն անդրադարձել ենք հետևյալ հոդվածում՝ **Արմեն Այվազյան**, «Հայ եկեղեցու նվիրակական կառույցը ԺԶ-ԺԸ դարերում»․ - *Կանթեղ* (ՀՀ ԳԱԱ Հումանիտար գիտությունների բաժանմունքի Գիտական հոդվածների ժողովածու), No. 6, 2001 (Երևան. «Ասողիկ» հրատ.), էջ 190-197:

² Տե՛ս *Կանոնագիրք Հայոց*: Աշխատասիրությամբ՝ Վազգեն Հակոբյանի: Հ. Բ (Երևան, ԳԱ հրատ., 1971), էջ 7. Հմմտ. *Կանոնագիրք Հայոց*: Աշխատասիրությամբ՝ Վազգեն Հակոբյանի: Հ. Ա (Երևան. ԳԱ հրատ., 1964), էջ 519:

³ Տե՛ս *Ստեփաննոսի Սիւնեաց եպիսկոպոսի Պատմութիւն Տանն Սիսական*, էջ 321-322. *Պատմութիւն նահանգին Սիսական*, էջ 439:

⁴ Տե՛ս Լ. **Խաչիկյան**, *Արտագի հայկական իշխանությունը*, էջ 151:

⁵ «...եւ առաքեցի առ ձեզ զարդիւնական վարդապետդ զՎարդան փոխանակ անձին իմոյ... եւ փոխանակ ասեմ զանձն իմ, զի ընդունիցեք զզա սիրով... Այլ եւ ամենայն պաշտելի եւ երկրպագելի սբբութիւնս իմուս երեսօք ընկալցին զերկրպագութիւն եւ աղօթմ՝ զիմօք Վարդան վարդապետիդ իմ, եւ ձերովդ»․ - **Կիրակոս Գանձակեցի**, *Պատմութիւն Հայոց*: Աշխատասիրությամբ՝ Կ. Ա. Մելիք-Օհանջանյանի (Երևան, ԳԱ հրատ., 1961), էջ 298-299:

⁶ «...զի ծերացեալ էր նա, զվարդապետն (իմա՝ Վարդան Արեւելցին, Ա.Ա.) փոխանակ իւր ընդունիցին»․ - Նույն տեղում, էջ 295:

⁷ ԱԶԳ, սյուն. 1124 (Օրմանյանը իր այս գլուխն այդպես էլ անվանել է՝ «Վարդան նվիրակ»)․ **Վարդան Արեւելցի**, *Մեկնութիւն քերականի*: Աշխատասիրությամբ՝ Լ. Գ. Խաչերյանի (Երևան. ԳԱ հրատ., 1972), էջ 6 (Խաչերյանը նրան անվանում է «կաթողիկոսի նվիրակ»)։

⁸ **Ղազար Զահկեցի**, *Գիրք աղօթից որ կոչի Աստուածադերս* (Կ. Պոլիս, 1742-1744), էջ 251:

⁹ *Մաշտոցի անվ. Մատենադարան*, Կաթողիկոսական դիվան, թղթ. 1, վավերագիր 53:

¹⁰ *Մաշտոցի անվ. Մատենադարան*, ձեռագիր 9120, էջ 45ա:

¹¹ *Ջամբո*, էջ 52-53: Նվիրակների իրավասություններն ու պարտականություններն առավել մանրամասն նկարագրված են Եփրեմ Ա Ջորաղեղցի կաթողիկոսի (1809-1830) հրամանով կազմված մի հատուկ հրահանգում («Ցուցակ պաշտօնի եւ պատուիրանաց յանձնեցելոց նուիրակին յառաքելն

զնա ի վիճակ»): - տե՛ս *Դիւան Հայոց պատմութեան*: Գիրք Գ, էջ 807-824:

¹² ՄԺ, Ա, էջ 217-218:

¹³ Ա. Յովհաննիսեան, «Յակոբ Դ Զուղայեցի կաթողիկոսը եւ տաճկահայ նուիրակութեան խնդիրը»։ - *Արարատ*, 1915 (փետրվար-մարտ), էջ 195-205:

¹⁴ ՉԱՄ, Գ, էջ 829:

¹⁵ Առաքելական դելեգատի տարատեսակ են նաև Հոռոմի պապի կողմից շնորհակցով նունցիկ կամ ինտերնունցիկ աստիճանները, որոնք, սակայն, միջպետական ոլորտին վերաբերող դիվանագիտական պաշտոններ են:

¹⁶ Միմէոն դպիր Լեհացի, *Ուղեգրութիւն, տարեգրութիւն եւ յիշատակարանք*, էջ 108. Հմմտ. *Энциклопедический словарь*. Том XXI, Издатели: Ф. А. Брокгауз (Лейпциг), И. А. Ефрон (СПб.). СПб., 1897, с. 427.

¹⁷ *Մաշտոցի անվ. Մատենադարան*, ձեռ. 9245, էջ 56ա:

¹⁸ Նույն տեղում, էջ 56բ:

¹⁹ *Դիւան Հայոց պատմութեան*, Գիրք Գ, էջ 815:

²⁰ ԱԶԳ, սյուն. 2070:

²¹ *Советская историческая энциклопедия*. Том 10, Москва, 1967, с. 378.

²² «Հայոց նոր վկաները. 1155-1843 (Գիտական հրատարակութիւն)»: Աշխատասիրութեամբ Յ. Մանանդեանի և Հ. Աճառեանի, Վաղարշապատ, 1903, էջ 340, 342:

²³ Ալիշան, *Կամենից*, էջ 16:

²⁴ Խոսքը վերաբերում է Միմէոն Երևանցի վարդապետին («Դիւան Սուրբ Յակոբի»։ - *Սիրոն*, 1971, էջ 364. Հմմտ. էջ 361):

²⁵ Այս չափածոն ամբողջութեամբ տպագրված է, տե՛ս *Շուշանիկ Նազարյան, Ողբի և սթափման բանաստեղծություն* (Երևան. ԳԱ հրատ., 1992), էջ 350, 437-439:

ԳԼՈՒԽ Է.

ԾԱՅՐԱԳՈՒՅՆ ՆՎԻՐԱԿՈՒԹՅԱՆ ՀԱՍՏԱՏՈՒՄԸ ԱԲՐԱՀԱՄ Բ ԽՈՇԱԲԵՑԻ ԿԱԹՈՂԻԿՈՍԻ ՕՐՈՔ

Քննությունը շարունակելու համար հիշենք 1724-1735 թթ. Մայր Աթոռ Ս. Էջմիածնի և Կ. Պոլսի Հայոց պատրիարքությունից հարբերությունների ենթախորքը. եթե սկսած 1461 թվականից Օսմանյան կայսրության մեջ ապրող հայությունը, իբրև առանձին ենթակա ազգ-«միլլեթ», պետության առջև ներկայացված էր Կ. Պոլսի Հայոց պատրիարքով և պատրիարքությամբ, ապա, 1724 թ. Հայտնվելով նույն կայսրության վարչաիրավական տիրույթում և վարույթում, Ս. Էջմիածնի Ամենայն Հայոց կաթողիկոսությունը այլևս ինքն էր ձգտելու տիրել օրինականորեն հե՛նց իրեն պատկանող այդ մենաշնորհին: Սակայն, 1724-1730 թթ., վերը քննված տարբեր պատճառներով, Մայր Աթոռն իր ունեցած փաստացի հոգևոր իշխանությամբ դեռևս գիջում էր Կ. Պոլսի Հայոց պատրիարքությունը: Այդ պատճառներից էին՝ 1725 թ. Աստվածատուր կաթողիկոսի հանկարծազաս մահը, արևելահայ եկեղեցական գործիչների նկատմամբ օսմանյան իշխանության տածած անվստահությունը, Կարապետ Ուլնեցու ուշ ժամանումը Էջմիածին և նրա՝ Կոլոտի ազդեցությունից տակ լինելն ու գործելը:

Այժմ անդրադառնանք Աբրահամ Խոշաբեցի կաթողիկոսի և Հովհաննես Կոլոտի միջև ծագած խնդիրներին: Ըստ ամենայնի, կաթողիկոսանալուն պես՝ Աբրահամը վճռական և արտակարգ քայլերի էր դիմել Կ. Պոլսի Հայոց պատրիարքության նկատմամբ Ս. Էջմիած-

նի գերակայութիւնն ու վերահսկողութիւնը հաստատելու համար: Այդ քայլերից մեկը, ինչպէս ցույց ենք տալու ստորև, եղել է նոր՝ «ծայրագույն նվիրակ» կոչվող աստիճանի սահմանումը:

Ահա այս առթիվ մեր չորս փաստարկները.

ա) սկզբնաղբյուրներն առաջին անգամ արձանագրում են «ծայրագույն նվիրակ» պաշտոնը 1730-34 թթ. (այս մասին մանրամասն կիսուսենք ստորև՝ այդ տարիներին ծայրագույն նվիրակի պաշտոնը զբաղեցրած անձի ով լինելը ճշտելուն զուգահեռ).

բ) Ս. Էջմիածնի և Կ. Պոլսի Հայոց պատրիարքութեան միջև 1730-1732 թթ. արձանագրված լարված հարաբերութիւնները, որ վերը լուսաբանել ենք.

գ) 1730 թվականից ավելի վաղ «ծայրագույն նվիրակ» պաշտոնի բացակայութիւնը (համենայն դեպս, այդ ուղղութեամբ սկզբնաղբյուրների մեր տեւական պրպտումներն արդյունք չտվեցին).

դ) 1730-34 թվականներից ի վեր՝ XVIII դարի ողջ ընթացքում սկզբնաղբյուրներում ծայրագույն նվիրակների բազմիցս հիշատակումը¹:

Այս փաստարկների բաղդատումից կարելի է որոշակի վստահութեամբ եզրակացնել, որ ծայրագույն նվիրակի պաշտոնը սահմանվել է Աբրահամ Խոջաբեցի կաթողիկոսի օրոք՝ 1730-1734 թվականների միջև ընկած միջոցին:

Պետք է ասել, սակայն, որ 1730-ականներից առաջ էլ Հայտնի են առանձին նախադեպեր, երբ Ս. Էջմիածնի նվիրակներն օժտվել են արտակարգ լիազորութիւններով (սակայն, չեն կրել «ծայրագույն նվիրակ» տիտղոսը): Ինչպէս հաղորդում է Առաքել Դաւրիժեցին՝

«Ի Թուականին մեր Ռէթ (1630)... առաքեաց Մովսէս կաթողիկոսն մեծ աշակերտ իւր գԿեսարացի Խաչատուր վարդապետն վասն նուիրակութեան Սուրբ Էջմիածնի յաշխարհն արեւմտական՝ յԱսորեստան եւ ի Հոռոմաստան (իմա՝ Օսմանյան կայսրութիւն - Ա.Ա.)»²:

1662 թ. Լեհաստանի հայերին ուղղված կաթողիկոսական մի կոնդակում ևս հիշվում է արտակարգ լիազորութիւններով Օսմանյան կայսրութիւնն առաքված մի նվիրակ.

«Եւ մանաւանդ քան զնուիրակութիւնն կրկնակի օգնութիւն իմն կու խնդրեմ ի ձէնջ. քանզի յոյժ բազմացեալ է պարտքն ի վերայ սուրբ տանս, այս քան՝ զի պարանոցաթաղ կեամք ի մէջ պարտուցն... Եւ դարձեալ կրկին թախանձանօք խնդրեմ... զի փութանակի գործառնութիւն դորին (իմա՝ նվիրակին, Ա.Ա.) օգնական եւ թելադիր լինիջիք, զի մի՛ յետացի, եւ տոկոսն ի վերայ պարտուցն բարդեսցի, զի կամքն մեր այս էր, զի բոլոր տունս Յունաց ի դա էաք յանձնեալ, հանդերձ երեք վարդապետօք, զի նուիրակեսցեն...»³

Նմանապես, 1690 կամ 1691 թ. Եղիազար Այնթափցի կաթողիկոսը, «ընդհանրական նուիրակութեան» կոնդակով⁴, Կ. Պոլիս է առաքում Հռչակավոր Մինաս արքեպիսկոպոս Ամդեցուն որպես «նուիրակ Սուրբ Աթոռոյն Էջմիածնի ի քաղաքս Իստամպոլ, ի յԱսիայ, եւ ամենայն տանս յունաց»⁵: Կարապետ Ունեցին ևս հաստատում է ընդհանրական նվիրակ հատուկ տիտղոսի առաջ գալը՝ «...ի մեծ մայրաքաղաքն Կոստանդնուպոլիս, յորում ամի էր (1691 թ.) մեծ վարդապետն Մինաս Յամթեցի, եկեալ անդ ընդհանրական նուիրակ Սուրբ Էջմիածնի...»⁶:

Այսուամենայնիվ, ի տարբերություն ծայրագույն նվիրակութեան, վերը նշված երկու նախադեպերը հայ եկեղեցու կառուցվածքի մեջ նոր մնայուն պաշտոն-հաստատութեան հիմնում չեն նշանակուրել, այլ առաջացել են ad hoc՝ ըստ պահի անհրաժեշտութեան և ավարտվել են Խաչատուր Կեսարացու և Մինաս Ամդեցու գործունեութեան հետ միասին: Այսպես՝ Մինաս Ամդեցուց հետո՝ 1706 թ. Ս. Էջմիածնից Կ. Պոլիս ժամանած Աստվածատուր վարդապետ Փահրապատցին այլևս հիշատակված է իբրև սովորական, և ոչ՝ ընդհանրական նվիրակ⁷:

Ս. Էջմիածնի առաջին ծայրագույն նվիրակը՝ Ղազար վարդապետ Զահկեցի

Ճշտումներ

Այժմ տեսնենք, թե ո՞վ էր, ի վերջո, 1730-ական թթ. սկզբին Ս. Էջմիածնի նվիրակը Կ. Պոլսում՝ Հայ եկեղեցու առաջին ծայրագույն նվիրակը:

Հրապարակելով «ԶՍուրբ Գահի նուիրակին զվատչուեր զարարսն»-ի մասին ակնարկած՝ 1732 թ. հոկտ. 5 թվակիր նամակը, Արա Գալայճյանն իմիջիայոց ծանոթագրել է, թե այս դրվագում Գրիգոր Շղթայակիրն «ապահովաբար կականարկե Սիմեոն Երեւանցիին (պետք է չփոթել կաթողիկոս Սիմեոն Երեւանցիի հետ), որ 1732ին Զմյուռնիա կգտնվեր իբր նվիրակ Ս. Էջմիածնի»⁹: Սակայն, այս ծանոթագրության հետ անհնար է համաձայնելը, որովհետև.

ա) որևէ վկայություն չունենք առ այն, որ 1726 թ. Կարապետ Ուլնեցի կաթողիկոսի կողմից աթոռակալ կարգված և Ս. Էջմիածին առաքված Սիմեոն Երեւանցին⁹ 1732 թ. եղել է Ս. Էջմիածնի նվիրակը Զմյուռնիայում.

բ) Գրիգոր Շղթայակրի նամակում խոսքը վերաբերում է ոչ թե Զմյուռնիայում, այլ Կ. Պոլսում նստող Ս. Էջմիածնի գլխավոր նվիրակին, որը, իր դիրքի բերումով, իսկապես կարող էր լուրջ մարտահրավեր նետել Կ. Պոլսի պատրիարքին.

գ) այս Սիմեոն Երեւանցի վարդապետը եղել է Գրիգոր Շղթայակրի մտերիմը, որ պարզվում է Հովհաննես Կոլոտին նրա գրած մեկ այլ նամակի (1724 թ. հունիսի 15) հետևյալ տողերից.

«...և թէ մեր եղբայր Սիմէոն վարդապետն մեծ ա՞յր է. նա ի քեզ յանձին՝ եւ դու ի նա՝ եւ երկուքդ յԱստուած. չլինի թէ օտարաբար ընդ միմեանս շարժիցիք. եւ ողջո՛յն նմա բազում»¹⁰:

Ուշագրավ է Սիմեոն վարդապետ Երեւանցուն Շղթայակրի տված «մեծ» բնութագրումը. այն հուշում է ինչպես նրա արդեն տարեց լինելը, այնպես էլ նրա նկատմամբ հեղինակի տածած խորը հարգանքը: Սիմեոն վարդապետին մեր եղբայր կոչելով՝ Շղթայակիրն ականարկում է նրա հետ ունեցած իր վաղեմի բարեկամության մասին: Ուստի այդ նույն մարդու մասին Շղթայակիրը չէր կարող ընդամենը մի քանի տարի անց արտահայտվել, գործրինակ, այսպիսի անսքող թշնամանքով և ատելութեամբ. «Հոտեալն քառօրեայ եւ չյարուցեալն ի Սուրբ Գահն», կամ «զայսքան եպերանաց խօսս լուեալ ի պիղծ բերանոյ նորա» և այլն:

Մի շարք սկզբնաղբյուրներ հնարավորություն են տալիս անվերապահորեն պարզել 1730-ական թթ. սկզբին Կ. Պոլսում Ս. Էջմիածնի նվիրակի ով լինելը: Այդ աղբյուրներն են. հնատիպ երկու գրքերի հիշատակարանները, Չամչյանի մի հստակ տեղեկությունը և

Մաշտոցի անվ. Մատենադարանի ձեռագիր մատյաններից մեկում պահպանված՝ Ղազար Զահկեցու աշակերտի գրած անտիպ մի երկը:

Ղազար Զահկեցին իր Դրախտ ցանկալի երկի հիշատակարանում գրում է.

*«...ի գալն իմ ի Կոստանդնուպօլիս յաղագս նուիրակու-
թեան սրբոյն էջմիածնի մօրն հաւատոյ եւ ի ժամանելն իմ ի Թրա-
կիա ի ՌՃՁԱ. (1732) թուականիս մերում՝ անդ սկսայ ի կիր արկա-
նելով ծնանիլ գայս գործս վաղեմնասաղմ, ներ երեք ամսոջ, շնոր-
հօք ամենագորին Աստուծոյ եւ հոգաբարձութեամբ նորին դիտի
Տեառն Աբրահամու երջանկազարդ բարունապետին»¹¹:*

Այսպիսով, այս հաղորդումից կարելի է ճշտել, որ Ղազար Զահկեցին Կ. Պոլսում Ս. էջմիածնի նվիրակն էր ամենաուշը 1732 թ. սկզբի գրությամբ, կամ գուցե ավելի վաղ, քանի որ Թրակիա ժամանելուց առաջ նա որոշ ժամանակ անցկացրել էր Կ. Պոլսում: Մենք դեռևս կքննենք նրա Թրակիա ժամանելու և այնտեղ երեք ամիս մնալու գրգռապատճառներն ու հանգամանքները, իսկ այժմ, նախքան 1730-ականների սկզբին Ղազար Զահկեցու նվիրակության մասին հաջորդ հաղորդմանն անցնելը, կարևոր է ճշտել նաև Դրախտ ցանկալի-ի հրատարակության ժամանակը:

Դրախտ ցանկալի-ի հրատարակության ժամանակը

Դրախտ ցանկալի գրքի հիշատակագրության համաձայն, տպագրությունը կատարվել էր «ի ՌՃՁԴ (1735) թուին մերում»¹²: Մ. Օրմանյանը, ինչպես նաև մատենագիտական ամենավերջին հրատարակությունների հեղինակները լիովին վստահել են այս տեղեկությանը¹³: Մինչդեռ երեք անվանի հեղինակ, առանց հարցն առանձին քննության ենթարկելու, տվել են տարբեր թվագրումներ. Ա. Ալպոյաճյանը թվագրել է Դրախտ ցանկալի-ն 1737-ով, Ա. Ղազիկյանը՝ 1734-ով, իսկ Ներսես Ակինյանը՝ 1758-ով¹⁴:

Բայց և այնպես՝ այս չորս տարբեր թվագրումները բոլորն էլ սխալ են: Սա ասում ենք՝ հենվելով հետևյալ անժխտելի փաստարկների վրա: Այսպես, Դրախտ ցանկալի-ի 702 էջում հրատարակիչը հստակ ծանուցում է.

«Եւ գիտելի է, զի Տէր Յակոբ ամենիմաստ վարդապետն Աստուածաբան, աշակերտ Յոհաննու մեծի Պատրիարքին Կոստանդնուպօլսոյ, արար զգիրս Աստուածաբանականս, որ կոչի Վէմ Հաւատոյ զանազան առարկութեամբ եւ բազմաՀոյլ վկայիւք ընդդէմ երկաբնակաց: Եւ ընդ շարս Աստուածազանից կարգեցաք, թէպէտ յաստ եղաւ: Որոյ պատճառէ զի ի յարմարել գրքոյս՝ *դէռ չէր աւարտեալ զչքնաղ մատեանս իւր. յաղագս որոյ գրեցաւ աստ զի հաշուեսցի ի կարգս գրեցելոյն առաջնոց*»:

Այստեղ Դրախտ ցանկալի-ի հրատարակիչը հաղորդում է, որ նույն տպարանում տպագրութեան ընթացքի մեջ է և շուտով լույս կտեսնի Հակոբ Նալլանի Վէմ Հաւատոյ Հատորը (ի դեպ, սա 18-դարյան հայկական գովազդի մի հետաքրքրական նմուշ է): Արդ, հայտնի է, որ Նալլանի Վէմ Հաւատոյ-ի տպագրութիւնն սկսվել էր «ի թուին Քրիստոսի ՌէլձԳ եւ Հայոց ՌձՁԲ (1733), փետրուարի ԺԴ (14)», և ավարտին հասցվել «ի թուականիս մերում ՌձՁԲ, յօգոստոսի ԻԵ (25-ին)»¹⁵: Հետեւաբար, Դրախտ ցանկալի-ի տպագրութիւնն ավարտվել է 1733 թ. փետրվարից (երբ արդեն սկսել էին շարել Վէմ Հաւատոյ-ն) մինչև նույն թվի օգոստոսն ընկած ժամանակահատվածի մեջ: Դրախտ ցանկալի-ի հիշատակագրութեան ՌձՁԴ-ն (1735) տպագրական վրիպակ է, պիտի լիներ՝ ՌձՁԲ (1733):

Այս թվագրումը կողմնակիորեն հաստատվում է նաև վերը հիշված այն փաստով, որ Ղազար Զահկեցին շարադրել էր Դրախտ ցանկալին երեք ամսվա ընթացքում «ի Թրակիա, ի ՌձՁԱ (1732) թուականիս մերում»: Սրան լրացնող մի նշում էլ գտնում ենք Դրախտ ցանկալի-ի 611 էջի վրա. «Տէր Աբրահամ Մշեցի... որ կայ եւ վարէ այժմ գիշխանութիւնն հայրապետական, նստեալ ի մեծապայծառ գահն Սուրբ Էջմիածնի, որ եւ հայցեմք ի Տեառնէ, զի երկար ամօք եւ անսասան կենօք պահեսցէ զնա ի հաճոյս կամաց իւրոց...»: Ինչպես հայտնի է, Աբրահամ Բ Մշեցի/Սոչաբեցի կաթողիկոսը մահացել է 1734 թ. նոյեմբերի 11-ին¹⁶, ուստի գիրքն էլ պետք է մինչ այդ տպագրված լիներ:

Ղազար Զահկեցու հետ եղած Հովհաննես Ամասիացին էլ հայտնում է Թրակիա նրանց ժամանելու ճշգրիտ օրը՝ 1732 թ. օգոստոսի 2¹⁷: Ուրեմն Դրախտ ցանկալի-ն շարադրվել է 1732 թ. և անմիջապես հանձնվել տպագրութեան: Այս եզրակացութիւնը վերջնակա-

նապես հաստատում է Հովհաննես Ամասիացին՝ հայտնելով գրքի «չարահարման» օրը՝ 1732 թ. հոկտեմբերի 28⁸: Նոյեմբերի 2-ին Ղազարը դուրս է գալիս Թրակիայից և հինգ օրից հետո մտնում Ադրիանոպոլիս՝ նվիրակելու գործով¹⁹: Իսկ գիրքը լույս է տեսել միայն հաջորդ տարվա առաջին կեսին՝ «արդեամբ եւ ծախիւք Սրբոյն էջմիածնի»²⁰:

Մեկնութիւն աղօթից-ի տպագրության տարեթիվը և հիշատակարանը

Արդ, ներկայացնենք Ղազար Զահկեցուն՝ նվիրակության ժամանակի մասին հաջորդ հաղորդումը: 1730-ական թթ. սկզբին Կ. Պոլսում հրատարակված Խոսրով Անձևացու Մեկնութիւն աղօթից գրքի տպագրիչ Աստվածատուր Կոստանդնուպոլսեցու հիշատակարանում կարդում ենք.

«Տպեցաւ սուրբ գիրքս... ընդհանրական մեծի Աթոռոյն էջմիածնի հաւատարիմ միաբան ծայրագոյն նուիրակ Տեառն Ղազարու Աստուածաբանութեան վարդապետին շահկեցոյ յոգնաջան երկամբն եւ անդուլ աշխատութեամբն: Այսինքն՝ զկանոնս բաժանելով եւ զխորագիրս զոմանս մակագրելով, եւ զայլ բազում բանս սրբոց վարդապետաց ժողովելով եւ աստ զնելով: Նաեւ՝ զարս բարեմիտս զներքոգրեալսն յորդորելով առ ի տպել զսուրբ գիրքս»²¹:

Ահա սա է Ս. էջմիածնի «ծայրագոյն նվիրակ» պաշտոնի առաջին հիշատակութիւնը: Առաջին ծայրագոյն նվիրակը Ղազար Զահկեցին է:

Մեկնութիւն աղօթից-ը, սակայն, չունի տպագրության վայրի ու տարեթվի ծանուցում: Սակայն, եթե վայրը հեշտությամբ որոշվում է այդ տարիներին Կ. Պոլսում գործող հայկական հայտնի տպարանով, ապա հրատարակության ժամանակը (հետևաբար, նաև այս հիշատակարանի տարեթիվը) ավելի հանգամանալից ճշտման կարիք ունի:

1869 թ. Վենետիկում հրատարակելով Խոսրով Անձևացու միևնույն երկը՝ Ղևոնդ Ալիշանը՝ որպես Պոլսի հրատարակության

ժամանակ, նշում է 1730 թվականը²²: Ալիշանի տեղեկությունը անվերապահորեն վստահել են Հայ գիրքը 1512-1800 թթ. նորօրյա մատենագիտության հեղինակները (էջ 294): Իսկ Գ. Զարբհանալյանն ու Ա. Ղազիկյանը, ունենալով հանդերձ Ալիշանի նշումը, այնուամենայնիվ գրքի տպագրության թիվը նշել են ավելի առաձգականորեն՝ 1730-ից մինչև 1736 թ. ընկած հատվածի մեջ²³: Քանի որ չունենք որևէ տվյալ, որը կհաստատեր գրքի ալիշանական թվագրումը 1730-ով (որ, հնարավոր է, և ճիշտ լինի), մենք ևս ստիպված ենք առավել բժախնդիր լինել: Մի տեղեկություն, սակայն, թույլ է տալիս զգալիորեն սեղմել գրքի տպագրության հավանական ժամանակի սահմանները. նույն հիշատակարանը ծանուցում է նաև, որ Մեկնութիւն աղօթից-ի տպագրությանն օժանդակելու նպատակով, մի ձեռագիր մատյան էլ տրամադրել էր «սրբազան եպիսկոպոս Թրակիոյ Աբրահամ Աստուածաբան վարդապետն»: Իսկ վերջինս 1734 թ. ապրիլի 27-ին Ռոդոսթոյից ուխտագնացության էր մեկնել Ս. Էջմիածին, տեղ հասել 100 օր հետո, իսկ երեք ու կես ամիս անց՝ 1734 թ. նոյեմբերի 14-ին, ընտրվել էր Ամենայն Հայոց կաթողիկոս²⁴: Ուստի Աբրահամ Կրետացին այդ մատյանը կարող էր տպագրիչին փոխանցել (անձամբ կամ 1732 թ. երեք ամիս իր մոտ՝ Թրակիայում հյուրընկալած Ղազար Զահկեցու միջոցով) մինչև իր ճանապարհ ընկնելը, այսինքն՝ մինչև 1734 թ. ապրիլի 27-ը: Հետևաբար, կարելի է Մեկնութիւն աղօթից-ի տպագրության ժամանակային սահմանները երկու տարով կրճատել և ասել, որ այն լույս է տեսել ամենաշուտը 1730 թ. և ամենաուշը՝ 1734 թ. վերջերին:

Լրացուցիչ տեղեկություններ

Չամչյանի պահպանած մի տեղեկություն ևս հաստատում է 1730-1734 թթ. հատվածում Ղազար Զահկեցու Կ. Պոլսում Ս. Էջմիածնի ծայրագույն նվիրակ լինելը: 1745 թ. Ս. Էջմիածնում Ղազար Զահկեցին, հանդիմանելով Պետրոս Քյուլթյուր վարդապետին (որ իրենից հետո էր նվիրակել Կ. Պոլսում), ուշազրավ մանրամասնություններ է վերհիշում իր նվիրակության ժամանակներից.

«Յիշե՞ս, զի յորժամ ես նուիրակ առաքեալ էի ի Կոստանդինուպօլիս ի ժամանակս Կողուացի Աբրահամ կաթողիկոսին, յորհնել նորա զիս աստ ի սեղանատան, թէ՛ «Օրհնեալ լիցի Ղազար վարդապետ, զի զոր պատուիրեալ էի նմա երեքհարիւր կանթեղս շինել՝ կատարեաց նա զխնդիրս իմ»։ Եւ քո ասացեալ է յայնժամ. «զի՞նչ մեծ է նուիրակին Կոստանդինուպօլսոյ շինել երեք հարիւր կանթեղս»։ Եւ այսու կամեցար նուաստացուցանել զիս, եւ զաշխատանս իմ նուագեցուցանել։ Արդ՝ ո՞ւր են այժմ քոյ կանթեղքդ. ո՞չ ապաքէն դու եւս նուիրակ առաքեցար ի Կոստանդինուպօլիս ի բարեւից ժամանակիս»²⁵։

Այսպիսով՝ կարելի է վստահաբար ասել, որ Ղազար Զահկեցուն Կ. Պոլսի ծայրագուլն նվիրակ է կարգել Աբրահամ Մշեցի կաթողիկոսը (Հայտնի է նաև Խոշաբեցի, Քյուրդիստանցի կամ Կորդվացի անուններով, քանի որ ծնվել էր Վանից հարավ ընկած Հայոց ձորի սահմանակից գավառի Խոշաբ ավանում)²⁶։ Այս մասնավոր դրվագը գալիս է մի անգամ ևս լուսաբանելու Կոլոտ և Շղթայակիր պատրիարքների դժգոհությունը իրենց նախկին մտերիմ ու դասակից Աբրահամ Մշեցի կաթողիկոսից, որը չէր անսացել նրանց բողոքներին, այլ, ընդհակառակը, իր աջակցությունն էր ցույց տվել վերջիններին խստագուլնս քննադատած Ս. Էջմիածնի ծայրագուլն նվիրակ Ղազար Զահկեցուն։ Հիշեցնենք, որ Ղազարի քննադատության առարկան կաթողիկոսների հանդեպ որդեգրած հաշտարար անարդյունավետ գործունեությունն էր։

Հնարավոր է պատասխանել նաև այն կարևոր հարցին, թե մինչև ե՞րբ է Ղազար Զահկեցին եղել Ս. Էջմիածնի ծայրագուլն նվիրակը Կ. Պոլսում։ 1734 թ. օգոստոս-սեպտեմբերի դրությամբ՝ «Ստամպոլու նուիրակ» է հիշվում արդեն Պետրոս վարդապետ Քյուրդիուրը²⁷։ 1735 թ. նոյեմբերի 14 թվակիր նամակում Շղթայակիրը, իմիջիայլոց, երուսաղեմից գրում էր Կոլոտին.

«Եւ լուայ, թէ Սրբոյ Աթոռոյ նուիրակ Պետրոս վարդապետն այդր եկեալ է. եւ զնա եւս սիրով ընկալ, զի արդենք լիցի Սրբոյ Մօրն մերոյ՝ որ յայսչափ անտանելի տառապանաց միջի է»²⁸։

Վերջին երեք տեղեկությունները թույլ են տալիս վստահ եզրակացնել, որ Ղազար Զահկեցին եղել է Կ. Պոլսի Ս. Էջմիածնի ծայրագուլն նվիրակ՝ 1730-ի վերջից կամ 1731 թվականից մինչև 1734 թ.

սկիզբը կամ կեսերը: Այս եզրակացությունը վերջնականապես հաստատվում է Ղազար Զահկեցու աշակերտի թողած մի հստակ հարորդամբ²⁹ (այս մասին ավելի մանրամասն՝ ստորև):

Աբրահամ կաթողիկոս Մշեցին, նկատի առնելով Ղազարի նվիրակությունների քանակը և Կոլոտի հարաբերությունների մեջ առաջացած թշնամությունը, Կ. Պոլսի նոր նվիրակ է նշանակել Պետրոս վարդապետ Քյուլթյուրին: Փոքր-ինչ շեղվելով, նկատենք, որ վերջինիս գիրքորոշումը Կոլոտի հանդեպ եղավ է՛լ ավելի քննադատական և անզիջում, քան՝ Ղազար Զահկեցուն էր³⁰:

ԾԱՆՈԹԱԳՐՈՒԹՅՈՒՆՆԵՐ

¹ Տե՛ս աստ, Հավելված Բ, 1. Ծայրագույն նվիրակներ (1741-1797):

² ԴԱԽ, էջ 298:

³ Ղ. Ալիշան, *Կամենից*, էջ 258:

⁴ Այս կոնդակի պատճենը («մեծ մուսուլտան») պահպանվել է Երուսաղեմի Հայոց պատրիարքության Մատենադարանի համար 186 ձեռագրի մեջ. - տե՛ս Նորայր Պողարեան, *Մայր ցուցակ ձեռագրաց Սրբոց Յակոբեանց*: Հ. Ա (Երուսաղեմ, 1966), էջ 548:

⁵ Ն. Պողարեան, *Մայր ցուցակ ձեռագրաց Սրբոց Յակոբեանց*: Հ. Գ (Երուսաղեմ, 1968), էջ 72:

⁶ *Բազմավէպ*, 1978, էջ 286: Մինաս Ամդեցու անտիպ *Օրագրութիւնը* որևէ նոր կարևոր տեղեկություն 1691 թ. «ընդհանրական նվիրակության» մասին չի պարունակում, սակայն, կան որոշ հետաքրքրական մանրամասներ, օրինակ՝ «Յուլիս ԺԼ (18) օրն ուրբաթ գիշերս դարձեալ շարժ եղեւ... Միքայէլ վարդապետի նուիրակութեան շի (540) դուրուշ առաք: Յուլիս ԺԹ (19) օրն շաբաթ տօն սրբոց առաքելոցն Քրիստոսի Աստուծոյ մերոյ. գիշերս դարձեալ շարժ եղեւ... Միխիթար վարդապետն Բասենու ձ (100) դուրուշ նուիրակութիւն եբեր. ձ (100) այլ խարճ եբեր» (տե՛ս *Մաշտոցի անվ. Մատենադարան*, դրսի ժապավեն 1040, էջ 135բ. հմմտ. էջ 142բ): Տե՛ս նաև Մինաս Ամդեցու *Օրագրութեան* երկու նկարագրությունները. *Մեսրոպ Նշանեան*, *Օրագրութիւն Երեմիա Չէլէպի Քէօմիւրճեանի* (Երուսաղեմ, 1939), էջ ձև-ձևԱ. և Ն. Պողարեան, *Մայր ցուցակ ձեռագրաց Սրբոց Յակոբեանց*: Հ. Դ (Երուսաղեմ, 1969), էջ 564-565:

⁷ «Յիշեսջիք եւ զանձանձիր վարժապետն իմ զԱստուածատուր Աստուածա-

բան Վարդապետն Ֆաճրապատցի, որ ի թուին 1155 (1706) եկն նուիրակ ի Կոստանդնուպօլիս»։ - Ն. Ա. Ոսկանյան, Ք. Ա. Կորկոտյան, Ա. Մ. Սավալյան, *Հայ գիրքը 1512-1800 թթ.*: Հայ հնատիպ գրքի մատենագիտություն: Առաջաբանը՝ Ն. Ոսկանյանի, խմբագրություն՝ Ռ. Ա. Իշխանյանի (Երևան, 1988), էջ 279:

⁸ «Դիւան Սուրբ Յակօբի»։ - *Սիոն*, 1972, էջ 11, ծնթ. 1:

⁹ Տե՛ս աստ, Գլուխ Գ. ծնթ. 14:

¹⁰ «Դիւան Սուրբ Յակօբի»։ - *Սիոն*, 1971, էջ 361:

¹¹ *Դրախտ ցանկալի*, էջ 680: Ղազար Զահկեցու նշած «Հոգաբարձությունը» պետք է հասկանալ իբրև հյուրընկալություն և բարոյական աջակցություն միայն, քանզի գիրքը հրատարակվել էր «արդեամբ եւ ծախիւք Սրբոյն էջ-միածնի» (տես նույն տեղում, էջ 703):

¹² *Դրախտ ցանկալի*, էջ 703:

¹³ Ա.ԶԳ, սյուն. 1992: Ն. Ա. Ոսկանյան, Ք. Ա. Կորկոտյան, Ա. Մ. Սավալյան. *Հայ գիրքը 1512-1800 թթ.*, էջ 329-330: *A Reference Guide to Modern Armenian Literature, 1500-1920*. Compiled and with an Introduction by Kevork B. Bardakjian (Detroit: Wayne State University Press, 2000), p. 399; *Քրիստոնյա Հայաստան. Հանրագիտարան* (Երևան, Հայկ. հանրագիտարանի գլխավոր հրատ., 2002), էջ 653:

¹⁴ Ա. Ալպոյաճեան, *Տպագրութեան արուեստը եւ հայք* (անտիպ), Երևանի Եղիշե Չարենցի անվան գրականության թանգարան: Ա. Ղազիկեան, *Հայկական նոր մատենագիտություն եւ հանրագիտարան հայ կեանքի* (Վենետիկ, 1909-1912), էջ 1625. հմմտ. *Հայ գիրքը 1512-1800 թթ.*, էջ 330). Ներսէս Ակիմեան, *Բաղէշի դպրոցը*, էջ 379:

¹⁵ Տե՛ս «Վէմ հաւատոյ»-ի տիտղոսաթերթը և 660 չհամարակալված էջը. հմմտ. *Հայ գիրքը 1512-1800 թթ.*, էջ 315:

¹⁶ Աբրահամ Կրետացի, *Պատմութիւն*, էջ 42: Ս. Տեր-Ավետիսյան, «Աբրահամ Կրետացու հիշատակարանը (ծոցի տետրակը)»։ - *Երևանի Պետ. համալսարանի «Գիտական աշխատություններ»*, հ. XIII (Երևան, 1940), էջ 323: Ա.ԶԳ, սյուն. 1971:

¹⁷ *Մաշտոցի անվ. Մատենադարան*, ձեռ. 9245, էջ 65ա: Ամբողջությամբ հրատարակում ենք Հովհաննես Ամասիացու՝ իր ուսուցիչ Ղազար Զահկեցուն ձոնած չափածո վարքը (աստ, Հավելված Դ):

¹⁸ *Մաշտոցի անվ. Մատենադարան*, ձեռ. 9245, էջ 66ա:

¹⁹ Նույն տեղում, էջ 66բ:

²⁰ *Դրախտ ցանկալի*, էջ 703:

²¹ *Գիրք որ կոչի «Մեկնութիւն աղօթից»*: Արարեալ երանելոյն խորովու Անձեւացեաց եպիսկոպոսի եւ այլ սրբոց վարդապետաց: Կ. Պոլիս, անթուական, էջ 450:

²² Մեկնութիւն աղօթից պատարագին (Վենետիկ, 1869), էջ Գ:

²³ Տե՛ս Գ. Զարբճանալեան, Հայկական մատենագիտութիւն (Վենետիկ, 1883), էջ 266. Ա. Ղազիկեան, Հայկական նոր մատենագիտութիւն եւ հանրագիտարան հայ կեանքի (Վենետիկ. 1909-1912), էջ 1150:

²⁴ Աբրահամ Կրետացի, Պատմութիւն, էջ 32, 46. Հմմտ. Ս. Տեր-Ավետիսյան, «Աբրահամ Կրետացու հիշատակարանը (ծոցի տետրակը)», էջ 316:

²⁵ ՉԱՄ, Գ, էջ 828-829: Արծաթե կանթեղների պատրաստումն ավարտվում է 1732 թ. մայիսին, այս մասին պատմում է Հովհաննես Ամասիացին (տե՛ս Մաշտոցի անվ. Մատենադարան, ձեռ. 9245, էջ 63բ-64ա): Մի դրվագ մնում է մութ. պարզ չէ, թե Ղազարն ինքն է բերել այդ 300 կանթեղը Ս. Էջմիածին թե՞ ուրիշի միջոցով է դրանք ուղարկել:

²⁶ Ա.Զ.Գ, սյուն. 1965. Հմմտ. Տիրայր Տէրվիչեան, Յրուացանկ «Ազգապատում»ի յատուկ անուններու (Լոս-Անջելէս, 1976), էջ 15:

²⁷ Ս. Տեր-Աւետիսյան, «Աբրահամ Կրետացու հիշատակարանը», էջ 318:

²⁸ «Դիւան Սուրբ Յակոբի». - Միտն, 1972, էջ 471:

²⁹ Մաշտոցի անվ. Մատենադարան, ձեռ. 9245, էջ 59բ:

³⁰ Ա.Զ.Գ, սյուն. 1994. Բազմավէպ, 1978, էջ 270-271: Գրիգորիս Գալեմքեւեան, Կենսագրութիւն Սարգիս Արքեպիսկոպոսի Սարաօեան եւ ժամանակին հայ կաթողիկէայք (Վիեննա, Միւլթարեան տպ., 1908), էջ 33-37, 177-178:

Գ Լ Ո Ւ Խ Ը .

ՂԱԶԱՐ ԶԱՀԿԵՑՈՒ ՆԱԽԸՆԹԱՅԸ (1719-1731 թթ.)

Եվ այսպես, 1732 թ. Գրիգոր Շղթայակրի հիշատակած Կոլոտ պատրիարքի ռխերիմ թշնամին ոչ այլ ոք էր, քան Ս. Էջմիածնի նորանշանակ առաջին ծայրագույն նվիրակը՝ աստվածաբան, Հայ եկեղեցու ջատագով, ազգային երևելի գաղափարախոս, տաղանդավոր բանաստեղծ Ղազար արքեպիսկոպոս Զահկեցին: Ղազար Զահկեցին այնքան սուր է քննադատել կաթոլիկների նկատմամբ Կոլոտի վարած հաշտարարական քաղաքականությունը, որ վերջինիս վիճակը Շղթայակիրը բնութագրում է բավական անմխիթար գույներով՝ «գառնուկին իմոյ, որ ի բերանս գայլաց անկեալ կայ»: Ըստ երևույթին, Ղազար Զահկեցին չի խնայել նաև Կոլոտի հավատարիմ դաշնակից հեղինակավոր Շղթայակրին անգամ, քանի որ վերջինս ասում է՝ «...այսքան զմեզ ի բերանն որդնալի առեալ պախարակէ»: Զահկեցու քննադատությունն պատճառաբանված ու արդյունավետ լինելն է ակնարկում նաև Շղթայակրի զարմանքը ժողովրդի դիրքորոշման վերաբերյալ. «Եւ կամ թէ ազգն մեր արամեան, քահանայք եւ ժողովուրդք երլիք (=տեղացի) եւ եկք, զայսքան եպերանաց խօսս լուեալ ի պիղծ բերանոյ նորա, եւ մի ի նոցանէ ոչ խօսեցաւ՝ թէ «ընդէ՞ր այդպէս գանիրաւսն բարբառիս»:

Ղազար Զահկեցու մասին են նաև Գրիգոր Շղթայակրի՝ Կոլոտին ուղղված 1733 թ. հունիսի 11-ի նամակի հետևյալ (վերը մեջբերված) տողերը. «Ըստ գրոյդ զօրութեան հոտեալն քառօրեայ եւ չյարուցեալն ի Սուրբ Գահն, յերկիրն եւ այդը՝ զբազում բարեկամս

ստացեալ է»։ Այստեղ կարելի է ընդամենը ենթադրել, որ խոսքը դարձյալ վերաբերում է Ամենայն Հայոց կաթողիկոսի՝ իր ենթակա Ղազար Զահկեցուն չսաստելուն, ի հեճուկս Կոլոտի գրած ինչ-որ դիմումի, որի ազդեցութեամբ էլ Ղազարը ինչ-որ չորսօրյա վատ տրամադրութեան մեջ է եղել («ըստ գրոյդ գորութեան հոտեալն քառօրեայ եւ չյարուցեալն ի Սուրբ Գահն»)։

Ղազար Զահկեցու նախընթացի մասին մասնագիտական գրականութեան մեջ նշվող գրեթե միակ կենսագրական փաստն այն է, որ մինչև կաթողիկոս ընտրվելը (1737 թ.) Ղազարն եղել է Զմյուռնիայի տերունական վիճակի առաջնորդը¹։ Հատուկ հետազոտությունները, ցավոք, բացակայում են։

Ստորև ի հայտ բերված կարևոր տեղեկությունները զգալի չափով լրացնում են այս նշանավոր գործչի կենսագործունեության անհայտ մնացած էջերը։

Նախ՝ անդրադառնանք Ղազար Զահկեցու 1719, 1726 և 1732 թթ. գրած երեք տարբեր հիշատակարաններին ու նրանց պարունակած տեղեկություններին։

Ինչպես պարզվում է Մաշտոցի անվ. Մատենադարանի համար 698 ձեռագիր մատյանի հիշատակարանից, «Կերակուր վարդապետաց» խորագիրը կրող այս ժողովածուն Ղազար Զահկեցու ինքնագիր աշխատությունն է։

«Արդ հաւաքեցաւ եւ յօրինեալ շարագծեց զսուրբ գիրքս զայս, որ կոչի Կերակուր վարդապետաց, ի թուին ՌՃԿԸ (1719)-որդին², ցամսեանն մայիսի յերկրորդում աւուրն աւարտ եղեւ. ի հայրապետութեան Սրբոյ էջմիածնի Տեառն Աստուածատուր կաթողիկոսի, ի գեօղաքաղաքն Ճահուկ, ընդ հուանեաւ ամենասուրբ կուսին Մարիամու Աստուածածնին Շողակաթ կոչեցելոյ։ Աշխատութեամբ Ղազարու վարդապետին ճահկեցւոյ»³։

Մաշտոցի անվ. Մատենադարանիս 2121 համարը կրող ձեռագիր մատյանը պատրաստվել է 1726 թ. Կեսարիայում։ Ստացողը Ղազար Զահկեցին է, որն իր ընդարձակ հիշատակարանում (տե՛ս Հավելված Բ), իմիջիայլոց, հայտնում է հետևյալը․

«Եւ ես ունայնախոհ եւ խակամիտ Ղազար պիտակ եւեթ վարդապետս, գոլով յերկրէն Նախչուանայ ի գիւղաքաղաքէն Ճահ-

կայ, որդի ումեմն բարեպաշտի եւ երկիւղածի՝ իմաստախոհ եւ ար-
ժանաւոր քահանայի տէր Մկրտիչ վերակոչեցելոյ. որ եւ իմ եկեալ
ի յերկիրն Յունաց եւ ի մայրաքաղաքն Կեսարիայ Կապադովկաց-
ւոց՝ յաղագս նուիրակութեան սրբոյ եւ մեծի Աթոռոյն էջմիած-
նի»⁴:

*Հաջորդ հիշատակարանը Դրախտ ցանկալի գրքից է. այն այլ
առիթով վերն արդեն մասամբ օգտագործել ենք, սակայն այժմ հարկ
է այն մեջբերել ավելի ընդարձակորեն.*

«...Որ եւ էի յղացեալ զայս յԱստուածազաննից բանից սեր-
մանց ի վաղնջուց զըռչմամբ նկարակերտեցեալ ի սենեկի սրտի
իմում՝ յԱստուածաբնակ եւ ի յրեշտակակրօն յանապատն Շատի-
կո՝ հրամանաւ գիտնական վարժապետին իմոյ տեառն Մեսրոպայ
Քրիստոսակիր առաքինապերճ անձին սրբասնելոյ: Ուստի ի գալն
իմ ի Կոստանդնուպօլիս յաղագս նուիրակութեան Սրբոյն էջմիած-
նի մօրն հաւատոյ եւ ի ժամանելն իմ ի Թրակիա ի ՌձՁԱ (1732)
թուականիս մերում՝ անդ սկսայ ի կիր արկանելով ծնանիլ զայս
գործս վաղեմնասաղմ, ներ երեք ամսոջ, շնորհօք ամենազօրին Աս-
տուծոյ եւ հոգաբարձութեամբ նորին դիտի Տեառն Աբրահամու եր-
ջանկազարդ բարունապետին»⁵:

*Նույն գրքի մեկ այլ էջում Ղազարը հայտնում է, որ վարդա-
պետութեան գաւազանն ստացել էր Աստվածատուր կաթողիկոսի
աշակերտ Պետրոս վարդապետից՝*

*Իսկ այժմ ի մի բերենք այս տեղեկութիւնները, համադրելով
և լրացնելով դրանք Մաշտոցի անվ. Մատենադարանի 9245 թվակիր
ձեռագիր մատյանում՝ Ղազար Զահկեցու աշակերտ Հովհաննես վար-
դապետ Ամասիացու՝ իր ուսուցչին ձոնած ներբողական պատմու-
թեան տվյալների հետ (առաջին անգամ հրատարակվում է սույն գր-
քում, տե՛ս Հավելված Գ):*

*Ղազարը ծնվել է Ճահուկում: Հայրը եղել է քահանա Մկր-
տիչը: 1719 թ. դրութեամբ Ղազարը եղել է Ճահուկ գյուղաքաղաքի՝
Շողակաթ կոչված Ս. Աստվածածին վանքի միաբան, արդեն խորիմաց
վարդապետ և ինքնուրույն աշխատութիւնների հեղինակ: Մինչև
1719 թ. նա աշակերտել էր նաև Եղեգաձորի Շատիկա վանքում՝ Մես-
րոպ Հուշականցի ճգնակրին՝: Ղազարը մուտք էր գործել Շատիկա
վանք 16 տարեկան հասակում.*

«յետ վեչտասան տիոյ նորին ծաղկալի
թողու գաշխարհս նաեւ՝ ծնօղս ըզկնի
եւ մտանէ յԱնապատն հրաշալի՝
ի սուրբ Սիօն Շատիկ կոչեալ ճահ տեղի:
Ունականայ անդէն զիմաստս բուն բանի
պէս պէս գշնորհս զգիտութիւնս լիալի,
յանտուստ ծագէ իբր զարուսեակ աշխարհի՞,
համանման Յօհաննիսին Մկրտչի»⁹:

Ղազարը, որոշ ժամանակ քարոզելով հայրենի նահանգում, մեկնում է Ամասիա, որտեղ քարոզում է շուրջ մեկ տարի: Այնուհետև, 1723 կամ 1724 թ. սկզբներին Ղազարը լինում է Ս. Էջմիածնում, որտեղ էլ Աստվածատուր Համադանցին նրան եպիսկոպոս է ձեռնադրում և նվիրակութեան ուղարկում դեպի, ինչպես ասում է Հովհաննես Ամասիացին՝ «Չորրորդ Հայք», այն է՝ Համշեն-Ամասիա-Եվդոկիայ-Կեսարիա (Ղալսերի) շրջանը.

«Եւ ձեռնադրէ եպիսկոպոս ընդհանրի.
յղէ նուիրակ չորրորդ Հայոց աշխարհի»¹⁰:

Մոտավորապես 1724 թ. երկրորդ կեսին վերադառնալով Ս. Էջմիածին՝ ստուգապես անհայտ ինչ-որ մի ժամանակահատված Ղազարն անցկացնում է Աստվածատուր կաթողիկոսի մոտ, թվում է, թե ուղեկցում է նրան Ս. Էջմիածնից դուրս, երբ վերջինս, հայտնվելով օսմանյան և պարսկական բանակների միջև, որոշ ժամանակ աստանդական կյանք էր վարում մերթ Թավրիզ-Նախիջևանում, մերթ էլ Լոռու և Թիֆլիսի կողմերում¹¹: Այս ասելով, նկատի ունենք, որ Աստվածատուր կաթողիկոսի 1724-1725 թթ. հայրենանվեր գործունեությունը Ղազար Զահկեցին նկարագրում է իբրև ականատես.

«...բազմադիմի եւ յոգնատանջ տառապանօք վարեաց զիշխանութիւն հայրապետական պէս պէս վշտիւ եւ նեղութեամբ եւ այլ ազգի ազգի ցաւօք եւ փորձութեամբ. հալածանօք հանդերձ վտարանդի շրջելով ողբօք եւ արտասուօք, միջաբեկիւ եւ անմխիթարաւ սգով՝ երբեմն ի տունն Վրաց, եւ երբեմն ի տունն Նախչուանայ: Եւ անտի դարձեալ գա ի սեպհական յԱթոռն իւր ի Սուրբ Էջմիածին, սուգ առնելով ի վերայ տանն Հայոց եւ ի վերայ գիշատեալ եւ ճապարեալ, խոցեալ եւ վիրաւորեալ գառանցն իւրոց անմեղաց, որպէս Երեմիաս՝ ի վերայ հնոյն Իսրայէլի: Քանզի հովիւս

քաջ արիական յոժարութեամբ զանձն իւր եղ ի վերայ բանաւոր ոչ-
խարացն Քրիստոսի, կամէր մատնիլ զանձն իւր ի գանս եւ ի բան-
տս, ի թուքս եւ ի յապտակս, ի վիշտս եւ ի նեղութիւնս, ի չարչա-
րանս եւ ի մահս՝ վասն փրկութեան եւ ազատութեան ազգին իւրոյ
եւ Աթուոյն»¹²:

*Ղազարն ականատես է լինում և ցնցվում Արարատյան երկ-
րում օսմանյան բանակաների գործած կոտորածներէից ու ավերածու-
թյուններէից¹³. Հետեւյալ նկարագրություններն իր տեսածի արտահայ-
տությունն են.*

«Սակայն եւ մեր ի՛սկ տեսեալ աչօք զյոլովութիւն չարեա-
ցն, որ գործեցաւ ի նախաձայնեալ աղէտից սուրբ նահատակին
Ներսիսի:...զի նստեալ ողբայի բարձրագո՛ն ձայնիւ զլսաւարումն
եկեղեցեաց եւ զամայութիւն տանն Հայաստանեաց. ուստի զեկեղե-
ցիսն նսեմացեալ եւ զսեղանն սուրբ կործանեալ. զմատեանս Աս-
տուծոյ ինս այրեցեալ եւ առ ոտն կոխեալ. զսպասն սրբութեան եւ
Քրիստոսական նշանս անարժանից ձեռօք շօշափեալ եւ նախա-
տեալ. զաշխարհս մեր եւ զքաղաքս անապատացեալ եւ բնակութիւն
գազանաց եղեալ: Քանզի լցան լերինք եւ անապատք մեր անզերծ
փախտեամբք եւ դաշտք՝ դիակոյտ ոսկերօք կոտորելոցն: Անդաս-
տանք մեր եւ հովիտք առոգեցան արեամբք եւ կերաք մնացորդքս
զհասկ սննդեան այնպիսի արտորէից... (ընդգծումն իմն է, Ա.Ա.)»¹⁴

*Հայոց այս աղետը Ղազարը նույն մոտիվներով ներկայացրել
է նաև իր «Ողբ ի վերայ Հայաստան աշխարհին» չափածոյում՝ մաս-
նավորաբար գրելով.*

«...Արդ սրբութիւնք Սիօնի,
եւ անօթք մաքուր պատուական,
Շոշափելով այլազգաց՝
Անկեալ ի յոտս եւ ի կոխան:

Հըզօրք մեր տըկարացեալք,
ձոխք եւ փարթամքն տնանկացան,
Ըզգեղեցիկս եւ զփափուկս՝
Յայլասեռ մարդկանց գերեցան:

Որդիք գոռալով ի Հարց
Եւ ի մարցըն որոչեցան,
Քորք եւ եղբարք ի միմեանց՝
Դառն արտասուօք մերժեցան:

Սիրելիք օտարացեալք՝
Ի յայլ երկիրս վարեցան,
Եւ բարեկամք բաժանեալք,
Սաստիկ ոգով յոյժ տրամեցան...»

Իր Ողբի վերջում Ղազարն ավելացնում է, թե՛

«Ես Ղազարոս վատաբախտ,
Ամենաթշուառս մեղօք լի,
Աչօք իմօք զայս տեսեալ՝
Ողբս առեալ լալով երգեցի»¹⁵:

*1725 թ. սկզբից մինչև 1728 թ. Ղազարը դարձյալ նվիրակու-
թյուն է անում «Չորրորդ Հայքում» և վերադառնում Ս. Էջմիածին
1728 թ. սկզբներին՝ Կարապետ Ուլնեցի կաթողիկոսի Ս. Էջմիածին
մուտք գործելուց երեք շաբաթ առաջ¹⁶: 1728 թ. գարնանը Կարապետ
կաթողիկոսը դարձյալ նվիրակության է ուղարկում Ղազարին, այս
անգամ՝ դեպի Ռումելի և Կաֆա: 1730 թ. Ղազարը վերադարձել է Ս.
Էջմիածին, որտեղ նրան ջերմորեն ընդունել է նոր կաթողիկոս Աբրա-
համ Մչեցին ու գրեթե անմիջապես նշանակել Կ. Պոլսի նվիրակ¹⁷: Սա-
կայն, հենց այդ ժամանակ Արարատյան երկրում բռնկված պատե-
րագմական գործողությունների պատճառով ուղևորությունը մի
որոշ ժամանակով (հավանաբար՝ մեկ-երկու ամսով) հետաձգվում է¹⁸:
Կարս-Դարանաղյաց գավառ-Եվդոկիա-Կ. Պոլիս ճանապարհորդու-
թյունը տևում է մի քանի ամիս¹⁹, ուստի Ղազարը Պոլիս պետք է հա-
սած լիներ 1730 թ. վերջերին կամ 1731 թ. սկզբներին:*

Ղազար Զահկեցու տարիքը

*1725 թ. Ղազարի տարիքը 40-ից պակաս չպետք է լիներ, քա-
նի որ, սովորաբար, եպիսկոպոս են ձեռնադրվել 40-ից բարձր տարիք
ունեցող վարդապետները: Օրինակ, Երուսաղեմի վանքի մի վարդա-*

պետ դժգոհում էր, թե «Կաթողիկոս Էջմիածին Տեառն Սիմէոն էր, որ Բ (2) անգամ զնացի նուիրակութեանս Էջմիածին, որ օրհնէր զիս եպիսկոպոս, չի օրհնեց, թէ՛ “դեռևս Խ (40) ամաց ես”»²⁰: Ինքը Ղազարը 1726 թ. իր մասին այսպես էր ասում՝ «Իսկ ի նսեմացեալ եւ ի ծերացեալ առուրս...»²¹: Սրանից արդեն կարելի է հետևեցնել, որ 1726 թ. Ղազարի տարիքը եղել է 50-ից ոչ պակաս (քանի որ, ինչպես վերն արդեն նշել ենք, Հայաստանում ծեր էր համարվում հիսուսն անց մարդը)²² և 55-ից ոչ ավել, քանի որ ընդհուպ մինչև 1740-ական թթ. երկրորդ կեսը Ղազարը բավական առույգ էր և ի վիճակի էր հեռավոր ճանապարհորդութուններ կատարել²³, որ հուշում է, թե 1751 թ. նա մահացած պետք է լիներ մոտավորապես 70-75 տարեկան հասակում՝ ոչ շատ ավելին: Ուստի կարելի է հաշվարկել, որ Ղազար Զահկեցին ծնվել է մոտավորապես 1680-1685 թթ.: Կարելի է նաև մոտավորապես ասել, որ նա պետք է վարդապետ դարձած լիներ ամենաուշը 1702-1707 թթ., քանի որ ուշիմ աշակերտները վարդապետ էին ձեռնադրվում է արդեն 22 տարեկան հասակում, օրինակ, 22 տարեկան հասակում էին վարդապետ ձեռնադրվել Գրիգոր Շղթայակիրը (1692 թ.), Կոլոտ պատրիարքը (1700 թ.), Հակոբ Նալյան պատրիարքը (1728 թ.)²⁴:

1732 թ. Ղազար Զահկեցին արդեն Ս. Էջմիածնի ծայրագույն նվիրակին էր Կ. Պոլսում: Դրանից հետո, մինչև կաթողիկոս ընտրվելը, Ղազարը Զմյուռնիայի առաջնորդն էր. ինչպես հաղորդում է XVIII դարի հեղինակ Բաղդասար Դպիրը՝

«Ղազար կաթողիկոս Զահկեցի յոյժ գիտնական, որ էր առաջնորդ Իզմիրու յետ նուիրակութեանն Ստամպուլու, նստալ կաթողիկոս 1186 (1737) Հայոց թուին»²⁵:

Հովհաննես Ամասիացին՝ Ղազարի և Կոլոտի հարաբերությունների մասին

Վերը կատարված քննությունն արդեն պարզել է, որ 1732-1733 թթ. Կոլոտի և Ղազարի հարաբերությունները խիստ սրված էին (հիշեցնենք, որ այդ վկայող Շղթայակրի վերը մեջբերված երկու նամակներից առաջինը գրված է 1732 թ. հոկտեմբերի 5-ին, երկրորդը՝ 1733 թ. հունիսի 11-ին):

Սակայն, հետաքրքիր է, որ Հովհաննես Ամասիացին (Ղազար Զահկեցու մտերիմ աշակերտը, որ 1724 թ. մինչև 1733 թ. վերջերը գրեթե միշտ նրա հետ էր) 1756 թ. գրելով իր ուսուցչի չափածո կենսագրականը, միտումնավոր լռել է Կոլոտ-Ղազար բախումների մասին: Ըստ Հովհաննես Ամասիացու՝ Ղազարի և Կոլոտի հարաբերությունները եղել են միշտ բարիզրացիական: Այսուամենայնիվ, մի քանի դրվագներում, ինչպես ստորև կտեսնենք, Ամասիացին մատնում է եղելու թյունը:

Այս խնդրի մասին Ամասիացու ամենաարժեքավոր հաղորդումն այն է, որ Կոլոտն ու Ղազարն ի վերջո հաշտվել են, հավանաբար ժողովրդի հանգստությունը պահպանելու համար: Այս հաշտությունից սկիզբ պետք է համարել Կոլոտի նամակը Ղազարին (որ նրան է հասնում Ադրիանոպոլսում 1733 թ. հունվարի 1-ին) և Ղազարի պատասխան նամակը.

«Արդ, էր գրեալ ի պատրիարգէն նոյն տեղի՝
Յովհաննիսէ Աստուածաբան մեծ պետի
վասն սիրոյ առ Տեառն իմոյ սփեսսոի
կրկին անգամ ի տեսանել մին ըզմի:
Պատճէն թղթոյն, որ էր գրեալ այս կերպի.
Թէ՛ «չատ ողջոյն յինէն առ քեզ մատուցի,
թէ կարիցես աւարտ առնել քո բանի
մինչ ի մեծի Բարեկենդան հասելի:
Արդ, խնդիրն է իմ առ ի քէն ըղձալի՝
Ելեալ գայցես առ մեզ սիրով շեշտակի,
զի ես ծեր եմ՝ գուցէ զմահն իմ ժամանի՝
ե՛կ, արասցուք զԲարեկենդանս մի տեղի.
Տեսցուք զմիմեանս կրկին անգամ բերկրալի
եւ լցուցցուք զբաղձանս մեր կարօտի,
զի ո՞ գիտէ զկեանքս մեր տեւելի՝
վաղեան աւուր կամ միւսում մընալի»:
Ուստի վեհն իմ տայ զպատասխան իւր թղթի,
թէ՛ «առ սրբոյ պատրիարգիտ մեծ պօլսի՝
Տեառնդ Յովհաննու Աստուածաբան հոգտորի
ողջոյն սիրոյ առ Հօրդ իմոյ բազմասցի
Իիւսամամբ սիրով գրեալ թուղթ քո քաղցրալի
էհաս առ մեզ առաջներորդ յունվարի
եւ իմացաք զբաղձանք Հաւոյդ իմ մեծի,

բայց ո՞վ եմ ես, որ սիրտ Տեառնդ իմ ըղձասցի:
Որ եմ ծառայ պատրաստական պօլսիդ Դիտի.
որպէս կամի սիրտ Հօրդ իմոյ՝ նոյն լիցի,
որ Աստուծով եւ աղօթիւքդ վըսեմի
գալոց եմ ես, տալով կատար հրամանի»²⁶:

Իսկ բուն հաշտութիւնը տեղի է ունեցել 1733 թ. հունվարի 29-ին Կ. Պոլսում՝ հետեյալ հանգամանքներում (ըստ Ամասիացու նկարագրութեան).

«եկաք հասաք ի քաղաքըն Բիւզանդի,
մտաք ի պալատն պատրիարգին նոյն պօլսի:
Իբրեւ ետես մեզ պատրիարգն բերկրալի՝
ուրախ եղեւ ինքն եւս սրտալի,
ասէ՛ «բարի եկիր, ով իմ ըղձալի,
աչք իմ դիտէր ձեր գալստեան մըշտակի»:
Իիւսմամբ սիրով մատչի յայնժամ առաջի
վեհն իմ առ պատրիարգի Հօր մեծի՝
տալ ի համբոյր օծեալ Աջոյն շնորհալի.
նա ոչ տայ Աջն, բայց համբուրեն մին ըղմի:
Նոյն այս դարձումն ի Բիւզանդին մեր լինի
ի թուականի Հայոց մեծաց տօմարի
հազար հարիւր ութսուներկուերորդի
եւ յամսեանն քսան եւ ինն յունվարի»²⁷:

Սակայն, սրանից հետո էլ խնդիրը լրիվ չի վերանում: Ամասիացին պատմում է այս հաշտութիւնից անմիջապէս հետո Ղազար Զահկեցու և Հակոբ Նալլանի միջև տեղի ունեցած մի լուրջ վեճի մասին, որն իբր ունեւր զուտ աստվածաբանական բնույթ»²⁸: Ամասիացու համաձայն՝ Նալլանը, որը Կոլոտի աշակերտն ու աջ թեւն էր, քիչ նախնդրութեամբ է լցվում.

«Իիւթ մախանաց գաղեալ մնայ ի սըրտի
առ Յակոբայ վարդապետին մեծակի,
յօրէ այնմիկ, որքան առ անդ մընալի,
խեթիւ հայէր առ Տեառն իմոյ մեծեղի»²⁹:

Եթե հավատալու լինենք Հովհաննես Ամասիացուն՝ 1737 թ. Ղազար Զահկեցին կաթողիկոս է ընտրվում հե՛նց Հովհաննես Կոլոտ

պատրիարքի ուղղակի միջնորդությամբ, որում վերջինս բացահայտ խոսում է նաև Հայոց եկեղեցու արևելյան և արևմտյան թևերի հակասությունների մասին.

«Վաղվաղակի գմիաբանքն համայնի
ժողովք առնին ամենեքեանք մի տեղի.
Թղթովք ընտրեն գերիս Արբս պատուելի՝
Էջմիածնայ կաթողիկոս լինելի:
Իսկ առաջին՝ գպատրիարզն Սաղէմի,
եւ երկրորդըն՝ գՅովհաննէսն մեծ Պօլսի,
եւ երրորդն՝ գՂազարըն ԶաՀկեցի.
գայս երեքեանս էին խնդրեալք ընդհանրի:
Պնդեալ գմուօք՝ երբ գմահասարն հասանի
ի քաղաքըն Բիւզանդին մեծ որ ասի,
ի ձեռն մեծի պատրիարգաց, որք անտի,
որ Աստուծով Գրիգորն եւս անդ լինի:
Ապա անդէն ժողովք առնեն բազմակի
վարդապետօք, քահանայիւք համայնի.
նախ՝ հրաւիրեն գպատրիարզն Սաղէմի,
թէ՛ «դու լիջիր կաթողիկոս ընդհանրի»:
Սակայն նա սոյն մեծապատուէս հրաժարի,
ասելով թէ՛ «չչմ այն պատուոյն արժանի,
չառնում յանձն գկեան իմ վաղուան մընալի,
գի ես ծեր եմ՝ մահն իմ կայ միշտ իմ դիմի»:
Ապա յետոյ առ հրաւիրեն բըռնալի
Յովհաննիսի պատրիարգին մեծ Պօլսի.
նա եւս չառնու յանձն պէս-պէս պատճառի,
գտկարութիւն միշտ բերելով առաջի:
Նաեւ ասէ՛ «չէ միշտ ի մէնջ դնելի,
պարտ է այժմ արեւելցի լինելի,
գի երեք արք նստան ի մէնջ Աթոռի,
պէս-պէս խարդախ անցեալ էր անդ ի միջի»:
Եթէ կամիք ըգՂազարըն ԶաՀկեցի,
նա է՛ արժան այսօր գնա առնելի,
այլեւ՝ է՛ նա ծնեալ ի նոյն գաւառի,
գուցէ գտրտունջ նոցին այսօր բաց բառնի»³⁰

(ընդգծումները՝ Ա.Ա.):

Եթե Ամասիացու հաղորդումը հավաստի է, ապա Ղազարի հաշտեցումը Կոլոտի հետ որքան էլ կիսատ էր, այնուամենայնիվ

առերեսային էլ չէր: Բայց Ամասիացու այս հաղորդման մի հատվածը հակասում է Կ. Պոլսի ընտրական ժողովի անմիջական մասնակից Գրիգոր Շղթայակրի մի տեղեկությունը, որում վերջինս պնդում է, որ Ս. Էջմիածնից Կ. Պոլիս ժամանած պատվիրակներն իրականում ներկայացրել են կնիքով հաստատված ընդամենը երկու՝ իր և Ղազար Զահկեցու թեկնածուները (ընդ որում՝ վերջնագրային տրամադրվածությունը):

«...ի սուրբ Էջմիածնայ երկու վարդապետք եկին՝ Թովմայ եւ Մկրտիչ անուամբ, եւ նուիրակն (իմա՝ Պետրոս Քյուլթյուրը, Ա.Ա.)³¹... եւ այլք...»

Եւ բազմակնիք մահզար մի եղին առաջի մեր, յորում զմեզ խնդրեալ էին լինել կաթողիկոս: Եւ իմ երեք օր պայման խնդրեալ՝ զնոսա յղեցի, բայց Պատրիարք վարդապետին (իմա՝ Հովհաննես Կոլոտին, Ա.Ա.) եւ մեր մահտեսեացն ի ծածուկ ասացի, թէ «այս երեք անգամ եղեւ, որ վասն այսմ իրի զմեզ խնդրեն, բայց անհնար է ինձ լինել, զի անարժան եմ»: Եւ զկնի երից առուրցն եկաք ի Ս. Աստուածածնի եկեղեցին, եւ յայտնի առաջի ամենեցուն հրաժարեցայ, եւ յոչ ասելն իմ, ապա այն եկող վարդապետքն բերին եւ մահզար մի այլ գրեալ՝ թէ «նա յանձն չառնու եւ չլինի, զՂահկեցի Ղազար վարդապետն կը խնդրեմք եւ ոչ զայլ ոք»: Եւ յետ բազմաց ասից եւ խօսից, կնքեցի մեղաւորս նախ զհաւանութեան գիրն, որ եւ ի վերայ նորա հաստատեցաւ կաթողիկոսութիւն: Եւ իմ ելեալ անտի փութով գնացի յՈւսկուտար, զի մի՛ գրոյցն բազմացի, եւ զմահզարն յիզմիր յղեցաք առ Ղազար վարդապետն, զի ելեալ գնացէ ի սուրբ Գահն»³²:

Ուրեմն՝ եթե նույնիսկ Հովհաննես Կոլոտ պատրիարքի թեկնածուները քննարկվել է, ապա ո՛չ Մայր Աթոռի միաբանություն և նրա ուղարկած պատվիրակների նախաձեռնությունը, որ մեկ անգամ ևս փաստում է Ս. Էջմիածնում Կոլոտի նկատմամբ վերապահ վերաբերմունքը:

Այս ամենից անելիք միակ եզրակացությունն այն է, որ Հովհաննես Ամասիացին, տարիներ անց շարադրելով Ղազար Զահկեցու կենսագրությունը և լուելով մեծ հեղինակություն վայելող Կոլոտ պատրիարքի հետ նրա ունեցած լուրջ բախումների մասին, փորձում էր մեղմել իր ուսուցչի դեմ նրա թշնամիների ու հատկապես կաթողիկոսների՝ առանց այն էլ հաջողված քարոզչություն արդյունքները:

ԾԱՆՈԹԱԳՐՈՒԹՅՈՒՆՆԵՐ

¹ ՉԱՄ, Գ, էջ 819. Ա. Տէր-Յովհաննիսեան, *Ժամանակագրական պատմութիւն Ս. Երուսաղէմի* (Երուսաղէմ, 1890), էջ 51. Ա.ԶԳ, սյուն. 1991: *A Reference Guide to Modern Armenian Literature, 1500-1920, op. cit., pp. 95-96, 399. Քրիստոնյա Հայաստան. Հանրագիտարան* (Երևան, Հայկ. Հանրագիտարանի գլխավոր հրատ., 2002), էջ 653:

² Մաշտոցի անվ. Մատենադարանի համառոտ ձեռագրացուցակի Հեղինակները, չնկատելով Աստվածատուր կաթողիկոսի գահակալության օրոք ժողովածուն ավարտելու մասին՝ հիշատակարանում Հեղինակի արած նշումը, սխալմամբ կարգացել են ՌՃՂ (1729). - տե՛ս *Յուզակ ձեռագրաց Մաշտոցի անվան Մատենադարանի*: Հ. Ա., սյունակ 385:

³ Մաշտոցի անվ. Մատենադարան, ձեռագիր 698, էջ 6ա. էջ 7ա-ում կարգում ենք. «չատ էր գայս եւ դժուարիմաց, բայց եւ ծողկաքաղ գրեցի. անմեղադիր լերուք»: Նույն մատյանի էջ 7բ-ում նկարված է մի վարդապետ՝ գավազանով և հանդերձանքով: Սա կարող է խորհրդանշել հայ վարդապետի կերպարն առհասարակ, մանավանդ, որովհետև երկն էլ վարդապետական քարոզի մի ձեռնարկ է և կոչվում է «Կերակուր վարդապետաց»: Սակայն այս կերպարում Ղազար Զահկեցին կարող էր նաև ինքն իրեն մարմնավորել: Համենայն դեպս, Մաշտոցի անվ. Մատենադարանիս համառոտ ձեռագրացուցակի Հեղինակներն այդպես էլ կարծել են ու գրել. «Գրիչ՝ Ղազար ճահկեցի...Մանրանկար՝ նկար՝ Ղազար ճահկեցի, կիսախորան, լուսանցազարդ» (*Յուզակ ձեռագրաց Մաշտոցի անվան Մատենադարանի*: Հ. Ա., սյուն. 385):

⁴ Մաշտոցի անվ. Մատենադարան, ձեռագիր 2121, էջ 370ա:

⁵ Դրախտ ցանկալի, էջ 680:

⁶ Նույն տեղում, էջ 649:

⁷ Մաշտոցի անվ. Մատենադարան, ձեռ. 9245, էջ 64բ:

⁸ Յոհնն, Ե, 35:

⁹ Մաշտոցի անվ. Մատենադարան, ձեռ. 9245, էջ 54բ:

¹⁰ Նույն տեղում, էջ 55ա:

¹¹ Տե՛ս Աբրահամ Երեւանցի, *Պատմութիւն պատերազմաց 1721-1736 թուի*, էջ 31-32, 100. հմտ. Մաշտոցի անվ. Մատենադարան, ձեռագիր 2121, էջ 369ա:

¹² Մաշտոցի անվ. Մատենադարան, ձեռագիր 2121, էջ 369ա:

¹³ Արևելյան Հայաստանի ավերածության մասին տե՛ս Ա. Այվազյան, «Իրադարձությունները Ղափանում և Նախիջևանի խանությունում 1724 թ.», էջ 102-114. A. Aivazian, *The Armenian Rebellion of the 1720s...*, 15, 31-32, 36-39:

¹⁴ *Մաշտոցի անվ. Մատենադարան*, ձեռագիր 2121, էջ 368բ:

¹⁵ **Ղազար Զահկեցի**, *Գիրք նորաբոյս, որ կոչի եՐԳԱՐԱՆ* (Կ. Պոլիս, 1737), էջ 238-241: Այս «Ողբից» մի քանի այլ հատված լույս է տեսել նաև Շուշանիկ Նազարյանի *Ողբի եւ սթափման բանաստեղծությունում*, էջ 279-280:

¹⁶ *Մաշտոցի անվ. Մատենադարան*, ձեռ. 9245, էջ 57բ:

¹⁷ Նույն տեղում, էջ 59բ:

¹⁸ Նույն տեղում, էջ 60բ-61ա:

¹⁹ Նույն տեղում, էջ 60ա-62ա:

²⁰ **Տե՛ն Ն. Պողարեան**, *Մայր ցուցակ ձեռագրաց Սրբոց Յակոբեանց*: Հ. Ը (Երուսաղէմ, 1977), էջ 219: Նույն աղբյուրը հայտնում է նաև, որ Ղազար Զահկեցին ունեցել է Մկրտիչ անունով վարդապետ եղբայր, որը 1740-ական թթ. եղել է Երնջակ-Գողթն (գուցե նաև Նախիջևան) թեմի առաջնորդը: Ղազար Զահկեցու երեք եղբայրների մասին համտ. ՉԱՄ, Գ, էջ 821:

²¹ *Մաշտոցի անվ. Մատենադարան*, ձեռագիր 2121, էջ 369ա:

²² Տե՛ն աստ, ծնթ. 330:

²³ Տե՛ն ՉԱՄ, Գ, էջ 827-828, 838-841:

²⁴ **Գ. Բամպուլքճեան**, «Մարտիրոս պատրիարք Ղրիմեցի (1630⁶-1683) եւ իր նորայայտ չափածոյ յիշատակարանը».- *Բաղմաղէպ*, 1994, էջ 451-452:

²⁵ ՄԺ, հ. Ա, էջ 339:

²⁶ *Մաշտոցի անվ. Մատենադարան*, ձեռ. 9245, էջ 66բ-67բ:

²⁷ Նույն տեղում, էջ 67բ-68ա:

²⁸ Նույն տեղում, էջ 68բ-69բ:

²⁹ Նույն տեղում, էջ 70ա:

³⁰ Նույն տեղում, էջ 71բ-72ա:

³¹ Նույն տեղում, էջ 72բ:

³² «Ստորագրուածիւն ուղեւորութեան Տ. Գրիգորի Շղթայակրի Պատրիարքի Ս. Աթոռոյս յԵրուսաղէմի ի Կ. Պոլիս».- *Սիրոն* (Երուսաղէմ), 1866, էջ 142:

Գ Լ ՈՒ Խ Թ .

ՂԱԶԱՐ ԶԱՀԿԵՅՈՒ ԳԱՂԱՓԱՐԱԽՈՍՈՒԹՅՈՒՆԸ

Հայուլթյան ազգակազմիչ տարրերի Ղահկեցիական սահմանումը

Ղազար Զահկեցին, գաղափարական առումով, հայ միջնադարյան ազգայնականության խոշորագույն տեսաբան Գրիգոր Տաթևացու (1346-1409) աշակերտն էր: Բոլորովին պատահական չէ, որ Զահկեցին Գրիգոր Տաթևացուն մեծարում է առանձին երգով («Երգ Սրբոյն Գրիգորի Տաթևացւոյ նորին Տեառն Ղազարու Վարդապետին Ճահկեցւոյ»), որտեղ հնչում են նաև ազգային հպարտությամբ լի այսպիսի տողեր.

«Արեգական նրման ծագեալ ի Հայաստան,
Քաջ հռետուր եւ փիլիսոփայ անյաղթական,
Քան ըզՊղատուն եւ ըզՊորփիւր Աստուածաբան՝
Գեր ի վերոյ, քան զիմաստունս հելլենական»¹:

Ղազարը ոչ միայն որդեգրում, այլև նորովի է զարգացնում Տաթևացու հայրենասիրական-ազգայնական գաղափարախոսությունը: Այսպես՝ 1397 թ. ավարտած իր Գիրք Հարցմանց երկում Տաթևացին ներկայացնում է Աստծու՝ «Հայոց ազգին» պարգևած տաս «առանձնական բարութիւնները»²: Ղազարն սրանց թիվը հասցնում է 50-ի³ և ավարտում իր այդ մանրամասն մշակումը հայ ազգին ուղղված հետևյալ ծրագրային ձոնով, որի իմաստային բաղադրամասերը ներկայացնում ենք մեր համարակալումով՝

«Ազգ յարեթեան եւ թորգոմեան նաեւ արբաՀամեան, վազաս պտուղք բուրդուղիմէոսեան եւ թաղէոսեան, լուսածնունդ զաակք Սուրբ Էջմիածնեայն եւ գրիգորեայն՝ առանց ամենայն տարակուսանաց եւ Հակառակութեանց՝ Հայք են եւ ասին.

- (1) Ազգք տոհմիւ օրհնեալ.
- (2) Երկրաւ բարեբանեալ.
- (3) Լեզուաւ կանխազարդեալ.
- (4) Գրով բարգաւաճեալ.
- (5) Հաւատով ազնուացեալ.
- (6) Անուամբ ճոխացեալ,

Առաքինութեամբ բարեպաշտեալ,
Ի Տէր պարծեցեալ,
Եւ զնմանէ գոհացեալ,
Եւ յԱստուածաշունչ գրոց քարոզեալ»⁴:

Այս դիպուկ ձևակերպումներում ներկայացված են միջնադարում և ուշ միջնադարում Հայերի ազգային ինքնագիտակցության վեց հիմնասյուղները: Դրանք են՝

(1) «Ազգք տոհմիւ օրհնեալ» - Հայերի ծագումն ընդհանուր նախահայրերից.

(2) «Երկրաւ բարեբանեալ» - Հայաստանում և նրանից դուրս ապրող Հայերի խոր կապվածությունը Հայ ազգի ձևավորման ու բնակության բնիկ տարածքին, որ կարելի է կոչել նաև «Հայրենիքի սինդրոմ».

(3) «Լեզուաւ կանխազարդեալ» - Հայոց լեզուն որպես Հայերի ընդհանուր լեզու լինելը.

(4) «Գրով բարգաւաճեալ» - ազգային գրական-մշակութային վիթխարի ժառանգության առկայությունը.

(5) «Հաւատով ազնուացեալ» - ազգային եկեղեցին ու նրա ուրույն դավանանքը՝ Հայադավանությունը.

(6) «Անուամբ ճոխացեալ, Առաքինութեամբ բարեպաշտեալ, Ի Տէր պարծեցեալ, Եւ զնմանէ գոհացեալ, Եւ յԱստուածաշունչ գրոց քարոզեալ» - ազգային արժեքների և նվաճումների ճանաչումն ու մեծարումը:

Ղազար Զահկեցու այս ձևակերպումները, փաստորեն, ոչ այլ ինչ են, քան միջնադարյան և ուշմիջնադարյան Հայ ազգը բնութագրող մի կատարյալ սահմանում՝ հետևյալ վեց հիմնական բնորոշիչներ-

րով. ընդհանուր ծագում, հայկական բնիկ տարածքի՝ հայրենիքի առկայություն (այս մասին ավելի մանրամասն՝ ստորև), ազգային լեզու, ազգային մշակույթ, Հայ եկեղեցի և հավատ, ազգային հպարտությունը սնող պատմական այլ հիմքեր:

Ուշագրավ է, որ XVIII դարում Զահկեցին հայերի ազգակազմիչ բնորոշիչներից կրոնականը նշում է հինգերորդ աստիճանի վրա, առաջինների վրա դնելով հայրենիքը և ազգը, ընդ որում՝ նախաքրիստոնեական իր ծննդաբանությունը հանդերձ («Ազգ յաբեթեան եւ թորգոմեան նաեւ աբրահամեան, վաղահաս պտուղը բուրդուղիմէսեան եւ թաղէոսեան, լուսածնունդ գաւակը Սուրբ էջմիածնեայն եւ գրիգորեայն՝ առանց ամենայն տարակուսանաց եւ հակառակութեանց՝ հայք են»):

Այս կապակցությամբ պատմական մի զուգահեռ կարող է թվալ անհավատալի: IV-V դարերում հայ զինվորականության պատվո վարքականոնը, պաշտպանության ենթակա ազգային արժեքների թվում՝ Հայ եկեղեցին ու հավատը նշանակում էր դարձյալ ճիշտ նույն հինգերորդ տեղում և ազգն ու հայրենիքը ավելի առաջնային դիտում⁵: Հայ հին զինվորականության արժեհամակարգի հետ այս համընկնումն առավել ևս զարմանալի է, եթե հիշենք, որ Ղազար Զահկեցին ինքը բարձրաստիճան հոգևորական էր և ապրում էր հայկական պետականության բացակայության ժամանակներում: Այս համընկնումը, սակայն, միանգամայն բնական է. այն արգասիքն ու արտահայտությունն է տակավին հին ժամանակներում ձևավորված հայկական ազգայնականության (հայերի պարագայում՝ նույնական է հայրենասիրությունը), որը ժամանակի ընթացքում թեև մանր ձևափոխություններ էր ունենում, բայց և՛ IV-V-րդ, և՛ հետագա բոլոր դարերում հիմնականում նույնական էր⁶:

Ավելին՝ Ղազար Զահկեցին հայոց լեզուն և ազգային մշակույթը չի ստորադասում հայ եկեղեցուն ու քրիստոնյա հավատին, այլ դրանք բոլորը շաղկապում-ձուլում է հայության մեկ ընդհանուր բնութագրի մեջ: Սա համապատասխանում է հեղինակի ազգայնական մտայնությանը: Առհասարակ, իր ողջ կյանքով ու գործունեությամբ Ղազար Զահկեցին մի կատարյալ ազգայնականի տիպար է. դա է պատճառը, որ հայկական քաղաքակրթության խնդիրներն արծարծելիս, նրա մոտեցումը միշտ և՛ գիտական է, և՛ քաղաքական-գաղափարախոսական:

Ի դեպ, Ղազար Զահկեցին այս հարցում զգալիորեն հեռանում է Գրիգոր Տաթևացու՝ միջնադարյան ազգին տված իր ժամանակների համար բացառիկ մի սահմանումից, որտեղ Տաթևացին հավատն ու դավանանքը համարում է ազգի գլխավոր կազմարարները (Տաթևացու սահմանումը կարծես վերցված լինի սոցիոլոգիայի մերօրյա մի դասագրքից)։

«Ազգ առ ազգ բաժանեալ լինի գաւառաւ եւ լեզուաւ եւ կանոնական սահմանաւ, որ են աւանդութիւնք եւ հաւատք եկեղեցւոյ: Եւ բաժանումն յաւելտ գբան գաւառաւ եւ լեզուաւ՝ կանոնական սահմանաւն ասացեալ լինին»⁷:

Ի տարբերություն դրա՝ Ղազար Զահկեցին ազգի առաջնային կազմարար է համարում հայրենիքը, ընդհանուր ծագումը, ազգային մշակույթն ու լեզուն, որ վկայում է Գրիգոր Տաթևացու համեմատ նրա առավել աշխարհիկ ազգայնականությունը: Ըստ ամենայնի՝ Զահկեցու այսպիսի «քաղաքականացված» ազգայնականությունն վրա լրջորեն ազդած պետք է լիներ նաև 1720-ական թթ. բռնկված հայ ազատագրական պատերազմը:

Զահկեցու Երգարանը իբրև XVIII դարի հայ պաշտոնական ազգայնականություն «ձեռնարկ»

Կ. Պոլսում 1737 թ. հրատարակված Ղազար Զահկեցու Երգարանը իր ժամանակների հայ ազգային-եկեղեցական գաղափարախոսությունն մի հարուստ շտեմարան է, մի իսկական ուղեցույց՝ այդ գաղափարախոսության կառուցվածքի և բաղկացուցիչ տարրերի մեջ: Պաշտոնական այդ գաղափարախոսությունը քարոզում էին Ս. էջմիածնի նվիրակները, հայ բարձրաստիճան կղերը, ինչպես նաև հայ հոգևոր և աշխարհիկ մտավորականության մեծ մասը:

Պետք է նշել, սակայն, որ հայկական ազգային գաղափարախոսությունն այն տարրերը, որոնք վերաբերում էին Հայաստանի ազատագրությունն ու անկախության հաստատմանը, ինչպես, օրինակ, «Ազատագրական լեզենդը»⁸, ելնելով անվտանգության նկատառումներից, քարոզվում էին գաղտնաբար՝ բանավոր կերպով կամ հարա-

բերաբար քիչ ընդօրինակվող ձեռագրերում: Տպագիր գրականության մեջ ազատագրական թեման կարող էր միմիայն ակնարկվել, որովհետև տպագիր գրականությունն ուներ մեծ տպաքանակ և վայելում էր ազգի ղեկավար շրջանակների հովանավորությունը, այսինքն՝ վտանգ կար, որ օտար մահմեդական տիրակալները կարող էին մեղադրել և ծանր պատիժների ենթարկել Հայ եկեղեցու առաջնորդներին: Մի օրինակ. Գրիգոր Տաթևացու Գիրք Հարցմանց-ի բաղկացուցիչ մաս էր կազմում իսլամի դեմ գրված Ընդդէմ Տաճկաց երկը, որ, զետեղված լինելով ձեռագիր մատյաններում, դուրս էր թողնվել Գիրք Հարցմանց-ի 1720 և 1729 թթ. Կ. Պոլսում իրականացված հրատարակություններից⁹:

Ձահկեցու Երգարանն ընդգրկում և քարոզում է Հայոց ազգային գաղափարախոսությունն պաշտոնական (կամ «բաց») հետևյալ դրույթները.

Ա. Սուրբ Էջմիածին

Գլխավոր դրույթը Ս. Էջմիածնի ճանաչումն ու պաշտամունքն էր՝ որպես Հայ ազգի հոգևոր կենտրոն: Ս. Էջմիածնի փառաբանմանը նվիրված է երկու երգ՝ «Երգ Սրբոյն Էջմիածնի» (էջ 109-112) և «Ներբողեան ի Դէմս Սրբոյն Էջմիածնի» (էջ 112-121): Վերջին երգի երկարաբանությունն ինքնին փաստում է գաղափարախոսական այս կետի կենտրոնականությունը՝ մյուս դրույթների համեմատ (Երգարան-ի մյուս բանաստեղծությունների միջին ծավալը երեք էջ է):

Ղազար Ձահկեցին դիտում է Ս. Էջմիածինը ոչ միայն իբրև հոգևոր-կրոնական եզակի կենտրոն, «մայր հաւատոյ»՝ աշխարհում միակ վայր, ուր Փրկիչն իջել է երկնքից, այլև՝ Հայապահպանության հզորագույն օջախ: Ահա Հայաստանի և Հայ ազգի ճակատագրի հետ Ս. Էջմիածնի անխախտ կապն ընդգծող մի քանի հատված.

«Ի Տանս Հայոց կառուցելոյդ զարմանամ, զարմանամ»
(էջ 109)...

«Աթոռ մեծի Լուսաւորչին Գրիգորի, Գրիգորի,
Ամէն ազգաց եւ աշխարհաց բաղձալի, բաղձալի»
(էջ 110)...

«[ու]րախացուցիչ մերոյ ազգիս թորգոմեան, թորգոմեան»
(էջ 110)...

«Ուրախ լեր Աթոռ փառաց մայր եկեղեցի,
Քանզի քեւ ծագեցաւ մեզ լոյս մեծ Քրիստոս
Հայաստան երկրի» (էջ 111)...

«Էջմիածին՝ Աթոռ փառաց,
Առ քեզ իջեալ հաստիչն Աստուած,
Դուռն իմաստից, աղբիւր շնորհաց,
Յերկիրն օրհնեալ Հայոց Մեծաց» (էջ 117)...

«Էջմիածին... ի թշնամեաց զմեզ փրկողին» (էջ 118)...

«Էջմիածին՝ Աթոռ Հայոց» (էջ 119)...

«Էջմիածին՝ մեծ վեհարան,
Սուրբ հաւատոյ շտեմարան,
Որք զերախտիս քո ուրանան՝
Երկու աջօքն կուրանան» (էջ 121)...

*Ավելին՝ ի դեմս Ս. Էջմիածնի հայ եկեղեցին ուղղակիորեն
դիտված է իբրև մահմեդական տիրապետութեան ծանր ժամանակա-
շրջանում հայոց պետականութեան հնարավոր միակ ձև, այդ պետա-
կանութիւնը փոխարինող հաստատութիւն, ահա.*

«Էջմիածին հարկ պետութեան
Եւ գայիսոն գօրեղութեան,
Ամուր պատուար հաստատութեան,
Ուղղափառացս յոյս փրկութեան» (էջ 114):

*Ղազար Զահեցիին այլուր այսպես էր խոսում Ս. Էջմիածնի
առաջնայնութեան մասին.*

«[կաթողիկները] ասեն, թէ «Հռոմայ եկեղեցին է գլուխ
ամենայն եկեղեցեաց», ոչ ունելով վկայ իրին այնմիկ: Այլ թէ կա-
մին լուսիցեն եւ ի միտ առցեն, զի Սուրբ Էջմիածինն է Սիօն եւ
մայր ամենայն եկեղեցեաց, քանզի Աստուածաէջ եւ Քրիստոսահի-
մն է, որպէս իւրեանք եւս վկայեն գայս ճշմարիտ գոլ եւ ո՛չ կարեն
ուրաստ լինիլ...»¹⁰

Բ. Ամենայն Հայոց կաթողիկոսներ

Հաջորդ գրություն է Ամենայն Հայոց կաթողիկոսների պաշտամունքը և նրանց ճանաչումը՝ որպես հայ ազգի գլուխ և հոգևոր առաջնորդ («Երգ մեծին Ներսէսի Հայրապետին», էջ 164-165 և «Երգ Սրբոց Հայրապետաց», 179-181):

Հայոց պետականության բացակայության այդ դարաշրջանում Ամենայն Հայոց կաթողիկոսների դիրքն իսկապես չափազանց կարևոր էր ոչ միայն քաղաքական, վարչական, տնտեսական, այլև գաղափարախոսական ասպարեզում ու նաև յուրաքանչյուր հայի մտայնության մեջ: Այս առիթով շատ բնութագրական է Հակոբ Զուռայեցի կաթողիկոսի խոսքը՝ ուղղված պարսից շահին.

«Ի բնէ է ամենայն ազգ Հայոց ուր եւ իցէ՛ թէ՛ յաշխարհին Օնցւոց, թէ՛ ի Ֆռանգաց, թէ՛ Հնդկաց, թէ՛ Մոսկովաց, եւ ուր եւ գտանի յազգէն Հայոց, ամենեքեան հնազանդին էջմիածնի...»¹¹

Այդ դարաշրջանում Ամենայն Հայոց կաթողիկոսի ունեցած համազգային դերի ու իրավասուելթյունների թերևս լավագույն համառոտ դասակարգումը տվել է Սիմեոն Երևանցին, որն արժե մեջբերել ամբողջությամբ.

«Ապա ուրեմն ձգի եւ տարածի հոգևոր իշխանութիւն Սրբոյ Աթոռոյս ի յամենայն տեղիս եւ ընդ ամենայն ծագս երկրի՝ ուր կան եւ գտանին Հայկածին եւ Լուսաւորչակոսն ժողովուրդք եւ հոգևոր ժողովարան: Քանզի ուր եւ գտանին յազգէս Հայոց թէ՛ եկեղեցիք եւ թէ՛ եկեղեցականք, կարգաւորք եւ աշխարհականք, ի յինչ կոչման եւ իցեն՝ բովանդակքն պարաւանդեցեալք եւ փակեցեալք են ընդ իշխանութեամբ Սրբոյ Աթոռոյս էջմիածնի եւ ի սմա նստող Հայրապետացն՝ որք են յաջորդք եւ փոխանորդք սրբոյն Գրիգորի Լուսաւորչին Հայաստանեայց: Եւ ի սմա նստող Հայրապետին է յատուկ իշխանութիւն գբոլոր եկեղեցիս Հայոց հաստատել, բարեկարգել եւ ի կանօնի պահել, գաւելորդսն բառնալ եկ գթերին լցուցանել, գեպիսկոպոս ձեռնադրել, գառաջնորդս կարգել, զհետեալսն ուղղել, գանարժանսն եւ գանուղղելիսն հանել ի յեկեղեցւոյն եւ լուծանել ի կարգէն, անրգել եւ բացարձակ իշխանութեամբն հրամայել զհոգևորսն եւ զօգտակարսն, փակել եւ բանալ, կապել եւ արձակել: Եւ ըստ ժամանակին զՆուիրակուսս առա-

քել առ յամենեսեան իբր փոխանորդ ինքեան՝ ի քննել եւ վերահասու լինել զորպիսաբար կացութեանց եկեղեցեաց եւ եկեղեցականաց, զիւզն Աստուածագործ բաշխել ի յօծումն օծելոց եւ ի սրբանագործել զսրբազնագործելիսն: Եւ միանգամայն որք վերաբերին ի յեկեղեցիս եւ ի հաւատս, ի սրբոյ Աթոռոյս եւ ի սմա նստող Հայրապետացն վերառաքին, տրին, եւ կարգին ի յազգս Հայոց որպէս ի միոյ մշտաբուզիս աղբերէն: Վասն որոյ եւ ազգս Հայոց փոխաբերաբար ի ցուցանել զհնազանդութիւն շնորհակալութեամբ հանդերձ, յիշեն զանուն Հայրապետին յամենայնում յաւուր յեկեղեցիս իւրեանց եւ տան յօթարութեամբ զհասս նուիրակականս... ի ձեռն նուիրակացն սորին ըստ պայմանեալ ժամանակին»¹²:

Հետաքրքրական են նաև XIX դարում մի եվրոպացի ճանապարհորդի արած դիտարկումները.

«Էջմիածնում նստող պատրիարքը հայ ժողովրդի միասնականության և ազգակցության համար ահռելի նշանակութիւն ունի: Այստեղ է այն կենտրոնական կետը, որտեղ Գանգեսից և Ինդոսից, Եփրատից և Նեղոսից, Վուլգայից, Նեվայից և Բոսփորից եկած ուխտավորները առաջին անգամ են հանդիպում և ծանոթանում ու հաստատում եղբայրական միության կապերը... Այսպես է ազգային եկեղեցու միասնութիւնը մշտապես ճանաչվում ու նորովի ամրացվում»¹³:

Ժողովուրդն զգում էր Ամենայն Հայոց կաթողիկոսի պաշտօնավարումը և մեծ նշանակութիւն տալիս դրան: Այսպես՝ 1725 թ., առնելով Աստվածատուր կաթողիկոսի մահվան լուրը, Կեսարիայի հայերը հրաժարվում են նվիրատվութիւններ անել Ս. Էջմիածնի նվիրակին (Ղազար Զահկեցուն), պատճառաբանելով.

«Հէ՛ պարտ գնուիրակութիւն այժմ տալի, զի ոչ գիտէ ոք, թէ՛ վեհն ե՞րբ լինի»¹⁴:

Բայց նոր կաթողիկոսի ընտրության լուրն ստանալուն պես, ինչպես հայտնում է Ս. Էջմիածնի նվիրակի օգնականը, տրամադրութիւնը փոխվում է.

«տրտունջ ժողովրդեան բաց բառնի. այնուհետեւ գործ մեր կարգաւ ընթանի՝ ի չորս ամսէն անդ ժողովք մեր աւարտի»¹⁵:

Գ. Ազգային քրիստոնյա սրբեր

Ազգային քրիստոնյա սրբերի (կամ, Զահկեցու բառերով սասձ՝ «Հայոց լուսաւորիչների») գնահատումն ու պաշտամունքը, որ տրված է էջ 157-178: Իր «Երգ լուսաւորչացն Հայոց»-ի մեջ (էջ 159-161), Զահկեցին այս համաստեղութեան մեջ է ընդգրկում, ըստ հերթականութեան, Բարդուղիմեոսին, Հակոբեյան Հուգային, Շմավոնին, Թադեոսին, Գրիգոր Լուսավորչին, Վրթանեսին, Արիստակեսին, Ներսես Մեծին, Սահակ Պարթևին, Մեսրոպ Մաշտոցին, սուրբ Թարգմանիչներին «մերովք», Հովհան Օձնեցուն, Հովհան Որոտնեցուն ու Գրիգոր Տաթևացուն, որոնք՝

«Աստեղք լուսափայլք հայոց արեգակունք,
Քարինք պատուական եւ գանազան ակունք,
Աշտարակք հօրք եւ պատուարք հաւատոյ,
Հիմունք եւ որմունք Սիօնի մօր մերոյ
(իմա՝ Ս. էջմիածնի, Ա.Ա.)»:

Առանձին «երգեր» են նվիրված մասնավորապէս Գրիգոր Լուսավորչին (էջ 157-159), «որդւոց եւ թոռանց սրբոյն Լուսաւորչին» (էջ 161-163), «մեծին Ներսէսի հայրապետին» (էջ 164-165), Սահակ Պարթևին (էջ 166-167), Մեսրոպ Մաշտոցին (էջ 168-169), Գրիգոր Տաթևացուն (էջ 177-178):

Դ. Հայ քրիստոնյա նահատակներ

Ազգային քրիստոնյա նահատակների դիրքը հայոց միջնադարյան մտայնութեան մեջ առանձին ուսումնասիրութեան կարիք ունի (որ շուտով հոստով ենք ներկայացնել ընթերցողի ուշադրութեանը): Այժմ նշենք միայն, որ Զահկեցին նրանց է նվիրում մի քանի «երգ»՝ «Երգ սրբոց մարտիրոսաց» (էջ 181-183), «Երգ սրբոց Հռիփսիմեանց» (185-187), «Երգ սրբոց Ոսկեանց» (էջ 202-203):

Ե. Հայոց թագավորներ և զորավարներ

Ջահկեցին չի մոռանում նաև անցյալում մնացած հզոր Հայաստանի աշխարհիկ առաջնորդներին.

«...ո՛վ սուրբ Տրդատ արքայդ հըզօր հըզօր՝
օգնեա մեզ այսօր (էջ 196-197, ընդգծումն՝ Ա.Ա.)»:

Կամ՝

«Սուրբ Աստուծո՛ւ եւ Մանածիւր ընդ ձեր զօրաց...
Արագահաա գոլով առ մեզ միշտ տոնողաց,
Եւ ազատել զագգս եւ զագինս ի թշնամեաց (էջ 212-213)»:

Սույն տողերը գրվել են 1720-1730-ական թթ., երբ Արևելյան Հայաստանում «վերակենդանացած» հայկական խոշոր զինուժը, ունենալով ազատագրական հստակ ծրագիր, կատաղի ճակատամարտեր էր տալիս սկզբում պարսկական, ապա օսմանյան զորքերի դեմ: Ջահկեցին ինքը, ականատես լինելուց բացի, նաև քաջատեղյակ պետք է լիներ Կիլիկյան Հայաստանի անկումից ի վեր չտեսնված հայոց այդ մեծ ազատամարտի կարևոր զրվագներին, գուցե նաև անձամբ ծանոթ էր ռազմական գործիչներին ու նրանց: Նկատի ունենալով Ղազար Ջահկեցու գաղափարախոսությունն ու անհանգիստ խառնվածքը, նաև նրա մտերմությունը հայոց ապստամբների հետ կապված Աստվածատուր կաթողիկոսին՝ միանգամայն հնարավոր վարկած կարելի է համարել, որ նա այս կամ այն կերպ կարող էր մասնակցած լինել ազատագրական շարժման գաղտնի նախապատրաստությունը:

Վերև արդեն մի այլ առիթով մասնակիորեն մեջ ենք բերել Ջահկեցու Երզարան-ի «Ողբ ի վերայ Հայաստան աշխարհին»ը (էջ 238-241): Այդ չափածոյի հարցադրումը հետևյալն է՝

«Ձողբալի երկիրս Հայոց՝
Ու՞ր են նախկին հարքն ամենայն՝
Գեղաշուք եւ Ղոկափառ՝
Պայազատ որդիք յաբեթեան»:

Այնուհետև Ջահկեցին հիշատակում-ոգեկոչում է հայոց ազգային և ռազմական առաջնորդների մի ամբողջ փաղանգի.

«Աղեղնաւոր մեծն Հայկ
Եւ Հօօրն Արամ հըսկայն,
Հերձող նիգակաւ գերկաթ
Եւ գեղեցկափայլն Տիգրան:

Ու՞ր են ցեղքն Աբրահամու՝
Շառաւիղքն քետուրական,
Տիեզերասասան Արշակ
Եւ Վաղարշակն արիական:
Վանիչ պարսիցըն խորով
Եւ Տըրդատ Հըգօր մեծ արքայն,
Որ զթըշնամիս պատառէր
Այլ որպէս առիւծ եւ գազան:

Յաղթող ազգն Արշակունեաց
Եւ պարթեւեանքն, որ զօրացան
Վա՛յ եւ եղուկ մեզ եղեն,
Որ ի մէնջ նոքա սպառեցան:

Ու՞ր են փառազարդ իշխանքն՝
Զօրեղ եւ Հըգօրն Անգեղտան՝
Քաջամարտիկն Մուշեղ,
Սպառազէն եւ գայլն Վահան,
Որ պատերազմին վասըն մեր՝
Ազատեն զգերեալքս ամենայն՝
Փրկելով զազգս եւ զազինս՝
Եւ ամենայն գաշխարհ Հայաստան»:

Ինչ խոսք, որ Հին Հայոց քաղաքական-ուսմական առաջնորդների այսպիսի ոգեկոչումը համապատասխանում էր 1720-1730-ական թթ. Հայոց ազատամարտի ոգուն: Սակայն, կարծում ենք, Ղազարն ավելի՛ն նկատի ուներ՝ հիշելով Հայոց Հին հերոսներին, նա այլաբանորեն ոգեկոչում էր նաև իր ժամանակի Հայոց ազատամարտիկներին ու նրանց առաջնորդներին, որոնցից ոմանց նա, ինչպես ասվեց, անձամբ կարող էր ճանաչած լինել:

Ղազար Զահկեցի՝ 1722 թ. Լիմ անապատի գաղտնի ժողովում ընթերցված կոչի հեղինակ

Նկատենք, որ Զահկեցու տողերից մի քանիսը գրեթե ճշգրիտ համապատասխանում են 1722 թ. Լիմ անապատում արևելահայ ազատագրական շարժման ուղարկած պատվիրակի՝ Ներսես վարդապետի խոսքին, համեմատենք.

Ղազար Զահկեցի.

«Որ պատերազմին վասըն մեր՝

Ազատեն զգերեալքս ամենայն՝

Փրկելով զագգս եւ զաղինս՝

Եւ ամենայն զաշխարհ Հայաստան (ընդգծումն՝ Ա.Ա.)»:

Ներսես վարդապետ.

«Քաջահամբաւ եւ արիասիրտ վարդապետ մի՝ յերկրէն Ռուշտունեաց Տէր Ներսէս անւանեալ, յոյժ յուզեալ եւ լալագին պատկերացոյց դառնակակիծ վիճակս համօրէն ազգիս Հայոց եւ յայտնեաց ցնծագին՝ թէ այր մի յերկրէն Սիւնեաց Դաւիթ բէկ անուանեալ, զօրաշարժութիւն արարեալ իցէ վասն հալածելոյ նեղիչք եւ կշտամբիչք մեր, միտս ունելով ազատագրելոյ արիւնածուփ զաշխարհն Հայաստան (ընդգծումը գրիչ Մխիթար արեղայինն է՝ Ա.Ա.)»:

Կարելի՞ է արդյոք այս ցայտուն նմանության հիման վրա հետևություն անել, որ Ներսես վարդապետը, խոսելով Լիմում հավաքված ժողովականների առջև, ձեռքի տակ ունեցել է նախապես իրեն տրված մի գրավոր փաստաթուղթ-դիմում: Կարելի՞ է արդյոք դրանից հետո հետևեցնել, որ Ղազար Զահկեցին ծանոթ է եղել այդ դիմումին, գուցե թե ինքն էլ հենց այդ պատասխանատու փաստաթղթի հեղինակը կամ հեղինակակիցն է եղել: Ս. Էջմիածնում կարող էին հաշվի առած լինել նրա ճարտասանական ձիրքն ու նրան հանձնարարել այդպիսի մի զգայացունց կոչ գրելը: Հովհաննես Ամասիացին Զահկեցու հռետորական արտակարգ կարողությունների մասին բազմիցս է խոսում: Ահա երկու այդպիսի հետաքրքրական դրվագ: Տեղեկանալով Ամասիայում Զահկեցու փայլուն քարոզչություն մասին, Աստվածատուր կաթողիկոսը կանչում է նրան Ս. Էջմիածին և լսում:

«Նա հրաւիրեալ կոչէ առ ինքն շեշտակի՝
յԱթոռ իւր Սուրբ Իջման բանին Միածնի,
ի փորձ առնէ զհամբաւոյն զոր լըսի,
եւ հրամայէ քարոզ ասել ի դասի:

Նոյն ժամայն անդ՝ բանայ զբերանն շնորհալի,
ի մէջ բազմաց հրահանգելոց գումարի,
աղբերաբար անդ քարոզէ ատենի.
մնան լսողք քարոզութեան ապշելի:
Ի վաղճանի հռետորական քարոզի
խոնարհի անդ ի համբուրել զԱջ վեհի.
վեհն համբուրէ զգագաթ նորին նազելի,
այլեւ գովէ՝ զիմաստ մտացն պանծալի:
Սիրով ասէ զվեհ իւր զայս բանս առաջի
համագումար անդ եղելոց ատենի,
թէ՝ «ոչ թողցեր Տէր մեզ զաւակ այսպիսի»¹⁶.
նմանէաք իբր Սօղոմայ Գօմորի»:
Էականի բարւոյն դիտմամբ զվեհն հաճի.
Իսկոյն կոչէ զմիաբանս համայնի
եւ ձեռնադրէ եպիսկոպոս ընդհանրի.
յղէ նուիրակ չորրորդ Հայոց աշխարհի»¹⁷:

*1730 թ. Դարանաղյայց գավառի Սեպուհ լեռան վրա հավաք-
ված ուխտավորները խնդրում են Զահկեցուն քարոզ կարդալ.*

«Համագումարք վարդապետքըն, որք անտի,
քարոզ ասել առ Տեառն իմոյ հորդորի.
զվեհն իմ բանայ զբերան շնորհալի,
ճառէ զկիրս Լուսաւորչին հրաշալի:
Կատարեցման հռետորական ճոխ բանի
օրհնէ գթողովն այն օրհնութեամբ, որ յերկնի.
կան հիացեալք լսողք համայն քարոզի,
եւ փառս տան այնքան շնորհաց տուողի»¹⁸:

*Հետաքրքիր է նաև, որ Լիմ անապատի միաբան Մխիթար
աբեղան՝ 1722 թ. Լիմում գումարված ժողովից որոշ ժամանակ անց
գրի առնելով իր տեսածն ու լսածը, մի ուղղակի մեջբերում է արել
Ներսես վարդապետի «յոյժ յուզեալ եւ լալագին» ճառից, ահա.*

«Արդ, ով բարեմիտ եւ Հայրենապաշտ ժողովականք, շրջեսցէք գաւառս եւ ի կողմանս յերկրին ձերոյ, խրախուսեսցէք ժողովուրդս ձեր, որ մրափեալ է ի խոր խաւարի եւ տանջարանաց, զի թոթափեսցին զլուծ անիրաւանց բռնութեանցս, եւ յորժամ մեք առաքեսցուք զՏրաւէր մարտի, բառնան ձայն ասպատամբութեան ընդդէմ մարդակեր եւ խաչահալած թշնամեաց մերոց»¹⁹:

Սա կարծես թե նույնպես հուշում է, որ Ներսես վարդապետն իր ձեռքին է ունեցել մի գրավոր կոչ-դիմում, որից էլ հետագայում օգտվել է Մխիթար աբեղան:

Ղազար Զահկեցու քաղաքական-ուսմական հարցերին քաջատեղյակ լինելու մասին է վկայում մեկ փաստ ևս: 1730 թ. Ղազարը, նվիրակությունից նոր-նոր վերադառնալով Ս. Էջմիածին, հրավիրվում է Երևանի փաշայի մոտ ինչ-որ գաղտնի գործով՝ «զի կոչեալ էր զփաշայն առ իւր ատենի՝ սակըս ծածուկ դժուարագոյն իմն իրի»²⁰: Ամենայն հավանականութեամբ, Երևանի փաշային պետք էր եղել ինչ-որ տեղեկություններ ստանալ այդ պահին Նախիջևանի կողմերում գտնվող պարսկական բանակի ու տեղի Հայ բնակչութեան դիրքորոշման մասին և նա այդ հարցով դիմել էր Ս. Էջմիածին՝ Աբրահամ կաթողիկոսին, իսկ վերջինս նրա մոտ էր ուղարկել Ղազար Զահկեցուն՝ որպէս այդ տարածաշրջանի բնիկ և ռազմաքաղաքական հարցերին առավել բանիմաց անձնավորություն:

Հետևապէս, եթե մեր ենթադրությունները ճիշտ են, ապա 1737 թ. Զահկեցին դիմել է բավական համարձակ մի քայլի. 1722 թ. ազատագրական շարժման ղեկավարների հանձնարարութեամբ՝ իր (կամ գուցե ևս մի քանիսի) հեղինակած փաստաթղթի վերն ընդգծված արտահայտութիւնները որոշել է դնել մի այլ ենթախորքի մեջ ու հրատարակել իր Երզարան-ում:

Զահկեցու «Ողբի» գլխավոր հարցադրումը իբրև ուշմիջնադարյան Հայ մատենագրութեան կենտրոնական դրույթ

Եթե վերևում առաջադրված վարկածը չի համապատասխանում իրականութեանը, ապա գործ ունենք մի բնագրային համաձայնութեան հետ, որ արգասիք է 1720-ական թվականների հայոց ազա-

տագրական պատերազմի ծնած ընդհանուր մտայնություն:

Իսկ Ղազար Զահեցու «Ողբի» գլխավոր հարցադրումը («Ու՞ր են նախկին հարքն ամենայն...») հայոց մատենագրություն մեջ իսկապես ավանդական է: Այսպես՝ Լեհաստանում XVII դարի կեսերին Հայոց եկեղեցու ղեմ ծավալված հալածանքների ժամանակ՝ լեհահայ մի անհայտ բանաստեղծ նույնպես հայ ազգի անցյալի ու ժն ու փառքն էր ոգեկոչում.

«Ու՞ր են նախնի հայրապետքն այն,
եւ քաջ հովիւքըն սրբբազան,
Որք վասն հօտին զանձինս եղին...»²¹

Ու՞ր են գաւառք մեր հայրենի,
Ու՞ր են աթոռք հայրապետի,
Ու՞ր կան թախտերն թագաւորի՝
Մեծ Արշակայ եւ Տըրդատի:

Եղեալ եմք ցիրուցան երկրի
Օտար աշխարհ եւ յոյժ հեռի,
Ի սփիւռոս ցրուեալ հեթանոսի,
Կոխան եղեալ ամէն ազգի»²²:

Ուշ միջնադարի և նոր շրջանի հայ հեղինակների այս հաճախակի հարցադրման նախատիպը, թերևս, կարելի է գտնել Արիստակես Լաստիվերտցու Պատմութեան մեջ, որը գրվել է 1079 թ.

«...Ու՞ր են Աթոռները թագավորական, էլ չեն երևում, ու՞ր են ամպի պես նրանց առջևում խտացող գորքի բազմությունները, որ գարնանաբույս ծաղիկների պես իրենց երփներանգ հանդերձանքներով փայլվում էին. ահա էլ չկան ու չեն երևում: Ու՞ր է Աթոռը հայրապետական, մեծ հրաշալի... այսօր թափուր է, գուրկ իր տիրոջից, մերկ իր վարդերից, ծածկված փոշով ու սարդոստայնով. աթոռակալն էլ որպես մի գերի ու կալանավոր քշված է օտար հեռավոր աշխարհ: Լուկ են վարդապետների ձայնն ու քարոզները. հերձվածողների խմբերը, որոնք նրանց ժամանակ ծակերը փախչող մկների նման այստեղ ու այնտեղ էին թաքնվում, հալածված նրանց աստվածաբանական քարոզներից և ուղղադավան վարդապետությունից, այսօր քաջաաիրտ առյուծների պես աներկյուղ դուրս են գալիս բներից, բերանը բացած, որ անմեղներից մեկին կլանեն...»²³

Այս ողբերը ոչ այլ ինչ են, քան Հայաստանը դարձյալ ազատագրված ու բարգավաճ տեսնելու փափագով գրված կոչեր: Հայաստանի վաղ թե ուշ ազատագրվելու թեման կենտրոնական էր հայկական ուշմիջնադարյան ու նոր շրջանի մատենագրության մեջ, ինչպես և ժողովրդական ու գուսանական երգերում: Իսկ XI, XVII և XVIII դարերից վերը բերված վկայությունները խորհրդանշում են, թե ժամանակի և տարածության մեջ որքան ինտենսիվ էր հայերի հաղորդակցությունը իրենց հայրենիքի ճակատագրի վերաբերյալ:

Այսպիսով, վերը բերված փաստերի համագրումից հանգում ենք այն եզրակացություն, որ Զահկեցու Երզարանը նախատեսված էր ծառայելու իբրև XVII-XVIII դարերում Ս. Էջմիածնի վավերացրած հայկական ազգային գաղափարախոսության մի իսկական առձեռն դասագիրք՝ իր յուրահատուկ ձևաբովանդակային ընդգրկումներով:

«Ազատագրական աղոթքը»

Ղազար Զահկեցին ազգի ցավով ապրող գործիչ էր: Իր Երզարան-ում նա հետևյալ աղոթքով է դիմում Ս. Աստվածածնին.

«Յիւսապսակ եկեղեցեաց մեր՝ հաստատութիւն,
Եւ տառապեալ ազգիս Հայոց՝ միշտ խաղաղութիւն,
Բանտարկելոց եւ գերելոց՝ տու՛ր ազատութիւն,
Աստուածածին ծնօղ միածին՝ փրկեայ՝»²⁴:

Իսկ այն, որ Զահկեցին տենչում էր Հայաստանը տեսնել ազատագրված՝ լիակատար անկախություն վերահաստատած մի հզոր պետություն, փաստում է նաև նրա ինքնագիր մատյանում գրառված մի աղոթք, որը կարելի է պայմանականորեն կոչել «Ազատագրական»:

Մաշտոցի անվ. Մատենադարանում պահվող (ձեռ. 698) Ղազար Զահկեցու ինքնագիր մատյանի 236բ էջում կարդում ենք հետևյալ աղոթքը.

«Մանավանդ ազգս հայկազյան՝ մեղքերի պատճառով անարժան դարձած և օտարացած, մեղքերի հողմով փոշու պես ցանուցիլ եղած երկրի երեսին՝ օտարասեռ ազգերի և ցեղերի մեջ:

Հայցում ենք ամենախնամ և ամենագուլթ Արարչից, որ պեսզի կտրվածը դարձյալ բժշկի.

և Հոգու գրգանքով - իբրև թռչունը, որ ձագերին իր թևերի տակ է ժողովում - իր ամրածածուկ աջով վերստին հավաքելով հայերին նրանց վիճակված սեփական, բնիկ և հայրենի երկրի ու գավառների մեջ, վերանորոգի այնպես, ինչպես ստեղծել էր ամենասկզբում պանծալի փառքով և բարգավաճող արդյունքով:

Ուժ տա, կազդուրի և հաստատահիմն դարձնի թագավորական ու Հոգևոր ինքնիշխանությամբ և ամեն տեսակ բարիքներով:

Հաղթող և զորավոր դարձնի ճշմարտության բոլոր թշնամիների դեմ»:

[Մանաևանդ զազգս հայկազեան, զտարժանեալս եւ զվարատեալս մեղօք, զցրուեալս ընդ երեսս երկրի. իբրեւ զփոշի հոսեալ մեղաց հողմով ի յազգս եւ յազիսս օտարասեռս:

Հայցեսցուք յամենախնամ եւ յամագուլթ Արարչէն.

զի որ եհատն դարձեալ բժշկեսցէ.

եւ գրգամբ հոգուոյն, իբրեւ հաւ զձագս ժողովեալ ընդ թեւօք իւրովք, եւ ամրածածուկ աջովն իւրով հաւաքեալ վերստին ի սեփական, ի բնիկ եւ ի հայրենի երկիրս եւ ի գաւառս հայկական վիճակի, նորնորոգեսցէ իբրեւ զառաջնաստեղծն՝ պերճ փառօք եւ բարգաւաճեալ յարգասիւք.

կարողացուցէ, կազդուրացուցէ եւ հաստատահիմն արասցէ թագաւորական եւ քահանայական ճոխութեամբ եւ յամենայն որպիսութեամբ բարեաց.

յաղթող եւ զօրաւոր արասցէ ընդդէմ ամենայն ներհակաց ճշմարտութեան:]

Այս տողերը գրի են առնված ընդհանուր շարադրանքից հետո. 236ա էջը դատարկ է, իսկ դրան նախորդող երեք էջը պատուածհանված են (էջերը համարակալելիս, այս բացը որևէ կերպ չեն նշել): Բացի այդ, այս աղոթքը թեև գրված է նույն գրչի՝ Ղազար Զահկեցու ձեռքով (յեղուն և ոճը առավել ևս նրանն են), սակայն, շարադրանքում եղածի համեմատ, գիրը փոքր-ինչ մեծ է և անխնամ, կարծես գրված լինի հոգու խռովության պահին կամ ծեր հասակում: Ըստ երևույթին, Ղազար Զահկեցին գրառել է այս աղոթքը ձեռագիրը պատրաստելուց ավելի ուշ, այսինքն՝ 1719 թ. հետո, որովհետև աղոթքի մոտիվները գտնում ենք նաև 1726 թ. նրա շարադրած հիշատակարանում²⁵:

Հետաքրքիրն այն է, որ այս աղոթքի ավելի վաղ (գուցե և՛ ոչ նախնական) տարբերակը գրի է առնվել դեռևս 1674 թ. ոմն Փարթամ գրչի կողմից²⁶: Սա նշանակում է, որ Հայ եկեղեցու գաղափարախոսությունը ներառում էր հատուկ ազատագրական աղոթքների մի ավանդություն, որի պահպաններից ու զարգացնողներից էր նաև Ղազար Զահկեցին:

Ինչևէ, անվտանգություն հասկանալի նկատառումներից ելնելով, Զահկեցին այս աղոթքը դուրս է թողել իր պատրաստած Աստուածադերս ժողովածուից: Թե որքան տարբեր էր Հայ եկեղեցու հրապարակային քարոզը նրա գաղտնի տրամադրություններից, կարելի է պատկերացնել, համեմատելով Զահկեցու գրառած «Ազատագրական աղոթքը» տպագիր Աստուածադերս-ի աղոթքներից մեկի հետ, որտեղ Աստուծոց դարձյալ աղերսվում է հաստատել «գՍուրբ Կաթողիկէ եւ Առաքելական եկեղեցի քո զէջմիածին եւ զամենայն վանորայս եւ զեկեղեցիս Հայաստանեայց անշարժ եւ հաստատուն մնալ ի ներկայումս եւ առ յապայ», այլևս ոչ մի խոսք չասելով Հայոց անկախ պետականության վերահաստատման մասին: Փոխարենը՝ կան կայսրության հավատարիմ ռայային պատշաճող ահա այսպիսի տողեր. «պահեա՛... զբարեպաշտ թագաւորս եւ զիշխանս շխարհաց, զօրացո՛ զօրութեամբ քով եւ կարողացո՛ ընդդէմ օտար թշնամեաց»²⁷:

Ղազար Զահկեցու գրառած այս աղոթքը՝ թեմատիկ ուղղվածությամբ և բառապատկերային որոշ փոփոխությամբ՝ ակնհայտ ազդեցություն է կրել Ստեփանոս Սյունեցու «Ողբք եւ հառաչանքի» վերջաբանից, ահա.

«Թողումք զողբանք զցաւագին,
Առնեմք աւարտ՝ լալեաց բանին:
Յուսահատիլ՝ չէ պարտ բնաւին
Մեզ ի յուսոյ անմահ բանին,
Որ ի քարանցն անշնչային
Կանգնէ որդիս Աբրահամին:
Այլ պաղատիլ մեզ խիստ ուժգին,
Գիրկա արկանել ոտից նորին:
Զցայգ եւ զցերեկ՝ կանխել ի սոյն
Արթուն ի քնոյ զբաղականին:

Զի թէ կարճէ գչափ չարին,
 Որ մինչ ցայսօր ընդ մեզ անցին,
 Առնէ վաղճան սրգոյս խորին,
 Զոր բազմամեայ կրեմք յանձին:
 Տայ նորոգումըն մեզ կըրկին,
 Որ բնաւ չյիշեմք գփառսն առաջին:
 Կանգնէ զաթոռ թագաւորին
 Եւ զգաւազան Պատրիարքին.
 Ամենեցունց ըստ իւր կարգին:
 Ուղղէ զգահոյս տիրականին,
 Նոր զարդարէ փառօքն հին,
 Եւ առաւել, քան զոր էին:
 Տայ մեզ գոչել ձայնիւ ուժգին.
 Վերջինս է մեծ, քան զառաջինն:
 Եւ մեք ամենս՝ ի միասին,
 Տամք գոհութիւն մեր փըրկողին
 Հօր եւ Որդւոյ եւ Սուրբ Հոգւոյն,
 Փառք եւ պատիւ անեղ Բանին:
 Յաւէտ ամօք, որ չվճարին
 Այժմ եւ անկէտ՝ յաւիտեանին
 (ընդգծումն՝ Ա.Ա.)»²⁸:

Իսկ Սիմեոն Երևանցին, կարծես արձագանքելով Զահկեցու և մյուսներին՝ հայ ազգի «երկրի երեսին փոշու պես ցանուցիր» լինելու ցավին, քաղաքագետ-պատմաբանի սառնասարտությամբ ժամանակագրական հստակ շրջանակի մեջ է դնում այդ երևույթը.

«Արդ, ի սրբոյն Գրիգորէ Լուսաւորչէն մերմէ միջեւ ի սուրբն Գրիգոր Տղայ կոչեցեալն Հայրապետ... յամս ՊԺԳ (813), [այսինքն՝] մինչեւ ի ՇԿԶ (1117) թուականն մեր... յայսքան միջոցս ազգ մեր գոյր անտարագիր, անցանեցիր եւ համաժողով յերկիրս Հայոց, եւ Հայկական իշանութեամբ վարիւր ըստ հոգւոյ եւ ըստ մարմնոյ (թէպէտ երբեմն պայծառ եւ երբեմն նուազ) եւ կաթողիկոսն ի յերկիրս իւր նստիւր՝ եւ զազգն ընդ ձեռամբ ունէր»²⁹:

Պատառիկներ Զահկեցու Հայրենասիրական-ազգայնական գաղափարախոսության

Զահկեցու Հայրենասիրական-ազգայնական գաղափարախոսությունը, հոետորական և գեղագիտական հնարների տեսքով, սփռված է նրա ստեղծագործությունների տարբեր էջերում:

Այսպես՝ Դրախտ ցանկալի-ի «Հայոց գերազանցութիւնք» անվանված գլխում (էջ 666-670)³⁰, Զահկեցին վիճաբանում է կաթոլիկ հոգեորսության այն քարոզչական կարևոր դրույթի դեմ, որը հայերին նախատում ու միաժամանակ գայթակղում էր, թե՛

«ահա՛ ունիմք մեք զթագաւորութիւնս ճոխս եւ զազգս մեծամեծս, իսկ դուք, հայք, ոչ ունելով թագաւոր, ստրուկ եւ փոքր դրով ոչ հնազանդիք իշխանութեանս մերում հոռօմէականի»³¹:

Զահկեցու պատասխաններում երևակվում են ազգայնականի հոգեբանությունն ու գաղափարախոսությունը, ինչպես նաև միջազգային հարաբերություններին նրա գիտակցությունը.

«սնտիք են, որք իշխանութեամբ պարծին ազգն երկաբնակաց եւ ասեն՝ «մեք միայն ունիմք զթագաւորութիւն եւ զհայրապետութիւն եւ ամենայն ազգ եւ ազինք պարտին հնազանդիլ մեզ»:...քանզի ոչ միայն յինքեանս գտանի պերճութիւնս այս նիւթականաց, այլեւ ի բազում ազգս, այսինքն՝ ի հապէչս, ի մօսիօֆս, ի լօթրանս (իմա՛ բողոքականների, լյութերականների, Ա.Ա.), ի մահմէտականս, ի կռամոլ հնդիկս եւ ի զանազան ազգս բազումս եւ ի սոսկավիթիար ազինս յոլովս գտանին իշխանութիւնս եւ պետութիւնս...»

Իսկ եթէ զփոքրկութիւն մեր եպերեն, եւ այդ չէ ինչ տարադէպ: Եւ մեք վասն պատուիրանի Տեառն եւ վասն յուսոյ արքայութեան նորին՝ յանձն առնումք զայդ: Քանզի Տերն բնաւից՝ փոքերց խոստացաւ զարքայութիւն, ասելով՝ «մի՛ երկնչիբ հօտ փոքրիկ, զի հաճեցաւ հայր ձեր տալ ձեզ արքայութիւն» (Մատ. 22.14)...

Եւ լաւ է մի գոյացութիւն, քան զբազում պատահումս: Եւ մի արեգակն, քան զբազում աստեղս: Եւ մի գլուխ, քան զբազում անդամս: Մի՛ ակն պատուական, քան զբազում քարինս անպիտան»³²:

Այս վերջին տողն իր հիմքում ունի համընդհանուր տարածում գտած հայ ժողովրդական մի հատու բանաձևում, որ հանդիպում է նաև XVII դարի բանաստեղծ Դավիթ Սալաձորցու խաղերից մեկի մեջ.

«Որպէս ակն ու գոհար, մարգարիտ մանր է,
Նոյնպէս հայն փոքր ազգ է եւ գինն ծանր է»³³:

Փաստորեն, Ղազար Զահկեցին իր ստեղծագործութիւններում մշակել է ազգային գաղափարախոսութեան բավական ընդգրկուն մի տեսութիւն, ինչը թույլ է տալիս նրան համարելու Գրիգոր Տաթևացուց հետո հայոց ամենախոշոր գաղափարախոսներից մեկը:

Ղազար Զահկեցին ընդդեմ կաթոլիկ քարոզչութեան

Զարմանալի է, որ հայրենասիրական-ազգայնական այդպիսի հաստատուն դիրքերի վրա կանգնած հոգևորականը, կաթոլիկոս դառնալուց առաջ էլ, դրանից հետո էլ միշտ անզիջում դիրքորոշում է հանդես բերել կաթոլիկ քարոզիչների և քարոզչութեան հանդեպ: Նրա վաղ շրջանի հայադավանապաշտ անխախտ դիրքորոշումների մասին կարելի է պատկերացում կազմել դեռևս 1719 թ. գրված Կերակուր վարդապետացի-ի հետևյալ տողերից. «Կարկեա՛, Տէր, զբերան հերձուածողաց, շիջո՛ եւ լռեցոյ զխռովութիւնն»³⁴: 1732 թ. Կ. Պոլսից հեռացած և Թրակիայում ապաստանած Ս. էջմիածնի ծայրագույն նվիրակ Ղազարը, իր Դրախտ ցանկալի-ի մեջ, դարձյալ իր գրիչն ուղղում էր կաթոլիկացած հայերի և կարծես նաև նրանց որոշակի զիջումներ անող բարձրաստիճան եկեղեցական գործիչների դեմ, մասնավորապես գրելով.

«Արդ, մի գուցէ վասն ձայնի վիճմանց եւ կականմանց ողբոց եւ աղաղակացս, արք ոմանք համարեսցեն զմեզ ամբարիշտս եւ մարդատեսցս. զոր քաւ եւ մի՛ լիցի ընդ այսմ մասին մեղանչել մեզ... Վասն զի որովայն իմ ցաւի եւ զգայարանք իմ ճմլին վասն կորստեան հոգևոց ոմանց ի մենջ հետեւոց կարգաւորաց եւ աշխարհականաց, որք ինքեանք մոլորեցան ի ճշմարտութեանն ճանապարհէ եւ զայլս միշտ մոլորեցուցանելոյ ո՛չ դադարին երբէք...»³⁵:

1737 թ. լույս տեսած Աստուածադերս-ում Զահկեցին դարձյալ խոսում է նույն ցավոտ խնդրի մասին. «Շնորհեա՛, Տէր,...հերձուածողաց կարկումն, աղանդից խափանումն» (էջ 244) կամ «հերձուածողաց եւ հերետիկոսաց՝ ստորասզութիւն» (էջ 252):

Իսկ կաթողիկոս ընտրվելուց հետո, ըստ մի հավաստի աղբյուրի՝

«Ճահուկցի Ղազար Կաթողիկոսն հարուցեալ շրջեր զգրունս մեծամեծացն զի հանիցեն յամենայն պատրիսն (իմա՝ կաթողիկ միսիոններն) ի յերկրէն Պարսից»³⁶:

Ղազար Զահկեցին իր ամբողջ կյանքն անց էր կացրել կաթողիկ պառակտիչ քարոզչության դեմ մղած անդիջում գաղափարախոսական պայքարում. պայքար, որ իր արտահայտությունն է գտել նրա բոլոր ստեղծագործություններում: Սակայն հզոր ուժի դեմ Ղազար Զահկեցու ձեռնարկած այս ծառայումն անհետևանք մնալ չէր կարող, այն էլ՝ Հայաստանի համար անկումային և ծանրագույն մի ժամանակաշրջանում, երբ հայ եկեղեցական գործիչներից շատերը փորձում էին զիջումների գնով հաշտվել Հռոմի հետ, իսկ շատերն էլ՝ ուղղակի նետվում էին կաթողիկոսության գիրկը: Այս ընդհանուր միջնորդում Ղազարն ուներ քիչ դաշնակիցներ և շատ թշնամիներ: Նրա յուրաքանչյուր վրիպումը, յուրաքանչյուր սխալն ուռճացվում էին և ենթարկվում վարկաբեկումների և հարձակումների: Ղազար Զահկեցու կերպարը հատկապես տուժել է (և, ցավոք, մինչև այսօր էլ լիովին չի վերականգնվել) Ղազարին ժամանակակից մխիթարյանների միակողմանի հաղորդումները՝ Չամչյանի Հայոց պատմության միջոցով լայն շրջանառության մեջ դնելուց հետո: Մխիթարյանների թշնամությունը Ղազար Զահկեցու նկատմամբ եղել է այնքան խորն ու երկարատև, որ Չամչյանի անսովոր ընդարձակ բացասական անդրադարձը Ամենայն Հայոց այս կաթողիկոսին ընդունել է ցցուն վարկաբեկիչ բնույթ³⁷: Արդյունքում՝ անգամ Օրմանյանի պես հակակաթողիկ հեղինակը տուրք է տվել Ղազարի անձին մխիթարյանների և նրա մյուս հակառակորդների տված գնահատականներին³⁸: Սակայն նույն Օրմանյանը մի ամփոփիչ խորաթափանց նկատողությամբ, դիտել է տվել նաև Ղազար Զահկեցու փառավոր կաթողիկոս լինելը.

«Եթէ գիտցած ըլլար իր ձիրքերը՝ կիրքերէ զերծ պահելով արդիւնաւորել, անշուշտ աւելի հանդարտ ու երջանիկ, եւ տագնապներէ տառապանքներէ զերծ կեանք վարած կըլլար, եւ իր անունը լաւագոյն կաթողիկոսներուն հետ կդասուէր. մինչ այժմ իր անտեղի գործերն են, որ լաւ եւ ընտիր կողմերն ալ կքողարկեն եւ կաղաւաղեն, եւ իր անունը փառաւոր յիշատակէ կը գրկեն»³⁹:

*Կարծում ենք, սույն ուսումնասիրութիւնը վերականգնում է Ամենայն Հայոց այս հայրապետի հանիրավի սևացված անունն ու մեծ վաստակը, մասնավորաբար՝ ի հայտ բերելով, թե ինչպիսի ժամանակներում, ինչ միջավայրում և ինչ հզոր ուժերի հակազդեցութեան ներքո է գործել Ղազար Զահկեցին*⁴⁰:

ԾԱՆՈԹԱԳՐՈՒԹՅՈՒՆՆԵՐ

¹ **Ղազար Զահկեցի, Գիրք նորաբոյս, որ կոչի ԵՐԳԱՐԱՆ**, էջ 178:

² «Իսկ ազգիս Հայոց ի յԱստուծոյ առանձնական բարութիւն պարգեւեալ այսոքիկ. Առաջին՝ դարձն հրաշիւք: Երկրորդ՝ Սրբոյն Գրիգորի, որ վասն շինութեան եկեղեցւոյ տեսիլն: Երրորդ՝ յերկոտասանից առաքելոցն երիցն ի Հայս քարոզութիւնն եւ վախճան: Չորրորդ՝ Աբգարու թագաւորին նախընծայ ի Քրիստոս հաւատալն: Հինգերորդ՝ աստուածապարգեւք գիրն: Վեցերորդ՝ տապանն Նոյի յԱրարատ ի լեռն Մասիս: Եօթներորդ՝ եղեմաբուզի երից գետոց հոսումն: Ութերորդ՝ զի արեւելեանք կոչին հայք: Ինններորդ՝ եւ յասմ կողմանէ եւ աստուածատունկ գրախոսն: Տասներորդ՝ եւ այսմ կողմանէ՝ շարժին լուսաւորքդ ի յընթացս իւրեանց, որ են կարապետ մեծին լուսոյ ծագմանն, վասնզի արեգակն արդարութեան Քրիստոս հայրական փառօք եւ աստուածազումար դասուք եւ կարապետեալ աստուածային նշանն անտի գալոց է ըստ Տեառնն (որպէս փայլակն, որ ելանէ յարեւելից՝ այսպէս եւ գալուստն որդւոյ մարդոյ)» - **Գրիգոր Տաթեւացի, Գիրք հարցմանց** (Կոստանդնուպօլիս, 1729), էջ 555:

³ **Դրախտ ցանկալի**, էջ 670-678:

⁴ Նույն տեղում, էջ 677:

⁵ Հմմտ. **Արմեն Այվազյան, Հայ զինվորականութեան պատվո վարքականոնը (4-5-րդ դարեր)**: Երևան, «Արտագերս», 2000, էջ 7-10, 16-24:

⁶ Հայկական Հին և միջնադարյան ազգայնականութեան առանձնահատկութիւնները մասին տես **Արմեն Այվազյան, Մայրենի լեզուն և ազգայնա-**

կանության սկզբնավորումը (հայկական և եվրոպական ազբյուրների համեմատական քննություն): Երևան: Մատենադարան. «Արտագրեր», 2001:

⁷ Գրիգոր Տաթևացի, Գիրք հարցմանց, էջ 552:

⁸ Ազատագրական լեգենդի մանրամասն քննությունը տե՛ս Աչ. Հովհաննիսյան, Դրվագներ հայ ազատագրական մտքի պատմության: Գիրք Ա, Երևան, 1957:

⁹ Տե՛ս Գրիգոր Տաթևացի, *Ընդդէմ Տաճկաց*: Ուսումնասիրեց եւ հրատարակեց՝ Բաբգէն Կիւլէսէրեան (Վիեննա, 1937), էջ 12-13:

¹⁰ Դրախտ ցանկալի, էջ 512:

¹¹ ԶԱՔ, Բ, էջ 81:

¹² Զամբու, էջ 52:

¹³ “The Patriarch at Etchmiadzin is of incalculable importance to the unity and nationality of the Armenian people. It is the central point where pilgrims, from the Ganges and the Indus, the Euphrates and the Nile, the Volga, the Neva, and the Bosphorus, first meet and become acquainted, and form ties of fraternal union... Thus the unity of the national Church is constantly recognized and cemented afresh;” **Baron A. von Haxthausen**, *Transcaucasia* (London, 1854), pp. 308-309:

¹⁴ Մաշտոցի անվ. Մատենադարան, ձեռ. 9245, էջ 56ա:

¹⁵ Նույն տեղում:

¹⁶ Եսայիայ, Ա, 9:

¹⁷ Մաշտոցի անվ. Մատենադարան, ձեռ. 9245, էջ 54բ-55ա:

¹⁸ Նույն տեղում, էջ 61ա-61բ. Ղազար Զահկեցու փայլուն քարոզների մասին տե՛ս նաև էջ 62ա, 62բ, 63ա, 63բ:

¹⁹ Տե՛ս աստ, Հավելված Ե:

²⁰ Մաշտոցի անվ. Մատենադարան, ձեռ. 9245, էջ 60ա:

²¹ Ղ. Ալիշան, Կամենից, էջ 203:

²² Նույն տեղում, էջ 212. հմմտ. Ա. Զոպանեան, *Հայ էջեր* (Փարիզ, 1922), էջ 13:

²³ Արիստակես Լաստիվերոցի, Պատմություն: Թարգմանությունը՝ Վ. Ա. Գևորգյանի (Երևան. «Հայաստան», 1971), էջ 68:

²⁴ Ղազար Զահկեցի, Գիրք նորաբոյս, որ կոչի ԵՐԳԱՐԱՆ, էջ 18:

²⁵ Բերենք այդ երկու ստեղծագործությունների մեջ եղած նմանություններից մի ցայտուն օրինակ.

«Ազատագրական աղոթք»՝ «Հայցեսցուք յամենախնամ եւ յամագուծ Արարչէն. զի որ եհատն դարձեալ բժշկեսցէ».

1726 թ. հիշատակարան՝ «Այլ ակն ունիմք ի գթուլթիւն Աստուծոյ... նա՛ բռնկեցեց զվիրաւորեալ մարմին իւր...»։ - Հմմտ. *Մաշտոցի անվ. Մատենադարան*, ձեռ. 2121, հատկապես էջ 368բ-369ա. տե՛ս աստ, Հավելված Բ)։

²⁶ Բ. Կիւլէսէրեան, *Ցուցակ ձեռագրաց Անկիւրիոյ...*, էջ 747։

²⁷ Ղազար Զահկեցի, *Աստուածաղբերս*, էջ 242-243։

²⁸ «Ողբք եւ հառաչանք ի դիմաց Մօրս մեր սրբոց Աթոռոյն էջմիածնի Տեառն Ստեփանոսի Սիւնեաց այցելուի, որդւոյ Տարսայիճ իշխանի, ըստ խնդրոյ Վարդապետին Խաչատրոյ Կեչառեցւոյ ի ՉԽԸ (1299) թուիս մերոյ»։ - Կալկաթա, 1846, էջ 26-28. այս «Ողբ»-ի որոշ հատվածները հրատարակվել են հետևյալ վերնագրով՝ «Ողբ ի դիմաց Վաղարշապատու Ս. Կաթողիկէի»։ - *Գանձարան հայ հին բանաստեղծութեան*։ Աշխատասիրութեամբ՝ Պողոս Խաչատրյանի (Երևան, «Հայագիտակ», 2000), էջ 402-405 (քաղված Կ. Կոստանյանցի 1885 թ. թիֆլիսյան հրատարակութեան)։

²⁹ *Զամբու*, էջ 53։

³⁰ Այս գլխի խորագիրը տրված է *Դրախտ ցանկալի*-ի ցանկում, էջ 693։

³¹ Նույն տեղում, էջ 666։

³² Նույն տեղում, էջ 667-668։

³³ *Ուշ միջնադարի հայ բանաստեղծությունը (XVI-XVII դդ.)*։ Հ. Բ. Աշխատասիրութեամբ Համիկ Սահակյանի (Երևան, 1987), էջ 363։

³⁴ *Մաշտոցի անվ. Մատենադարան*, ձեռագիր 698, էջ 235ա։

³⁵ *Դրախտ ցանկալի*, էջ 680-681։ Այս դառը խորհրդածութեանները որոշակիորեն ձայնակցում են Ստեփանոս Օրբելյանի հետևյալ տողերին, որոնց Ղազարը, թվում է, ծանոթ պետք է լիներ. «...եւ աներկիւղ բարբառով յառաջ մատչիմ, ձայն արկանեմ յազգս Թորգոմայ... Աւաղ եւ եղուկ եմ ես։ Քանի՞ վնասք առ մեօք մտին յեկեղեցի։ Քանի՞ սերմանք օտարք ընծիւղեցան յանդաստանս մեր. թողին զաղբիւրն ջրոյ կենդանոյ. ոչ լուան իմաստնոյն, թէ՛ «արբ ջուր ի քոց ամանոց» (Տե՛ս **Ստեփաննոս Օրբելեան, Հակաճառութիւն ընդդէմ երկաբնակաց**։ Շարադրեալ ի թուին Հայոց ՉԾԱ (1302) ի կաթողիկոսութիւն Գրիգորի Անաւարդեցւոյ։ Կ. Պօլիս, 1756, էջ 4, 93)։

³⁶ **Համազասպ Ոսկեան, Եղիա Աստուածատուրեան Մուշեղեան** (Վիեննա, 1927), էջ 46-47։

³⁷ ՉԱՄ, էջ 818-822, 827-835, 837-841։

³⁸ ԱԶԳ, սյուն. 2022-2028։

³⁹ ԱԶԳ, սյուն. 2034։

⁴⁰ Ղազար Զահկեցու, ինչպես նաև Հայոց բազմաթիւ այլ փառահեղ կաթողի-

կոսները անուշը կրող որևէ փողոց կամ հրապարակ այսօրվա Հայաստանում չկա: Սակայն, զարմանալիորեն, 1990-ական թթ. երևանյան մի փողոց անվանակոչվել է ի պատիվ Կարապետ Ուլնեցու՝ մի կաթողիկոսի, որը պաշտոնավարել է ընդամենը երեք տարի (որից երկուսն է միայն Ս. Էջմիածնում անցկացրել) և գրական շատ համեստ ժառանգություն է թողել: Թե հայոց մյուս կաթողիկոսների համեմատ Կարապետ Ուլնեցու ո՞ր առավելություններն են ցանկացել ընդգծած լինել փողոցն անվանակոչած այրերը՝ պարզ չէ: Գուցե նրանց դուր է եկել Կարապետ Ուլնեցու՝ կաթողիկոսների նկատմամբ բռնած հաշտարար դիրքորոշումը, որն, ինչպես վերը ցույց ենք տվել, դրդված էր դուրս քաղաքական հանգամանքներով և Հայոց եկեղեցու դիրքերն ամրապնդելու սխալ հաշվարկով:

Գ Լ ՈՒ Խ Ժ .

ՕՍՄԱՆՅԱՆ ՆԵՐԳՈՐԾՈՒԹՅՈՒՆԸ ԱՄԵՆԱՅՆ ՀԱՅՈՅ ԿԱԹՈՂԻԿՈՍՆԵՐԻ ԸՆՏՐՈՒԹՅԱՆ ՎՐԱ (1725-1734 թթ.)

Ընդհանուր դիտարկումներ

Կարապետ Ուլնեցու ընտրությունը կապակցությամբ վերն արդեն նշել ենք, որ Բարձր Դուռն անպայման ցանկանալու էր էջմիածնի գահին բազմած տեսնել Օսմանյան կայսրությունում պաշտոնավարած վստահելի մի անձի, և ոչ թե արևելահայ եկեղեցական գործիչներից որևէ մեկին, որը նախկինում կարող էր կապեր հաստատած լինել պարսկական ու ռուսական իշխանությունների հետ, կամ Արցախում և Սյունիքում թուրքերին դիմադրող հայ զինվորության հնարավոր գաղտնի աջակիցը լինել: Բայց նույնը կարելի էր ասել նաև Այսրկովկասի օսմանյան ռազմակալման տարիներին (1724-1735 թթ. միջև ընկած միջոցին) Ամենայն Հայոց կաթողիկոս ընտրված բոլոր երեք գործիչների մասին. մինչև կաթողիկոսանալը ո՛չ Կարապետ Ուլնեցին, ո՛չ Աբրահամ Մշեցին, և ո՛չ էլ Աբրահամ Կրետացին Օսմանյան կայսրության սահմաններից անդին երբևէ չէին գործել: Կարապետ Ուլնեցու կենսագրությունն արդեն ներկայացրել ենք: 1705 թ. Աբրահամ Մշեցին, դուրս գալով Ամրդուլի համալսարան-վանքից, հաստատվել էր Մշո Ս. Կարապետում, որի վանահայրն էր դարձել 1717 թ. ու Օսմանյան կայսրության տարածքից երբեք չէր բացակայել¹: Իսկ Աբրահամ Կրետացին 1709 մինչև 1734 թթ. անընդմեջ եղել

էր Թեքիրտաղի հայոց թեմի առաջնորդը, այդ ընթացքում միայն երկու տարի՝ 1719-1720 թթ., անցկացնելով Երուսաղեմում²:

Կաթողիկոսական այս երեք ընտրութիւնները կարելի է դիտել իբրև օրինաչափ մի շարք: Արարատյան երկիրը ռազմակալելուց հետո Բարձր Դուռը, թեև Հայ եկեղեցուն հնարավորութիւն էր ընձեռել ազատորեն կաթողիկոսական ընտրութիւններ անցկացնել, սակայն առաջ էր քաշել մի պարտադիր պայման, ըստ որի՝ առժամանակ, մինչև Այսրկովկասում իր դիրքերի վերջնական ամրապնդումը, Ս. Էջմիածնի գահին չպետք է բազմեին նախկին պարսկահպատակ եկեղեցական գործիչները, այլ միայն նախկին օսմանահպատակները:

Մի կարևոր հարց, սակայն, դեռևս պարզաբանման կարիք ունի: Ի տարբերութիւն Կարապետ Ուլնեցու, որն ընտրվել էր Կ. Պոլսում՝ առանց Մայր Աթոռի միաբանութեան վճռորոշ մասնակցութեան և հատուկ արտահայտած ցանկութեան, հաջորդ երկու կաթողիկոսների թեկնածութիւնն առաջադրել և առանց ժամանակ կորցնելու ընտրել էին Ս. Էջմիածնում: Ինչու՞ էին Ս. Էջմիածնում գերադասել հենց Աբրահամ Մշեցուն և Աբրահամ Կրետացուն Հայ եկեղեցու օսմանահպատակ այլ երևելի գործիչներէից:

Աբրահամ Մշեցու ընտրութեանը նպաստած ցարդ անհայտ պարագաները

Ինչու՞ Կարապետ Ուլնեցու մահից հետո Մայր Աթոռի միաբանութիւնն առանց վայրկյան իսկ կորցնելու անմիջապէս իր ընտրութիւնը կանգնեցրեց Մշո Ս. Կարապետի առաջնորդ Աբրահամ Մշեցու վրա: Վերջինիս կաթողիկոս ընտրելու վճռի վրա ազդած պետք է լինէին երկու հանգամանք:

Առաջին, ինչպէս վերն արդեն նշվել է, Աբրահամ Մշեցին կտրուկ դեմ էր իր նախկին ամբողջի դասակից Կոլոտ պատրիարքի՝ կաթոլիկների նկատմամբ վարած զիջողական-հաշտարարական քաղաքականութեանը: Այս հարցում Աբրահամի և Մայր Աթոռի միաբանութեան (ու ողջ արևելահայ կղերի) հայացքները լիովին համընկել են:

Երկրորդ հանգամանքի մասին ստիպված ենք խոսել որոշ վերապահութեամբ, թեև այս ենթադրութիւնն անելու համար ունենք

ծանրակշիռ հիմքեր: Դեռևս XVII դարի երկրորդ կեսին և XVIII դարի սկզբին արևմտահայոսթյունը նույնպես հույժ գաղտնի ապստամբական պատրաստություններ էր տեսնում. 1701 թ. արևելահայ գործիչները հայտարարում էին, որ տասնյակ հազարավոր արևմտահայեր միանալու են իրենց բարձրացնելիք ապստամբությանը³: Արդ, մեծ հավանականությամբ կարելի է պնդել, որ տակավին 1719-1722 թթ. Մայր Աթոռի միաբանության և Աբրահամ Մշեցու միջև եղած պետք է լիներ հույժ գաղտնի հաղորդակցություն՝ ծրագրվող համահայկական զինված ապստամբությանը Տարոնի բերելիք կարևոր մասնակցության վերաբերյալ:

Ավելի հստակ: Ինչպես վերն այլ առիթով արդեն ասվել է, 1722 թ. օգոստոս-սեպտեմբերին Լիմ անապատ էր ժամանել արևելահայ ապստամբների պատվիրակը, որի խրախուսանքով Վասպուրականի հայոսթյան աշխարհիկ և հոգևոր ավագանին որոշել էր նախապատրաստություններ տեսնել՝ միանալու համար Արևելյան Հայաստանում բռնկված զինված ապստամբությանը.

«Առաջնորդք եւ վարդապետք եւ քահանայք եւ իշխանք ամրակառոյց քաղաքիս Վանայ, մեծամեծք գաւառաց Վասպուրականի, Մելիքք յերկրաց Քաջբերունեաց եւ Բզնունեաց, գիւղապետք համայն գիւղօրէից հաւաքեալ եղեն ի ծովապատ սուրբ մենաստանս»⁴:

Այս գաղտնի ժողովում ընդունած որոշումներին իր օրհնությունն է տվել նաև Աղթամարի կաթողիկոս Հովհաննես Զորեցին (կաթողիկոս է եղել ոչ ուշ, քան 1720-ից մինչև 1725 թ.):

Թեև 1722 թ. Լիմի ժողովից հետո, վերն արդեն նշված պատճառներով, Վասպուրականում և առհասարակ Արևմտյան Հայաստանում ապստամբական քայլեր չձեռնարկվեցին, սակայն հինգ տարի անց՝ 1727 թ. հոկտեմբերին, Թուրքիայում հետախուզական ինչ-որ գաղտնի առաքելություն կատարող հայ ազատագրական շարժման գործակալները հայտնում էին, որ, նախկինում կնքված պայմանավորվածություն համաձայն, Վասպուրականի և Դիարբեքիլի շրջանների ասորիներն ու Պազուքի ցեղի քրդերը պատրաստ են միանալ հայերին՝ օսմանցիների դեմ նրանց ապստամբելու դեպքում⁵:

Ի դեպ, ասորիների հետ գաղտնի դաշինքի հաստատմանը

կարող էր անձնական կապերով նպաստած լինել Մինաս վրդ. Տիգրանյանը, որը ծնվել էր, ինչպես ինքն է ասում՝ «Տիգրանակերտում, որ Ասորեստանում է» («родился я в граде Тиграна в Ассирии»)՝: Նույն դերը կարող էր կատարած լինել նաև արևելահայ շարժման պատվիրակը՝ Ներսես վարդապետը, որը ծնունդով ոչտունեցի էր, այսինքն՝ նույնպես ասորիների բնակավայրերին մոտ շրջանից և գուցե նաև Մինասի միջոցով շարժմանը ներգրավված անձ: Նկատենք նաև, որ Հայ ազատագրական շարժումների գաղտնի կապն ասորիների հետ առկա էր տակավին XVII դարում⁶:

Փաստերը, այսպիսով, ցույց են տալիս, որ նախապատրաստվող ապստամբությունը տեղեկացված են եղել թե՛ ասորիները, և թե՛ քրդական որոշ աշիրեթներ. սա նշանակում է, որ հայկական գինված ուժերի խոշոր բեկորներից մեկը պահպանած տարածագոտին՝ Մուշ-Սասունը պետք է անպատճառ և պարտադրաբար նույնպես տեղեկացված լիներ այս գաղտնի կապերի և նախապատրաստական գործողությունների մասին: Իսկ այդ պարագայում, Մուշ-Սասունում ազատագրական գաղտնի պատրաստությունների ղեկավար դերերից մեկն ստանձնելու էր ոչ այլ ոք, քան Տարոնի Հոգևոր առաջնորդը, այսինքն՝ Աբրահամ արքեպիսկոպոս Մշեցին: Այսպիսի եզրակացություն օգտին ուժեղորեն խոսում է ավելի ուշ շրջանի մի փաստ՝ չորս տասնամյակ անց Մշո Ս. Կարապետ վանքի առաջնորդ Հովհան արքեպիսկոպոսի եռանդուն մասնակցությունը Հովսեփ Էմինի ծրագրած հայկական ապստամբությունը⁷: Ավելին՝ 1763 թ. Էմինին գրած մի նամակում Հովհան արքեպիսկոպոսը վկայակոչում է ասորիների և եզդիների հետ վերահաստատված կամ, ավելի ճիշտ՝ վերանորոգված նույնատիպ ազատագրական մի դաշինքի առկայությունը, ինչն ստիպում է կարծել, թե 1720-ական թթ. մինչև 1760-ական թթ. այդ գաղտնի կապը երբեք չէր մոռացվել.

«Անցնող տասնամեկ ամիսը գրելով էի զբաղած: Ինձ շատ դյուրին եղավ ձեզմով շահագրգռել ու ձեր հերոսական մտածողությունամբն համակել Թուրքիո բոլոր կարևոր հայերը՝ Պոլիս, Զմյուռնիա, Կեսարիա, Թոքատ, Էրզրում, Տիարպեքիր...Վուեր (Վա՞ն -- Ա.Ա.) և այլն, և այլն... Գալով կովողներուն, գիտցեք որ... ձեզ պիտի դիմավորեն 40,000 մարտիկներ: Ասորիներ և եզիտի քյուրտեր նմանապես պատրաստ են միանալու մեզ»⁸:

Ինչպես վերը նշել ենք, Հայ ազատագրական շարժման անմիջական մասնակից է եղել Աստվածատուր Համադանցի կաթողիկոսը: ԱՀա նրա միջոցով էլ՝ (1717 թ. հուլիսից ի վեր¹⁰) Մշո Ս. Կարապետի վանահայր Աբրահամը պետք է տեղեկացված լիներ Հայկական նախապատրաստվող ապստամբությունը: Սա նշանակում է, որ Մայր Աթոռի երևելի այն միաբանները, որ մոտ են կանգնած եղել Աստվածատուր կաթողիկոսին, տեղյակ են եղել Աբրահամ արքեպիսկոպոսի հետ եղած կապին: 1730 թ., Կարապետ Ուլնեցու մահից հետո, Աբրահամի հետ նախկինում ունեցած այս գաղտնի կապը պետք է լուրջ դեր խաղացած լիներ Աբրահամին անվարան և անհապաղ կաթողիկոսությունն առաջարկելու համար: Ընդ որում՝ երկու կողմն էլ պետք է գոհ լինեին Հայաստանի ազատագրություն խնդրով տարիներ առաջ Հաստատված իրենց Հարաբերություններից և համագործակցությունից. այլ կերպ ասած՝ 1720-ական թթ. սկզբին Աբրահամն իր աջակցությունը պետք է հայտնած լիներ Աստվածատուր կաթողիկոսի ազատագրական ծրագրերին ու նպատակներին և անվերապահորեն օրհներ տարոնահայ գինյալների մասնակցությունը նախապատրաստվող համահայկական ապստամբությունը՝ այնպես, ինչպես 1722 թ. սեպտեմբերին վասպուրականցիների ապստամբական նախապատրաստություններն օրհներ Աղթամարի կաթողիկոս Հովհաննես Զորեցին: Այլապես՝ ազատագրական խնդրին Աբրահամ Մշեցու մերժողական կամ սառը վերաբերմունքի դեպքում, 1730 թ. նրան շտապ Ս. Էջմիածին հրավիրելը կարող էր նաև վտանգավոր լինել Աստվածատուր կաթողիկոսի մտերիմ միաբանների համար:

Մեր այս ենթադրությունը հիմնված է կողմնակի փաստերի համադրման ու վերլուծության վրա, այն հաստատող ուղղակի վկայություններ դեռևս հայտնաբերված չեն: Սակայն ուղղակի վկայությունների բացակայությունը միանգամայն բնական է, որովհետև վտանգավոր բոլոր փաստաթղթերը անվտանգության նկատառումներով ժամանակին ոչնչացվել են, հատկապես՝ եթե դրանք վերաբերել են Հայ եկեղեցու բարձրաստիճան պաշտոնյաներին և այն գործիչներին, որոնք շարունակում էին ապրել Հայաստանում:

Մի դիտարկում-հաստատում ևս: Արևելահայ ազատագրական շարժման գործիչները և Ս. Էջմիածինը, անվտանգության պահանջներից ելնելով, ոչ մի դեպքում չէին տեղեկացնելու իրենց նպա-

տակները մասին Կ. Պոլսի հայոց առաջնորդներին, մանավանդ Բարձր Դուռն հետ մշտական կապ ունեցող (ու ինքնաբերաբար մշտապես վերահսկողութեան տակ գտնվող) Պոլսի հայոց պատրիարքներին:

Աբրահամ Կրետացու ընտրութեանը նպաստած ցարդ անհայտ պարագաները

Աբրահամ Կրետացու ընտրութեանը ևս ունի հետաքրքրական չբացահայտված դրվագներ:

1735 թ. հոկտեմբերի 1-ին Գրիգոր Շղթայակիրը մի նամակ է գրում Կոլոտին, որում խոսում է նաև Աբրահամ Կրետացի նորընտիր Ամենայն Հայոց կաթողիկոսի և Կոլոտի հարաբերություններում՝ 1734 թ. ինչ-ինչ պատճառներով առաջացած լուրջ գժտվածութեան մասին.

«Եւ որովհետեւ Եղբայրդ Սուրբ առ Աստուած գնաց, եւ անուանակից նորա ի տեղի նորա նստաւ (իմա՝ Աբրահամ Բ Մշեցուն հաջորդեց Աբրահամ Գ Կրետացին - Ա.Ա.) ո՞չ ապաքէն Ռ (1000)-ապատիկ լաւագոյն է, քան զայլ ապերախտսն եւ զանիրաւս. ընդէ՞ր զԹշնամութիւն ցոյց կուտաս, հո՞գի: Եւ որովհետեւ քո գրով գնորա աշակերտ Յովաննէս վարդապետն բերեալ ես՝ ընդէ՞ր զխոստացեալդ ոչ կատարես, տալով նմա զիւր զվարդապետի գտեղն (իմա՝ Թրակիո-Թեքիրդաղի թեմը¹¹): Վասնորոյ յստակ սրտիւ աղաչեմ զքեզ. զհին սիրելութիւն՝ յատելութիւն մի՛ փոխարկիցես: Աղաչեմ եւ դարձեալ աղերսեմ. վասն խաթեր Հնացեալ ծերոյս եւ խոցեալ սրտիս, ա՛յնպէս առնիցես, զի կրկին սէր ի միջի ձերում հաստատիցի եւ մի՛ խռովութիւն: Եւ այն տղային տուր զվիճակ չօրն իւրոյ: Յոյժ սաստիկ ստիպով գրեցի, չկարացի յերկարել. խնդրեմ, զի մի՛ լիցի անտես խնդիրն իմ, եւ լեր կրկին ողջ ի Տէր, ա՛մեն¹² (ընդգծումն իմն է՝ Ա.Ա.)»:

Մեկ տարի անց այս կնճիռը մնացել էր չլուծված, որովհետև 1735 թ. նոյեմբերի 14-ին Շղթայակիրը դարձյալ հիշեցնում էր Կոլոտին.

«...զայս յուշ առնեմ քեզ աղերսիւ՝ զի իրիճայ եօմայ կէլմիչ տըր (Թուրքերեն՝ խնդրանքը ճամբու մեջ մտած է). իմ խաթերս համար զԹեքիրտաղու դիտողութիւն տուր Հոգեւոր Տիրի Յովհաննէս վարդապետին, զի դու գրեալ ես, թէ «եկ եւ տաց քեզ», ընդէ՞ր

խոստացեալսդ ջրեացես. տուր եւ հայրախնամ սիրով լեր ընդ նմա վասն սիրոյ հնազոյն սիրելոյն մերոյ...

Եւ լուայ, թէ Սրբոյ Աթոռոյ նուիրակ Պետրոս վարդապետն այդք եկեալ է. եւ զնա եւս սիրով ընկալ, զի արդիւնք լիցի Սրբոյ Մօրն մերոյ՝ որ յայսչափ անտանելի տառապանաց միջի է:

Եւ ընդ Հոգեւոր Տիրին կատարեալ սիրով կաց՝ աղաչեմ, գիտէ Աստուած, զի ինձ անմխիթարիս՝ մեծ մխիթարութիւն եղեւ նորա լինիլն Հայրապետ, զոր Տէր հաստատ պահեսցէ»¹³:

Կոլոտի և Աբրահամ Կրետացու գժտվածության ակունքները պետք է փնտրել մեզ արդեն հայտնի այն փաստի մեջ, որ 1732 թվականին Կ. Պոլսում Ս. Էջմիածնի ծայրագույն նվիրակ Ղազար Զահկեցին՝ Կոլոտ պատրիարքի հետ իր ամենասուր ընդհարումներից մեկի ժամանակ, ապաստանում է Թրակիայում (Թեքիրդաղում), որտեղ էլ, երեք ամիս ջերմորեն հյուրընկալվելով տեղի հայոց առաջնորդ Աբրահամ Կրետացու մոտ (ինչպես ինքն է ասում՝ «Հոգաբարձութեամբ նորին դիտի Տեառն Աբրահամու երջանկազարդ ըրբունապետին»)՝ շարադրում է իր Դրախտ ցանկալի գիրքը: Այսինքն՝ Ղազար Զահկեցուն Թրակիայում ապաստան տալով, Աբրահամ Կրետացին իր համերաշխութունն ու աջակցությունն է հայտնել և՛ Ղազարին, և՛ Ղազարի թիկունքում կանգնած Մայր Աթոռ Ս. Էջմիածնին: Ահա այստեղից էլ Կոլոտի եւ Աբրահամ Կրետացու հարաբերությունները «հին սիրելութիւնից» վերածել էին «ատելութեան»: Ըստ երևույթին, Կոլոտը վերավորվել էր իր թշնամու նկատմամբ Թրակիո առաջնորդի դրսևորած ընդգծված բարյացակամ վերաբերմունքից ու վերջինիս կաթողիկոս ընտրվելուց հետո անգամ չէր ցանկացել մոռանալ այս պատմությունը: Իհարկե, չի բացառվում, որ պառակտման հիմքում կարող են եղած լինել և ուրիշ պատճառներ:

1720-ական թթ. սկզբի դրությամբ Կոլոտի և Աբրահամ Կրետացու ջերմ հարաբերությունները, նրանց «հին սիրելութիւն»ը վկայված է 1723 թ. Կոլոտի և Գրիգոր Շղթայակրի հեղինակած մի հիշատակարանում, որտեղ Աբրահամ Մշեցին և Աբրահամ Կրետացին հիշված են իբրև մտերիմ բարեկամներ.

«...Եւ գհամաշունչ եւ գսիրով սիրելիսն մեր, եւ գմիեղեն եղբարսն, այսինքն՝ գերկոսին գԱբրահամ, գիտնական եւ գհանճաբաշատ վարդապետսն. որ է մինն աթոռակալ սրբոյ Կարապետին եւ

վերատեսուչ Տարօնոյ, իսկ միւսն է՝ Հեղինակ (իմա՝ առաջնորդ) Թրակիոյ, որք են ընդ մեզ՝ յամենայն գործս վասն Տեսռն տան»¹⁴:

1736-1737 թթ. գրած իր Պատմութեան մեջ, Աբրահամ Կրետացին, հիշելով իր 1719-1720 թթ. այցը Երուսաղեմ, ինքն էլ բարի և Հարգալից բնութագրումներ է տալիս Գրիգոր Շղթայակրին ու Կոլոտին.

«...ի պատրիարգութեան սրբոյն Սաղիմայ Գրիգորի ճգնազգեաց եւ Հեզահոգի սրբազան վարդապետի եւ առաջնորդութեան Կոստանդնուպօլսոյ Յովհաննէս քաջաջան Աստուածաբան վարդապետի՝ աշակերտաց Վարդանայ վարդապետին Բաղիշեցւոյ ի վանից Ամրտօլւոյ»¹⁵:

Հետաքրքիր է, որ 1734 թվականին էլ, այսինքն՝ այն ժամանակ, երբ Կոլոտն իր նկատմամբ կոշտ դիրք էր բռնել, Կրետացին դարձյալ բարեմտորեն է հիշատակում նրան իբրև «պատրիարգի եղբոր մերոյ»¹⁶:

Շղթայակրի այն ակնարկը, թե Աբրահամ Կրետացու բարձրանալը Ս. Էջմիածնի գահին «ո՞չ ապաքէն Ռ (1000)-ապատիկ լաւագոյն է, քան զայլ ապերախտն եւ զանիրաւս», վերաբերում է, առաջին հերթին, Ղազար Զահկեցուն և հնարավոր է մի քանի ուրիշ բարձրաստիճան եկեղեցականների, որոնք, Շղթայակրի կարծիքով՝ ունեին կաթողիկոս ընտրվելու որոշակի հնարավորություններ, բայց Ղազարի պես թշնամաբար էին տրամադրված Կոլոտի դեմ: Ինչ վերաբերում է Ղազար Զահկեցուն, ապա նա 1726 թվականից ի վեր ապրում էր Օսմանյան կայսրութեան սրտում՝ Կեսարիայում, Կ. Պոլսում և Զմյուռնիայում, ու դժվար թե օսմանյան իշխանություններն այլևս կասկածեին նրան՝ Հայ ապստամբների կամ ռուսների և պարսիկների հետ գաղտնի կապեր ունենալու մեջ ու, ըստ այդմ էլ, արգելեին նրա ընտրությունը:

Ահա ուշադրություն պահանջող մի այլ հարցադրում: Թեև 1736-1737 թթ. Հեղինակած իր Պատմութեան մեջ, Աբրահամ Կրետացին փորձում է ամեն կերպ ցույց տալ իր՝ իբր անսպասելիորեն և պատահականորեն կաթողիկոս ընտրվելը, մեր ունեցած տվյալները թույլ են տալիս լուրջ կասկածի ենթարկել ցայսօր անվերապահորեն ընդունվող այս վարկածի ճշմարտացիությունը:

Կետ առ կետ քննենք Կրետացու ներկայացրած վարկածը:

1. Կրետացին պնդում է, թե ինքը մեկնել է Ս. Էջմիածին, «քանզի գկարօտութիւն... ունէի ի մանկութենէ իմմէ... վասն սրբոց Աթոռոց եւ եւս վասն Հայաստան երկրի վանորայից եւ ուխտատեղաց»¹⁷: Սակայն, անհավատալի է, որ «զբոսաշրջություն» հիշեցնող այդպիսի մի ուխտագնացություն նա որոշել էր ձեռնարկել 1734 թվականին, այսինքն՝ ճիշտ այն պահին, երբ Հյուսիսային Իրանն ու Այսրկովկասը դարձել էին օսմանյան և պարսկական բանակների միջև բախտորոշիչ մարտերի ասպարեզ, իսկ այդ սաստկացած պատերազմն էլ որևէ մեկի համար գաղտնիք չէր:

2. Կրետացին հավաստիացնում է, թե որոշել էր այցելել Ս. Էջմիածինն ու Մշո Ս. Կարապետի վանքը, բայց նա ժամանում է ուղիղ Ս. Էջմիածին, իր ասելով՝ թողնելով Ս. Կարապետի այցելությունը վերադարձի ճանապարհին: Այնինչ՝ նրա ուղևորության գիծը՝ Թեքիրդաղ-Թոխաթ-Կարին-Կարս-Էջմիածին¹⁸, ընկած էր Մուշից շատ մոտ տարածության վրա: Եվ ավելի բնական կլիներ, եթե Աբրահամ Կրետացին Մուշ մտնելուց հետո նոր միայն ճանապարհներ դեպի իր «ուխտագնացության» ամենահեռավոր կետը՝ Ս. Էջմիածին:

3. Ըստ Կրետացու, 20 օր Ս. Էջմիածնում անցկացնելուց հետո, ինքը փորձում է վերադառնալ, սակայն Աբրահամ Մշեցի կաթողիկոսը նրան թույլ չի տալիս: Այս կապակցությամբ շատ հետաքրքիր են կաթողիկոսի բերած պատճառաբանությունները¹⁹. դրանք լույս են սփռում մի քանի կարևոր հանգամանքի վրա, որոնց մասին Աբրահամ Կրետացին նախընտրում է բացայայտորեն չխոսել: Ստորև, առանձին-առանձին, ներկայացնում ենք Աբրահամ Մշեցու փաստարկները և բացատրում դրանց ետնախորքը.

ա) «Զքեզ ինձ Աստուած առաքեաց, տեսանելով զխղճութիւնս իմ», այսինքն՝ կաթողիկոսն արդեն վատառողջ էր.

բ) «Եւ գիտեմ զհարազատութիւն քո ի հեռուն հետէ, եւ վկայէ հոգի իմ, զի բարեկամ եւ հաւատարիմ ես ինձ, որպէս եւ իմայնոցն, որպէս լուեալ եմ այսքան տարի, նաեւ՝ ի Սուրբ Գահիս» - կաթողիկոսի այս ակնարկի տակ պետք է անմիջապես հասկանանք Աբրահամ Կրետացու՝ Ս. Էջմիածնի ծայրագույն նվիրակ Ղազար Զահեցուն ցուցաբերած բարոյական և նյութական մեծ աջակցությունը, հատկապես՝ 1732 թ. նրան թրակիրայում հյուրընկալելը.

դ) «Վասն որոյ այսմ ամի գոնէ ոչ թողում գնալ, այլ կաց մնայ ի գիրկս եւ գոգ մօր քո լուսոյ Սուրբ Էջմիածնիս եւ լեր ինձ խորհրդակից, ցաւակից եւ կարեկից»։ - փաստորեն, թեև հստակ այդ մասին չի ասվում, կաթողիկոսն Աբրահամ Կրետացուն նշանակում է իր հետնորդ աթոռակալը: Հայ եկեղեցու պատմութեան մեջ, հատկապէս վայրիվերո ու վտանգավոր ժամանակաշրջաններում՝ շատ ընդունված ու պատմականորեն արդարացված միջոցառում էր կաթողիկոսի աթոռակալ-հետնորդ կամ նույնիսկ մի քանի աթոռակալ նշանակելը:

Հետագա դեպքերը հաստատում են այս ենթադրութիւնը: Հետևած երեք ամսվա ընթացքում՝ մինչև կաթողիկոսի մահանալը (նոյեմբերի 11), Աբրահամ Կրետացին հանդես է գալիս Մայր Աթոռում որպէս անվիճելիորեն երկրորդ դեմք, ասել է թե՛ կաթողիկոսի աթոռակալ-հետնորդի դերում: Նա է, օրինակ, գիշեր-ցերեկ հսկում կաթողիկոսի մահճի մոտ ու նրա ձեռքերում էլ կաթողիկոսը մահանում է. «Եւ այսպէս աջ ձեռն ի մէջ ձեռացս գոյով հեշտ ու հանգիստ աւանդեաց զմաքուր հօգին իւր...»²⁰: Նա է, որ կատարում է կաթողիկոսի թաղումը («ժամ արարի եւ օծի») և հաջորդ օրը, միաբանների գլուխ անցնելով, այցելում նրա շիրիմը՝ «առեալ իմ զբոլոր ուխտ սուրբ Աթոռոյս զնացինք ի Գայիանէ»²¹:

Վերջապէս, Մայր Աթոռի միաբաններն, առանց որևէ քննարկումների և տարակարծութիւնների, Աբրահամին են առաջարկում ստանձնել վեհապետի թափուր մնացած գահը: Այսպիսի միակարծութիւնը ևս հուշում է, որ Մայր Աթոռում վաղուց էին որոշում կայացրել Աբրահամ Կրետացուն հաջորդ կաթողիկոս ընտրելու մասին, և այս որոշումը բոլորովին էլ պայմանավորված չէր, ինչպէս փորձում է ցույց տալ ինքը Կրետացին, սոսկ արտակարգ իրավիճակով:

Այսպիսով, Աբրահամ Կրետացին, առանց նույնիսկ պաշտոնական հատուկ հայտարարութիւնների և ավելորդ հրապարակման, ներքին կարգով, նշանակվել էր վատառողջ Ամենայն Հայոց կաթողիկոսի աթոռակալ-հետնորդի պաշտոնին: Եվ այս ամենը այն պարագայում, որ նրա ժամանման պահին Ս. Էջմիածնում արդեն կար մի այլ աթոռակալ, որի անունը մեզ հայտնի չէ²²:

Այս ենթադրութիւնը հաստատող մի լրացուցիչ փաստ էլ այն է, որ քաղաքականապէս և ռազմականապէս այն ծանր պահին,

երբ պարսկական զորքերը Նաղիրի գլխավորությամբ մոտենում էին Երևանին ու Ս. Էջմիածնին, Աբրահամ Կրետացին բազմաթիվ այցելուներ է կատարում Արարատյան երկրի վանքերն ու բնակավայրերը՝ Հոհաննավանք, Սաղմոսավանք, Ուշի, Փարպի, Կարբի, Մուղնի, Օշական, Ս. Լուսաւորչի անապատ, Երևան, Խոր Վիրապ, Արկուռի, Հավուց Թառ, Աղջոց վանք, Գեղարզ, Գառնի, Նորք, Գետարգել²³: Ինչպես ինքն է ասում, իր այցելուներին պահելու համար նա էր այնպիսի ծայրաստիճան լարված իրադրություն հետ, որ 1734 թ. սեպտեմբերի վերջին Աբրահամ Մշեցի կաթողիկոսը, հրաժարվելով Կրետացու հետ միասին այցելուներին կատարելու իր նախկին մտադրությունից, Ս. Էջմիածնից չբացակայելու որոշում է ընդունում, սակայն միևնույն ժամանակ, զարմանալիորեն, թույլ է տալիս, որ Կրետացին միայնակ շարունակի իր «ուխտագնացությունը»:

«Մանաւանդ զի էր եւ ժամանակն խառնակ, եւ ազգի-ազգի զրոյցք գային ի լսելիս Վեհին վասն գալստեան Թահմազ[ղու-լի]-խանին եւ շարժելոյ զօրացն պարսկային, փութացաւ զդարձն անդրէն առ ի սուրբ Աթոռն, զի հոգասցէ զհոգս ամենեցուն»:

Միթե՞ կարելի է հավատալ, որ պատերազմի օրեցօր մոտենալու այդպիսի վտանգավոր պահին Կրետացու այցելուներին բուն նպատակը եղել է ուխտագնացություն-զբոսաշրջությունը: Ամենևին:

Իրականում՝ Ս. Էջմիածնի ժամանելուց հետո Աբրահամ Կրետացին անմիջապես անցել է միանգամայն այլ խնդիրների լուծմանը: Մի դրվագ օգնում է պարզել, թե ի՞նչ խնդիրների մասին է խոսքը: Մեջբերելով Երևանի օսմանցի ռայիսին տված իր իսկ պատասխանը (որում նա իբրև թե հրաժարվում էր Մայր Աթոռի և Երևանի օսմանյան վարչության իրեն առաջարկվող կաթողիկոսությունից)՝ Աբրահամ Կրետացին նշում է, որ վատածանոթությունը Արարատյան երկրին լուրջ թերություն է Ս. Էջմիածնի գահակալի որևէ թեկնածուի համար:

«Ձեմ բաւական այդմ գործոյ եւ ոչ ունիմ կարողութիւն յամենայն կողմանց: Մանաւանդ՝ դարիպ եւ օտար եմ: Ուխտի աղա-գաւ եկեալ եմ այսր»²⁴:

Այս խոստովանությունը հիշեցնում է Կարապետ Ուլնեցու թերությունների մասին Սիմեոն Երևանցու արած դիտողությունն առ այն, որ նա «Աթոռոյս որպիսութեան, պատուոյն եւ իշխանութեան ամենեւին անտեղեակ» էր²⁵:

Ս. Էջմիածին ժամանելուն պես՝ ճիշտ նույն բացը փորձել է արագ լցնել Աբրահամ Կրետացին և հաջողությամբ լուծել է այդ խնդիրը. այն է՝ իր այցելությունների ընթացքում ծանոթացել է Արարատյան երկրին և հայ աշխարհիկ ու հոգևոր ավագանուն, որը վճռորոշ դեր էր ունենալու նրան կաթողիկոս ընտրելու ժամանակ: Բացի այդ, նա զբաղվել է նաև Մայր Աթոռի տնտեսական զանազան հարցերի կարգավորմամբ (հավանաբար, վատառողջ կաթողիկոսի հանձնարարությունով): Կարծես այս է վկայում նաև Աբրահամ Կրետացու՝ Ս. Էջմիածին ոտք դնելուն պես դրսևորած անմիջական հետաքրքրությունը տեղական ապրանքների և գների նկատմամբ, որ ստիպել է Ս. Տեր-Ավետիսյանին գրել, թե՛ «Կրետացին անպայման ունեցել է և առևտրական ջիղ»²⁶: Հիշենք նաև, որ 1733 թ. հունիսի 11-ի վերը տարբեր առիթներով մեկնաբանված նամակում Գրիգոր Շղթայակիրն ակնարկում էր Աբրահամ Մշեցու օրոք Մայր Աթոռի ունեցած դրամական ծանր պարտքերը՝ «Սրբոյ Եկեղեցոյդ պարտքն եւս դիզեալ կայ»: Սա հաստատում է նաև ինքը Կրետացին.

«Յետ այսորիկ (իմա՝ կաթողիկոս ընտրուելուց յետոյ, Ա.Ա.) սկսայ մտախոհ լինիլ եւ յամենայն գօրութենէ ջանալ եւ արիանալ վասն մեծի գործոյն եւ կառավարութեան Սուրբ Աթոռոյն մեծի. եւ զի անծանօթ գոլով իմ երկրի, եւ մարդկանց, եւ միաբանից, եւ ամենայն ելից եւ մտից եւ արարողութեան եւ վասն պակասութեան փողից, որս ոչ գոյր ամենեւին: Իսկ վանից ծախքն՝ բազում եւ անթիւ»²⁷:

Այս ամենն ստիպում է հավանականություն բավական մեծ աստիճանով ենթադրել, որ Թրակիայից ճանապարհվելով դեպի Ս. Էջմիածին՝ Աբրահամ Կրետացին արդեն տեղեկացված էր Մայր Աթոռում իրեն կաթողիկոսացնելու մտադրության մասին, ինչպես նաև արդեն հայտնած պետք է լիներ իր նախնական համաձայնությունը: «Ուխտագնացություն» ձեռնարկումով նա արդեն լիովին հաստատում էր իր մտադրությունները:

Սակայն առաջանում է երկու հարց, որոնց կպատասխանենք իրարահաջորդաբար:

Նախ՝ ինչու՞ էին Աբրահամ Մշեցի կաթողիկոսը և Մայր Աթոռի միաբանները որոշել հաջորդ կաթողիկոս ընտրել հե՛նց Աբրահամ Կրետացուն:

Պատասխանը բխում է մեր նախորդ քննություններից:

1) Աբրահամ Կրետացին վաղուց ի վեր լավ հարաբերություններ ուներ Աբրահամ Մշեցու հետ՝ առնվազն սկսած 1719-1720 թթ. Երուսաղեմում միասին անցկացված ժամանակներից:

2) Իր թեմում հյուրընկալելով Ս. Էջմիածնի ծայրագույն նվիրակ Ղազար Զահկեցուն՝ Կոլոտ պատրիարքի հետ վերջինիս լուրջ բախման մի ժամանակաշրջանում, Կրետացին ապացուցել էր իր հավատարմությունը Մայր Աթոռի դավանական հարցերում վարած ավանդական կարծի դիրքորոշմանը և Հայ եկեղեցու ընդհանուր գործերում Ս. Էջմիածնի անառարկելի գերագահությունը: Կրետացու այս դիրքորոշումներում համոզվելու հնարավորություն է ունեցել անձամբ Ղազար Զահկեցին, որն էլ այդ մասին պետք է տեղեկացրած լիներ Ամենայն Հայոց կաթողիկոսին:

3) Աբրահամ Կրետացին օսմանահպատակ էր, իր ամբողջ նախորդ կյանքը ապրել էր իրանյան սահմանից հեռու գտնվող Թրակիայում և, ի տարբերություն արևելահայ կղերականների, հակասումանյան որևէ կապերի մեջ կասկածվել չէր կարող: Ուստի՝ Կրետացու արագ ընտրությունը չէր ստիպելու Երևանի փաշային Բարձր Դռնից լրացուցիչ ճշտումներ և հաստատում խնդրել: Այսինքն՝ Հովհաննես Կոլոտ պատրիարքը հայտնվելու էր (ինչպես և 1729 թ. աշնանը՝ Աբրահամ Մշեցու ընտրություն ժամանակ) կատարված փաստի առջև ու հնարավորություն չէր ունենալու Ս. Էջմիածնի գահին առաջադրել իրեն ցանկալի եկեղեցական գործչի կամ գուցե իր իսկ թեկնածությունը:

4) Աբրահամ Կրետացին Հայ եկեղեցու ամենահեղինակավոր գործիչներից էր, որն իր անթերի կենսուղով ու նաև պատկառելի տարիքով ընդունելի էր համարվելու բոլորի համար. նրա ընտրվելուց հետո՝ հայ հոգևորականության այս կամ այն թևում բուռն ընդդիմություն և երկպառակումներ առաջանալ չէին կարող:

Երկրորդ հարցը. ինչու՞ է Աբրահամ Կրետացին քողարկել Ս. Էջմիածին ուղևորվելու իր բուն նպատակը և ներկայացրել այն իբրև մի սովորական ուխտագնացություն:

Նշենք երեք հնարավոր պատճառ.

ա) եկեղեցական բարձրաստիճան գործիչներից շատերը բարի աչքով չէին նայելու հայոց եկեղեցու կանոնակարգին հակառակ՝ Արարատյան երկրի աշխարհիկ ու հոգևոր գործիչների որոշումով միայն, Աբրահամ Կրետացու կաթողիկոս դառնալուն.

բ) Հովհաննես Կոլոտ պատրիարքը, սրտի խորքում վիրավորված լինելով Ղազար Զահեկեցուն Թեքիրդաղում ջերմորեն հյուրընկալելու պատմությունից, կարող էր ուղղակի ընդգիմանալ Աբրահամի կաթողիկոսանալուն և, օգտագործելով Կ. Պոլսում իր ունեցած կապերն ու լծակները, բարդություններ առաջացնել նրա ճանապարհորդության, ընտրության, ինչպես նաև հետագայում այդ ընտրությունն օսմանյան արքունիքում հաստատելու առջև.

բ) ուխտագնացության մեկնողները սովորաբար ազատվում էին մաքսերի մի զգալի մասից, իսկ Աբրահամ Կրետացին Ս. Էջմիածին էր տանում մեծ թվով ապրանքներ²⁸, այդ թվում՝ Զմյուռնիայի առաջնորդ Ղազար Զահեկեցու ուղարկած արժեքավոր նվերները²⁹: Ահա այս երեք հիմնական դրդապատճառներն էլ ստիպել են Աբրահամ Կրետացուն ներկայացնել իր Ս. Էջմիածին կատարած ուղևորությունը իբրև ուխտագնացություն:

ԾԱՆՈԹԱԳՐՈՒԹՅՈՒՆՆԵՐ

¹ Գ. Բամպուքճեան, *Յովհաննէս պատրիարք Կոլոտ*, էջ 24, 32 և այլն:

² Աբրահամ Կրետացի, *Պատմութիւն*, էջ 6, 32, 187:

³ Հ. Ս. Անասյան, *XVII դարի ազատագրական շարժումներն Արևմտյան Հայաստանում*. Գ. Ա. ԶՅՕՅ, *Сношения Петра Великого с армянским народом*, ДОК. 9, ПУНКТ 25. Հմմտ. Լեո, *Երկերի ժողովածու: Հայոց պատմություն*, Երրորդ հատոր, Գիրք երկրորդ (Երևան, 1973), էջ 56:

⁴ Հիշատակարանն ամբողջությամբ զետեղված է Հավելված Ե-ում, իսկ նրա մանրամասն քննությունը տես **Armen M. Ayvazyan**, “The Secret Meeting of Armenians on Lim Island in 1722: Concerning the Possible Involvement of Western Armenians in an All-Armenian Liberation Movement),“ in

Jónos M. Bak and Pítter Banyo, eds., *Issues and Resources for the Study of Medieval Central and Eastern Europe: Reports and Articles* (Department of Medieval Studies, Central European University and the Committee on Centers and Regional Associations of the Medieval Academy of America: Budapest-Cambridge, MA, 2001), pp. 59-68.

⁵ Տե՛ս նու՛յն տեղում, էջ 62-63: Այդ ժամանակաշրջանում Հայ-ասորական բարեկամական հարաբերութիւնները մասին վկայում են 1737 թ. հունիսի 25-ին Երուսաղեմի հայոց պատրիարք Գրիգոր Շղթայակրի՝ Պոլսից գրած մի նամակի՝ հետևյալ հետաքրքրական տողերը. «Ասորոց Հալապու ղէտ (իմա՛ առաջնորդ, Ա.Ա.) Գէորգ վարդապետն գրեաց մեզ՝ թէ «գրեա՛ք ը մարդոց, որ մեր վանաց տիրութիւն անեն մինչեւ մեք մարդ ըղրկեմք»: Եւ ես իւրեանց կաթողիկոսին գրեալ եմ, թէ «լաւ մարդ մի ըղրկես», վասնորոյ տիրութիւն անէք վասն Աստուծոյ, *զի մե՛ր են*» (ընդծումն իմն է՛ Ա.Ա.). - «Դիւան Սուրբ Յակոբի». - *Սրոն*, 1973, էջ 148:

⁶ Տե՛ս Լ. Меликсет-бек, “К биографии сподвижника Исаея Ори - Минаса вардапета.” - *Տեղեկագիր* (Հաս. գիտ.), 1946, No. 1, էջ 79:

⁷ Հ. Ս. Անասյան, *XVII դարի ազատագրական շարժումները...*, էջ 95-96, 156-157, 161, 275:

⁸ Հովնան արքեպիսկոպոսի գործունեության մանրամասն քննության մասին տես՝ **Ա. Ք. Կոստանյան**, *Կոստանյան* (Երևան, Իզդ. ԳՄ, 1945), ժ. 145-161, 230-235.

⁹ Տե՛ս Հովսեփ Էմինի կյանքն ու գործունեությունը, նշվ. աշխ. էջ 267. Հմմտ. *The Life and Adventures of Joseph Emin, an Armenian*, pp. 234-235. cf. pp. 228-229.

¹⁰ Այսինքն՝ այն պահից, երբ Գրիգոր Շիրվանեցին մեկնեց Կ. Պոլիս՝ ստանձնելու Երուսաղեմի պատրիարքի պաշտոնը (Հմմտ. **Գ. Բամպուլքեան**, *Յովհաննէս պատրիարք Կոլոտ*, էջ 32):

¹¹ Թեքիրդաղ=Թազավոր-դաղ=Բոտոտտո: Թազավոր-դաղ են անվանել 1606-1607 թթ. Անի-կամախից, Երզնկայից և Դերջանից այստեղ տեղափոխված հայերը՝ ի հիշատակ Հայաստանի Թազավոր-դաղի (**Ս. Տեր-Ավետիսյան**, «Աբրահամ Կրետացու հիշատակարանը», էջ 288, ծնթ. 1):

¹² «Դիւան Սուրբ Յակոբի». - *Սրոն*, 1972, էջ 469-470:

¹³ Նույն տեղում, էջ 471:

¹⁴ **Գ. Բամպուլքեան**, *Յովհաննէս պատրիարք Կոլոտ*, էջ 221:

¹⁵ **Աբրահամ Կրետացի**, *Պատմութիւն*, էջ 32:

¹⁶ Նույն տեղում, էջ 33:

¹⁷ Նույն տեղում:

¹⁸ **Ս. Տեր-Ավետիսյան**, «Աբրահամ Կրետացու հիշատակարանը», էջ 288, 316:

Ս. Էջմիածին ուղևորվելիս, Կարինի միջով էին անցել նաև Կարապետ Ուլ-նեցին (1728 թ.), Աբրահամ Մշեցին (1729 թ.) և Ղազար Զահկեցին (1737 թ.):

¹⁹ Աբրահամ Կրետացի, *Պատմութիւն*, էջ 34:

²⁰ Նույն տեղում, էջ 40-41:

²¹ Նույն տեղում, էջ 42:

²² Աբրահամ Կրետացին իր ծոցի տետրակում նշել է, որ Ս. Էջմիածին ժամանելուց հետո «Աթուռակալին» է հանձնել 2 ոսկի մի անգամ և 1 ոսկի՝ մյուս անգամ (տե՛ս Ս. Տեր-Ավետիսյան, «Աբրահամ Կրետացու հիշատակարանը», էջ 320-321):

²³ Աբրահամ Կրետացի, *Պատմութիւն*, էջ 35-39:

²⁴ Նույն տեղում, էջ 44:

²⁵ *Զամբռ*, էջ 235-236:

²⁶ Ս. Տեր-Ավետիսյան, «Աբրահամ Կրետացու հիշատակարանը», էջ 290, 317:

²⁷ Աբրահամ Կրետացի, *Պատմութիւն*, 46-47:

²⁸ Ս. Տեր-Ավետիսյան, «Աբրահամ Կրետացու հիշատակարանը», էջ 288-291, 310-315, 318-321:

²⁹ Նույն տեղում, էջ 320:

Գ Լ ՈՒ Խ Ժ Ա .

ՎԵՐՋԱԲԱՆ ԵՎ ԵԶՐԱԿԱՅՈՒԹՅՈՒՆՆԵՐ

Պատասխան՝ ուսումնասիրության սկզբում առաջադրված հարցին

Ի մի բերենք ուսումնասիրության սկզբում առաջադրված հարցի պատասխանը, որ ստացել ենք ամբողջ քննության արդյունքում:

1. Ամենայն Հացոց կաթողիկոսի ընտրությանը Բջնիի, Հաղբատի, Ս. Թադեոսի և Տաթևի վանահայր-առաջնորդների հավանություն տալու կանոնը պատմականորեն ստույգ է:

2. Այս կանոնն առաջացել է 1705 թ. Նահապետ Եղեսացի կաթողիկոսի մահից հետո, երբ Աղեքսանդր Ջուղայեցու կաթողիկոսանալով վերջ դրվեց արևելահայ հոգևորականության շրջանում խորապես վարկաբեկված արևմտահայ Եղիազար Այնթապցի (1682-1691) և Նահապետ Եղեսացի (1691-1705) կաթողիկոսների կղերական կուսակցության կառավարմանը: Ընդ որում՝ այդ կուսակցությանը հաճախ վերագրվում էր լատինամետ ընթացք: Կանոնը պետք է հաստատված լինի Աղեքսանդր Ջուղայեցու գահակալման տարիներին՝ 1705-1715 թթ., առավել հավանական է 1708 թ., երբ կաթողիկոսական ընտրությունների կարգի որոշ հարցեր արծարծվեցին հատուկ կոնդակով:

3. Այս կանոնը խախտվել է 1726 թ. փետրվարին, երբ Կ. Պոլսում Ամենայն Հայոց կաթողիկոս է ընտրվել Կարապետ Բ Ուլնեցին

(1661-1729): Թեև վերջինս հիմնականում հաջող է կատարում իր պարտականությունները և կարողանում է լավ հարաբարություններ հաստատել օսմանյան նորելուկ իշխանությունների հետ, այնուամենայնիվ, իր կենսագրական աղերսների պատճառով, արևելահայ կղերը դիտում է նրան որպես Եղիազար Այնթապցու և Նահապետ Եղեսացու մերժելի կուսակցության ներկայացուցիչ:

4. Կ. Պոլսում Կարապետ Ուլնեցուն Ամենայն Հայոց կաթողիկոս ընտրելու ընթացքի վրա պետք է ուղղակիորեն ազդած լիներ Բարձր Դուռը: Վերջինս ցանկանալու էր էջմիածնի գահին բազմած տեսնել ո՛չ թե իրեն վատածանոթ արևելահայ եկեղեցական գործիչներից որևէ մեկին, որը կարող էր պարսկական կամ ռուսական իշխանությունների հետ նախկինում կապեր ունենալ, կամ էլ՝ Արցախում ու Սյունիքում թուրքերին հաջողությամբ դիմադրող հայ զինվորության հնարավոր գաղտնի աջակիցն ու համախոհը լինել, այլ հե՛նց Կարապետի պես ողջ կյանքն Օսմանյան երկրում պաշտոնավարած վատահելի մի անձի:

5. Ղազար Զահկեցին, իր «Դրախտ ցանկալի»-ում արժարժեքով չորս աթոռների խնդիրը, արտահայտել է արևելահայ կղերի անհանգստությունը՝ Կ. Պոլսի 1726 թ. ընտրությունների հնարավոր կրկնության առթիվ: Ըստ որում, Ղ. Զահկեցին ցանկացել է առավել կշիռ ու «լեգիտիմություն» հաղորդել այս կանոնին և այդ նպատակով դիտավորյալ դրա սահմանումը ժամանակագրորեն հետ է տեղաշարժել՝ մոտավորապես XVIII դարի սկզբներից դեպի հեռավոր IX դար: Չամչյանը փորձել է սրբագրել Ղազար Զահկեցուն, սակայն կանոնի ստեղծումն սխալմամբ վերագրել է 1114 թվականին: Հետագա հեղինակները նույնպես թյուրիմացության մեջ են եղել, փորձելով կամ մերժել կանոնի գոյությունն առհասարակ (Վարդան Հացունի) կամ վերագրել այն XIII-XIV դարերին (Ղևոնդ Ալիշան, Լևոն Խաչիկյան):

* * *

Հայաստանը և Հայոց եկեղեցին XVII-XVIII դարերում

XVII-XVIII դարերում Հայաստանի աշխարհաքաղաքական գրուլթյունը սեփական ուժերով ազատագրվելու հնարավորութուն գրեթե չէր ընձեռում։ Հայաստանը քրիստոնյա երկրներից հեռու էր, բաժանված ու չորս կողմից շրջապատված էր հզորագույն մահմեդական տերությունների՝ Սեֆյան Իրանի և Օսմանյան կայրության միջև։ Քրիստոնյա աշխարհի՝ Օսմանյան կայրության դեմ վարած պատերազմները չէին կարող միասնական ընդհանուր ճակատ ստեղծել հայ ազգային-ազատագրական շարժման հետ (ի տարբերություն բալկանյան ժողովուրդների ազատագրական պայքարի), մանավանդ, որ մինչև XVII դարի երկրորդ կեսը օսմանցիների պատերազմները եվրոպական պետությունների դեմ հարձակողական էին ու հաջողակ։ XVIII դարի սկզբի (ինչպես և XIX դարի վերջի-XX դարի սկզբի) հայ ազատագրական շարժումները բնորոշվում էին, մասնավորապես, նրանով, որ պոտենցիալ հնարավորութունն ունեին միաձուլվելու՝ Օսմանյան կայսրության և Իրանի դեմ Ռուսաստանի մղած պատերազմների հետ։

1375 թ. Կիրիկյան Հայաստանի կործանմամբ՝ միակ ազգային-պետական հաստատությունը, որ շարունակեց գոյատևել՝ Հայ եկեղեցին էր, որը հետագա օտար երկարատև տիրապետության շրջանում՝ ընդհուպ մինչև XX դար, ստիպված իր վրա էր ստանձնել ազգի առաջնորդի դերակատարումը։ Ամենաձանր XV-XVIII դարերում, երբ Հայաստանի պետականությունը կործանվել էր, իսկ ազգային զինուժը ոչնչացվել ու անհետացել էր ասպարեզից (հայկական առանձին զորամիավորումներ էին պահպանվել միայն Հայաստանի որոշ լեռնային շրջաններում, Վրաստանում ու պարսկական զորքերի կազմում)՝ Հայ եկեղեցին մեծ դործ կատարեց. պահպանեց ազգային ինքնագիտակցությունը, կազմակերպեց ազգային կրթությունը, հնարավորին չափով առաջ տարավ մշակույթը, ավելին՝ գաղտնի դիվանագիտական գործունեություն ծավալեց Հայաստանը քրիստոնյա մեծ տերությունների օգնությամբ մահմեդական լծից ազատագրելու համար ու նաև այդ ուղղությամբ որոշակի գաղտնի նախապատրաստական աշխատանք տարավ հայկական միջավայրում։ Սա թերևս առա-

վելագույնն էր, որ թուրք-պարսկական տիրապետությունն պայմաններում հնարավոր էր իրականացնել և իրականացվեց: Իսկ 1720-ական թվականներին եկեղեցին հայոց վերածնված գինուժի ոգեչնչողն ու կառուցողներին էր: Բնականաբար, միամտություն կլինեք եկեղեցուց ակնկալել ռազմաքաղաքական կառույցներին հատուկ հմտություններ, կարողություններ ու փորձառություն: Եկեղեցին ուներ ազատագրական շարժումներն արդյունավետորեն ծրագրելու և գլխավորելու կառուցվածքային ներհատուկ սահմանափակումներ:

XV-XVIII դարերում Հայոց եկեղեցին միակ համահայկական հաստատությունն էր: Այս իրողությունը ճանաչել են և՛ հայերը, և՛ օտարները: Որպես այդպիսին Մայր Աթոռ Ս. Էջմիածինը նաև միակ կառույցն էր, որ մշակում էր Հայաստանի և ամբողջ Հայության խնդիրներին վերաբերող քաղաքականություն՝ ներառյալ ապագա անելիքների առումով: Հայ ազատագրական շարժումների ղեկավարները միշտ կապվում էին Մայր Աթոռի և Ամենայն Հայոց կաթողիկոսների հետ՝ ստանալու համար նրանց աջակցությունն ու օրհնանքը: Երբեմն էլ այդ շարժումները նախաձեռնվում և ուղղորդվում էին հենց Մայր Աթոռից:

Մայր Աթոռ Ս. Էջմիածինը համահայկական ամենահեղինակավոր կենտրոնն էր, հայությունը Հայաստանի հետ կապող ձգողական ամենահզոր կետը:

Մայր Աթոռ Ս. Էջմիածնում մշակված ազգային-եկեղեցական գաղափարախոսությունը համահայկական էր և՛ իր բովանդակությամբ, և՛ իր նպատակներով: Հայկական «պաշտոնական» այդ գաղափարախոսությունը քարոզվում էր Հայաստանում և ի սփյուռս աշխարհի, որտեղ կար հայկական համայնք և եկեղեցի, իսկ քարոզիչներն էին Ս. Էջմիածնի նվիրակները, հայ բարձրաստիճան կղերը, ինչպես նաև հայ հոգևոր և աշխարհիկ մտավորականությունը: Սակայն հայկական գաղափարախոսության այն տարրերը, որոնք վերաբերում էին Հայաստանի ազատագրությանն ու անկախության հաստատմանը, քարոզվում էին գաղտնաբար՝ բանավոր կամ քիչ ընդօրինակվող ձեռագրերով: Տպագիր նյութերում ազատագրական թեման միայն ակնարկվում էր, քանի որ տպագիր գրականությունն ուներ մեծ տպաքանակ և լույս էր ընծայվում ազգի ղեկավար շրջանակների հովանավորությունից և վերահսկողությունից, այ-

սինքն՝ վտանգ կար, որ մահամեղական տիրակալները կարող էին մեղադրել և ծանր պատիժների ենթարկել Հայ եկեղեցու առաջնորդներին:

Ընձեռված հնարավորությունների սահմաններում, Հայ եկեղեցու պայքարն ընդդեմ մահամեղականության և կաթոլիկության՝ կարելի է հիմնականում հաջողված համարել, թեև թերացումներն ու ձախողումները նույնպես քիչ չէին: Անհաջողությունների պատճառներից էին Հայ եկեղեցու արևելահայ և արևմտահայ հատվածների միջև ծագած խնդիրները, որոնք, սակայն, անխուսափելի էին՝ Իրանի և Օսմանյան կայսրության միջև Հայաստանի քաղաքական բաժանման պայմաններում:

Հայոց պետականության բացակայության այդ դարաշրջանում Ամենայն Հայոց կաթողիկոսների դիրքը հույժ կարևոր էր ոչ միայն քաղաքական, վարչական, տնտեսական, այլև գաղափարախոսական ասպարեզում ու նաև յուրաքանչյուր հայի մտայնության մեջ: Ամենայն Հայոց կաթողիկոսներին հայերը պաշտում էին որպես ազգի գլուխ և հոգևոր առաջնորդ:

Հ Ա Վ Ե Լ Վ Ա Ծ Ք

**(ՈՒՍՈՒՄՆԱՍԻՐՈՒԹՅՈՒՆՆԵՐ
ԵՎ
ՎԱՎԵՐԱԳՐԵՐ)**

ՀԱՎԵԼՎԱԾ Ա

ԱՄԵՆԱՅՆ ՀԱՅՈՑ ԿԱԹՈՂԻԿՈՍԻ ԸՆՏՐՈՒԹՅԱՆ ՈՐՈՇ ՀԱՆԳԱՄԱՆՔՆԵՐԸ XV-XVII ԴԱՐԵՐՈՒՄ (Երկու հաստիպ վավերագրի քննություն)

Մեծի Տանն Կիլիկիո կաթողիկոսության պաշտոնական «Հասկ» ամսագրում 1970 թ.՝ նորահայտ Հայ հնատիպ գրքերի մասին Լևոն Մինասյանի հրատարակած հաղորդման մեջ նկարագրված էին նաև Նոր Զուղայի Ս. Ամենափրկիչ վանքի դիվանում պահվող երկու, ըստ հեղինակի՝ Կոնդակ, որոնք 1693 թ. տպագրվել էին Նոր Զուղայի տպարանում՝ երկու հարյուր օրինակով, մեկական էջի վրա, մեկի չափերը 80x28 սմ, մյուսինը՝ 44x35 սմ: Նկարագրության մեջ ասված էր, թե «երկու կոնդակի բովանդակությունն էլ բողոք ու հանրաստորագրություն է կաթողիկոսական ընտրության շուրջ»: Նշված էր երկրորդ վավերագրի խորագիրը՝ «Յաղագս կարգի կաթողիկոս ձեռնագրութեան, գրեալ ի Մովսիսէ վարդապետէ Բջնեցոյ. Համաձայնութեամբ սրբազան վարդապետաց եւ եպիսկոպոսաց», նշված էր նաև, որ այն ստորագրել են 27 հոգի՝ եպիսկոպոսներ, վարդապետներ, խոջաներ և ուրիշներ (անունները չեն հիշատակված): Այս տեղեկությունները, բնականաբար, վավերագրերի մասին առարկայական պատկերացում կազմելու համար բավարար չէին:

Նույն վավերագրերը նկարագրվել են նաև Երևանում լույս տեսած՝ 1512-1800 թթ. Հայ տպագիր գրքի կոթողային մատենագիտության մեջ²: Այս նկարագրությունը ևս, որ կատարված է Լ. Մինասյանի՝ Հայաստանի Ազգային գրադարանին ուղարկած լուսանկարների հիման վրա, էական նորություն չունի:

Ինչևիցե, ծանոթանալով Ազգային գրադարանում պահվող վերը նշված լուսանկարներին, այդ փաստաթղթերի մեջ տեսանք քննության կարոտ բազմաթիվ հարցեր և խնդիրներ, որոնք թեև չեն պատրաստելու այդ վավերագրերի ներկա՝ ծանոթագրված հրատարակությունը:

Սկզբից ևեթ նշենք վավերագրերը նկարագրած հեղինակների ուշադրությունից վրիպած կարևոր երեք փաստ.

Ա. Թեև երկու փաստաթուղթն էլ տպագրվել են միաժամանակ՝ 1693 թ. մայիսի 1-ին, դրանցից մեկը գրվել էր 28 տարի առաջ՝ 1665 թ.: Հետևաբար, որքան էլ այս վավերագրերը փոխկապակցված են թե՛ միասին տպագրված լինելու, թե՛ Ամենայն Հայոց կաթողիկոսի ընտրության կանոնակարգին վերաբերելու առումով, դրանով հանդերձ, նրանցից յուրաքանչյուրը պահանջում է առանձին մոտեցում և քննություն:

Բ. Այս վավերագրերը (նկարագրողների կոչածի նման) կոնդակ, այսինքն՝ հայրապետական կամ առաջնորդական ուղերձներ չեն, այլ մեկը 1665 թ. Արևելահայաստանի մի խումբ երևելի հոգևոր և աշխարհիկ գործիչների գումարած ժողովի որոշումն է, իսկ մյուսը՝ 1693 թ. Չուղահայոսթյան անունից Արևելահայաստանի հոգևոր կենտրոններին առաքված շրջաբերականը:

Հ. Տեր-Հովհանյանցն դեռևս 1881 թ. ամբողջությամբ հրատարակել է 1693 թ. շարագրված շրջաբերականը՝ առանց որևէ քննության՝ «յաղագս լինելոյ ազգային հնուրժեան, թէպէտ արտաքոյ կարգի պատմութեանս է գործ»³: Սակայն, այս արժեքավոր վավերագիրը հետագայում անուշադրուծյան է մատնվել, չարժանանալով որևէ քննության⁴: Այդ իսկ պատճառով հրատարակում ենք և՛ այդ բնագիրը (տողատակում նշանակելով Տէր-Հովհանյանցի շեղումներն ու թյուրընթացումները և բացատրելով օտար բառերը), և՛ 1665 թ. ժողովի որոշումը, այնուհետև ենթարկում դրանք պատմական մանրագնին քննության, որի տրամաբանությունը հետևելով էլ վավերագրերը հրատարակել ենք ժամանակագրական հակադարձ կարգով:

Ա. ՆԱՀԱՊԵՏ ԵԴԵՍԱՑՈՒ ԿԱԹՈՂԻԿՈՍԱՆԱԼՈՒ
ՀԱՆԳԱՄԱՆՔՆԵՐՆ ՈՒ ԴՐԱ ՀԵՏԵՎԱՆՔՆԵՐԸ

Ա վավերագիր (1693 թ.)

«ՍՈՒՐԲ ԵՒ ՍԻՐԵԼԻ ՊԱՇՏՕՆԱԿՑԱՑ ՄԵՐՈՑ ԵՒ ՀԱՐԱ-
ԶԱՏԱՑ Հաւատարմաց, երջանկացելոց եղբարց ճշմարտախոհից եւ
ուղղասիրաց, վերադիտողացդ սրբազանից զետեղելոց ի գերագահ եւ
ի գերահռչակ, ի սուրբ եւ ի սրբարար Աթոռդ էջմիածին՝ ի մայրդ Հա-

սարակաց, նաեւ՝ որոց ընդ հովանեաւ դորին որդիացելոց յաշխարհիդ Արարադայ եւ յԱտրպատականի. քահանայապետից եւ քահանայից, եւ համօրէն լրման ուխտի ժառանգաւորաց եւ վիճակաւորաց սուրբ եկեղեցոյ. որչո՛յն ի Քրիստոս մատուցանեմք, սիրալրական սիրով սրբութեան, երկնաւոր խաղաղութեամբն հանդերձ, մեք՝ ի Շօշ եղեալ քրիստոնէախումբ դասք եկեղեցականաց եւ աշխարհականաց:

Ընդ որոյ եւ որով ծանուցանեմք պատուականութեան ձերոյ գեղելոց իրաց դիպելոց, որ ի մերուս եղեալ թշուառութեան ամանակի յանգզուչութեան եւ յանպատրաստութեան մերոյ պատճառէ, որով կամք ամենեքեան երերեալ եւ տատանեալ՝ իբրեւ զնաւ խռովեալ յալեաց ծովու: Քանզի սկիզբն եւ աւարտ խաղաղութեան զբարեկարգութիւնն լինել⁵ իմանամք, զի ուրանօր բարձեալ է բարեկարգութիւն՝ արմատացեալ լինի աղմուկ խռովութեան, որպէս եւ տեսանեմք մերովք տեսանելեօք: Քանզի որքան վախճան առեալ է ի կենցաղոյս ընդ երանելիսն հանգուցեալ երջանիկ հայրապետն մեր Տէր Եղիազար՝ վրդովումն խռովութեան ոչ պակասի ի մէնջ: Պատճառն՝ անխոհեմ եւ անհանճար մարդոց գործ եւ արարմունք, որք յիւրեանց փառամոլութեանց ախտիցն ձգեալք եւ պատրեալք⁶, որոց գլուխ եւ զօրավիզ գԱստապատցի Մինասն, որ ո՛չ զրոց աշակերտեալ ի մանկութենէ եւ ո՛չ ճշմարտութեան վարուց հետեւեալ, ո՛չ գտեսականն ծանուցեալ եւ ո՛չ գործնականին մասին հաղորդեալ, այլ զօրէն գոհակաց գերկրաւորս եւեթ ողջունեալ եւ ի նոյնն ցանկ դեգերեալ, ժամադիր եղեալ ընդ Նահապետին ձեռագրով եւ կնքով միմեանց, թէ՛ «միշտ ի քո կաթուղիկոսութեանդ ես եղէց աթոռակա՛լ»: Այսու պայմանաւ յառաջեցուցեալ զայդ գործ, որ մեզ ամենեցուն ստոյգ եւ իրաւապէս յայտնի եղեւ, որ այդ այդպէս է: Եւ առաւել քան զայդ, գիտակ եղաք ամենայնի, զոր չէ պարտ մի ըստ միոջէ արձանացուցանել ի գիրս:

Արդ, ո՞վ իցէ Աստապատցի Մինասն, որ զայդ առնիցէ: Մի՞թէ ազգս արծաթագին է հօր դորա՛, որ ում⁷ եւ կամիցի՝ վաճառիցէ յաղագս պորտոյ եւ յորովայնի իւրո՞յ: Եթէ այդպիսի է կարգ եւ կանոն կաթուղիկոս ձեռնադրութեան, ո՞վ է⁸ պակաս քան զնա, որ ոչ կարիցէ գոմն կատարօղ ախտի իւրոյ ձեռնադրել կաթուղիկոս: Քանզի ի ձերում աշխարհի յոլովք գոն վանորայք եւ եպիսկոպոսունք,

նաեւ՝ ի մերս աշխարհի: Եթէ այդպէս իցէ, որ առանց ընտրութեան եւ վկայականի թղթոյ ձեռնադրեալն է կաթողիկոս, որում պարտ է հնազանդել՝ ո՞վ է, որ ոչ կարիցէ իբրեւ զԱստապատցին օծանել զոք ի պատիւ կաթողիկոսութեան: Ո՞վ է, որ պակաս է քան զնա, որ օծեալ նորա լիցի կաթողիկոս, եւ այլոցն՝ ո՛չ: Եթէ նորայն ընդունելի է, ուրեմն այլոցն պա՛րտ է լինիլ եւ ընդունելի, իսկ թէ այլոցն ո՛չ, ուրեմն՝ եւ նորայն ո՛չ: Տի՛նա, որ Աստապատցին ոչ է ի յարգի՞⁹ հասարակաց, այլ յոռի եւ անարգ քան զամենեսեան՝ յաղագս անուսման եւ անվարժութեան իւրոյ: Ջոր տգիտութիւնն մայր գոլ սահմանեցին ամենայն մոլութեանց, որովք դա՛ կայ պարաւանդեալ, որ այդպիսի ոճրագործութիւն գործեաց ի մէջ ազգիս: Որ եւ յետ կատարման գործոյն գրեալ են առ մեզ կրկին պատճառ. նախ՝ թէ «ըստ կտակի Հոգեւոր Տիրին արարաք զայս», երկրորդ՝ թէ «ի ձէնջ առաքեալ թղթոյն բանին գործեցաք»:

Առաջնոյն զայս պատասխանեմք, թէ Եղիազար Հոգեւոր Տէրն ո՛չ է արարեալ զայդ կտակ, որպէս եւ կանխագոյն յայտ իսկ է ձեզ եւ յետոյ մեզ եւս եղեւ զստոյզն¹⁰ յայտնի, զոր, եթէ կամիք, մե՛ք ծանուցողք ձեզ զճշ[մ]արիտ կտակ Հոգեւոր Տիրին:

Արդ, որովհետեւ արար՝ վասն է՞ր ոչ դրոշմեաց ձեռամբ իւրով ի քարտիսի, զոր կանխագոյն իսկ ունէր սովորութիւն յաւարտ բանին դնէր ձեռս, ասելով թէ. «առ ի հաստատութիւն բանիս եղի զձեռագիրս¹¹ ի վերայ»: Որ քանի՛ թուղթ առ մեզ գոյ՝ այսպիսի գրեալ եւ դրոշմեալ: Հարկաւորապէս եւ առաւելապէս դմին իրի յաւէտ պա՛րտ էր¹² զայդ սովորութիւն ի գործ ածել, զի համաշխարհական է¹³ բանդ եւ իրագործութիւն, որով երեւի ոչ գոլ ճշմարիտ զասացեալն:

Ասեմք, թէ եւ ասացեալ եւս լիցի. հայեցարո՛ւք ի կարգս եւ ի կանոնս հարցն սրբոց եւ երանելի նախնեաց՝ եթէ այդպէ՞ս է սովորութիւն եւ կարգ, որ¹⁴ կաթողիկոսն, թարց ժողովոյ եպիսկոպոսաց եւ վարդապետաց, նաեւ հարց վանականաց լեռնակեաց կրօնաւորաց եւ աշխարհաժողով հանդիսի, ինքնահաճ կամօք, ըստ ախորժակաց սրտի իւրոյ, կոչեսցէ զոք ի պատիւ կաթողիկոսութեան: Եթէ այնպիսին ընդու[ն]ելի եղեալ է՝ եւ ա՛յժմս¹⁵ լինիցի, ապա թէ թիւր եւ զարտուղի է յընթացից նախնեաց՝ ուրեմն ո՛չ է ընդունելի:

Եթէ հարցն առաջնոց եւ նոցին կանոնաց ոչ անսան, գոնէ ի մերուս եղեալ ժամանակի հարցն անսասցեն, որ ի թուահա-

չու[ու]թեան տոհմիս հայկական հազարերորդի հարիւրորդի եւ տասնեւհինգ ամի¹⁶ մեծանուն վարդապետք, երեւելիք եւ նշանաւորք ժողովեալ են ի Սուրբ Աթոռդ էջմիածին, հետեւելով հարցն սրբազանից, եւ քանի գլխով բան կարգեալ յաղագս կաթողիկոս ձեռնադրութեան, թէ որ ոչ լինի այնպէս՝ խոտելի է: Որոց գրեալ բանքն լուսաւոր հոգի Մովսէս վարդապետին ձեռնագրով եւ այլ սրբազան վարդապետաց կնքով եւ գրով առ մեզ է, որոյ սաւատն¹⁷ եւս առ ձեզ առաքեցաք: Եթէ այնց բանից միոյն համաձայնի արարեալն ներկայիս, ապա է՛ մեզ ընդունելի, իսկ թէ ո՛չ՝ մեք ումեք ոչ եմք պարտական՝ եթէ գպարտան պահանջեսցէ: Այսքան առ առաջինն:

Երկրորդին գայս տամք պատասխանի. թէ գրեալ եմք մեք առ Տէր Եղիազար կաթողիկոսն եւ ոչ կարեմք յուրաստ լինել, թէ «որքան դու կենդանի ես՝ մեր կաթողիկոս դու ես, եւ յետ քո կատարող եմք կամաց քոց եւ քոյոցն առնելոց եմք կաթողիկոս»: Ահա Եղիազար Հոգեւոր Տիրին ո՛չ մի ունէր աշակերտ, այլ յուրով: Եթէ մեք յանուանէ՛ մարդոյ անուն գրեալ եմք, ապա թէ մեզ վերայ հաստատի բանդ: Իսկ թէ անորոշակի եմք գրեալ, ապա՝ զուր եւ նանիր է մեզ վերայ ասացեալդ եւ անպատշաճ արարեալդ:

Ի յաւիտենից ոչ ոք լուաւ, թէ նախքան զթաղումն վախճանեալ կաթողիկոսի օծանիցի նոր կաթողիկոս, զոր ահա եղեւ: Մի՞թէ Եղիազար Հոգեւոր Տէրն այր տգէտ երեւեցաւ յաչս ոմանց, քանզի, իւր խոհեմութեամբն եւ խորագիտութեամբն, ի գալն յերուսաղէմայ նստաւ ի Կոստանդնուպօլիս՝ ասելով, թէ «ոչ եկից ի Սուրբ Աթոռն, մինչեւ ո՛չ գայցէ մանսար Իսպահանու»: Եւ յորժամ առաքեցաք՝ իսկոյն եկն: Այսպէս լինի արարք առն խոհեմագունի: Եթէ յաղագս ինքեան այսպէս խորհէր, ապա վասն այլոյ զիա՞րդ հրամայէր լինել առանց մեր մանսարի: Չոր յետ գործոյն կատարման թարց վկայականի թղթոյ ապա խնդրեալ էին ի մէնջ մանսար, զոր մեք¹⁸ նարդեանս գրեալն յայնժամն էաք գրելոց: Բայց երկրորդ Հոգեփեռնէս¹⁹ եւ Գոգզոսս՝ անկեալ եւ կործանեալ չԱւետս²⁰, կաշառակուր եղեալ եւ արծաթով կուրացեալ, կրկին եւ երեքկին անգամ ընկալեալ զկաշառ, լի՛ պասի հուքմ²¹ հանեալ եւ առաքեալ առանց մեր մանսարի²², սալահի²³ եւ գիտութեան, որոյ վասն եւ ինքն կործանեցաւ եւ նոր քալանթար հաստատեցաւ Մահտասի-խօջա²⁴ Պետրոսի որդի՝ Քրիստոսիւ օրհնեալ խօջա Ղուկասն, ամենեւի՛ն յար եւ նման բարե-

պաշտութեան հօրն իւրոյ: Այսուհետեւ կաշառն անգործ եղեալ՝ ճշմարտութիւնն է թագաւորելոց եւ ուղղութիւնն հաստատելոց: Ժա՛մ է այսուհետեւ մեզ, սիրելիք, ի քնոյ գարթնուլ, քանզի գիշերն մերժեցաւ եւ տիւն մերձեցաւ:

Զայս թուղթ վասն այնր առաքեցաք առ մեծութիւն ձեր, զի ցուցանիցէք կաթուղիկոս եղնողիդ. եթէ կամի դա բռնութեամբ եւ ուժգնութեամբ բազկի իւրոյ տիրել մեզ՝ ո՛չ կարէ: Քանզի մեք ոչ ումեք եմք արծաթագին: Զի բարձրեալն, որոյ տէրութիւնն սեփական է²⁵ եւ իշխանութիւնն՝ բնութեամբ, բռնաբար ոչ ումեք տիրէ, թո՛ղ թէ մարդ: Իսկ ապա թէ արդարութեամբ եւ իրաւամբք տիրէ՝ հնազանդիմք եւ մեք առաւել քան զառաւել:

Եւ թէ զի՞նչ է արդարութիւն եւ իրաւունք, այսինքն է՝ գնալ անխոտոր զշաւիղս յառաջնոցն սրբոց. եթէ նախնեացն եւ գերագունիցն ոչ, սակայն յետնոցն, որ ի մերուժս ամանակի զառաջնոցն ստացան վարս եւ առաքինութիւնս, ճշմարտութեան կարգաց եւ կրօնից հետեւելով: Զլուսաւոր հոգիք Մովսէս եւ Փիլիպպոս կաթուղիկոսացն ասեմք, որ ի վերջին ժամանակս փայլեցան իբրեւ զարեգակն ջահաւորեալք ի մէջ սուրբ եկեղեցոյ²⁶ եւ յազգս²⁷ Հայաստանեայց:

Եւ զի՞նչ է ինզիր մեր եւ զո՞րս՝ համառօտաբար կարգեսցուք երկոտասան գլխօք:

Նախ. զի կաթուղիկոսն միշտ եւ անպարապ ընթեցցի՛ր՝ զԱստուածային գիրս եւ ինքն նովիմք վարեսցի՛ր՝ եւ վարեսցէ՛ր՝ գեկեղեցի:

Երկրորդ. զի դպրատունս եւ զգասատունս հաստատեսցէ՛ր՝ յամենայն տեղիս, որպէս սովորութիւն է այլազգեաց քրիստոնէից, եւ մանաւանդ թէ մեզ իսկ գլխովին, նաեւ պարսից եւս, զոր գիտողացն է քաջայայտ՝ թէ որքան ունին ջանք եւ փոյթ յայդմ իրի: Քանզի շինութիւն եւ հաստատութիւն ազգի դովա՛ւ լինի: Որպէս եւ տեսանեմք խոպանացեալ եւ անգիտանացեալ ազգն վրաց՝ յաղազս ոչ ունելոյ փոյթ զայնմանէ:

Երրորդ. զի եւ ինքն ասուեղէն զգեցցի՛ր՝ եւ ո՛չ բամբակեղէն կամ վշեղէն, եւ ո՛չ այլոց թոյլ տայցէ:

Չորրորդ. զատ եւ առանձին ի միաբանից ո՛չ յաղօթս կացցէ եւ ո՛չ հաց կերիցէ, այլ ընդ միաբանսն հաղորդեսցի՛ր ի յամենայն աղօթսն եւ ի հացկերոյթ սեղանատեղսն:

Հինգերորդ²⁸. մի՛ լիցի առանձին տնտեստուն եւ մառան եւ

մի՛ իմ եւ քո ի մէջ բերիցէ ի հասարակ տան. ինքն իւրայովքն աւելորդօք քան զհարկաւորն շատացեալ, եւ հասարակն անխնամ եւ անայցելու մնացեալ կարօտ հարկաւորին: Այլ զամենայն մի լիցի՝ եթէ՛ դանձարան²⁹, եթէ՛ շտեմարան, եթէ՛ տնտեստուն, եւ եթէ՛ սեղանատուն:

Վեցերորդ. մի՛ զարդարեալ սիգաքայլ երիվարօք յոխորտացեալ յօրանայցէ, այլ կիսիչեօ՛ք շրջեսցի, որպէս եւ տեսեալ ի՛սկ եմք զնախնինն աչօք մերովք:

Եօթներորդ. ո՛չ ունիցի երկու կամ երեք եւ չորք փայեակ³⁰, որպէս այժմս լսեմք, այլ միով սուրհանդակաւ բաւականանալ՝ որպէս նախնի կաթուղիկոտունքն:

Ութերորդ. նոր զարմանս եւ ծիծաղելիս ո՛չ առնել, այսինքն՝ թէ քարչել առաջի, ըստ օրինի իշխանաց, եղակս³¹ մէկ, երկու եւ կամ աւելի եւ պակաս: Եւ կապել թիւր եւ զաղարայ³², որ կարի հեռի է ի հոգեւոր իշխանութենէ, զի զէն զինուորութեան մերոյ ո՛չ է մարմնաւոր, այլ հոգեւոր՝ ըստ առաքելոյ³³:

Իններորդ. ո՛չ պահել մատաղ մանկունս զսպասաւորս առաջի, զարդարեալ զգեստիւք՝ ի գայթակղութիւն տկարամտաց, այլ կատարեալ հասակաւ եւ մուրուօք, սեւազգեստ եւ խոշորահանդերձ՝ ի յամօթ հակառակորդաց բամբասողաց:

Տասներորդ. արանց տգիտաց եւ անվարժից մի՛ տայցէ պատիւ եպիսկոպոսական եւ իշխանութիւն վարդապետական, քանզի նոքա՝ որ ունին ջան եւ աշխատասիրութիւն ուսման, տեսանելով զայլս թարց ջանից եւ աշխատանաց ընկալեալ զպատիւ եպիսկոպոսութեան եւ զաստիճան վարդապետութեան, եւ նոքա յուսահատեալ խափան լինին ի բարի յառաջադիմութենէ, եւ մնայ ազգս ի մէջ անգիտութեան խաւարի յազգս անընտրութեան՝ ըստ Արիստոտէլի, որ ասէ. «եթէ կամիս բարեկարգութիւն տան՝ ընտրեայ զլաւն ի վատթարէն եւ զվաստ[ա]կաւորն յանջանէն»: Եւ ըստ իմաստնոյն, թէ «զփառս իմաստունք ժառանգեսցեն»:

Մետասաներորդ. ո՛չ ածել պատիժս անպատշաճս ի վերայ ուրուք անյարմար կարգի եւ աստիճանի, որպէս լսեմք, թէ այս ինչ մարդոյ մուրուս կտրեալ է եւ այս ինչ մարդ՝ ի սիւն կապեալ: Ոչ մի անգամ լսեմք, այլ յովակի: Ուստի՞^o ունի օրինակ զայդպիսի անպայ արարմանց. զայր եպիսկոպոս առանց ժողովոյ եւ դատաստանի,

ի ժամ հացկերութեան եւ գինի ըմպութեան կապեալ ի սիւն եւ բրածեծ տալ առնել արանց սրիկայից եւ ելուզակաց, եւ յետոյ զմուրուան հատանել: Բարեպաշտն Կոստանդիանոս ե՞րբ արար զայդ Արիոսի, թէպէտ եւ սպանման էր արժանի, եւ կամ Փոքրն Թէոդոս առ Նեստոր ե՞րբ գործեաց զայդ, եւ կամ հայրապետքն սուրբք ե՞րբ օրէնս վարկան եւ իրաւունք համարեցան այդպիսի դատաստանաւ դատել զեկեղեցական եւ մանաւանդ եպիսկոպոս, որպէս գրէ սուրբն Կիւրեղ Աղեքսանդրացի յաղագս պղծոյն Նեստորի՝ թէ. «լուծումն արարաք զնա յեպիսկոպոսութենէն իրաւամբք ժողովոյն»: Զի Մովսէս Հոգեւոր Տէրն ե՞րբ արար զայդ, եւ կամ լուսաւոր հոգի Փիլիպպոս կաթողիկոսն՝ ԻԴ (24) ամ վարեալ զկաթողիկոսութիւնն, ե՞րբ եւ կամ ո՞ւմ մուրուս կտրեաց կամ սիւն կապեաց: Նոյնպէս եւ Յակոբ Հոգեւոր Տէրն, քսան եւ հինգ ամ կացեալ յԱթոռն, միայն Ոնոփրիոսին էած զայդ պատիժ, նմին՝ աշխարհ վկայէր մահու գոյ արժանի եւ ո՛չ լոկ պատժոյ: Զոր ա[յ]ժմս տարի եւ կէս է՝ քանիսն լսեմք զայդպիսի խայտառակեալ զուր եւ ունայն պատճառաւ: Այդպիսի պատիժ քաղաքական օրինի եւ դատաստանի է անկ եւ ո՛չ եկեղեցական: Վասն որոյ ոչ կամիմք զայր եպիսկոպոս կամ վարդապետ, թարց ժողովոյ եւ կանոնաց, դատել կամ պատժել: Յորմէ պատճառէ վնասս յուրվս³⁴ ծնանի, զի ժամանակս չար է³⁵:

Երկոտասաներորդ. մի փոփոխեաց զթեմ եւ զվիճակ եպիսկոպոսաց ըստ նմանութեան Բրքիչօյի եւ Շմուէլի, որ մինն զմեռեալ եպիսկոպոսաց վիճակն յափշտակէր, իսկ զմիւսն՝ եւ զկենդանի եպիսկոպոսաց, որպէս գրէ քերթողահայրն Մովսէս ի Վիպագրութեան իւրում³⁶, այլ, ըստ ուղիղ կանոնաց առաքելական եւ հայրապետական՝ իւրաքանչիւր եպիսկոպոս տիրէ յիւրում վիճակին, եւ իւրաքանչիւր թէ՛մ՝ յիւրում աթոռոյ կացցէ եւ մնասցէ, զոր ի բնէ ունի կարգեալ եւ հաստատեալ: Բայց թէ առաջնորդ եպիսկոպոսն անուղղագործս ունիցի՝ դատեսցի ըստ իրաւանց կանոնաց եկեղեցւոյ եւ որպէս արժանն է՝ պատժեսցի: Քանզի ի փոփոխմանէ եւ ի բաժանմանէ բազում չարիս ծնեալ է, ծնանի եւ ծնանելոց է: Ըստ տէրունականն բանի՝ «տուն, քաղաք եւ թագաւորութիւն բաժանեալ՝ կործանի»³⁷: Եւ զի ամենեցունցը է քաջայայտ, որ իւրաքանչիւր աթոռ պսակեալ է ընդ իւրոյ վիճակին, որոց ո՛չ է պարտ բաժանիլ ի միմեանց, թէպէտ յետ սրբասէր կաթողիկոսին Տեառն Փիլիպպոսի ոմանց բաժանումն ե-

դեպի է, եւ այն՝ ոչ կանոնական իրաւամբք, այլ յանիրաւ յարձակմանէ, որոց յայսմ հետէ ոչ կամիմք եւ ոչ թողացուցանեմք լինիլ զայն անկարգութիւն³⁸: Եւ ի վերայ այսր ամենայնի Աստապատցի Մինասն արտաքսեսցէ՛ եւ Հալածեսցէ՛ ի Սուրբ Աթոռոյդ եւ յԱյրարատ գաւառէ եւ կորուսցէ՛ ի բնիկ տեղի իւր, եւ զոր ինչ ստացեալ է եւ ունի, խլեսցէ՛ ի ձեռացն: Մոլորուս կտրելոյ, սիւն կապելոյ եւ բրածեծ առնելոյ դա՛ է արժանի, եւ ո՛չ այս եւ այն: Հալածեալ կորուսանիցե՛ք ձեռագրով, որ այլ յերեւան³⁹ չկոխէ: Բարի է: Ապա թէ ո՛չ, ձձմարտին յայտնի է՝ մե՛ք առնեմք արքունի հրամանաւ: Եւ գիտեմք, թէ որպէս անպատմելի եւ անասելի խայտառակութեամբ կորուսանելոց եմք հանդերձ դատապարտական պատժիւք, քանզի դա՛ եւս բազմադիմի կաշառօք կուրացուցանէր զայս գարշելի այրակերպ գագանս⁴⁰ յադագս ի գլուխ հանելոյ զիւր չարութեան գործն: Վասն որոյ ոչ կամիմք այդպիսի բանսարկու եւ շոգմոգ առն մնալ ի սուրբ եւ ի հոչակաւոր տեղիդ, այլ յանկեան ուրեք ծակամուտ կացցէ՛, որպէս եւ արժանի է:

Ահա զայս երկոտասան բանք կարգեալք պահանջեմք ի կաթողիկոսէն՝ ով ոք եւ իցէ: Եւ զայս բանս խնդրանաց եղբայրական սիրով առ ձեզ առաքեցաք՝ իբրեւ անդամք միմեանց լինելով ցաւակիցք: Եւ դուք տարեալ ցուցէք իւրն: Եթէ հաւանի եւ ընդունի՝ գրով եւ կնքով իւրով եւ վկայութեամբ երջանիկ եպիսկոպոսաց, առ մեզ առաքեսցէ իբրեւ զայետիկար⁴¹ անջի[ն]ջ մնալ առ մեզ՝ յայնժամ եւ մեք սիրով հլու հպատակութեամբ հնազանդ լիցուք նմա իբրեւ գլխոյ, եւ ինքն թագաւորեսցէ յեկեղեցիս մեր որպէս զարեգակն: Ապա թէ ոչ ընդունիցի զասացեալս մեր եւ կամ գրեալքս խոտան համարեսցի, յայնժամ զգրեանս մեր դարձուսջիք յետս: Յայնմ հետէ գիտեմք եւ մեք, թէ որպէս պա՛րտն իցէ առնել յամենայն կողմանէ անխիղճ:

Տպեցաւ տիպս երկու հարիւր. ի դրան Սուրբ Ամենափրկչի վանացս Նոր Զուղայու. յիսպահան քաղաքի. ի թուում կենարարին մերոյ հազար վեց հարիւր [ին]սուտն եւ երեք եւ ի Հայոց՝ հազար հարիւր քառասուտն եւ երկու (1693), յամսեանն մայիսի Ա (1)»:

Քննություն Ա վավերագրի

1. Տպագրությունը

Այսպիսով, 1693 թ. Նոր Զուղայի Հայությունը («...ի Շոշ եղեալ քրիստոնէախումբ դասք եկեղեցականաց եւ աշխարհականաց») այս գրությունն ուղարկել է Մայր Աթոռի միաբաններին և Արարատյան ու Ատրպատականի երկրների հոգևոր հայրերին: Օգտվելով 1636 թ-ից ի վեր Նոր Զուղայում հաստատված և ընդմիջումներով գործող տպարանի ընձեռած հնարավորությունից և, անշուշտ, նկատի ունենալով չրջաբերականի կարևորությունը՝ այն 200 օրինակ բազմացրել են: Իմիջիայլոց, ընթացիկ խնդիրների այսպիսի արձարծումն աննախադեպ երևույթ է XVI-XVIII դդ. Հայ տպագրության պատմության մեջ: Ընդ որում, այս երկու փաստաթուղթը Նոր Զուղայի Հայ տպագրության առաջին չրջանի (1636-1696 թթ.) վերջին նմուշն են (Հայ տպագրությունն այնտեղ վերսկսվել է միայն 1872 թ.)⁴²:

2. Պատմական ետնախորքը

Մեզ հետաքրքրող իրադարձությունների մասին ցարդ հայտնի էր հետևյալը: 1691 թ. Ամենայն Հայոց կաթողիկոս է դարձել Նահապետ Եղեսացին: Ժամանակակից Հայ հեղինակները սրան բնութագրում էին իբրև «ճոռոմախօս, փառապերճ, ահարկու»⁴³, սակայն «կարգալոյ եւ յօրինաց թոյլ» կաթողիկոս⁴⁴: Այսպես, Զաքարիա Քառաքեռցին Նահապետի մասին գրել է.

«...կարի սաստիկ էր ի վերայ յանցաւորաց, եւ եթէ ոք պակասութիւն ինչ գործէր, սա կալեալ հրապարակաւ կախէր, եւ գանալից առնէր, եւ տուգանէր մարմնաւոր իշխանութեամբ, հարէր զմորուսն եւ գանգուրն, եւ արկանէր ի բանտ եւ շղթայէր: Եւ այսպէս ահարկութեամբ կայր ի վերայ ամենայն եկեղեցականաց եւ քահանայից»⁴⁵:

Քանաքեռցիին նաև հայտնում է, որ այդպիսի վերաբերմունքի արժանանալուց հետո միայն «վիրաւորեցան ոմանք ի սեւագլխոց ի մերումս աշխարհէ» և, միաբանելով Նախիջևանի ու Գողթնի եպիսկոպոսների հետ՝

«գրեցին առ Ստեփաննոս վարդապետն, որ էր առաջնորդ Ասպահանայ եւ Ջուղայու, թէ «կաթուղիկոս այս խանգարեաց ամենայն կարգ եւ օրենք, զոր սահմանեալ էին նախնիքն մեր, եւ ինքն զոր ինչ եւ կամի՝ այնպէս վարէ առանց կանոնաց եւ վկայութեանց գրոյ»⁴⁶:

Հովհաննավանքում, այսինքն՝ էջմիածնի անմիջական վերահսկողութեան ներքո, պաշտոնավարող Ջաբարիա Քանաքեռցիին վերը նշված և «այլ» (չհիշատակված) ամբաստանությունները «սուտ» է անվանում, որ հակասում է իր իսկ (վերը մեր մեջբերած) տողերին և մի այլ առիթով արած պարզ դիտողությունը՝ «...Բայց զկարգ եւ զկանոն առաջին կաթուղիկոսացն քայքայեցաւ ի Սուրբ Աթոռոյն եւ յամենայն վանորէից վասն թոյլ տալոյ նոցա... (իմա՝ Եղիազար եւ Նահապետ կաթողիկոսների, Ա.Ա.)»⁴⁷: Ինչպես շուտով կտեսնենք, այս ցավալի իրողությունը հաստատում են նաև այլ փաստեր:

Այնուհետև, դեպքերը զարգացել են այսպես. Ստեփաննոս Ջուղայեցիին ձեռք է բերել Նահապետին դահազրկելու և նրա փոխարեն կաթողիկոսանալու շահական հրովարտակ և իրենից առաջ էջմիածին է ուղարկել Դավիթ Ջուղայեցու աշակերտ Աղեքսանդր Ջուղայեցուն՝ Նահապետին Տաթևում արգելափակելու առաջադրանքով: Բայց վերջինս խուլյս է տվել: 1696 թ. նոյեմբերի 2-ին էջմիածնում Ստեփաննոսը՝ Մինաս Ամղեցու ձեռքով, օծվել է Ամենայն Հայոց կաթողիկոս: Սակայն ընդամենը երկու-երեք ամիս անց⁴⁸ Նահապետը, օգնական ունենալով իր «մտերիմ բարեկամ», ընտանյոք մահմեդականացած և շահի արքունիքում կարևոր դիրքի արժանացած Նոր Ջուղայի նախկին քալանթար Ավետիսին⁴⁹, ինչպես նաև կաշառքի զորությունը, վերագրավել է Մայր Աթոռը: Ստեփաննոս Ջուղայեցիին բանտարկվել է, ենթարկվել դաժանազույն խոշտանգումների և մահացել: Այնուհետև՝ Նահապետի կամքին հակառակ, Նոր Ջուղայի առաջնորդ է ընտրվել Աղեքսանդր Ջուղայեցին (ապագա կաթողիկոսը): Հայտնի է նաև, որ մինչև Նահապետի մահը (1705 թ. հունիսի

13)⁵⁰ Նոր Զուղայի հայուլթյունը հրատարվել է ընդունել նրան որպես Ամենայն Հայոց կաթողիկոս⁵¹: Զաքարիա Քանաքեռցին, լուսլթյան մատնելով այս հանրահայտ փաստը, դրանով իսկ բացահայտում է Նահապետին վերաբերող հարցերում իր գրչի կաշկանդվածությունը⁵²:

Արդ, ինչպես տեսնում ենք, մինչ այժմ մեր ձեռքի տակ եղած նյութերը, չնչին բացառությունք⁵³, շրջանցում են 1691-1696 թթ. միջև եղած անցուղարձը: Ահա այս բացն է, որ զգալիորեն լրացնում է 1693 թ. Նոր Զուղայում տպագրված շրջաբերականը:

3. Նահապետ Եղեսացու կաթողիկոսանալու հանգամանքները

Ըստ Չամչյանի՝ Նահապետի օծումը եղել է Եղիազար Այնթապցի կաթողիկոսի մահից ընդամենը երկու օր անց՝ օգոստոսի 10-ին⁵⁴: Այս արագությունը շփոթեցրել է անգամ ժամանակակիցներին. Ավետիք Եվդոկիացին իր հիշատակարանի մեջ գրում էր, թե Եղիազարը, կանխագգալով իր մոտալուտ վախճանը, ելել է մահճից, պատարագ մատուցել և իր ձեռքով օծել Նահապետին, այնուհետև, անկողին վերադառնալով՝ «նոյնժամայն» մահացել⁵⁵: Օրմանյանը, Չամչյանի հաղորդած «ընտրելագոյն» ժամանակագրական տվյալների հիման վրա, իրավամբ հերքել է Ավետիք պատրիարքի այս հաղորդման հավաստիությունը, սակայն, ձեռքի տակ չունենալով լրացուցիչ աղբյուրներ, սխալմամբ ենթադրել է, թե Նահապետի ընտրությունը ժամանակի օրինականության սահմաններում է եղել, որից հետո՝ «ոչ մի կողմեն նկատողություն չի հարուցվիր և ամեն կողմն առանց դիտողության կընդունվի Նահապետի կաթողիկոսությունը»⁵⁶:

Մինչդեռ, արդեն 1693 թ. մայիսի 1-ին, Չուղայեցիները, արձանագրելով, որ Նահապետի ձեռնադրությունը կատարվել էր «նախքան զթաղումն վախճանեալ կաթողիկոսի», մի բան՝ որ «ի յաւիտենից ոչ ոք լուաւ», վճռականորեն դատապարտում էին եկեղեցական կանոնադրության այս կոպիտ խախտումը: Դեպքի մասին հավե-

լյալ մանրամասնություններ է հաղորդում Աղեքսանդր Զուղայեցի կաթողիկոսը՝ 1708 թ. փետրվարի 20-ին արձակած շրջաբերականով:

«Իսկ յետ վախճանի սորա (իմա՝ Եղիազար Այնթապցու, Ա.Ա.) յինն ժամու, ձեռնադրեցաւ յԱթոռն Հայրապետական Տէր Նահապետ կաթողիկոսը...» Թարց ազգիս գիտութեան եւ առաջնորդաց եկեղեցեաց հաւանութեան: Որպէս ի վերոյ գրեցաք յաղագս Յակոբ [Դ Զուղայեցի] հայրապետի, թէ յԱրզրում եւ ի Դաւրէժ ոչ եհաս լուրն⁵⁷, իսկ սորայս ի Կաղզուան եւ ի Նախչուան ո՛չ իմացան: Քանզի յաւուր յորում Եղիազարն փոխադրեցաւ, եւ սա ի նոյնում աւուր եւ ի նոյնում պատարագւոջ, ուր էր դի նորա եղեալ ի դագաղի, նախ ինքն ձեռնադրեցաւ կաթողիկոս եւ ապա օծեալ՝ զնա իջոյց ի գերեզման: Զորպիսի ձեռնադրութիւն ո՛չ վայել է գեղջկան երիցու միոյ, թող թէ՛ կաթողիկոսի եւ հայրապետի, եւ մանաւանդ ազգի գլխոյ»⁵⁸:

Ավելին՝ ոտնահարված էր XVII-րդ դարում ավանդական դարձած Ամենայն Հայոց կաթողիկոսի ընտրութեան կարգը, ըստ որի, եթե էջմիածնում ազգային կամ եկեղեցական ընտրական ժողով չէր հավաքվում, Մայր Աթոռի միաբանությունը, կաթողիկոս ձեռնադրելուց առաջ իր առաջադրած թեկնածուի անունը (որ սովորաբար որոշվում էր նախորդ կաթողիկոսի կամքը հաշվի առնելով)⁵⁹ պետք է հաղորդեր բոլոր կարևոր թեմերին, այնուհետև նրանցից ստանար համաձայնութեան վկայականներ (այսպես կոչված, վկայական թղթեր կամ մահզար-ներ)⁶⁰: Այս իսկ պատճառով Փրիլպպոս Աղբակեցու ձեռնադրությունն, օրինակ, հետաձգվել է ութ ամսով՝ 1632 թ. մայիսից մինչև 1633 թ. հունվար⁶¹, իսկ Աղեքսանդր Զուղայեցունը երեք ամսով՝ 1706 թ. սեպտեմբերից մինչև դեկտեմբերի 7-ը⁶²:

Նահապետ Եղեսացու ձեռնադրությունը կատարված փաստի առջև էր կանգնեցրել ո՛չ միայն ջուղայեցիներին: Մեկ այլ փաստաթղթից գիտենք, որ Նահապետի կաթողիկոսանալը՝ առանց նախապես Հայաստանյայց եկեղեցու թեմական առաջնորդների և ժողովրդի համաձայնությունը ստանալու, դժգոհություն էր առաջացրել նաև պոլսահայրկյան մեջ⁶³:

4. Նորջուղայեցիների և պոլսեցիների մասնակցությունը կաթողիկոսական ընտրություններին

Բերված փաստերը վկայում են, որ Նահապետը, չունենալով հայություն երկու ամենահարուստ և ազդեցիկ հատվածների՝ պոլսեցիների և ջուղայեցիների հավանությունն ու աջակցությունը, օրինականության պահպանման դեպքում կաթողիկոս էր ընտրվի, քանզի առաջինները ցանկանում էին կաթողիկոս ընտրել Մինաս Ամդեցուն, իսկ վերջինները՝ իրենց առաջնորդ Ստեփաննոսին:

1708 թ. փետրվարի 20-ի՝ վերը հիշատակված շրջաբերականում Ադեքսանդր Ջուղայեցիի հատուկ շեշտում էր կաթողիկոսական ընտրություններում ջուղայեցիների և պոլսեցիների ձայնի առաջնայնությունը:

«...յետ այս եւ առ յսպայ, յորում ժամանակի եւ իցէ՝ թարց սպլահի եւ մանսարի եւ վկայական թղթոյ չորեքժագեան կողմանէ, որք թեմ եւ վիճակ են եւ ժողովուրդ Սուրբ Աթոռոյս եւ հարազատ որդիք Մօրս ամենայն եկեղեցեաց՝ Վաղարշապատու սուրբ քաւարանին էջմիածնի, յաւէտ եւս եւ մայրաքաղաքաց եւ արքայանիստ գահից, այսինքն՝ Իսպահանու եւ Իստամբուլու, եւ առանց մեծի ժողովոյ ի Սուրբ Աթոռս՝ մի՛ ձեռնադրեսցեն զոք ի պատիւ կաթողիկոսութեան: Եթէ ո՛չ այսպէս՝ անընդունակ եղիցի»⁶⁴:

Հետևաբար, հե՛նց այս շրջաբերականը նկատի ունեն Աբրահամ Կրետացին, երբ 1734 թ. Երևանի փաշային ասում էր, թե.

«Մեր նախնի սովորութիւնն այն է, որ մահսար անէն Սպահան եւ Ստամբուլ, որ այն Բ (2) քաղաքացիք միաբանին եւ զմի ոմն ընտրեն եւ կացուցանեն [կաթողիկոս]: Ապա թէ ո՛չ, Սուրբ Աթոռին եւ կաթողիկոս նստողին մեծ վնաս կլինի: Որ եւ գիր ունիմք այսպէս՝ հաստատեալ բազմաց գրով եւ կնքով եւ նզովիւք փակեալ»⁶⁵:

Մյուս կողմից, սկսած նույն Ադեքսանդր Ա Ջուղայեցուց, էջմիածնի կաթողիկոսները, բացի պարսից շահից, ենթակա էին դառնում նաև օսմանյան սուլթանի հաստատմանը՝ «որոյ պատճառն է, - զայրույթով նշում է Սիմեոն Երևանցին, - գլխավորապես Եղիազա-

րու [կաթողիկոս Այնթափցու] եւ այլոց նոյնապիսեաց լրբութիւնն»⁶⁶: Սրանով, կաթողիկոսական ընտրություններն է՛լ ավելի էին ենթակա դառնում օտար միջամտություններին:

5. Մինաս եպս. Աստապատցի

Ջուղայեցիների 1691 թ. մայիսյան շրջաբերականից պարզվում է, որ Նահապետին օծել էր ոմն Մինաս Աստապատցի եպիսկոպոսը, որը նաև կաշառելով («կաշառակուր» անելով) Նոր Ջուղայի քաղանթար, կարճ ժամանակ անց (1693-1694 թթ.) ուրացած վերոհիշյալ Ավետիսին, առանց Ջուղայեցիների գիտության, հաջողեցնում է շահական արքունիքից Նահապետի անունով կաթողիկոսության ուղամ ձեռք բերել: Նահապետն էլ, հաշվի առնելով սրա ծառայությունները, նշանակում է նրան իր աթոռակալ-փոխանորդ: Այս Մինասի մասին մեզ հասած կցկտուր տեղեկություններից ժամանակագրորեն առաջինը 1690 թ. հուլիսի 2-ին՝ «ի դրան է Սբ. Էջմիածնի» «Պարոն Սօլարէթխուցէս (=գլխավոր գանձապահ) Քայիխոսրով բեգին» ուղարկած նամակի մի հատվածն է, որը գրել է «ՅԻՍՈՒՍԻ ՔՐԻՍՏՈՍԻ ծառայ Մինաս վարդապետ, աթոռակալ ամենապայծառ եւ նախամեծար Վեհազարդ սրբոյ Աթոռոյս Էջմիածնի»⁶⁷: Այսպիսով, պարզվում է, որ Մինաս Աստապատցին աթոռակալում էր (բայց ո՛չ աթոռակալ-փոխանորդի իրավունքով, որ նրան շնորհեց Նահապետ կաթողիկոսը միայն) դեռևս Եղիազար կաթողիկոսի օրոք: Սույնով հասկանալի է դառնում, թե ինչու՞ և ի՞նչ իրավասությամբ հենց նա էր Նահապետին կաթողիկոս օծողը⁶⁸:

Սրա մասին ևս մի տեղեկություն հայտնում է Սբ. Թադեի վանական Իսահակ եպիսկոպոսը (ո՛չ նույն վանքի առաջնորդ Իսահակ վրդ. Արդարը). «ԹՎԻՆ ՌՃԽԱ (1692) դեկտեմբերի ամսոյ մէկին, Ծ՝ (50) ոսկի աթոռահակալ Մինաս վարդապետէն Աստուծոյ փոխ առաւ Սարգիս վարդապետն, յորժամ ուզէ անպատճառ տայ, գիտութեամբ տէր Դաւթին եւ տէր Յովսէփին»⁶⁹:

«Սուրբ Էջմիածնայ աթոռակալ Մինաս վարդապետ»ի ստորագրությամբ հայտնի է 1702 թ. նոյեմբերի 7-ով թվագրված մի նամակ, որը հասցեագրված է Իսրայել Օրբին և Մինաս վրդ. Տիգրանյա-

նին⁷⁰: Աշ. Հովհաննիսյանը կարծում է, թե այս նամակը գրվել է Մինաս Տիգրանյանի ձեռքով⁷¹: Մեզ համար կարևորն այն է, որ նամակը գրվել է Մինաս Աստապատցու անունից: 1708 թ. այս Մինասը դեռևս ողջ էր. 1708 թ. փետրվարի 20-ի վերոհիշյալ շրջաբերականը ստորագրող-հաստատող 138 հոգուց մեկը նա էր. «Ինձ՝ սապուղ (=Նախկին) աթոռակալ Մինաս վարդապետիս այս սահմանադրութիւնս դապուղ է (=ընդունելի է)՝ որպէս սրբազան Վէհիս կողմանէ»⁷²:

1707-1714 թթ. միջև գրված մեկ այլ կոնդակից մակաբերում ենք, որ 1693 թ. շրջաբերականի պահանջը՝ Մինասին Մայր Աթոռից արտաքսել «ի բնիկ տեղի իւր» Աստապատ, իսկապես կատարվել է, սակայն միայն Նահապետի մահից հետո⁷³: Այդ վավերագիրն ասում է, թե Աստապատի առաջնորդ Մինաս վարդապետը ժամանել է Ս. Էջմիածին, Աղեքսանդր Ջուղայեցու կողմից իբր ջերմ ընդունելություն արժանացել և, ստանալով իր ծննդավայրում նվիրակություն անելու առաջադրանք, շուտով ետ ուղարկվել (նշենք, որ այդ ժամանակ Աստապատը Նախիջևանի նահանգի ամենախոշոր բնակավայրերից էր⁷⁴): Հավանաբար, այս հաշտությունը, բացի մեզ անհայտ ինչ-ինչ կետերից կայացել էր նաև Մինասի՝ Մայր Աթոռի օգտին խոշոր դրամահավաք կազմակերպելու պարտավորություն հոդի վրա: Մինաս Աստապատցու բնութագրությունը շրջաբերականում հետաքրքիր է.

«ո՛չ գրոց աշակերտեալ ի մանկութենէ եւ ո՛չ ճշմարտութեան վարուց հետեւեալ, ո՛չ գտեսականն ծանուցեալ, եւ ո՛չ գործնականին մասին հաղորդեալ, այլ գօրէն գոեհկաց զերկրաւորս եւեթ ողջունեալ եւ ի նոյնն ցանկ դեգերեալ»:

6. Նահապետի կաթողիկոսություն շրջանի հետևանքները

«Կատարված փաստի» մարտավարությունն սկզբում, կարծես, արդարացրեց Նահապետ Եդեսացու, Մինաս Աստապատցու և քալանթար Ավետիսի սպասումները: Սակայն, այս ոչ օրինական (մերօրյա բառապաշարով ասած՝ ոչ լեգիտիմ) ձեռնադրությունը զգացնել տվեց ընդհուպ մինչև Նահապետի մահը՝ հարվածելով Հայ եկե-

դեցու միասնականությունը, հեղինակությունը, նյութական կացությունը, ինչպես նաև նշանավոր գործիչների ճակատագրին: 1708 թ. Աղեքսանդր Զուղայեցի կաթողիկոսն այսպիսի գնահատական էր տալիս իր նախորդի գահակալության շրջանին.

«Եւ երեքտասան ամ կացեալ նա յԱթոռն՝ բայց խազմ եւ խռովութիւն ոչ պակասեցաւ ի ժամանակս սորա, այլ օր աւուր յաւելաւ, եւ բազում եղեւ Աթոռոյս եւ Ազգիս վնաս, զոր վնասուն այնորիկ արգասիքն ահա մեք կրեմք՝ անձամբ անձին հարկատուութեամբ»⁷⁵:

Արդեն 1693 թ. սկզբին, ջուղայեցիների միահամուռ ճնշման տակ, քալանթար Ավետիսը պաշտոնանկ է արվում ու հավանաբար այդ ժամանակ էլ հավատափոխ լինում⁷⁶: Շրջաբերականում այս ուրացողը բնութագրված է իբրև «գարչելի այրակերպ գազան, երկրորդ Հողեփեռնէս եւ Գողոս»:

Հարկ է արժանին մատուցել ջուղայեցիներին և նրանց առաջնորդ Ստեփաննոս վարդապետին, որ անգամ այս կարգի խայտառակ անցուղարձին լավատեղյակ լինելով և կացություն վրա ներազդելու կարողությունն ունենալով՝ նրանք խուսափել են հարվածի սլաքն ուղղել անձամբ Ամենայն Հայոց կաթողիկոսի դեմ, այլ ցանկացել են նրան զսպել ու զգոնություն կոչել՝ Մինաս Աստապատցուն Մայր Աթոռից վռնդելու առաջարկված միջոցով: Վերջինս նշանակվել էր աթոռակալ-փոխանորդ Նահապետի միանձնյա կամքով: Հենց այս օրինախախտության առիթով էին ջուղայեցիք հրապարակ հանել ու տպագրել Հակոբ Զուղայեցի կաթողիկոսի նույնպիսի զանցանքի դեմ 1665 թ. գրված փաստաթուղթը:

Փաստորեն, 1691 թ. մայիսյան շրջաբերականը՝ Նահապետ եղեսացի կաթողիկոսին ուղղված վերջնագիր է. նա կամ պետք է իր գործելակերպի մեջ կտրուկ շրջադարձ կատարեր և մաքրեր իր շրջապատը կամ պատրաստվեր դիմակայելու ջուղայեցիների բուռն և, իրենց իսկ բնորոշմամբ՝ «անխիղճ» հարձակումներին: Ցավոք, նա ընտրեց երկրորդը: Ինն ամիս անց՝ 1694 թ. փետրվարին, Սպահանում դեգերող կարմելիտների Հռոմ ուղարկած մի զեկույցից իմանում ենք, որ Ստեփաննոս Զուղայեցին, հավանաբար տեղեկանալով շրջաբերականի անհետևանք մնալու մասին, իր վիճակի եկեղեցականնե-

րին կարգադրում է՝ պատարագի և ժամերգության մեջ չհիշատակել Նահապետի անունը⁷⁷:

7. Ստեփաննոս Զուղայեցու ընթացքն ու վախճանը

Արդ, այս ամենով հերքվում է նաև Ստեփաննոս Զուղայեցու գործողություններին Մ. Օրմանյանի տված գնահատականը, ըստ որի, դրանք սոսկ «անխորհուրդ ձեռնարկներ» էին՝ «առանց եկեղեցական և կանոնական օրինավորությանց կաթողիկոս մը գահընկեց ընելու և անոր տեղն անցնելու հավակնությունամբ, լոկ մասնավոր խումբի մը գրգռությունամբ»⁷⁸: Ինչպես տեսանք, եկեղեցական-կանոնական օրենքներն ի սկզբանե բացահայտորեն և շարունակաբար խախտողը Նահապետ Եղեսացին էր, որն իր դիրքերն ամրապնդելու համար չէր խորշում ո՛չ ուրացած Ավետիսին, ո՛չ էլ Հոռոմի պապին ու կաթողիկ միսիոներներին դիմելուց⁷⁹: Այս առումով պատահական չենք համարում այն, որ Նահապետի վերահաստատմանը նպաստել էին Թավրիզի կապուչինները⁸⁰: Ժամանակակից ու հետագա կաթողիկ հեղինակները նրան սովորաբար ներկայացնում են Հայոց «ամենալատինասեր» կաթողիկոսների շարքում⁸¹: Բացահայտ լատինասիրությունամբ ճանաչված էր նաև Նահապետի նախորդ և ուսուցիչ Եղիազար Այնթապցի կաթողիկոսը⁸²: Մինչդեռ Ստեփաննոս Զուղայեցին, որը ժամանակի ամենաուսյալ Հայ վարդապետներից էր, հայտնի էր իբրև Հայաստանյայց ազգային եկեղեցու եռանդուն պաշտպան՝ «ամոլն հաւատոյ եւ սիւնն եկեղեցւոյ... համարնթաց սուրբ հարցն, վարուց քաջ եւ վրէժ խնդրող օրինացն Աստուծոյ եւ հաստատիչ կարգաց եկեղեցւոյ եւ հետեւող հաւատոյ ուղղափառութեան, այր պարկեշտ եւ բազում վշտաց համբերող», իսկ լատինների բնորոշմամբ՝ «հակապապական», «կատաղի հերձուածող», «կաթողիկների հալածիչ»⁸³:

Վերջինիս եղբրական վախճանի մասին ունենք մի քանի վկայություն: Կարմելիտների հաղորդման մեջ ասվում է, որ Ստեփաննոսին ձերբակալել և երկիցս գանաձեծ է արել Երևանի խանը: Այնուհետև, ինչ-որ լճի մի կղզյակում նրան արգելափակել են և սովամահ արել: Այս կղզյակում էլ իբր Ստեփաննոսի կողմնակիցները

գտնում են առնետների կողմից «կիսով չափ» հոշոտված նրա դիակը (այս վավերագիրը հրապարակված է կրճատումներով, և նրանից պարզ չի դառնում, թե Նահապետ Եղեասացին ինչ դիրք էր բռնել Ստեփաննոսի վախճանի նկատմամբ)⁸⁴:

Սակայն Հայկական աղբյուրները պնդում են բանտում Ստեփաննոսի մահանալը. այսպես, ժամանակակից Անանուն Վանեցու հիշատակարանում կարդում ենք, որ Ստեփաննոսը «տարի մի ի բանտն մնաց եւ Ռձիւէ (1698) թվին բազում չարչարանօք սպանին թագուն ի մէջ բանտին, որ եւ բազում հրաշս եցոյց այլազգեաց եւ մեռազնեաց»⁸⁵: Մեկ այլ հիշատակագիր հաղորդում է.

«Դարձեալ որպէս գրեցաք զկիրս Ստեփանոս կաթողիկոսին, որ ի Ռձիւջ (1697) թուին ի փետրուարին եղին ի բանտի հրամանաւ Եսահիւն: Եւ մնացեալ անդ ի մէջ դառն նեղութեանց մինչեւ ի մուտս Ռձիւէ (1698) ամին, յունուար Դ (4) վախճանի ի նոյնում բանդի, եւ եթող զնա անթաղ Երևանայ Խանն, մինչեւ ըստ Հաճոյից իւրոց արար Նահապետ Հոգեւոր Տէրն (խօսքը, հաւանաբար, խանին տրուած կաշառքի մասին է՝ Ա.Ա.), եւ ապայ տայ հրաման յունուար է (7-ին) տանել թաղել, զի մինչեւ ցայն աւր անթաղ կայր, եւ տարեալ ամփոփեցին ի վանքն հռչակաւոր, Վիրապ կոչեցեալ...»⁸⁶:

Զաքարիա Քանաքեռցու հավաստումով՝

«Ստեփաննոսին Հանին ի թեթեւ բանտէն եւ եղին ի մթին եւ գարշահոտ զնդան, եւ ոտքն ի ծնգացն եղին ի կոճեղս, որ է տոմրուղ եւ ի ներքոյ թիկանցն քար ողորկ. եւ ի գազրութենէ հոտոյն եւ յաճմանէ հերացն, եւ ի բազմանալոյ որդանցն վշտացեալ՝ մեռաւ անդէն»⁸⁷:

Ու թեւ Օրմանյանը փորձում է Նահապետի վրայից վերցնել այս գործողության պատասխանատվությունը՝ ասելով, թե «կաթողիկոսին վրա չէինք սիրեր ծանրացնել այդպիսի վայրագ վրեժանդրություն մի»⁸⁸, այնուհանդերձ, Նահապետը լավագույն դեպքում լռելյայն համաձայնել է Ստեփաննոսի այգօրինակ վախճանին: Սա ևս հաստատում է արևելյան բռնապետի նրա կերպարը և այդ կերպարի ճշգրիտ պատկերումը 1693 թ. մայիսի 1-ի շրջաբերականում:

Մեկ ճշտում ևս, այս անգամ՝ Նահապետի մահվան վերաբերյալ: Հայտնի է, որ նա վախճանվել է 1705 թ. հունիսի 13-ին, թաղված է Ս. Շողակաթ եկեղեցու բակում⁸⁹: Այստեղ կարելի է ավելացնել ուսումնասիրողների աչքից վրիպած մի տեղեկություն ևս. Ղազար Զահկեցին՝ 1733 թ. Կ. Պոլսում լույս տեսած իր «Իրախտ ցանկալի» աշխատության մեջ ծանուցում է, որ Նահապետը «հանգեալ ի Քրիստոս ի հրեշտակաբնակ անապատն Շատիկու եւ բերեալ ամփոփեցաւ ի զանկակատուն սրբոյն Շողակաթի»⁹⁰: Այս հաղորդման հավաստիությունը որևէ կասկած չի հարուցում, քանզի Ղազար Զահկեցին այդ տարիներին Շատիկա վանքի միաբան էր⁹¹: Այսպիսով, Նահապետն իր մահկանացուն կնքել է՝ օր ծերության մեզ անհայտ նպատակներով ձեռնարկած մի ուղևորության ժամանակ:

8. Հայոց կաթողիկոսների կենցաղավարության և տարագրի մասին

1693 թ. մայիսի 1-ի փաստաթղթի 3-ից 8-երորդ կետերի առաջադրած պահանջներն ունեին պատմական խոր արմատներ: Ահա թե ինչ էր գրում Կոստանդին Ա Բարձրբերդցու (1221-1267) մասին 1230-ականներին Կիլիկիա այցելած գերմանացի մի ճանապարհորդ.

«Հայոց [հոգևոր] առաջնորդներուն գլուխը կկոչվի կաթողիկոս: Անոր քով մնացի տասնեչորս օր, ան իր մոտ ունի արքեպիսկոպոսներ և եպիսկոպոսներ, վանահայրեր և ուրիշ եկեղեցականներ: Ան իր սնունդովն, զգեստներովն և կենցաղովն այնքան օրինակելի է, որ անոր նման ոչ մին տեսած եմ, ըլլա կրոնական ըլլա աշխարհական, և ստույգ կերպով կհայտարարեմ, թե՛ իմ կարծիքով իր հագած զգեստները հինգ ստերլին չիլին արժեք չունին: Սակայն ան ունի շատ հաստատուն դոյրակներ և մեծ եկամուտներ, և հարուստ է որևէ հասարակ մարդե ավելի: Ան կը հագնի ոչխարի կարմիր մորթե կոշտ մուշտակ մը, շատ մաշած և տգեղ և լայն թևերով, և անոր տակեն շատ հինցած գորշ պարեգոտ մը, և գրեթե մաշած: Բաց աստ ան կհագնի սև փորուրար մը, և աժան տեսակեն հաստ սև կրկնոց մը»⁹²:

*Մկրտիչ Աղավնունին ծանոթագրում է, որ XIII «դարուն կի-
լիկիո հայրապետներեն ոմանք կիտրչեին հանդերձի փափկութենեն,
ինչպես կզրեն Օրբելյան և Սմբատ պատմիչ. վերջինս կավելցնեն Հով-
հաննես մեծաբարո կաթողիկոսին համար ըսելով. «անպաճոյճ ան-
ձամբ»⁹³:*

*Վաղ շրջանից եկող այս ավանդույթները չէին դադարել գոր-
ծելուց նաև XVII դարում. 1662 թ. էջմիածին այցելած ճիզվիտ երկու
միսիոներներից մեկը՝ Հրանչոիս Փալիվը, իր ուղեգրության մեջ այս-
պես է նկարագրել էջմիածնի միաբանների ընթրիքը.*

*«...Նախ հայրապետը սեղանն օրհնեց, ինչպես նաև քանի
մը հաց, գոր ձեռքը բռնեց, հացը կտոր կտոր ըրավ, կտոր մը ինք
առավ, իսկ մնացյալը բաժնվեցավ միաբաններուն: Խնդրած էինք,
որ մեզի ալ տային ինչ որ մյուս կրոնավորներուն պիտի տրվեր.
Ինչպես հայրապետին, մեզի ալ երկու պնակ բակլա, ձիթապտուղ և
ծնեբեկ հրամցուցին, առանց յուզի և կարգի, ինչպես նաև կա-
նանչ խոտեր, և իբրև ըմպելի՝ սառով ջուր: Զարմանքով կնկատե-
ինք, թե որքան չափավոր և սակավապես էին այս կրոնավորները,
որ պահքի շրջաններուն օրը մեկ անգամ կճաչեն...⁹⁴ ...[նրանց] տա-
րազը քիչ կտարբերի մեր կրոնավորներուն տարազեն, միշտ կլրեն
կոշտ քուրձ մը...: Իրենց աղոթասացությունները շատ երկար են...:
Իրենց խոսքերը շատ փոքր են: Այն կրոնավորները, որ եպիսկոպո-
սական կարգ կստանան, կամ նույնիսկ հայրապետը ո՛չ իրենց տա-
րազը կփոխեն, և ո՛չ ալ իրենց կենցաղը: ...[Ս. էջմիածնի կաթողի-
կոսն է] միակ ճշմարիտ հայրապետը բովանդակ Հայաստանի... իր
իշխանությունն այնքան մեծ է, որ կրնա եպիսկոպոսներն ու ար-
քեպիսկոպոսները իրենց հասավոր պաշտոններեն զրկել: Ինքն է
միայն, որ անոնց ամենուն կարգ կու տա, բայց կղերը և ժողովուր-
դն է, որ զանոնք իրեն կհանձնարարեն: Նույնիսկ կրնա իրեն հա-
ջորդ մը ընտրել, որուն պաշտոնը կհաստատեն եպիսկոպոսները:
Հարյուր հիսուն եպիսկոպոս և արքեպիսկոպոս ունի իր հրամանին
տակ...»⁹⁵:*

*Հայոց կաթողիկոսների և եպիսկոպոսների՝ ձի չնստելու և ջո-
րիով շրջելու սովորության մասին մատենագրական վկայություններ
է ժողովել Ղուկաս Ինճիճյանը⁹⁶: 1636 թ. Հակոբ Սսեցու գրած՝
«Վասն պախարակելոյ օրինագանցիցն» չափածոյից իմանում ենք, որ
XVII դարում այս կանոնի շրջանցումները հաճախացել էին.*

«Այն անիրաւ նուիրակնուն,
Տաճկի ռախտով (=ձիասարքով) ձի կու հեծնուն,
Շարժունքն ամեն զէտ օսմանցուն.
Ա՛յ սուրբ մեռոն, հայիՔ սէնի (=ափսոս քեզ)»⁹⁷:

Ութերորդ կետով ջուղայեցիները վրդովմունք էին հայտնում, որ Նահապետն, ըստ իրենց հասած լուրերի, որդեգրել էր աշխարհական իշխանի կեցվածք. «նոր զարմանս եւ ծիծաղելիս ո՛չ առնել, այսինքն՝ թէ... կապել թիւր եւ ղաղարայ(°), որ կարի հեռի է ի հոգեւոր իշխանութենէ, զի զէն զինուորութեան մերոյ ո՛չ է մարմնաւոր, այլ հոգեւոր»։ Այս տեղեկությունն այն աստիճան արտասովոր է, որ նրա արժանահավատությունն ակամա կասկած է առաջացնում։ Սակայն եղած տարակուսները փարատվում են, երբ ընթերցում ես 1692 կամ 1693 թ. Նահապետի իսկ ձեռքով՝ բողոքարկու պոլսահայուլթյան առաջնորդներին գրված հետևյալ տողերը.

«...դուք է՞ր իմ կաթուղիկոսութիւնն չուզէք, քանց ո՞վ պակաս եմ։ Այս քսան-երեսուն տարի է, որ Եղիազարին դուլլուղ (=ծառայություն) եմ արեր այս աւուրս համար։ Դուք ո՞ր տեղացի իմ սէխիս պարապար մարդիք, որ կաթուղիկոս ընտրել՝ գորն է խէջվր, գորն է քօսէ, գորն քոռ, գորն կիժ... գող ու բող Մարկոսի պիսակոտ աշակերտն (իմա Մինաս Ամրեցուն) քանց Եղիազարին [աշակերտն] (իմա՝ իրեն Նահապետին, Ա.Ա.) աւելի ուզէք։ Այս է, որ մին փոքր դժուար է գալիս ինձ, թէ չէ՝ ձեր տօլվաթէն ես քան զԵղիազարն այլ մեծ եմ, քան զՅակոբն այլ։ **Ես բերդն առեր եմ ու նստեր, ո՛վ խօսք ունի՝ դայ խօսի... Ես կորիւն առիւծու եմ՝ Եղիազարին տեղն եմ. տեսնունք Մարկոսի պիսակոտն է ուժով թէ՞ Եղիազարի ասլանն է...** Ա՛յ խօճայք, դուք զիմ լաւն ու վատն ինչէ՞ն իմացայք, որ կու գրէք, թէ Նահապետ կաթուղիկոսն չենք ուզեր, հպայ այդ չալ Մինա՛սն կուզեք. լաւ է, ուղարկեցե՛ք դայ, ձեր հաթերն համար մին կաթուղիկոս շինեմ, որ աշխարհ ամենայն հազանէ» (ընդգծումն՝ Ա.Ա.)⁹⁸:

Նահապետի այս խոսքում շեշտված է իր նախորդին՝ Եղիազար Այնթապցուն աշակերտելու հանգամանքը։ 1695 թ. օգոստոսի 15-ին Մայր Աթոռ Ս. Էջմիածնում գրված մի հիշատակարան նույնպես ընդգծում է, թե՛ Նահապետ կաթողիկոսի «զհոգեւոր ծնօղն եւ զգաստիարակն զՏէր Եղիազար, զոր երկամք աստուածայնօք դաստի-

արակեալ հասոյց յարբունս հասակի իւրոյ, որով եւ արժանաժառանգ գտաւ առաքելական Աթոռոյս մեծի»⁹⁹: Ժամանակակիցները նմանություններ էին նկատում այս երկու կաթողիկոսների վարքագծի մեջ: Այսպես, Զ. Քանաքեռցին գրում էր.

«Այս երկու կաթողիկոսաց ի ժամանակի շինեցաւ եւ նորոգեցաւ բազում վանորայս եւ եկեղեցիս: ...Բայց զկարգ եւ զկանոն առաջին կաթողիկոսացն¹⁰⁰ քայքայեցաւ ի Ս. Աթոռոյն եւ յամենայն վանորէից վասն թոյլ տալոյ նոցա. զի ամենայն առաջնորդք ըստ կամաց իւրեանց առնէին, եւ կաթողիկոսացն ոչինչ լինէր փոյթ, զի ինքեանք զոր ինչ յիւրեանց աշխարհին (իմա՝ Օսմանյան կայսրությունում, Ա.Ա.) վարեալ էին՝ զնոյն եւ աստ առնէին: Այլ եւ զոր ինչ պակասութիւն տեսանէին աբեղայից եւ երկցանց, բերեալ զերծէին զգլուխսն եւ զմորուսն եւ բրածեծ առնէին մահու չափ: Եւ այսպէս կային ի ժամանակս կենաց իւրեանց»¹⁰¹:

Ավելի ուշ նրանց միջև զուգահեռներ էր անցկացնում նաև Միմենն Ա. Երևանցին՝ նկատելով, որ Նահապետը «էր նման Եղիազարու (որոյ էր աշակերտ). այր ճոռամախօս եւ փառապերծ, իշխան եւ ահարկու, յորմէ կասկածէին ամենեքեան»¹⁰²:

XVII դարի հայ փիլիսոփայութեան պատմաբան Հ. Միրզոյանի կարծիքով, Հովհաննես Մրքուզ Զուղայեցին (1643-1715)¹⁰³, 1690-ականների իրադարձությունների ազդեցութեամբ, «ստիպված է եղել վերանայելու իր Գիրք սրբազնագործութեան երկը՝ հատուկ գլուխ հատկացնելով կաթողիկոսների ցանկալի վարքագծի վերլուծութեանը», որտեղ հետևյալ տողերն ուղղված էին անձամբ Նահապետ Երեւացուն.

«...Նախ ժողովել պարտիս զգիտնականս եւ արս հանճարեղս, եւ ունօղս խղճտանս... եւ անխարդախս, եւ նոքօք խորհեսցես, եւ զվնաս պատժապարտին յայտ յանդիման առաջի ամենեցունց բացերեւոցես, եւ յետ վկայութեան ամենեցունց, ապա գսուրն սոսկալի ի գործ գործցես»¹⁰⁴:

Ուշագիւր զննելով Հովհաննես Զուղայեցու երկի այդ հավելյալ գլուխը¹⁰⁵, նրա մեջ նշմարեցինք ևս մի քանի հատված, ուր խոսքն անտարակույս վերաբերում է Նահապետի գործելակերպին: Ահավասիկ, 1693 թ. շրջաբերականի հետ ուղղակի աղերս ունեցող մի պարբերություն.

«...Ապա թէ ոչ այսպէս (իմա առաքինաբար՝ Ա.Ա.), այլ բարձրայօն շրջիցէ [կաթողիկոսը], կամելով զարհուրեցուցանել զորս են ընդ ձեռամբ զմեծագոյնս եւ զփոքրագոյնս խորովելով եւ այրելով եւ զկծեցուցանելով՝ զոմանս գանելով եւ հարկանելով, ատելով եւ տառապեցուցանելով, եւ կամ հրամայելով ի վեր քան զչափն, եւ զոմանս հրաւիրելով ի գերադրական փառս, եւ յաստիճանս եւ ի պատիւս առ ի յայրել, եւ ի խորովել զաղքատսն հոգևով, յաջ եւ յահեակ խոտորմամբ՝ ոչ ապաքէն վրիպումն ցուցանի... քանզի գանելն եւ հարկանելն մարմնաւորացն է, եւ ո՛չ հոգեւորաց... Եւ ո՞ր ընթերցեալ լինի, եթէ զոք հարեալ իցէ Քրիստոս, այլ մանաւանդ ինքն հարեալ ինքն ձաղեալ, ինքն կուփահարեալ եւ ապտակեալ, յերեսն թքեալ եւ գան հարեալ, ի խաչն բարձրացուցեալ, եւ զայլիւք բեւեռօք ի փայտին բեւեռեալ, բարձրացեալ եւ նախատեալ»¹⁰⁶:

Սակայն, հեղինակի մի բացականչութիւնից եզրակացնում ենք, որ այս խրատական ուղերձը գրվել է Նահապետի մահից հետո՝ Մայր Աթոռի գահին բազմած Հովհաննես Մրքուզի դասընկեր Աղեքսանդր Զուղայեցուն (Դավիթ Զուղայեցու «երրորդ ընտրելագոյն եւ գերահրաշ աշակերտ»ին)¹⁰⁷ և հաջորդ կաթողիկոսներին Նահապետի կատարած սխալներից ետ պահելու նպատակով.

«...արդ, որպէս կամիս՝ հեզութեամբ եւ խոնարհութեամբ խրատեսցէ զքեզ եւ քաղցրութեամբ, եթէ՛ սրտմտութեամբ, գանիւ, եւ հարկանելով, եւ ի մէջ բազմաց խայտառակելով, եւ զամօթալի զքեզ ամենեսեան ցուցեալ նշաւակելով. եւ գիտեմ, զի զառաջինն ընտրեսցե՛ս» (ընդգծումն՝ Ա.Ա.)¹⁰⁸:

9. Հայ և օտար մշակույթների համեմատական գնահատականներ (1625, 1693, 1733 և 1740 թթ.)

1693 թ. մայիսի 1-ին Նոր Զուղայի Հայ առաջնորդները, ընդգծելով ազգային առաջընթացի գործում կրթական-լուսավորչական լայն ցանց ստեղծելու անհրաժեշտութիւնը, արձանագրում էին այդ պահին նույն բնագավառում հարեան վրաց ժողովրդի զգալի հետամնացութիւնը.

«(Ամենայն Հայոց կաթողիկոսը) դպրատունս եւ գրասատունս հաստատեցէ՛ յամենայն տեղիս, որպէս սովորութիւն է այլազգեաց քրիստոնէից, եւ մանաւանդ թէ մեզ իսկ գլխովին, նաեւ պարսից եւս, գոր գիտողացն է քաջայայտ՝ թէ որքան ունին ջանք եւ փոյթ յայդմ իրի: Քանզի շինութիւն եւ հաստատութիւն ազգի դովա՛ւ լինի: Որպէս եւ տեսանեմք խոպանացեալ եւ անգիտանացեալ ազգն վրաց՝ յաղազս ոչ ունելոյ փոյթ գայնմանէ»:

Արդարեւ, XVI-XVII դարերում վրաց մշակույթը խորը ճգնաժամի մեջ էր, որ, նախ և առաջ, արդյունք էր օտար նվաճողների կատարած վիթխարի ավերածութիւնների և եղբայրասպան մեծ ու փոքր անվերջ պատերազմների: Սակայն, XVIII դարի առաջին քառորդի ընթացքում, Քարթլիի ջանիշին (փոխարքա) (1703-1714), հետագայում՝ թագավոր (1716-1724) Վախթանգ Զ-ի (1675-1737) շուրջը համախմբված հայրենասեր գործիչների եռանդուն ջանքերով, վրաց մշակույթն իսկական զարթոնք ապրեց¹⁰⁹, և այն աստիճան, որ 1740 թ. հունիսի 23-ին, Կ. Պոլսի Հայոց Հովհաննես Կոլոտ պատրիարքն արդեն տարբեր կարծիք էր հայտնում հայերի և վրացիների մշակութային ձեռքբերումների մասին.

«Բայց իմ նկատեալ ի փարթամութիւնս լատինացւոց եւ յաղքատութիւն ազին իմոյ եւ իմ իսկ գլխովին (ի կոչմանէ իմաստութեան եւ մեկնութեան Աստուածաշունչ գրոց) թաղձէի եւ մորմոքէի ի սրտի իմում, թէ վասն ո՞յր պատճառի քան զազգն իմ այլ առաւել աղքատագոյն ազինք պերճացեալք իցեն իմաստութեամբ, որպիսիք են Ասորիք եւ Վրացիք, յորոց զբազում բանս ի նոցունց թարգմանեալ ցուցանեն նախնիք մեր...» (ընդգծումն՝ Ա.Ա.)¹¹⁰:

Դեռևս 1720-1723 թթ. գրած մի չափածոյում Հովհաննես Կոլոտը զեզոհում է հայերի որոշ հատկութիւններից, որոնք, իր կարծիքով, բնորոշ չեն այլ ազգերին.

«Նա եւ այս իսկ է հրաշական,
եւ զարմացման է իսկ արժան.
Ազգք եւ ազինք համանգամայն,
Իւրաքանչիւրքն ամենեքեան
Ըզգլխաւորս մեծարական՝
պատուեն սիրով խոնարհական,

Են Հնագանդ յոյժ միաբան
եւ վայելեն ի բարութեան:
Մերքն միայն անգիտական,
սիրեն մնալ տարագրական...»¹¹¹

Իսկ 1733-ին Կոլոտի աշակերտ Հակոբ Նալյանը, բարի նախանձախնդրությամբ վառված, հետևելով իր ուսուցչին խտացնում էր գույները և անում այսպիսի համեմատություն.

«...եւ մեր նկատեալ, թէ ամենայն ազգք քրիստոնէից զբազում ջանս ունին ի կրթումն իւրեանց յանձնեցեալ հօտին, եւ մերս ազգ՝ կամ յիւրեանց անընդունակութենէ եւ կամ զիմաստնոց պատիւն ոչ գիտելոյ, մնացեալ են յանջրդի վայրս անճարակ եւ անդաստիարակ...»¹¹²:

Կոլոտի և Նալյանի կարծիքին համահունչ համեմատական մի գնահատական էլ՝ նրանցից մոտ մեկ դար առաջ, տվել է Սիմեոն Լեհացին (1584-1637): Թեպետ Սիմեոնը հակակաթոլիկ եռանդուն գործիչ էր, բայց և այնպես գիտություն ու կրթության նկատմամբ հայերի և եվրոպացիների տարբեր վերաբերմունքը գնահատում էր ոչ հայերի օգտին: 1619-1625 թթ. շարադրած իր «Ուղեգրություն» մեջ, նա նախ ընդարձակորեն գովաբանել է եվրոպացիներին («ազգն Ծռանկաց»):

«Զի ամենեքեան իմաստունք են, կարգաւորք եւ աշխարհականք, նաեւ շինականքն եւ ուսումնասէրք, զի Աստուածաբանք, իմաստնասէրք, երաժիշտք, երկրաչափ եւ աստեղագէտք առ նոսա գտանին. եւ տասն տարեն տղան տասն բիւր դրամի հաշիւն եւ համարն ի մի ժամն կարէ տալ բախամով (=թվանշանով):...զի նոցա փոքր տղայքն բուն վարդապետք են... զի ԺԵ (15) տարի, Ի (20), ԻԵ (25) ուսանին, եւ ոչ թէ մերձ ծնողաց, այլ հեռաբնակ եւ օտար երկիրս»¹¹³:

Այնուհետև Սիմեոն Լեհացին գնահատում է կրթական ասպարեզում հայոց մեջ ստեղծված իրավիճակը.

«Իսկ ազգն մեր յոյժ հովցել եւ զպատվիրան Աստուծոյ մոռացել. զի եւ զանունն Աստուծոյ երբեք ոչ յիշեմք. վասն զի բնաւ չունին սէր ուսման. վասն որոյ եւ զգաւական թողուն անձնապատան եւ անփոյթ. իսկ նոքա մեծացեալ որպէս պախրէք

(=արջառներ) տգէտ եւ յիմարք գոլով՝ ի մեղս ծնողաց եւ ի նախատինս անձանց: Վասն որոյ նուազեալ պակասեցաւ եւ ջնջեցան կարգաւորք եւ իմաստունք յազգս մեր. եւ որք կանն այժմս ամաչեմ կարգաւոր կոչել զնոսա»¹¹⁴:

Փաստորեն, հայերի կրթասիրությունն ու կրթական համակարգը փոքրիշատե դրական է գնահատել վերը բերված չորսից միայն մեկ վավերագիր՝ 1693 թվականին գրվածը: Հասկանալու համար այս հակասությունը, բավական է հայացք նետել պատմական այն ժամանակաշրջաններին, երբ տրվել են այս գնահատականները: Դրանց մեջ ամենահանգիստ ժամանակները հե՛նց 1690-ականներն էին, երբ Հայաստանը, հիսուն տարուց ավելի ապրելով խաղաղության պայմաններում, արդեն շունչ էր քաշել թուրք-պարսկական դարուկես տււած պատերազմներից ու մեծապես բարելավել էր իր սոցիալ-տնտեսական վիճակը: Մյուս երեք գնահատականները տրվել են Հայաստանի համար խիստ ծանր ժամանակներում: Միաժամանակ՝ այս գնահատականներն արտացոլում են թերարժեքության այն բարդույթը, որն օտար տիրապետության երկարատևության հետևանքով, արդեն հասցրել էր խոր արմատներ գցել հայերի ազգային հոգեբանության մեջ:

Կարևոր է նշել, սակայն, որ մյուս երեք հեղինակները բոլորն էլ ազգասեր անհատներ էին, և նրանց սուր քննադատությունը նպատակային էր՝ հայկական կրթության զարգացմանը զարկ տալուն միտված: Ահավասիկ, նույն Սիմեոն Լեհացին, այցելելով Ամիթ-Տիգրանակերտ, տալիս է հայերի կրթասիրության բոլորովին այլ պատկեր.

«(Տիգրանակերտ) ունէր դարպաս եւ եպիսկոպոսարան եւ դպրատուն եւ վարդապետ մի Բարսեղ անուն, որ եւ առաջնորդ, աշակերտ Սրապիոն կաթողիկոսի, այր խրթին եւ բազմիմաստ:...եւ քաղաքացիքն յոյժ բարեկեցիկք եւ պարկեշտ. նաեւ ընթրիս բազմեալ ոչ արբենան, ոչ շատ խօսին, այլ հեզ եւ հանդարտութեամբ. զի ամէնքն կարդացողք, տօմարագէտք եւ հանճարեղք, զրուցարուծիւն թէ առուտուր, թէ ասուլիս՝ ամէն մարդավարութեամբ եւ ամենայն ինչ իմաստութեամբ, եւ զրուցն գրաբար եւ ոճիւ բառքն... Զի անդ է այժմ Հայոց Աթէնք. զի եւ փոքր տղայք գիտունք եւ հանճարեղք են, հանապազ ի հարցում եւ ի քննումսն են...»¹¹⁵

* * *

Բ. ՀԱԿԱՀԱԿՈՐՑԱՆ ԺՈՂՈՎՆԵՐ (1664-1665 ԹԹ.)

Ահա և 1693 թ. մայիսի 1-ին Նոր Զուղայում տպագրված երկրորդ վավերագիրը (գրության տարեթիվը՝ 1665 թ.):

Բ վավերագիր (1665 թ.)

Յաղագս կարգի կաթողիկոս ձեռնադրութեան, գրեալ ի Մովսիսէ վարդապետէ Բջնեցոյ՝ Համաձայնութեամբ սրբազան վարդապետաց եւ եպիսկոպոսաց վերագրելոց ի քարտիսիս.

Յամի կենարարին մարդեղութեան հազար [վեց հարիւր]երորդի եւ վաթսներորդի հինգերորդի եւ, ըստ թուահաշու[ու]թեան հայկայինս տոհմի՝ հազարերորդի հարիւրերորդի ընդ հինգետասանեկի մասնկի, մե՛ք, Արարատեան նահանգի վարդապետք եւ եպիսկոպոսունք եւ առաջնորդ վանականաց, եւ միանգամայն Արեւելեան կողմանց Աթոռոյ ունողք եւ ժողովրդեան վերադիտողք, որ ընդ տէրութեամբ պարսկական արքայից արքայի, հանդերձ աշխարհիկ արանց¹¹⁶ մեծամեծօք, գումարեցաք ի մի վայր եւ զայս երիս իրս սահմանեալ հաստատեցաք ի միջի մերում՝ վասն գերագահ Աթոռոյն Սուրբ Էջմիածնի պայծառութեան եւ ժողովրդեան Աստուծոյ բարեկարգութեան:

Նախ՝ զի կաթողիկոս ոք մի՛ իշխեսցէ ըստ կամաց իւրոց նստուցանել զով ոք ախորժէ ի տեղի իւր, եթէ ո՛չ ըստ ազգաց քրիստոնէից հանրականաց աւանդութեամբ, չորիւք յեղանակօք, այսինքն.

կամ վիճակաւ իմիք, որպէս հռովմայեցւոց է՝ սովորութիւն.

կամ ընտրութեամբ հասարակաց, որպէս առաջնոցն եւ յետնոցն եւս.

եւ կամ ի հաւանութեանց վեհագունից բազմաց Յ սրբազան

արանց:

Թողո՛ւմ ասել զչորրորդն, որ է՝ վերին յայտնութենէն, որ ա՛յժմ իսկ դադարեալ է եւ լռեալ՝ վասն անարժանութեան մերում: Եւ ի բաց ի չորիցս յայսցանէ եղելոյ մի՛ ոյ կաթողիկոս ինք[ն]ագլուխ մի՛ իշխեսցէ ընտրել զոք ի պատիւ հայրապետութեան փոխանակ իւր՝ արտաքոյ սահմանադրութեան հարց նախնեաց սրբոց:

Երկրորդ. եթէ բռնասցի գլուխ ազգի կարգեալ կաթողիկոսն առնել ըստ կամաց իւրոց՝ զարտուղի խորհրդով նստուցանել զոր ոք հաճեսցի անձն իւր փոխանակ իւր - կամ այլազգեաց իշխանութեամբ, կամ անիրաւ մամոնայի սփռմամբ, եւ կամ խաբեութեամբ իմիք - ի գրելոց աստի եւ ըստ իւրաքանչիւր անուանելոց քարոզ կոչեցելոց վարդապետաց՝ խոտեսցի ինքն կաթողիկոսն եւ ընտրեալ իւր: Քանզի թէ սկիզբն [սուրբ է]՝ սուրբ է ե՛ւ զանկուածն ե՛ւ արմատն, ապաքէն ե՛ւ ոստքն: Իսկ եթէ է՛ ընդդէմ ճշմարտութեան մարտնչումն, եղիցի համարեալ ի մասին մեղացն, որ ոչ քաւեսցի աստէն եւ անդէն. որպէս վկայէ տէրունական վճիռն յաւետարանի հռչակութեան¹¹⁷:

Եւ երրորդ. եթէ երկուքս այսոքիկ յառաջեսցին անհանճար գնացիւք, հարկ լիցի ապա ուրեմն ե՛ւ վարդապետաց, ե՛ւ եպիսկոպոսաց, ե՛ւ բոլոր ուխտի վիճակաւորաց, ե՛ւ համայն աշխարհի արանց երեւելեաց՝ ընդդիմանալ միագունդ պնդութեամբ եւ ջանալ եղծանել զապարասանութիւն բռնացելոյ կաթողիկոսին, որով հօտն Աստուծոյ արածեսցի ի վայրի դալարոջ եւ անուցի ի ջուրս հանգստեան եւ առաջի երկնաւոր թագաւորին պսակաց յաղթականաց արժանասցին, քան թէ սնոտի երկիւղիւ՝ պարտեցելոց եւ թուլամորթից պատժոց, որպէս եւ իրաւունք համօրէն ազանց ուսուցանեն զսոյն զայսոսիկ այսպէս գոյ: Վասնորոյ եւ զայս թողթս, զոր գրեցաք առ Յակոբ կաթողիկոսն միաբանական համաձայնութեամբ, յաղագս հասարակաց եւ հաստատութեան Սրբոյ Աթոռոյն հանրական արամեան ազգիս էջմիածնի՝ ոչ ի մէջ հակառակութեան եւ երկպառակութեան: Եթէ ի պատճառս սորին հոգեկան եւ մարմնական պատիժ յառաջեսցի ի նմանէ, դառնութիւն ինչ եւ բանադրանք, եւ կամ տուգանք եւ զըզուանք ի վերայ միոյ ուրուք գալ եւ կամ առ ոմանս՝ իբրու ի յորովս

ի վերայ ամենեցունց եղիցի: Զոր ուխտեցաք եւ հաստատեցաք համակամուրթեամբ վրէժխնդիր լինել մերժեցելոյն: Եւ զվէրս մեզ համարել եւ կռուել յոժարութեամբ: Քանզի եթէ վշտանայ մի անդամն, վշտանալ պարտին ամենայն անդամքն ընդ նմա: Իսկ եթէ ոք յայսցանէ վրիպեալ վերջասցի անհանճար խորհրդով եւ ունայնական մտօք՝ նզովեսցի յերից սուրբ ժողովոյ հայրապետացն եւ մասն ընդ Յուդայի եւ խաչահանուցն ընկալցի, որք զճշմարտութիւն քարոզեցին եւ զթիւրութիւն եւ զմոլութիւն սերմանեալ ի բաց հերքեցին: Եւ եղիցի այնպիսին լուծեալ ի կարգէն եւ որոշեալ յաստիճանէն դատապարտական պատժիւք: Յորոյ վերայ կնքեսցի Ամէնն:

Տպեցաւ սաւատս ի Նոր Զուղայ, ի թուին հազար հարիւր քառասուն եւ երկու (1693) եւ յամսեանն մայիսի ի մէկն:

1. Յովհաննէս վարդապետ Մուղնեցի †¹¹⁸
2. Մովսէս վարդապետի՛ է կնիքս եւ գիծս †
3. Միքայէլ վարդապետ. առաջնորդ սուրբ Նախավկային †
4. Եսայի վարդապետ. առաջնորդ սուրբ Կարապետու †
5. Պետրոս վարդապետ Ագուլեցի †
6. Մաթէոս վարդապետ Զուղայեցի †
7. Երեմիա վարդապետ Մեղրեցի †
8. Յովհաննէս վարդապետ Կարփցի †
9. Գաբրիէլ վարդապետ †
10. Ստեփաննոս վարդապետ Լեհացի †
11. Փիլիպպոս վարդապետ †
12. Մինաս վարդապետ †
13. Մանուէլ վարդապետ †
14. Յակոբ եպիսկոպոս †
15. Յոհան վարդապետ [Շամբե^ո]ցի †
16. Դաւիթ վարդապետ †
17. Խաչատուր եպիսկոպոս †
18. Յակոբ պատրիարք (°- Ա.Ա.) †
19. Իսահակ վարդապետ Շախսաբանցի¹¹⁹ †
20. Ագուլեցի խօջայ Շմաւոն †
21. Մելիք Գասպար Երևանցի †
22. Խօջա Բարաքիազ Ագուլեցի †
23. Ասլան Նորքցի †

- 24. Թաթոս Երևանցի †
- 25. Յարութիւն Մարուքի որդի †
- 26. Սարգիս [Զորա]գեղցի¹²⁰ †
- 27. Յակոբջան Երևանցի †

Քննություն Բ վավերագրի

1. Վավերագրի գրության ժամանակը և վայրը

«Յամի կենարարին մարդեղութեան հազար [վեց հարիւր]երորդի եւ վաթսներորդի հինգերորդի եւ, ըստ թուահաշու[ու]թեան հայկայինս տոհմի՝ հազարերորդի հարիւրերորդի ընդ հինգետասանեկի մասնկի՛»։ Այստեղ գործածված է հայկական շարժական տոմարը, որով 1115 թ. սկսվում է 1665 թ. հոկտեմբերի 6-ին¹²¹։ «Մասնկի՛» մակբայական կիրառությամբ գործածված բառը նշանակում է հենց 1115-ի մի մասը, վերոգրյալ քրիստոնեական տոմարի բաղադատությամբ՝ մինչև 1666 թ.։ Այսպիսով, փաստաթուղթն ընդունվել է 1665 թ. հոկտեմբերի 6-ից մինչև դեկտեմբերի 31-ը ընկած ժամանակահատվածում (հին տոմարով)։ Պարզ մակաբերություն կատարելով՝ ուղղանկյունաձև փակագծերում ավելացրել ենք վեց հարիւր (վավերագրի վրա, հավանաբար Լ. Մինասյանի կամ գուցե ավելի վաղ գրչի ձեռքով՝ նույնն է ավելացված)։

1693 թ. Նոր Զուղայում շարադրված փաստաթղթի հեղինակները ժամանակագրական շփոթի տեղիք են տվել, երբ, նշելով այս վավերագրի գրության թվականը, բաց են թողել «մասնկի» բառը, որով՝ 1665-ի փոխարեն հասկացվում է 1666 թ.։

1665 թ. վերջին կայացած ժողովի վայրը բուն վավերագրում չի հիշվում, սակայն այն հստակ նշված է 1693 թ. ջուղայեցիների շրջաբերականում՝ «...[1665 թ.] մեծանուն վարդապետք, երեւելիք եւ նշանաւորք ժողովեալ են ի Սուրբ Աթոռդ էջմիածին»։

Առաջադրենք այս ժողովի ժամանակն ու վայրը ճշտող մի վարկած։ Իր «Օրագրության» մեջ՝ Զաքարիա Ագուլեցին շատ համառոտ կերպով նշում է, որ 1665 թ. դեկտեմբերի 3-ին Ագուլիսից մեկ-

նել է Երևան, ուր հասել է չորս օրից, այնուհետև՝ դեկտեմբերի 15-ին, բռնել է վերադարձի ճամփան¹²²: Արդ, նա մի խոսք անգամ չի ասում իր ուղևորության դրդապատճառների և Երևանում անցկացված ութ օրվա անցքերի մասին, որ այլ առիթներով սովորաբար միշտ անում է: Սա կասկած է առաջացնում առ այն, որ այդ ձմեռային արագընթաց ճանապարհորդությունը կարող էր ձեռնարկված լինել իր եղբոր՝ հակահակոբյան ժողովի վճռի տակ աշխարհականներից իր ստորագրությունն առաջինը դրած՝ խոջա Շմափոն Ազուլեցու¹²³ կանչով, քանզի այս երկու եղբայրները մշտապես ու սերտորեն համագործակցում էին և՛ առևտրական, և՛ մյուս գործերում: Եթե մեր այս ենթադրությունը համապատասխանում է իրականությունը, ապա ժողովի անցկացման ժամանակը կարելի է ճշտել՝ 1665 թ. դեկտեմբերի առաջին կես, իսկ վայրը՝ 1664 թ. հոկտեմբերին կայացած ժողովի¹²⁴ պես՝ դարձյալ Երևան:

2. 1664 թ. հոկտեմբերի ժողովը: Ժողովականները

Համաձայն *Զաքարիա Քանաքեռցու՝ Օնոփրիոս վարդապետ Կարկուտը, Հակոբ Դ Զուղայեցի կաթողիկոսից (1655-1680) իր պես դժգոհ տարրերին ի մի է բերում, որովհետև*.

«միաբանեցոյց ընդ ինքեան, եւ գրեցին բազում հայհոյանօք սուտս ի կաթողիկոսէն առ Եղիազար վարդապետն, որ պատրիարք [էր] Երուսաղէմի, թէ «դու եկ ի Սուրբ Աթոռս, եւ մեք քեզ տամք զկաթողիկոսութիւնն Էջմիածնի՝ արքունական նօմսիւք (=հրամանագրով): Եւ ահա առաքեցաք առ քեզ զՕնոփրիոս վարդապետ, զի զքեզ փառաւորապէս բերցէ ի Սուրբ Աթոռս»: Զայս գրեցին եւ, ընդ հաւատարմաց իւրեանց առաքեցին յառաջագոյն. եւ յետոյ գնաց Օնոփրիոսն զկնի թղթոյն»¹²⁵:

Ինչպես ճիշտ նկատում է Կ. Ամատունին, «Զաքարիայի այս տվյալները կենթադրեն ժողովական գումարում»¹²⁶: Այդ ժողովին վերաբերող մի ընդարձակ վավերագիր հրապարակել է Մեսրոպ Նշանյանը, այն համարելով Կարկուտ Օնոփրիոսից Եղիազար Այնթապցուն ուղղված նամակ¹²⁷: Այս առթիվ նկատենք, որ ա) փաստաթղթի

Հեղինակն իրոք Օնոփրիոսն է, ք) սա սովորական անձնական բնույթի նամակ է: Այսպես, տեսնենք, թե ինչ են բովանդակում Օնոփրիոսի շարադրանքի վերջին տողերը.

«...եկի ի սուրբ յԵրուսաղէմ, ժամանեալ մարտի ամսոյ ի չորրորդումն աւուր (1665 թ.), եւ գտի զԵղիազար վարդապետն կաթողիկոս եւ պատրիարք օծեալ ի վերայ նոյն Սուրբ Աթոռոյն ամսօք կանխօք,... եւ մի ըստ միջէ զամենայն վերոգրեալսն եւ այլ աւելիս ծանուցի նմա...: Վասն իմոյ կամաց եւ կարեաց ախորժութեան՝ ամենայն յօթարութեամբ իմով Հաւանեալ ետու զանձն իմ ի ծառայութիւն կամաց Տեառն Եղիազարու կաթողիկոսին Ամենայն Հայոց. վասն որոյ գրեցի զայս ձեռագրի ուխտադրութիւնս եւ կնքեցի, զի մինչ ի մահ եւ ի վճար կենաց իմոց Աստուծով զանձն իմ եղից ի վերայ անձին սորա՝ եթէ ի մահ եւ եթէ ի կապանս եւ ի տանջանս. եւ զամենայն ել եւ մուտ կացից եւ գնացից իմոց նորին կամաւ կալ եւ մնալ որքան ի մարմնի իմ, եւ թէ ստերիւրալ խեղցեմ ի սիրոյ նորին ծառայութենէ՝ ընդ ուխտադրութ ուխտազանցսն կրիցեմ ըզդատապարտութիւնն ի Քրիստոսէ Աստուծոյ մերոյ»¹²⁸:

Կասկած չկա, որ այս տողերն իսկապես նախատեսված էին ի տես Եղիազարի, սակայն, փաստաթուղթը գրված է XVII-XVIII դարերի վստահագիր-երզմնագրերում Հանդիպող ոճով¹²⁹: Ուստի այսուհետեւ այս գրությունը կանվանենք «երզմնագիր»:

Կարապետ Ամատունին, որ հանգամանորեն անդրադարձել է այս գրությանը¹³⁰, կարծում է, թե այն գրվել է 1665 թ. մարտի 5-ին¹³¹: Սակայն Օնոփրիոսը պարզ նշում է, որ ժամանել է Երուսաղեմ 1665 թ. մարտի 5-ին, հանձնել իր բերած նամակը Եղիազարին, ապա մի քանի օր նրա մոտ մնացել՝ «առ նմա եղեալ աւուրբք ինչ...»¹³²: Իսկ գրությունը շարադրել է, երբ ոմն Ղազար՝ «... առեալ հրաման յարքունուստ եւ եկեալ գողօրէն եմուտ ի սուրբ Աթոռն յԵրուսաղէմի, եւ զհին եւ զնոր արգիւնս եւ զինչս Սուրբ Տանն կողպտեալ եւ ցրուեալ ընդ վայր ընդ վայր կորուսանելով...՝ զՍուրբ Տունն քակել եւ կործանել ջանայ, եւ զիւր ստապապատիր գործն յառաջացուցանել եւ հաստատել»¹³³: Ամենայն հավանականությամբ, Օնոփրիոսի նկարագրած անցքերը, հետեւաբար՝ նաև «երզմնագիրը», վերաբերում են 1665 թ. մարտի կեսերից հետո ընկած միջոցին, երբ հակաեղիազարյան խմբա-

կցուլթյունն սկսեց հակահարված հասցնել նրա գլուխ բերած Արևմտահայոց նորաստեղծ կաթողիկոսությանը:

* * *

Կարկուտ Օնոփրիոսի համաձայն, 1664 թ. հոկտեմբերին՝ «ի տիրաչէն մայրաքաղաքն յԵրևան մեծահանդէս ժողով եղև երջանկափառ վարդապետաց եւ արհիապատիւ եպիսկոպոսաց»: Ժողովի 27 մասնակիցները հիշված են հականե-հանվանե¹³⁴: Մեկ տարի անց՝ 1665 թ. վերջին գումարված ժողովի ընդունած (վերևում մեր հրապարակած) փաստաթուղթը բացահայտում է մի խիստ ուշագրավ փաստ. անցած մեկ տարվա ընթացքում Հակոբ Զուղայեցին կարողացել էր հաշտվել իր նախկին հակառակորդների մեծ մասի հետ, որովհետև 1664 թ. ժողովին ներկա 27 հոգուց 21-ը կամ 22-ը 1665 թ. վերջում կայացած ժողովին բացակայում էին: Նույն անձերից ներկա ենք գտնում միայն Հովհաննես վարդապետ Մուղնեցուն, Սբ. Նախավկայի առաջնորդ Միքայել վարդապետին, Ստեփաննոս վարդապետ Լեհացուն, Դավիթ վարդապետին (որը հայտնի էր որպես Մշեցի կամ պարզապես Դավիթ), Սուսիկ Հովհաննես վարդապետին (սա, ամենայն հավանականությամբ, Կարբեցի կամ Ղափանցի Հովհաննեսն է) և Հոհան վարդապետ Շամբեցուն (վերջինիս մասնակցութունը թեական է, քանի որ 1665 թ. վերջին կայացած ժողովի փաստաթղթի մեջ «Շամպե» տառերը վերականգնել ենք ենթադրաբար¹³⁵):

Սակայն հետաքրքրական է, որ այս երկու ժողովին էլ մասնակցել է ուղիղ 27 հոգի: 1665 թ. ժողովականների թիվը հաջողվել էր պահպանել նույնը՝ ներգրավելով նոր մարդկանց՝ 8 աշխարհական, 13 կամ 14 հոգևորական:

Նկատենք, որ 1650-60-ական թթ.՝ Մայր Աթոռի միաբանութունը ունեցել էր մոտ 50 վանական: 1653 թ. գրված մի հիշատակարան հայտնում է, որ Մայր Աթոռում՝

«կայաւորեալք են բազմութիւնք եղբարց կուսակրոնից իբրեւ յիսնեակ թուով. միշտ յԱստուածաշունչ գիրս պարապեալք եւ յար ի քն[ն]ութիւնս բնախօսական տառից կրթեալք»¹³⁶:

Այդ տարիներին Ս. Էջմիածնի միաբանութունը մտավոր գո-

րեղ ներուժ ուներ և մեծ հեղինակություն էր վայելում: Հանրահայտ են Միմենոն Զուղայեցու, Առաքել Դավրիժեցու, Ստեփաննոս Լեհացու, Ոսկան Երևանցու անունները: Հարկ է նշել, որ իրենց գիտակրթական գործունեությունը փայլել են նաև ուրիշները: Այսպես, թվարկելով Հակոբ Զուղայեցու կաթողիկոսության տարիներին Մայր Աթոռի միաբանության անդամներից տասին, որոնցից 6-ը, մեր համեմատությունում, մասնակցել էր 1665-ի վերջում եղած ժողովին (Ստեփաննոս Լեհացին, Հովհաննես Մուղնեցին, Միքայել, Մովսես, Գաբրիել և Երեմիա վարդապետները), ժամանակակից Դավիթ Բաղիշեցին գրում էր. «Սոբա ամենեքեան սիւնք եկեղեցոյ եւ անօթք հոգոյն սրբոյ, անյաղթ փիլիսոփայք»¹³⁷: Սրան ձայնակցում է մի այլ հիշատակագիր. «Ի հրահանգս իմաստասիրութեան կրթէին զանձինս իւրեանց, քանզի զայնու ժամանակաւ (1670) բազումք էին երեւելի վարդապետք քաջաբանք, բանաստեղծք, Աստուածային գրոց գիտունք եւ հմուտք»¹³⁸:

1665 թ. վերջում գումարված ժողովի որոշումը խմբագրել է Մովսես վարդապետ Բջնեցին («...գրեալ ի Մովսիսէ վարդապետէ Բջնեցոյ՝ համաձայնութեամբ սրբազան վարդապետաց եւ եպիսկոպոսաց...»), որն Արարատյան երկրի առաջնորդն էր առնվազն 1656-ից¹³⁹: 1666 թ. գրված մի հիշատակարանի մեջ նրա մասին կարդում ենք. «Հրամանաւ մեծի քաջ հռետորի եւ անյաղթ փիլիսոփայի՝ Մովսէս հոգիացեալ ըբբունապետի, դիտապետի եւ արքեպիսկոպոսի Բջնույ մեծ նահանգի Արարատեանս երկրի»¹⁴⁰: Մովսեսից էր նոտր գիրն ուսանել Պոլսի պատրիարք Եփրեմ վարդապետը (1684-1686, 1694-1698), որը 1695 թ. նրան հիշատակում է իբրև «Աստուածաբանութեան ըբբունապետ»¹⁴¹: Այն, որ Եփրեմ պատրիարքն «իբրև կաթողիկոսության առաջին հալածիչ նկատված է»¹⁴², թերևս, կարող է որոշ պատկերացում տալ նաև հայոց դավանանքի հարցում նրա ուսուցչի ունեցած կարծր դիրքորոշման մասին: Նույն Մովսես Բջնեցին նաև Ստեփաննոս Լեհացու գրչագրության ուսուցիչն էր¹⁴³:

Ժողովի որոշման վերջնական խմբագրումն իր վրա վերցնելով՝ Մովսես Բջնեցին իր մեծ հեղինակությունը և իշխանությունը կարծես պատնեշում էր մյուս ժողովականներին կաթողիկոսի հնարավոր պատժամիջոցներից, որոնց մասին փաստաթուղթում մտավախություն է արտահայտված: Հետաքրքիր է նաև այն, որ Մովսես Բջ-

նեցին չի մասնակցել Հակոբ կաթողիկոսի դեմ մեկ տարի առաջ՝ 1664 թ. հոկտեմբերին Երևանում գումարված ժողովին: Սա վկայում է, որ կաթողիկոսի աթոռակալ-փոխանորդի հարցն այնքան ցավոտ էր, որ մեկ տարի առաջ իր լուծումը չստանալով (հայտնի է, որ Հակոբ Զուղայեցին ցանկանում էր իրեն հաջորդ տեսնել Արդար մականվանյալ Իսահակ Մակվեցի եպիսկոպոսին)¹⁴⁴, ինքնին ի վիճակի էր դարձյալ ըմբոստացնելու հայ եկեղեցու բարձրագույն հովիվներին, որոնցից էին ժողովին մասնակցած Ստեփաննոս վրդ. Լեհացին,¹⁴⁵ Միքայել վրդ. Շամբեցին¹⁴⁶, Մատթեոս վրդ. Զուղայեցին¹⁴⁷, Պետրոս վրդ. Ագուլեցին¹⁴⁸, Հովհաննես վրդ. Մուղնեցին (հավանաբար, նա ամենատարեցն էր 1665 թ. վերջում գումարված ժողովականների մեջ. դրանով ենք բացատրում ստորագրողների ցուցակի մեջ նրա անվան առաջինը դրված լինելը)¹⁴⁹, Հովհաննավանքի առաջնորդ Հովհաննես վրդ. Կարբեցին¹⁵⁰, Երնջակի Ս. Կարապետի առաջնորդ Եսայի վարդապետը¹⁵¹, Սաղմոսավանքի առաջնորդ Գաբրիել վրդ. Կարբեցին¹⁵², Էջմիածնի միաբան Երեմիա, Մինաս և Դավիթ վարդապետները¹⁵³:

Նշված բոլոր գործիչները արքեպիսկոպոս ու եպիսկոպոս էին, իսկ վարդապետ տիտղոսով ստորագրում էին հայոց մեջ այդ ժամանակներում տարածված սովորության համաձայն¹⁵⁴, երբ վարդապետության հեղինակությունը բարձրացել էր մինչև այնտեղ, որ 1658 թ. մի հիշատակագիր կարող էր ասել՝ «ի կաթողիկոսութեանն սրբազանի Յակոբի Զուղայացի վարդապետի»¹⁵⁵: Ն. Մառը, հայ վարդապետության մասին խոսելիս¹⁵⁶, նկատում էր, որ «հին հայ եկեղեցու մեջ վարդապետների... հեղինակությունը հոգևոր հարցերում շատ բարձր էր, երբեմն ավելի՝ քան եպիսկոպոսի և նույնիսկ կաթողիկոսի հեղինակությունն էր»¹⁵⁷: Հոգևոր-կանոնական հարցերի նույն այդ ոլորտին է պատկանում նաև վերևում մեր հրապարակած փաստաթուղթը, ուստի վարդապետ ստորագրելը միանգամայն բնական ու սովորական պետք է դիտել: Նմանապես՝ օրինակ, 1652 թ. Երուսաղեմում կայացած՝ XVI-XVIII դարերում հայոց ամենախոշոր եկեղեցական ժողովներից մեկը (մասնակցում էին երկու կաթողիկոս, 18 վարդապետ, 8 եպիսկոպոս, 35 աբեղա, 60-ից ավելի քահանա) արձանագրող Մարտիրոս Ղրիմեցին՝ Էջմիածնի և Սսի կաթողիկոսներից հետո, նախ և առաջ թվարկում ու գովաբանում էր մասնակից տասնութ վարդապետներին, որոնց էլ պատկանում էր եկեղեցական կա-

նոնները մեկնելու և փոփոխելու իրավունքը¹⁵⁸, ու նոր միայն այն ուլթ «եպիսկոպոսացն, որ են ընդ սոցին»¹⁵⁹: Այս ժողովին մասնակցած հոգևորականների առաջնայնությունը հարցը նույն տրամաբանությունամբ է լուծում նաև Ա. Դավրիժեցին.

«Տեառնս Փիլիպպոսի կամեցեալ գնալ յԵրուսաղէմ, որ եւ ելեալ գնաց բազում ամբոխիւ՝ (1) վարդապետօք (2) եւ եպիսկոպոսօք (3) եւ քահանայիւք (4) եւ սպասաւորօք»
(Համարակալումն իմն է՝ Ա.Ա.)¹⁶⁰:

Պատմական այդ շրջանից առաջ անցնելով՝ նշենք, որ 1802 թ., մի նմանատիպ փաստաթուղթ (Դանիելին կաթողիկոս ճանաչելու և Դավթին մերժելու շրջաբերականը) ստորագրելիս, առաջնայնությունը տրվում էր եպիսկոպոսներին, իսկ սրանցից շատերն էլ, անշուշտ ունենալով հանդերձ նաև վարդապետական իշխանություն, արդեն ավելորդ էին համարում իրենց նվիրապետական այդ աստիճանի գրանցումը, ինչը վարդապետության ինստիտուտի գահավեժ անկման պերճախոս վկայություն է¹⁶¹:

Ինչևէ, 1665 թ. վերջին ընդունված փաստաթղթի տակ՝ ժողովին մասնակից ուլթ աշխարհականներից առաջինն իր ստորագրությունը դրել է Զաքարիա Ագուլեցու եղբայրը՝ խոջա Շմավոնը: Վերջինս, շահի բարձր կարգադրությամբ, 1658-1663 և 1664-1670 թթ. կառավարել է Երևանի «զառաֆխանան» (փողերանոցը)՝ այդ պաշտոնում լինելով առաջին հայը¹⁶², ու, թերևս, նաև այդ տարիներին Երևանի նահանգի հայ ամենաբարձրաստիճան պաշտոնյան: Մյուս աշխարհականները վերջինիս շրջապատից էին. Սարգիս Զորագեղցին, օրինակ, Երևանի «զառաֆբաշին» էր 1663 և 1674-1679 թթ.¹⁶³: Հակոբջան Երևանցին, իրականում, Սպահանում Երևանցիների համայնքի («թաղի») ավագն էր, որին 1656 թ. տեղի ունեցած իրադարձությունների առիթով հիշում է Առաքել Դավրիժեցին¹⁶⁴: Նոր Զուղայի «Երևան» թաղից էին նաև մելիք-խոջա Գասպար Երևանցին¹⁶⁵ ու Թաթոս երեց Երևանցին¹⁶⁶: Նորջուղայեցիներին (որոնցից էր, ի դեպ, նաև հեղինակավոր Իսահակ վարդապետ Շախսաբանցին¹⁶⁷) այս ժողովին ներկա գտնվելու փաստը մեկ անգամ ևս վկայում է, որ 1660-ական թթ. ազգային կյանքում առանց նրանց մասնակցություն

որևէ հիմնախնդիր հնարավոր չէր լուծել¹⁶⁸: Այս խոշաները հակահակոբյան ժողովին, ամենայն հավանականությամբ, միացել էին՝ էջմիածնի կաթողիկոսի հետ ունեցած դրամական ինչ-ինչ հաշիվների մղումով¹⁶⁹: Թվում է՝ այսպիսի վտանգավոր բախումները հետագայում կանխելու մտահոգությամբ է, որ 1677 թ. երկրորդ կեսին՝ մահից ընդամենը երեք տարի առաջ՝ Հակոբ Զուղայեցին առաջարկում էր էջմիածնի Ֆինանսա-տնտեսական գործերը հանձնել «գուլավթաւոր երեսփոխանաց» ձեռնհաս կառավարմանը, հաստատելով սուլյն կարգը այն ժամանակ, «յերբ կաթողիկոս լինիք օրհնելոյ»¹⁷⁰:

3. 1665 թ. տարեմուտի հակահակոբյան ժողովի պահանջների հարաբերական մեղմացման դրդապատճառները

Ամենահետաքրքրականը, սակայն, հետևյալն է. 1665 թ. վերջին էջմիածնում հավաքվածներն այլևս չէին մեղադրում Հակոբ կաթողիկոսին այն 17 մեղքերի մեջ, որոնք մանրամասն շարադրված են Օնոփրիոսի երգմանգրում և ներկայացնում են 1664 թ. հոկտեմբերին Երևանում կայացած ժողովի վճիռը: Այդ մեղադրանքներից կրկնվում է միայն համար 3-ը՝ փոխանորդ-աթոռակալ ձեռնադրելու կաթողիկոսի ցանկությունը և այս առթիվ ժողովականների ունեցած բուռն անհամաձայնությունն ու ընդդիմությունը: Նաև՝ ի տարբերություն 1664-ի հոկտեմբերյան ժողովի, չէր դրվում Հակոբ Զուղայեցուն անմիջապես որևէ մեկով փոխարինելու խնդիրը: Արդ՝ ո՞րն էր մեկ տարվա ընթացքում Հակոբ կաթողիկոսի նկատմամբ տրամադրությունների այսպիսի նշանակալից մեղմացման պատճառը: Ինչու՞ էին այդ պահին նրանից դժգոհ շատերը ետ քաշվել ու հրաժարվել այս նոր ժողովին մասնակցելուց:

Այս հարցին պատասխանելու համար նախ պիտի նկատել, որ 1664 թ. հոկտեմբերին Երևանում գումարված եկեղեցական գործիչները խնդրում էին «սուրբ Երուսաղէմի աթոռակալ» Եղիազար Այնթափցուն, որպեսզի նա «ի ցաւակցութիւն աղճատանաց Սուրբ Աթոռոյն էջմիածնայ եւ բոլոր Տանս Հայոց»՝ իր ցանկացած վայրում գումարի եկեղեցական մի մեծ ժողով:

«զամենեսեան գնոսա առ ինքն կոչելով՝ նստցի դատաւոր

ի միջի նոցա, եւ արասցէ դատ իրաւամբ եւ արդարութեամբ ըստ կանոնաց Հարցն սրբոց եւ նախնեաց մերոց՝ ի մէջ մեր ամենեցուն եւ ի մէջ կաթողիկոսի նարդեան ժամուս՝ Տեառն Յակոբայ, որ նստի յԱթոռ Սուրբ Էջմիածնի»¹⁷¹:

Այս ծրագիրն անպայման նախատեսուած էր նաև այդ գումար-վելիք ժողովի ժամանակ Մայր Աթոռի գահակալի՝ Հակոբ Զուղայեցու գահընկեց անելը և նրա փոխարեն Եղիազարին կաթողիկոսացնելը: Առ այս վերն արդեն մեջբերեցինք նաև Զաքարիա Քանաքեռցու ուղղակի վկայութիւնը («Հա առաքեցաք առ քեզ զՕնոփրիոս վարդապետ, զի զքեզ փառաւորապէս բերցէ ի Սուրբ Աթոռս»): Սակայն հստակ է նաև այն, որ ժողովի անցկացման պահին Արևմտահայ կաթողիկոսութեան հիմնադրման մասին լուրը Արարատյան երկիր դեռ չէր հասել: Այս մասին է վկայուած նաև Օնոփրիոսը, երբ ասում է, թե 1665 թ. մարտի 5-ին Երուսաղեմ ժամանելով, իր իսկ համար անակնկալ կերպով՝ «գտի զԵղիազար վարդապետն կաթողիկոս եւ պատրիարք օծեալ ի վերայ նոյն Սուրբ Աթոռոյն, ընդ որ կարի յոյժ ուրախացեալ»¹⁷²: Հ. Անասյանի մանրագննին քննութեան համաձայն՝ Եղիազարը կաթողիկոս էր օծվել 1664 թ. հոկտեմբերի 6/15-ից մինչև նոյեմբերի վերջն ընկած միջոցին¹⁷³, իսկ ըստ Օնոփրիոսի երդմնագրի՝ 1665 թ. մարտի 5-ից առաջ «ամսօք կանխօք», որ միանգամայն համընկնում է Անասյանի հաշվարկի հետ¹⁷⁴:

Գիտենք նաև, որ Եղիազարի կաթողիկոսանալուց հետո նրա նախկին համախոհներից շատերը անցել էին Հակոբ Զուղայեցու կողմը¹⁷⁵: Արդ, վերը շարադրված փաստերի համադրումից մակաբերում ենք, որ Էջմիածնի միաբանութիւնը, բնականորեն, ամենից շատ պիտի հակառակվեր Եղիազար Այնթափցուն ու նորաստեղծ պայմաններում Մայր Աթոռի երերուն դիրքերն է՛լ ավելի չթուլացնելու համար՝ համաձայնութեան գար Հակոբ Զուղայեցի կաթողիկոսի հետ: Այս է փաստում նաև 1665 թ. հունվարի սկզբին Մայր Աթոռ Սուրբ Էջմիածնում Եղիազարի գործի խափանման նպատակով տեղի ունեցած նոր խորհրդաժողովը. «ժողովեցան ամենայն առաջնորդք վանորէից, եպիսկոպոսք եւ վարդապետք, եւ հարք, եւ անապատականք, եւ աշխարհական արք երեւելիք, եւ մեծաւ փառօք ուղարկեցին զկաթողիկոսն ի Կոստանդնուպոլիս»¹⁷⁶: Ս. Էջմիածնի շահերի պաշտպանութեան նույն նպատակով էլ Եղիազարի նախկին գաղափարակիցներ

Աստվածատուր Տարոնեցիին և Մարտիրոս Ղրիմեցիին, ինչպես նկատել է Հ. Անասյանը, շրջվում են ու դառնում նրա կատաղի հակառակորդները¹⁷⁷:

Այսպիսով, Եղիազարի՝ հակաթոռ կաթողիկոս օծումով՝ Հակոբ Դ Ջուղայեցու և Էջմիածնի միաբանությունից միջև ըստ երևույթին վաղուց ի վեր սկիզբ առած (ու դեռևս հետագա մանրամասն հետազոտություն կարոտ) սուր առճակատումը¹⁷⁸ մեծապես թուլանում էր, սակայն չէր վերանում իսպառ, որ ցույց է տալիս 1665 թ. վերջին Ս. Էջմիածնում գումարված նոր ժողովը: Բայց այդ ժողովին ստիպված էին հաշվի նստելու նորահաս իրողությունների հետ: Այս առումով շատ բնորոշ է վավերագրում գործածվող «Արեւելեան կողմանց Աթոռ... որ ընդ տէրութեամբ պարսկական արքայից արքայի» արտահայտությունը, որ փաստում է 1665 թ. վերջին Մայր Աթոռի ակամա հաշտվածությունը՝ մեկ տարի առաջ Եղիազար Այնթապցու հիմնած Արևմտահայ կաթողիկոսությունից գոյություն հետ¹⁷⁹:

4. 1664 թ. ժողովը և Արևմտահայոց կաթողիկոսությունից ստեղծումը

Երևանում կայացած հակահակոբյան «մեծահանդէս ժողովի» գումարումը հե՛նց Եղիազար Այնթապցու կաթողիկոսանալու նախօրեին՝ 1664 թ. հոկտեմբերին, բոլորովին էլ պատահական չէր: Ըստ Չամչյանի՝ կաթողիկոսանալու սուլթանական հրովարտակը Եղիազարը ձեռք էր բերել դեռևս 1663 թ. և այդ փաստը գաղտնի էր պահել ու միայն որոշ ժամանակ անց Հալեպից այդ մասին տեղեկացրել Կոստանդնուպոլսում գտնվող Խաչատուր Գաղատացուն: Վերջինս, ըստ Չամչյանի, դարձյալ 1663 թ. ընթացքում՝ «կոչեաց ի ծածուկ գոմանս յերեւելեացն հայոց եւ ի զգօնամիտ արանց, ընդ որս էր եւ Երեմիայ Չէլէպի Քէօմիւրճեանց. եւ խորհուրդ արար ընդ նոսա վասն իրացս այսոցիկ»: Կանչվածներն ընդդիմանում են թուրքիո Հայոց կաթողիկոսությունից գաղափարին.

«Իսկ նոքա իբրեւ լուան, ափեցան եւ գահի հարան, յայ-

տնի տեսանելով՝ թէ ո՛րպիսի պառակտումն հանդերձեալ է լինել ի մէջ ազգին, եւ պատառումն անկարկատելի...: Վասնորոյ բազում աղաչանօք հաւանեցուցին զՆաչատուր մի վաղվաղել, զի թերեւս գտնեն հնարս ինչ (ընդգծումն՝ Ա.Ա.)»¹⁸⁰:

Այդ հնարներից մեկը՝ Եղիազարին տարհամոզելու նպատակով Երեմիա Չելեպիին շտապ Հալեպ ուղարկելն էր.

զի թերեւս կարացէ նա իմաստութեամբ իւրով փոխել զմիտս նորա: [1664, ՌՃԺԳ] Հասեալ Երեմիայ ի Բերիա՝ յանդիման եղեւ Եղիազարու եւ խօսեցաւ ընդ նմա բազում ինչ *ի բազում աւուրս*, այլ ինչ ոչ օգտեցաւ...: Եւ Երեմիայ Չէլէպի անյոյս լեալ ի փոխելոյ զմիտս նորա՝ ծանոյց գրով ի Կոստանդնուպօլիս: Յետ սակաւուց եկն եւ Նաչատուր կաթողիկոս Սոոյ ի Կոստանդնուպօլսոյ ի Բերիա. եւ անդ վերստին խորհեալ ընդ Եղիազարու... ձեռնադրեալ էօժ զնա կաթողիկոս (ընդգծումն՝ Ա.Ա.)»¹⁸¹:

Այսպիսով, նոր կաթողիկոսությունն հիմնելու Եղիազարի մտադրությունը հայտնի է դարձել այդ գաղափարի հակառակորդներին 1663 թ. վերջերին կամ ամենաուշը՝ 1664 թ. սկզբին, և նրանք դրա դեմն առնելու փորձեր են արել ու, նախ և առաջ, հաջողել են որոշ ժամանակ շահել: Չամչյանի այս տվյալների համադրումից կարելի է հետևեցնել, որ Պոլիս-Հալեպ երթևեկը ու այդ ընթացքում եղած խորհրդատվությունները առնվազն մի քանի ամսվա միջոց էին խլել: Այս ընթացքում՝ Եղիազարին իր ծրագրից ետ պահելու համար, բացի Երեմիային Հալեպ ուղարկելուց, անշուշտ, դիմած պիտի լինեին այլ միջոցների ևս: Անկասկած, սպառնալիքի մասին շտապ տեղեկացվել են Ս. Էջմիածնի կաթողիկոսն ու միաբանները: Ընդ որում, եթե Երեմիա Քյոմյուրճյանը և նրա համախոհ պոլսեցի այլ երևելիները կարծում էին, «թէ հաւան է բովանդակ ազգն ընդ Յակոբ կաթողիկոս Էջմիածնի եւ սիրով կապեալ ընդ նմա վասն բարելաւութեան նորա եւ չէր ուրուք գտեալ ի նմա արատս ինչ»¹⁸², ապա մեր ձեռքի տակ եղած վավերական նյութերը ասում են, որ այդ նույն ժամանակ Արևելահայաստանի հոգևոր ու աշխարհիկ առաջնորդներից շատերը (ներառյալ՝ Մայր Աթոռի միաբանների մի մասը) խիստ լարված հարաբերություններ ունեին կաթողիկոսի հետ, և, բնական է, որ նրան էին մեղադրելու Հայ կյանքին սպառնացող աննախագեպ ծա-

նր դրուծյան՝ Հայաստանյայց եկեղեցու հնարավոր «անկարկատելի պատառման» մեջ: Ահավասիկ, այսպիսի հանգամանքներում է, որ 1664 թ. հոկտեմբերին Երևանում փորձել են հասունացող վտանգը կանխել Հակոբին գահազրկելով և նրա փոխարեն Եղիազարին կաթողիկոսացնելով՝ մի բան, որ արվեց Հակոբի մահից հետո միայն: Հետևաբար, Եղիազարին Ս. Էջմիածին հրավիրելու գաղափարը առաջին անգամ ծագել էր 1664, այլ ոչ թե 1681 թ.¹⁸³:

Ըստ Զ. Քանաքեռցու, Երևանի ժողովի օրերին Հակոբ կաթողիկոսը Երուսաղեմի ճանապարհին էր: Իր ու իր կողմից աթոռակալ նշանակված Իսահակ Մակվեցու դեմ սկսված խլրտուժների լուրը հասավ կաթողիկոսին Թոխաթում և ստիպեց նրան շտապ Մայր Աթոռ վերադառնալ¹⁸⁴: Նրա Երուսաղեմ ուղևորվելն ինչ-որ կապ ունեւեր ծնունդ առնող նոր՝ «Արևմտահայոց» կաթողիկոսության ու Եղիազարի հետ, քանզի, ինչպես շատ աղոտ ասում է Քանաքեռցին՝ «Եղիազարն իբրեւ լուաւ զդառնալն կաթողիկոսին՝ քամահանս վարկաւ ինքեան, եւ ի խոր խոցեցաւ ի սրտի իւրում»¹⁸⁵:

Ի մի բերենք: Եղիազարի՝ արևմտահայոց կաթողիկոսություն հիմնելու ընթացքը բոլորովին տարբեր ծրագրերով փորձել են կանխել, մի կողմից՝ Հակոբ Զուղայեցի կաթողիկոսն ու իր մերձավոր եկեղեցականները, մյուս կողմից՝ Ս. Էջմիածնի միաբանների զգալի մասն ու նրանց միացած արևելահայ նշանավոր հոգևոր և աշխարհիկ մի շարք գործիչները: Ինչ խոսք, որ 1664-1665 թթ. արձանագրված այս ներհակությունն էլ ամենից շատ է նպաստել հակաեղիազարյան գործողությունների անարդյունավետությանը: Այս առումով ուշագրավ է, որ Զաքարիա Քանաքեռցին փորձում է բացատրել Արևմտահայ կաթողիկոսության հիմնումը հենց Հակոբ կաթողիկոսի ծրագրերի խանգարումով ու նրա կես ճանապարհից վերադարձով. «վասն որոյ [Եղիազար Այնթափցին] ժողովեաց զամենայն Եպիսկոպոսունս յայնմ նահանգի ի Բերիա քաղաք՝ որ է Հալապ, եւ օրհնեցաւ կաթողիկոս ինքնագլուխ»¹⁸⁶: Իսկ արդյունքում՝ Հայաստանյայց եկեղեցին ունեցավ անուղղելի վտանգներով հղի 16-ամյա մի չրջան: Բարեբախտաբար, նույն այդ գործիչներն էին, որ տարիներ անց հաջողեցին կացությունը բերել ի բնական չրջանս յուր¹⁸⁷:

5. Կոնկլավի կանոնները և 1441 թ. էջմիածնի կաթողիկոսի ընտրությունը

1665 թ. վերջին կայացած խորհրդաժողովի որոշումը՝ Հակոբ Դ Զուղայեցի կաթողիկոսին ուղղված վերջնագիր է: Այն ընդամենը մեկ պահանջ ունի. Ամենայն Հայոց կաթողիկոսը իրավասու չէ իր միաձայն կամքով որոշել հաջորդ կաթողիկոսի ով լինելը, այլ այս հարցում պարտավոր է առաջնորդվել քրիստոնյա ազգերի մեջ ընդունված ավանդույթյամբ, որոնք հոգևոր գերագույն հովիվ ընտրելու չորս «եղանակ» են ճանաչում: Նորից ընթերցենք մեզ հետաքրքրող հատվածը.

«...զի կաթուղիկոս ոք մի՛ իշխեսցէ ըստ կամաց իւրոց նստուցանել զով ոք ակորժէ ի տեղի իւր, եթէ ոչ, ըստ ազգաց քրիստոնէից հանրականաց աւանդութեամբ՝ չորիւք յեղանակօք, այսինքն.

(1) կամ վիճակաւ իմիք, որպէս հռովմայեցւոց է՝ սովորութիւն.

(2) կամ ընտրութեամբ հասարակաց, որպէս առաջնոցն եւ յետնոցն եւս (այստեղ խոսքը վերաբերում է ազգային-եկեղեցական համաժողովին՝ Ա.Ա.)

(3) եւ կամ ի հաւանութեանց վեհագունից բազմաց եւ սրբազան արանց (այսինքն՝ ազգի հոգևոր և աշխարհիկ առաջնորդների համաձայնությամբ, որ, ինչպես վերն արդեն խոսեցինք՝ կարող էր իրականացվել նաև հեռակա կարգով՝ Ա.Ա.):

(4) Թողում ասել զչորրորդն, որ է վերին յայտնութենէն, որ այժմ իսկ դադարեալ է եւ լռեալ՝ վասն անարժանութեան մերում»:

XVII դարի երկրորդ կեսին Հակոբ Զուղայեցուն ու Նահապետ Եղեսացուն ուղղվող միևնույն այս պահանջը միանգամայն համահունչ էր հայոց նախնյաց օրենսդրությանը: Դեռևս 1265 թ. Սմբատ Սպարապետն իր դատաստանագրքում հատուկ նշում էր. «կաթողիկոսն իրավունք չունի ինքնակամորեն որևէ մեկին կաթողիկոս ձեռնադրել, այլ կարող է որևէ մեկին ձեռնադրել կաթողիկոս միմիայն բազմաց ընտրությամբ»¹⁸⁸: Նույն դրույթը հպանցիկ նշել է նաև Մխիթար Գոշր. «...ի բազմացն ընտրութենէն... ձեռնադրել կաթողիկոս»¹⁸⁹:

Ուշադրութիւնն է գրավում հատկապէս 1-ին կետը, ուր ասված է, թե Ամենայն Հայոց կաթողիկոսը կարող է ընտրվել նաև «վիճակաւ իմիք, որպէս հռովմայեցւոց է՛ սովորութիւն»: Խոսքը վերաբերում է մասնակի ձևափոխումներով մինչև այսօր գործող Հռոմի պապերի ընտրութեան կարգին, որ սահմանվել է 1274 թ. Լիոնի Բ խորհրդաժողովում՝ Գրիգոր Ժ պապի «Ubi periculum» («Որտե՞ղ է վտանգը») կոնդակով: Այս կոնդակի գլխավոր դրույթներն հետևյալն են. պապի մահից հետո կարգինալները գումարում են ընտրական ժողով մի հատուկ շենքի՝ կոնկլավի (այսինքն՝ փակ դահլիճի) մեջ, որտեղից նրանք դուրս գալու իրավունք չունեն այնքան ժամանակ, մինչև որ՝ փակ գաղտնի քվեարկութեամբ, չընտրեն իրենցից մեկին Հռոմի նոր պապ (ընտրական արարողութիւնն ունի բազմաթիվ հետաքրքրական մանրամասնութիւններ, որոնք, սակայն, մեր քննութեան համար էական չեն)¹⁹⁰:

Արդ, հարց է առաջանում. եթե XVII դարի հայ երևելի վարդապետները, կաթողիկ եկեղեցու հետ սուր հակամարտութեան մի ժամանակաշրջանում, ընդունելի են համարել կոնկլավի կանոնների կիրառումը նաև մեզանում՝ արդյո՞ք դրա համար նրանք չեն ունեցել որոշակի նախադեպ հե՛նց հայոց պատմութեան մեջ:

Կարծում ենք՝ ունեցել են: Ստորև առաջարկվող վերլուծութեան արդյունքներով, կոնկլավի գլխավոր պահանջների համաձայն է ընտրվել ո՛չ այլ ոք, քան 1441 թ. էջմիածնում վերահաստատված Մայր Աթոռի առաջին գահակալ Կիրակոս Վիրապեցին:

Որո՞նք են մեր փաստարկները:

Ս. էջմիածնում Ամենայն Հայոց կաթողիկոսութեան վերահաստատվելը առավելագույնս կարևորելու միտումով՝ Աստուծո ուղղակի միջամտութիւնը Կիրակոս Վիրապեցու կաթողիկոսանալուն (այսինքն՝ վերը նշված չորրորդ կանոնի կիրառումը) շեշտվել է ինչպէս բուն ընտրութեան պահին, այնպէս էլ հետագայում: Այդպէս է ներկայացնում 1441 թ. ընտրութիւնները նաև ականատես պատմիչ Թովմա Մեծոփեցին, բազմիցս ասելով, որ այդ ընտրութիւնները կատարվել են՝

«...ազդեցութեամբ Հոգւոյն Սրբոյ, հրաշագործութեամբ բարերարին Աստուծոյ...»,

«...ընտրութեամբ Հոգևոյն Սրբոյ, տեսեամբ գիշերոյ եւ յանուրջս երազոյ...»,

«[նախնական ընտրութիւնների անյաջողութիւնից հետո]...ապաւինեցաք յԱստուած եւ միաբանութեամբ սկսաք աղօթիւք եւ պաղատանօք խնդրել յԱստուծոյ տալ մեզ առաջնորդ ըստ կամաց իւրոց»,

«[ընտրութիւնից հետո] Փառք Քեզ ամենասուրբ Երրորդութիւն Հայր եւ Որդի եւ Սուրբ Հոգի, զի կատարեցեր զխնդրուածս Հայկացեան սեռի... Եւ մեք զոր ինչ խնդրեցաք, եւ առաք յԱստուծոյ ի Հօրէ»¹⁹¹:

*Թովմա Մեծոփեցու վարքի հեղինակ ու նրա աշակերտ Կիրակոս Բանասեր Ռշտունեցին*¹⁹², որ նույնպէս խնդրո առարկա անցքերի մասնակից էր¹⁹³, հետեւելով իր ուսուցչին, Կիրակոս Վիրապեցու ընտրութեան մասին գրում էր.

«[Թովմա Մեծոփեցին] Հանապազ խնդրէր յԱստուծոյ զի էջմիածինն վերստին նորոգեսցի, կաթողիկոս եւ թագաւոր նստցի յէջմիածինն: Եւ Աստուած... կատարեաց զխնդրուածս նորա եւ ելից զփափագ սրտի նորա. եւ Հրաշիւք եւ յայտնութեամբ երազոյ եւ սքանչելեօք, աւետարանին վկայութեամբ յայտնեաց զսքանչելի այրն Աստուծոյ... զսուրբ Հայրապետն զՏէր Կիրակոս...»¹⁹⁴:

*1442 թ. Արարատյան երկրի Սերկելի գյուղում Ոհաննես Թմորվեցի գրիչը նմանապէս արձանագրում էր. «...ընդրեցին տեսեամբ եւ կամաւք ամենասուրբ Երրորդութեան՝... որպէս Հայրապետս մեր՝ Հոգեւոր Տէր Կիրակոս կաթողիկոսս...»*¹⁹⁵:

Այսուհանդերձ, երկրային ընտրութիւնը նախատեսում էր որոշակի գործողութիւններ: Ըստ Թովմա Մեծոփեցու՝ ժողովականներն «արկին վիճակ ի սուրբ աւետարանն, եւ ել վիճակն Կիրակոս Հայրապետին»¹⁹⁶: Օրմանյանը տարակուսած գրում էր, թե ընտրական այս ձևը «քիչ մը տարօրինակ կերևի..., վասնզի ավետարանին մեջ Կիրակոսի անունը գտնել հնար չէր: Ուստի, - եզրակացնում էր նա, - պետք է ըսել, թե Կիրակոսի վրա համաձայնութիւն գոյացնելն ետքը, ավետարանի վիճակին ալ դիմած են, և ավետարանը բացած ատեննին նպատակահարմար տունի մը հանդիպած և այս կերպով

կատարած ընտրություններն վերնային կամքին համաձայն ճանչցած են»¹⁹⁷:

Սակայն, 1665 թ. վերջին Հակոբ Զուղայեցուն հասցեագրված վերջնագրում վիճակ բառն ունի բոլորովին այլ՝ քվեաթերթիկներ գործածելու իմաստ՝ «վիճակալ իմիք, որպէս հռովմայեցուց է՛ սովորութիւն»։ Անտարակույս, մեր գիտնական վարդապետները քաջատեղյակ են եղել Հռոմի պապի ընտրակարգի ընդհանուր դրույթներին։ 1664 թ. հոկտեմբերին գրված՝ Հակոբ Զուղայեցուն ամբաստանող մեկ այլ վավերագրում վիճակ-ը գործածված է նույնանման իմաստով.

«...զի ոչ ըստ կանոնաց սրբոց եւ սահմանի ազգաց կամի վիճակաւ եւ հաւանութեամբ ամենայն եկեղեցւոյն ընտրել զյաջորդ Սուրբ Աթոռոյն, այլ՝ ինքնահաւան անձնայաճութեամբ զծերագոյնսն յետս ընկրկեալ եւ զեսն իմն ունակացեալ, զիւրային մակաբարոյսն յառաջացուցանէ»¹⁹⁸:

Այս դեպքում «վիճակալ... ամենայն եկեղեցւոյն ընտրել»-ը կարող է նշանակել միայն ընտրական թղթատար ինչ-որ գործողություն, ինչպիսին էին վերոհիշյալ մահգարները ու նաև՝ անմիջական գրավոր քվեարկությունը:

Հետևաբար, Թովմա Մեծոփեցու՝ «արկին վիճակ ի սուրբ աւետարանն, եւ ել վիճակն Կիրակոս հայրապետին» հաղորդումը նշանակում է, որ Կիրակոս Ա Վիրապեցի հայրապետն ընտրվել է փակ գաղտնի քվեարկության մի ինչ-որ արարողակարգով, որի վերջում նրա անունով ժողովականների լրացրած թերթիկները լցվել են ավետարանի վրա: Դատելով անցքերի ընթացքից՝ վերապահություն պետք է անել միայն ընտրության իրական գաղտնիության աստիճանի առթիվ:

1441 թ. պատմական ընտրություններն ունեն կոնկլավի հետ ուրիշ նմանություններ ևս, որոնք դժվար թե բոլորը միասին սովորական զուգադիպություն լինեն:

Ա. Կաթողիկոս ընտրվեց ներկա ժողովականներից մեկը, որ կոնկլավի հիմնական կանոններից է:

Բ. Թեև, ըստ Մեծոփեցու և այլոց, ընտրությանն այս կամ այն կերպ իրենց մասնակցությունն են բերել բազմաթիվ աշխարհական-

ներ՝ «ազատք եւ որդիք ազատաց, ձեռնաւորք եւ տանուտէրք»¹⁹⁹, «սրբասէր ազտիք եւ ժողովուրդք»²⁰⁰, որ և թույլ է տվել Օրմանյանին խոսելու «ընդհանուր ազգային ժողովի» մասին՝ ընտրական ձայնի իրավունքով օժտված պիտի լինեին ոչ բոլորը, ինչպես կարծում էր Օրմանյանը²⁰¹, անգամ ոչ բոլոր հոգևորականները, որոնց թիվը հասնում էր 300-ի²⁰², այլ, ամենայն հավանականությամբ՝ միայն վարդապետներն ու եպիսկոպոսները, ինչպես որ կոնկրավում՝ միայն կարգինալները: Այսպես ասելու համար նկատի ունենք, նախ, Մեծոփեցու՝ մի առիթով արած հստակ նկատողութիւնը. «զժողովս մեր...՝ վարդապետք եւ եպիսկոպոսք ի մի միաբանութիւն»²⁰³: Այս դիտողութիւնը բոլորովին անկասխաբար կրկնված է 1441-ի դեկտեմբերին կամ 1442-ին Վանում՝ Կարապետ երեցի գրած հիշատակարանի մեջ՝ «յամի ՊՂԱ թուականութեանս Հայոց... եղեւ ժողով եպիսկոպոսաց եւ վարդապետաց ի մայրաքաղաքն ի Վաղարշապատ... եւ եղին զՏէր Կիրակոսն յԵջմիածին կաթողիկոս Ամենայն Հայոց...»²⁰⁴: Չամչյանը՝ անհայտ ինչ-որ աղբյուր օգտագործելով, ևս ծանուցում է 1441 թ. ընտրութիւններում եպիսկոպոսների և վարդապետների ունեցած վճռորոշ ձայնի մասին.

Սմին իրի գրեցին եպիսկոպոսք եւ վարդապետք առ Գրիգոր Մուսաբեկեանց, եւ հրաւիրեցին գալ յԵջմիածին... Այլ իբրեւ չէառ նա յանձն գալ անդր, անուհետեւ խորհեցան առաջնորդք ազգին (իմա նույն եպիսկոպոսներն ու վարդապետները՝ Ա.Ա.) մեծ ժողով գումարել յԵջմիածին... (ընդգծումն՝ Ա.Ա.)»²⁰⁵:

Երկրորդ. եթե ընդունելու լինեինք, որ ընտրական ձայնով օժտված են եղել նաև աշխարհականները, ապա Մեծոփեցու շարադրանքից անպայման պիտի եզրակացնեինք, որ կանայք նույնպես քվեարկողների թիվում են եղել, քանզի բացի հոգևորականներից, ժողովին մասնակցում էին «ազատք եւ որդիք ազատաց, ձեռնաւորք եւ տանուտէրք, եւ անթիւ եւ անհամար բազմութիւն ժողովրդեան՝ արանց եւ կանանց»²⁰⁶: Մինչդեռ Հայոց դատաստանագրքերից հայտնի է, որ ուշ միջնադարում հայ կնոջ իրավունքները, մասամբ, նաև մուսուլմանական օրենքի՝ շարիաթի ազդեցությամբ, խիստ սահմանափակ էին. մասնավորապես, կինը զրկված էր անգամ դատարանում վկա լինելու իրավունքից²⁰⁷: Հետևաբար, աշխարհականների մասնա-

կցուծյունը 1441 թ. կաթողիկոսական ընտրուծյուններին սահմանափակվել է (ա) նյութական և բարոյական աջակցությամբ, (բ) ընտրուծյունների արդյունքին, ինչպիսին էլ որ այն լինե՛ր՝ հավանություն տալով: Այլ կերպ ասած, նրանք բոլորը միասին՝ տղամարդ և կին, հարուստ և աղքատ, իրոք, մասնակից են եղել ընտրուծյուններին, բայց ոչ ընտրելու, այլ ընտրուծյունները «հաստատելու» իրավունքով, որ նույնպես շատ կարևոր էր, հատկապես՝ ժողովին համազգային բնույթ և հնչողություն հաղորդելու իր գործողությամբ²⁰⁸: Իսկ ընտրելու ձայն ունեցել են, ամենայն հավանականությամբ, Մեծոփեցու՝ հականե-հանվանե հիշատակած 31 վարդապետներն ու եպիսկոպոսները և գուցե հանրաձայնաչ միայնակյացներից ու վանահայրերից էլի ոմանք: Սա հաստատում է նաև Հակոբ կաթողիկոս Զուղայեցին, որը իր Պատմութիւն կաթողիկոսաց մեզ չհասած երկում գրել է՝ «վարդապետն թումայ Մեծոփեցին արար ժողով եպիսկոպոսաց, վարդապետաց եւ գիտնական արանց»²⁰⁹:

1441 թ. էջմիածնի ժողովում ընտրողների մեջ պետք է հաշվել նաև այս ժողովին «թղթով միաբանեալ» այն 20 վարդապետներին ու եպիսկոպոսներին, որոնք, այս կամ այն պատճառով ներկա չլինելով, նախապես իրենց համաձայնությունն էին հայտնել կայացվելիք որևէ ընտրությանը²¹⁰: Այս հինգ տասնյակից անցնող քվեարկուների թիվն էլ հենց ամենից ընդունելին ու իրականն է:

Գ. Կոնկլավում սկզբից անցկացվում են «փորձնական» ընտրուծյուններ, որոնց ընթացքում ճշտվում է տարբեր կուսակցությունների փոխադարձ վերաբերմունքը և ուժերի հարաբերակցությունը²¹¹: 1441 թ. էջմիածնում արվել է նույնը. ըստ Մեծոփեցու, սկզբում «բազումք ի յեղբարցն յառաջ կոչեցաք զալ ի յառաջնորդութիւն թորգոմական գրոհիս, եւ ոչ կամեցան բառնալ զձանրութիւն դառնութեան բարձրագոյն աստիճանին»²¹²: Օրմանյանը, մրցակից կուսակցություններն ի հայտ բերելով, մանրամասն մեկնաբանում է այս նախադասությունը և գալիս այն ճիշտ եզրակացության, որ առաջ կոչվածների ետ քաշվելը ոչ թե «անկեղծ խոնարհամտություն էր», այլ «մրցակիցների մեջ մղված խուլ պայքարի» հետևանք²¹³:

Դ. Կոնկլավի կանոններով, առանց նորընտիրի համաձայնության, նա չի կարող պապ հռչակվել: Մեծոփեցին հատուկ շեշտում է

Կիրակոսի հնազանդությունը. «Եւ մեք հիացեալ զարմացաք զհնազանդութիւն առն Աստուծոյ... զի կարի անհնազանդ բարս ունէր եւ ատէր զփառս երկրաւորս»²¹⁴: Պետք է ասել, սակայն, որ այս կանոնը սովորական է նաև Հայաստանյայց եկեղեցու համար:

Ե. Մեծոփեցին հիշատակում է նաև, որ Կիրակոսն, ընտրությունից անմիջապես հետո «եկեալ կանգնեցաւ ի մէջ ահագին ատենին»²¹⁵: Կոնկլավի կանոնների համաձայն ևս՝ նորընտիր պապը, դեռ մինչև գահակալության հանդեսը, հայտնվում է շենքի առջև հավաքված ամբոխին:

Զ. 1441թ. Վաղարշապատում կայացած ընտրությունների տևողությունը:

Կ. Կոստանյանցն սխալվում է, կարծելով, թե ժողովը տևել է «եթե ոչ ամիսներ, գեթ մի քանի շաբաթ», որի ընթացքում իբր բանակցություններ են եղել Գրիգոր Թ՝ Մուսաբեկյանց կաթողիկոսի հետ²¹⁶: Այնինչ Թովմա Մեծոփեցին այս հարցը լուծելու պարզ միջոց է ընձեռել՝ հերթագրել է ընտրական ժողովի ընթացքում եղած տեսիլներն ու երազները. փորձնական ընտրություններից հետո՝ նույն կամ հաջորդ օրն եղել է առաջին երազը, «ի միւս օրն»՝ երկրորդը, «եւ ի միւս օրն»՝ երրորդը, նույն կամ հաջորդ օրը՝ հոգևորականներից մեկի Օշական գնալը, վերադարձը և տեսիլի պատմելը, որ մեկ կամ երկու օր պետք է տևեր²¹⁷: Ուրեմն, ընտրական ժողովը տևել է նվազագույնը 4, առավելագույնը՝ 6 օր: Օրմանյանը, անվանելով փորձնական ընտրությունները «խորհրդակցություններ», կարծում էր, թե դրանք եղել են Վաղարշապատում գումարված ժողովից առաջ, դեռևս Երևանում, որ բացարձակապես չի համապատասխանում Մեծոփեցու տվյալներին և անշուշտ սխալ է²¹⁸:

Արդ, այս 4-6 օրվա ընթացքում ժողովականների մի առանձնավայրում խմբված լինելն ենթադրելի է և՛ շրադրանքից, և՛ դեպքերի տրամաբանությունից, և՛ հատկապես այն հաղորդումից, որ մեկ անգամ միայն, թողնելով համատեղ ազոթքի (ասել է թե՛ ժողովի անցկացման) վայրը, ժողովականներից մի հոգի գնում է Օշական՝ սուրբ Մաշտոցի գերեզման ուխտի՝ «որպէսզի հայցեն... զաջողումն ձեռնադրութեան»: Հավանաբար, նա գնում է ընտրություններին անմիջականորեն չմասնակցող «դրսեցիներին» ուղեկցությամբ՝ «Դարձեալ

ոմն ի յեղբարցն առնու նուէր եւ մատաղ եւ զնան ի սուրբ վարդապետի գերեզմանն...»²¹⁹: Սա կարող է դիտվել իբրև կոնկլավի կանոնների խախտում և մեր ենթադրությունների դեմ խոսող փաստարկ, սակայն ուշադրավ է, որ նրա վերադառնալուն և «օրհնություն տեսիլք» պատմելուն պես՝ տեղի է ունենում վերջնական ընտրությունը: Ըստ երևույթին, երկու հիմնական մրցակից խմբակցությունների՝ սյունեցիների և վասպուրականցիների՝ Կիրակոսի անձի վրա համաձայնություն գալուց հետո, ժողովականներից մեկին ուղարկել են ուխտի՝ «օրհնություն տեսիլք» բերելու առաջադրանքով: Այս փաստը վկայում է, որ 1441 թ. կաթողիկոսական ընտրությունների ժամանակ կոնկլավի կանոնները կիրառվել են ոչ խստորեն, այլ միայն մասնակիորեն՝ հարմարեցվելով առկա պայմաններին և հնարավորություններին: Այս առթիվ կարելի է նկատել, որ 1665 թ. վերջին գրված փաստաթուղթը նույնպես ընդգծում էր միայն կոնկլավի գլխավոր դրույթը՝ «վիճակաւ իմիք» Ամենայն Հայոց կաթողիկոս ընտրելու կարգը, այսինքն՝ փակ գաղտնի գրավոր որևէ կերպ կազմակերպված քվեարկության օրինականությունը, և ո՛չ՝ կոնկլավի անխտիր բոլոր կանոնների կիրարկումը:

Միաժամանակ, պետք է նկատել, որ հայերն իրենք էլ ունեցել են գրավոր քվեարկություններ կաթողիկոս ընտրելու սեփական յուրօրինակ փորձ: Այսպես, 1343 թ. սկզբին Կիլիկյան Հայաստանից Հռոմ առաքված մի վավերագիր արձանագրում է, որ կաթողիկոսի ընտրությունը կատարում է Հայոց թագավորի հրավիրած եկեղեցական ժողովը, ուր մասնակիցներից յուրաքանչյուրը, իր գրով ու կնիքով հաստատած թղթի վրա, թագավորին է ներկայացնում իր նախընտրած թեկնածուի անունը: Եթե թեկնածուները շատ են լինում, թագավորը կարգադրում է միաբանել երկուսի կամ երեքի վրա, ապա այս վերջիններից ընտրում նրան՝ ում ցանկանում է²²⁰:

Կիլիկյան Հայաստանում կաթողիկոսական ընտրության այս եղանակը շատ է հիշեցնում 1737 թ. Ս. էջմիածնում անցկացված գաղտնի գրավոր մի քվեարկությունը, որն առաջարկել էր Ամենայն Հայոց կաթողիկոսի երեք թեկնածու, որոնցից մեկին Կ. Պոլսի հայություն ժողովը (կարծես՝ կատարելով նախկինում հայոց թագավորին վերապահված դերը) հաստատում է կաթողիկոս: Ըստ մի ականատեսի, Ս. էջմիածնում՝

«Վարվաղակի զմիաբանքն համայնի
ժողովք առնին ամենեքեանք մի տեղի.
Թղթովք ընտրեն զերիս Արքս պատուելի՝
Էջմիածնայ կաթողիկոս լինելի» (ընդգծումն՝ Ա.Ա.)²²¹:

ԾԱՆՈԹՎԳՐՈՒԹՅՈՒՆՆԵՐ

- ¹ Լ. Մինասեան, «Հայ հնատիպ գրքի մատենագիտական ցուցակը և մի քանի նորայայտ գրքեր ու այլ ծանօթութիւններ». - *Հասկ*, 1970, էջ 380:
- ² Ն. Ա. Ոսկանյան, Ք. Ա. Կորկոտյան, Ա. Մ. Սավալյան, *Հայ գիրքը 1512-1800 թթ.*, էջ 114:
- ³ ՏՅՈ, Բ, էջ 114-122:
- ⁴ Մեզ ծանօթ միակ հեղինակը, որ իր քննության ընթացքում հպանցիկ վկայակոչում է այս վավերագրի մի տեղեկութիւնն՝ Հակոբ Անասյանն է (տե՛ս Հ. Ս. Անասյան, *XVII դարի ազատագրական շարժումներն Արևմտյան Հայաստանում*, էջ 270):
- ⁵ «չինել» (ՏՅՈ, Բ, 115):
- ⁶ «պարապեալք» (ՏՅՈ, Բ, 115):
- ⁷ «որում» (ՏՅՈ, Բ, 115):
- ⁸ «է»-ն դուրս է ընկել (ՏՅՈ, Բ, 115):
- ⁹ «ի կարգի» (ՏՅՈ, Բ, 116):
- ¹⁰ «զըստոյգն» (ՏՅՈ, Բ, 116):
- ¹¹ «զձեռագիր» (ՏՅՈ, Բ, 116):
- ¹² «պարտէր» (ՏՅՈ, Բ, 116):
- ¹³ «համաշխարհականէ» (ՏՅՈ, Բ, 116):
- ¹⁴ «որ»ը դուրս է ընկել (ՏՅՈ, Բ, 116):
- ¹⁵ «այժմ» (ՏՅՈ, Բ, 117):
- ¹⁶ «...ի թուահաշու[ու]թեան տոհմիս հայկական հազարերորդի հարիւրորդի եւ տասնեւհինգ ամի» 6 1666, սակայն գրվել է 1665ի վերջին՝ տես ստորև, էջ 31:
- ¹⁷ Սաւատ (արաբերէն) - պատճեն:
- ¹⁸ «մեքն» (ՏՅՈ, Բ, 118):
- ¹⁹ «Հողեփեռնէոս» (ՏՅՈ, Բ, 118):
- ²⁰ «զաւետս» (ՏՅՈ, Բ, 118):
- ²¹ Լի՛պասի հուքմ (արաբերեն-պարսկերեն) - ձեռնադրութիւնը հաստատող հրովարտակ, բառացիորեն՝ զգեստավորվելու հրովարտակ:
- ²² Մանսար = մահզար (արաբ.) - այստեղ՝ հանրագիր, վկայական, Սիմեոն

Երևանցու Թարգմանությամբ՝ «բազմակնիք Թուղթ համահաւանութեան», «զհաւանութեան բազմակնիք» (Տե՛ս *Ջամբռ*, էջ 59):

²³ Սպահ (պարսկ.) - համաձայնություն:

²⁴ «Մահտեսի-խօջա» (ՏՅՈ, Բ, 118):

²⁵ «սեփականէ» (ՏՅՈ, Բ, 118):

²⁶ «եկեղեցւոյ» (ՏՅՈ, Բ, 118):

²⁷ «յաղագս» (ՏՅՈ, Բ, 118):

²⁸ Տեր-Հովհանյանցի հրատարակության մեջ «Հինգերորդից» մինչև «Երկուտասաներորդ» բոլոր թվահամարներն ուղղագրական սխալով են, այն է՝ բնագրի հապավումները բացված են երկու բրով (Հինգերորդ և այլն):

²⁹ «գան Յարան» (ՏՅՈ, Բ, 119):

³⁰ Փայեակ (պարսկ.) - սուրհանդակ:

³¹ Երակ=յետակ - «պատվո ձի, հանդիսությունների ժամանակ հետիոտն և ձեռքով առաջնորդվող նժույգ» (Հ. Ս. Անասյան, *XVII դարի ազատագրական շարժումներն Արևմտյան Հայաստանում*, էջ 384):

³² Ղաղարայ - անծանոթ բառ է. հավանաբար՝ զինահանդերձանքի ինչ-որ պարագա:

³³ Բ Կորնթ. Ժ, 4:

³⁴ «յուլով» (ՏՅՈ, Բ, 120):

³⁵ «չարէ» (ՏՅՈ, Բ, 120):

³⁶ Հմմտ. Մովսէս Խորենացի, *Պատմութիւն Հայոց*: Քրնական բնագիրը և ներածութիւնը Մ. Աբեղյանի և Ս. Հարությունյանի (նմանահանություն): Լրացումները՝ Ա. Բ. Սարգսյանի (Երևան, 1991), էջ 349, 353:

³⁷ *Մատթէոս*, ԺԲ, 25. *Մարկոս*, Գ, 24-25. *Ղուկաս*, ԺԱ, 17:

³⁸ Հակոբ Զուղայեցու, Եղիազար Այնթապցու և Նահապետ Եղեսացու կողմից նոր Զուղայի Ս. Ամենափրկիչ վանքի վիճակի բաժանումների մասին տե՛ս ՏՅՈ, Բ, 96-104: Տե՛ս նաեւ Յ. Քիւրտեան, «Նիւթեր Յակոբ Զուղայեցի կաթողիկոսի կենսագրութեան համար (1655-1680)». - *Հասկ*, 1952, էջ 42, 87: Նույնի՝ «Նոր նիւթեր Եղիազար կաթողիկոս Այնթապցի մասին». - *Հասկ*, 1952, էջ 171-172. Հմմտ. Կ. Ամատունի, «Յակոբ Դ Զուղայեցի կաթողիկոս էլմիածնի (1600-1680)». - *Բազմավէպ*, 1992, էջ 39:

1678 թ. հունվարի 2-ի մեկ այլ կոնդակով Հակոբ Զուղայեցին Ոստին, Հորս, Խրաչկուս, Խրովատեղ, Արատես, Կալասեռ, Արտավին, Ագատակ և Զեթաց գյուղերը հանձնում էր Դարաշամբի Սբ. Ստեփաննոս Նախավկայի վանքին (այն վերանորոգվել էր իր տասնամյա անձնական ջանքերով, տե՛ս ԴԱԽ, էջ 281), հավանաբար, հանելով դրանք Սբ. Թադեի վիճակից. «Այսուհետեւ ձեր իսկապէս հաստատուն Աթոռն Սուրբ Նախավկայն է, եւ դուք՝ Հարազատ որդիք եւ ժողովուրդ նորին» (տե՛ս *Մաշտոցի անվ. Մատենադարան*, Կաթողիկոսական դիվան, թղթ. 244, վավերագիր 245):

³⁹ «յերեւան» (ՏՅՈ, Բ, էջ 121):

⁴⁰ Խոսքը վերաբերում է Նոր Զուղայի նախկին քաղանթար Ավետիսին (տե՛ս *Դրվագներ*, Բ, էջ 300-301. ԶԱՔ, Բ, էջ 137. ԽԱԶ, էջ 152):

⁴¹ Յետիկար, երբեմն՝ հետկար, ետկար=յատիկար (պարսկ.) - յիշատակ, կտակ.

⁴² Տե՛ս **Լ. Մինասեան, Նոր Զուղայի տպարանն ու իր տպագրած գրքերը (1636-1972)** (Նոր Զուղայ, 1972), էջ 60: Սրանով հանդերձ, վերոյիշեալ փաստը ո՛չ այս, ո՛չ էլ այլ հրատարակման մէջ չի արձանագրուել:

⁴³ *Զամբռ*, էջ 26:

⁴⁴ Տե՛ս «Կենսագրութիւն Աւետիք պատրիարքի Հայոց Կ. Պոհսոյ».- *Արարատ*, 1874, էջ 113. Հմմտ. ԱԶԳ, սյուն. 1826:

⁴⁵ ԶԱՔ, Բ, էջ 136. Հմմտ. անդ 107. ԽԱԶ, էջ 151: Այս և մի քանի այլ դրվագներում Խաչատուր Զուղայեցին գրեթե բառացիորեն վերարտադրում է Զաքարիա Քանաքեռցու պատմածը, որ նշանակում է, թե Խաչատուրի աղբյուրը Զաքարիան էր:

⁴⁶ ԶԱՔ, Բ, էջ 136:

⁴⁷ ԶԱՔ, Բ, էջ 107:

⁴⁸ 1697 թ. փետր. 4-ի դրությամբ Նահապետն արդեն վերահաստատված էր էջմիածնում (տե՛ս **Մեսրոպ Նշանեան, Օրագրութիւն Երեմիա Չէլէպի Քէօմիւրճեանի**: Երուսաղէմ, 1939, էջ ձևԲ. Հմմտ. ՄԺ, Ա, էջ 281-283, 285, 287, ծնթ. 10, 310, 312, ՄԺ, Բ, էջ 423, ծնթ. 31): Ստեփանոս Ռոչքան Ստեփաննոս Զուղայեցու գահակալության տևողութիւնը հաշվել է «ամիսս վեց», իսկ Մ. Զամչյանը՝ «ամիսս տասն» (տե՛ս **Ստ. Ռոչքայ, Ժամանակագրութիւն կամ տարեկանք եկեղեցականք**: Վիեննա, 1964, էջ 189. ԶԱՄ, Գ, էջ 725):

⁴⁹ Տե՛ս ԽԱԶ, էջ 152. Հմմտ. **Ստ. Ռոչքայ, Ժամանակագրութիւն...,** էջ 189:

⁵⁰ ԱԶԳ, սյուն. 1871:

⁵¹ Տե՛ս ՏՅՈ, Բ, էջ 46-48. *Դրվագներ*, Բ, էջ 302-304. CARM, p. 482:

⁵² Վազգեն Հակոբյանն այս կողմնակալութիւնը բացատրում է նրանով, որ Զ. Քանաքեռցին «վախեցել է Նահապետ կաթողիկոսի խստութիւններէց» (տե՛ս ՄԺ, Ա, էջ 283, ծնթ. 1):

⁵³ *Դրվագներ*, Բ, էջ 297-8. CARM, pp. 480-481:

⁵⁴ ԶԱՄ, Գ, էջ 722, 724:

⁵⁵ Տե՛ս «Արարատ», 1874, էջ 112. Հմմտ. ԱԶԳ, սյուն. 1826:

⁵⁶ ԱԶԳ, սյուն. 1826:

⁵⁷ Փիլիպպոս Ա. Աղբակեցին վախճանվել էր 1655 թ. մարտի 25-ին, Հակոբ Զուղայեցին էլ կաթողիկոս էր օծվել 13 օր անց՝ ապրիլի 8-ին (տե՛ս ԱԶԳ. սյուն. 1708, 1723), այսինքն՝ հանգուցյալի քառասունքը տակավին չլրացած:

⁵⁸ *Ազգասէր Արարատեան*, Կակաթա, 1849, թ. 12, էջ 94:

⁵⁹ Ավելի հին ժամանակաշրջանում ևս երբեմն եղել են դմպեր, երբ կաթո-

ղիկոսի ցուցումով է ընտրվել նրա հաջորդը (տե՛ս Վարդան Հացունի, *Կաթողիկոսական ընտրութիւն եւ ձեռնադրութիւն պատմութեան մէջ*: Վենետիկ-Ս. Ղազար, 1930, էջ 44-50): 1343 թ. մի փաստաթղթում հասուկ շեշտված է, որ, օրինակ, թեև Աղվանից և Աղթամարի կաթողիկոսների պարագայում, նրանք են «ընտրում իրենց հաջորդներին, սակայն ընտրվածների ձեռնադրությունը կատարվում է ո՛չ նրանց կենդանության օրոք, այլ մահանալուց հետո միայն» (տե՛ս Mansi Joannes Dominicus, *Sacrorum conciliorum nova et amplissima collectio*. Graz, 1960-1962, Vol. 25 (Anni 1300-1344), p. 1258. Հմմտ. Վ. Հացունի, նույն տեղում, էջ 50):

⁶⁰ *Ջամբու*, էջ 59:

⁶¹ ԴԱԻ, էջ 257-260:

⁶² Տե՛ս ՏՅՈ, Բ, էջ 48. **Յով. Ծահաթունեանց**, *Ստորագրութիւն կաթողիկէ էջմիածնի եւ հինգ գաւառաց Այրարատոյ*: Հ. Բ (Վաղարշապատ, 1842), էջ 224. Հմմտ. Ա.ՁԳ, սյուն. 1884:

⁶³ Տե՛ս Ն. Պողարեան, *Մայր ցուցակ ձեռագրաց Սրբոց Յակոբեանց*: Հ. Բ (Երուսաղէմ, 1953), էջ 168-169:

⁶⁴ *Ազգասէր Արարատեան*, 1849, էջ 92:

⁶⁵ Տե՛ս Աբրահամ Կրետացի, *Պատմութիւն*: Քրիստոսական բնագիր, ռուս. թարգմ., առաջաբան և ծանոթագրություններ՝ Ն. Կ. Ղորանյանի (Երևան, 1973), էջ 44-45. Հմմտ. *Ջամբու*, էջ 59: Այս կարգի մասին պատմում է նաև Խուբյանցը՝ տե՛ս Յաղագս վարուց եւ գործոց կաթողիկոսաց էջմիածնայ (1737-1827 թթ.), *Մաշտոցի անվ. Մատենադարան*, ձեռ. 2766, էջ 4ա-բ:

⁶⁶ *Ջամբու*, էջ 238:

⁶⁷ Տե՛ս Մսեր Մսերեանց, *Պատմութիւն կաթողիկոսաց էջմիածնի ի Սիմէոնէ մինչ ցՅովհաննէս Ը (1763-1831)* (Մոսկուա, 1876), էջ 296:

⁶⁸ Այդ ժամանակներում էջմիածնում էր Եղիազար կաթողիկոսի մեկ այլ մտերիմ՝ նշանավոր Մինաս վարդապետ Ամբեցին, սակայն նամակի հեղինակը նա չէր կարող լինել՝ այն պարզ պատճառով, որ էջմիածնից դուրս էր եկել 1690 թ. հունիսի 2-ին, իսկ հուլիսի 2-ին արդեն էր գրում ու գրել (տե՛ս «Օրագրութիւն Երեմիայ Զելեպի Քէօմիւրճեանի», էջ ձե)։

⁶⁹ ՄԺ, Ա, էջ 312. Հմմտ. Աշ. Հովհաննիսյան, *Հայ-ռուս օրինատացիայի խնդիրը* (էջմիածին, 1921), էջ 40:

⁷⁰ Г. А. Эзов, *Сношения Петра Великого с армянским народом*, док. 85, с. 138-139.

⁷¹ Տե՛ս Աշ. Հովհաննիսյան, *Հայ-ռուս օրինատացիայի խնդիրը*, էջ 37-41. *Դրվագներ*, Բ, էջ 523-524: Աշ. Հովհաննիսյանը նաև ենթադրում էր, թե 1722 թ. դեկտեմբերի 12-ին Թիֆլիսից ռուսներին հղված նամակը, որ գրվել էր «ձեռամբ Մինաս Փերվազեան վարդապետէ. Աթոռակալ սուրբ յէջմիածնի.

յաժմուս արքեպիսկոպոս եւ առաջնորդ Հաղբատու Սուրբ Նշանին, Թագաւորաշէն աթոռոյն եւ բոլոր Վրացտանու վերատեսուէ» (տե՛ս АРО, II, ДОК. 169, с. 20) կարող էր նույն Մինասի հեղինակածը լինել (Աշ. Հովհաննիսյան. Հայ-ուս օրինատացիայի խնդիրը, էջ 41, ծնթ.): Սակայն այս ենթադրութիւնն սխալ է. Մինաս վրդ. Փերվազյանը (1680-1757) ակնցի էր և այլապէս հայտնի գործիչ (նրա մասին, համառոտաբար, տե՛ս **Յովհաննէս Պատկերահան, Նամականի**, էջ 27-28, ծնթ. 27):

⁷² Ազգասէր Արարատեան, 1849, էջ 95:

⁷³ Տե՛ս Մաշտոցի *անվ. Մատենադարան*, Արխիվային բաժին, կաթողիկոսական դիվան, թղթ. 243, վավ. 5: Այս փաստաթուղթն ունի միայն ամսաթիվ՝ 12-ը հունիսի, հետագա գրիչը, սակայն, նրա հակառակ կողմում թվագրել է ՌՃԾԵ (1706), որ և ստույգ է ընդունել Ղ. Անասյանը (տե՛ս նրա *Հայկական մատենագիտութիւն. Ե-ԺԸ դարեր*: Ղ. Ա., Երևան, 1959, սյուն. 587): Մինչդեռ հաստատ գիտենք, որ Աղեքսանդր Զուղայեցին հասած պիտի լիներ Ս. էջմիածին ամենաշուտը 1706 թ. սեպտեմբերի վերջին, քանզի Նոր Զուղայից ճանապարհ էր ընկել միայն սեպտեմբերի 18-ին (ՏՅՈ, Բ, էջ 48): Հետագա գրչին, ըստ երևույթին, թյուրիմացութեան է մատնել վավերագրի վրա եղած՝ Աղեքսանդր Զուղայեցու կաթողիկոսական կնիքը, որ բնականաբար ունի ՌՃԾԵ (1706)՝ նրա կաթողիկոս ձեռնադրվելու տարեթիվը: Նմանապէս, օրինակ, 1700 թ. գրած մի հիշատակարանի տակ դրված՝ Նահապետ Եղեսացու կնիքը ևս ունի ՌՃՆ (1691) թվականը, որ վերջինիս կաթողիկոսանալու տարեթիվն է (տե՛ս Մաշտոցի *անվ. Մատենադարան*, ձեռ. 350, էջ 551բ). Կարապետ Ուլնեցու (1661-1729) վարդապետութեան շրջանի կնիքն ունի նրա՝ մասնավոր վարդապետութիւն ստանալու տարեթիվը՝ 1684, իսկ կաթողիկոսութեան շրջանինը՝ կաթողիկոսանալու թվականը՝ 1726 (տե՛ս **Բարդէն Կիւլէսէրեան, Յուլցակ ձեռագրաց Անկիւրիոյ Կարմիր վանուց եւ շրջակայից**, սյուն. 108. Հմմտ. «Կարապետի կաթողիկոսի Ուլնեցույ Վարդինքնագիր».- *Բազմավէպ*, 1978, էջ 286):

⁷⁴ 1663 թ. Աստապատն ուներ 1000 ընտանիք. - տե՛ս **Սահակ ձեմճեմեան, Նախիջեանի հայոց վարժարանը եւ Հռոմը** (Վենետիկ-Ս. Ղազար, 2000), էջ 138, ծնթ. 1:

⁷⁵ Տե՛ս Ազգասէր Արարատեան, 1849, էջ 94. Հմմտ. *Դրվագներ*, Բ, էջ 304:

⁷⁶ Ավետիսը, բնականաբար, չէր կարող մահմեդականութիւն ընդունել և շարունակել պաշտոնավարել իբրև Նոր Զուղայի քալանթար, ուստի նա հավատափոխ է եղել պաշտոնանկ լինելուց հետո, այսինքն՝ 1693 թ. առաջին ամիսներին: Նա Նոր Զուղայի քալանթարն էր առնվազն 1688-ից՝ «...ի քալանթարութեան պայազատ պարոն Աւետին» (*Հայ գիրքը 1512-1800 թթ.*, էջ 108ա): Սակայն այս հիմքի վրա նրան Ավետ Քալանթարյան անվանելը (նույն տեղում, էջ 803բ) ճիշտ չէ:

⁷⁷ CARM, p. 480.

⁷⁸ Ա.ԶԳ, սյուն.1836: Իսկ Ա. Զամինյանն էլ Նահապետին գնահատում էր իբրև «չափազանց խստապահանջ ու կարգապահ», որը սուսկ «աշխատում էր եկեղեցականներին բարեկարգել» (տե՛ս Աբրահամ Զամինեան, *Հայոց եկեղեցու պատմութիւն*: Մասն Բ, Նոր Նախիջեւան, 1909, էջ 37):

⁷⁹ Մաշտոցի անվ. Մատենադարանում պահվող XVII-րդ դարում օրինակված մի բժշկարանի վերջին թերթը սևագրությունն է կամ պատճենը Նահապետի՝ Հոռոմի Իննովկենտիոս ԺԲ պապին 1694 թ. սեպ. 5-ին գրված հայտնի նամակի (տե՛ս ձեռ. 7304, էջ 88ա-բ), որ Ռոչքան, Չամչյանը և Ազարյանը թվագրում են 1695-ով (տե՛ս Ստ. Ռօչքայ, *Ժամանակագրութիւն...*, էջ 188. ՉԱՄ, Գ, 724. Ա.ԶԳ, սյուն. 1832. Հմմտ. **Stephanus Azarian, Ecclesiae Armenae traditio de Romani pontificis primatu jurisdictionis et inerrabili magisterio.** Romae, 1870, pp. 130-131՝ այստեղ զետեղված է սույն նամակի լատիներեն թարգմանությունը): Մատենադարանիս համառոտ ձեռագրացուցակի մեջ այն գրանցվել է այսպես՝ «Թուղթ Նահապետի կթղ.-ի, 1694 թ.» (Հ. Բ, էջ 503): Այս մատյանն ունի հետագայում մոծոված հատված, որ ուրիշ գրչի արտադրություն է (էջ 75ա-87բ): Մատյանը վերակարելու ընթացքում Նահապետի նամակը, բժշկարանի բովանդակության հետ կապ չունենալու պատճառով, դարձյալ տեղափոխվել է ամենավերջ, և 76-րդի փոխարեն դարձել 88-րդ էջը (մատյանից դուրս է ընկել սրան անմիջապես նախորդող մեկ թերթ, որ պետք է լիներ 75-րդը): Ինչևիցե, այս ձեռագիրը պատկանել է Նահապետին կամ էլ նրա քարտուղարներից որևէ մեկին: Համենայն դեպս, դատելով Գ-Բ-Կ հնչյուններին, ինչպես նաև արաբ.-օսմաներեն դարար-կարար (=որոշում) բառի օգտագործումից՝ կարելի է վստահաբար ասել, որ գրիչը արևմտահայ էր: Պահպանվել է նաև Իննովկենտիոս ԺԲ պապի պատասխան նամակը, ինչպես նաև նրա՝ Նահապետին ուղարկած թանկարժեք նվերների հիշատակությունը (տե՛ս Ստ. Ռօչքայ, *Ժամանակագրութիւն...*, էջ 189. ՉԱՄ, Գ, 725. CARM, 482-483):

⁸⁰ *Դրվագներ*, Բ, էջ 303:

⁸¹ Տե՛ս ՉԱՄ, Գ, էջ 724-727. **Jacobo Villote, Dictionarium Novum Latino-Armenorium.** Romae, 1714, p. 756. Հմմտ. Ա.ԶԳ, սյուն. 1826. *Դրվագներ*, Բ, էջ 303-305:

⁸² Այս մասին մանրամասն տե՛ս Հ. Ս. Անասյան, *XVII դարի ազատագրական շարժումներն Արևմտյան Հայաստանում*, էջ 256-267:

⁸³ Տե՛ս CARM, p. 480. *Դրվագներ*, Բ, էջ 301-304. Մ. Մ. Կարապետյան, **Է. Խ. Թաշիրյան**, «Էջեր XVII դարի վերջի Նոր Զուղայի պատմությունից». - *Բանբեր երևանի Համալսարանի*, 1998, No. 2 (95), էջ 82-83: Աչ. Հովհաննիսյանը շատ մեղմորեն էր նշում այս հանգամանքը՝ «Ստեփաննոսն ավելի հեռու էր միսիոներներից, քան նրա հակառակորդը» (*Դրվագներ*, Բ,

էջ 301):

⁸⁴ CARM, p. 482.

⁸⁵ ՄԺ, Ա, էջ 285: Այս տեղեկության առթիվ Վազգեն Հակոբյանը գրել է. «Այստեղ արդեն ակամա կասկած է առաջանում, թե արդյո՞ք սպանության մեջ այս կամ այն չափով մասնակցութիւն չի ունեցել նրա անհաշտ հակառակորդ Նահապետ կաթողիկոսը» (նույն տեղում, էջ 283):

⁸⁶ Տե՛ս Գ. Սրուանձտեանց, *Թորոս Աղբար*: [Մասն Բ], Կ. Պոլիս, 1884, էջ 410: Հետաքրքիր է, որ, ինչպես և Զ. Քանաքեռցին, Արղնիի Բարձրահայաց Ա. Աստվածածնի վանական Սահակը՝ 1691-1696 թթ. Նահապետ կաթողիկոսի դեմ հնչած բողոքները մերժում և կեղծ «աւելորդաբանութիւններ» էր անվանում (նույն տեղում, էջ 408): Այս դեպքում, սակայն, նրա կարծիքի վրա ազդել էր ոչ թէ էջմիածնի կաթողիկոսի անմիջական վերահսկողութիւնը, այլ այն, որ Նահապետը Եղիազարի աշակերտն էր, իսկ Եղիազարը՝ Բարձրահայաց Ա. Աստվածածինը հիմնովին նորոգողն ու կառուցապատողը (տե՛ս նույն տեղում, էջ 404-405):

⁸⁷ ԶԱՔ, Բ, էջ 138. Հմմտ. ԽԱԶ, էջ 153:

⁸⁸ ԱԶԳ, սյուն.1826:

⁸⁹ Տե՛ս ԱԶԳ, սյուն.1871:

⁹⁰ *Դրախտ ցանկալի*, էջ 606:

⁹¹ Նույն տեղում, էջ 680:

⁹² Տե՛ս Մկրտիչ Աղաւնունի, «Կիլիկիոյ Հայ արքունիքին եւ Հայ եկեղեցականութեան մասին ԺԳ դարուն օտար ճանապարհորդի մը տեղեկութիւնները». - *Սիռն*, 1933, էջ 179:

⁹³ Նույն տեղում, էջ 180. Հմմտ. «Տարեգիրք արարեալ Սմբատայ Սպարապետի Հայոց որդւոյ Կոստանդեայ կոմսին Կոռիկոսոյ»: Ի լոյս ընծայեաց հանդերձ ծանօթութեամբք Կարապետ վրդ. Շահնազարեանց (Փարիզ, 1859), էջ 114: «Սմբատայ Սպարապետի Տարեգիրք» (Վենետիկ-Ս. Ղազար, 1956), էջ 213:

⁹⁴ Դատելով Մսեր Մսերյանցի նկարագրութիւններից, XIX-րդ դարի առաջին կեսին էջմիածնի միաբանների ուսեստեղները մեծ փոփոխութիւն չէր կրել (տե՛ս նրա՝ *Պատմութիւն կաթողիկոսաց էջմիածնի...*, էջ 273-276):

⁹⁵ Տե՛ս Հայկ Պերպերեան, «էջմիածնի վանքը 1662-ին». - *Հասկ*, 1950, էջ 273-274:

⁹⁶ Տե՛ս Ղուկաս Ինճիճեան, *Հնախօսութիւն աշխարհագրական Հայաստանեայց աշխարհի*: Հ. Գ (Վենետիկ, 1835), էջ 268-269 (Հմմտ. Մովսէս Խորենացի, *Պատմութիւն Հայոց*, էջ 295: Մատթէոս Ուռհայեցի, *Ժամանակագրութիւն*: Վաղարշապատ, 1898, էջ 104-105): Ի դեպ, Մ. Մսերյանցի մահից հետո, նրա գրառումներում Հայտնաբերելով Ինճիճյանի այս հատորից արված ընդարձակ արտագրութիւններ, Զարմայր Մսերյանցը, թյուրիմացա-

բար, հրատարակել է դրանք իբրև իր հոր տակավին 1852 թ. գրած «Հոդված» (Հմմտ. **Ղուկաս Ինճիճեան**, անդ, էջ 238-289 և **Մսեր Մսերեանց**, *Պատմութիւն կաթողիկոսաց Էջմիածնի...*, էջ 277-306):

⁹⁷ *Ուշ միջնադարի հայ բանաստեղծութիւնը (XVI-XVII դդ.)*: Հ. Բ: Աշխատատիրութեամբ Համիկ Սահակյանի (Երևան 1987), էջ 271:

⁹⁸ **Տե՛ս Ն. Պողարյան**, *Մայր ցուցակ ձեռագրաց Սրբոց Հակոբյանց*: Հ. Բ, էջ 168-169: Աշ. Հովհաննիսյանն այս ուղերձը համարում էր «ժամանակի եկեղեցական բարքերի և ըմբռնումների համար շատ բնորոշ» վավերագիր (տե՛ս *Դրվագներ*, Բ, էջ 297-298):

⁹⁹ *Մաշտոցի անվ. Մատենադարան*, ձեռ. 1534, էջ 610ա:

¹⁰⁰ **Ջ. Քանաքեռցին** այստեղ նկատի ունի Մովսես Գ. Տաթևացուն (1629-1632), Փիլիպպոս Ա. Աղբակեցուն (1632-1655) և, պակաս չափով, Հակոբ Դ. Զուղայեցուն (1655-1680):

¹⁰¹ **ԶԱՔ**, Բ, էջ 107:

¹⁰² *Ջամբու*, էջ 26:

¹⁰³ **Նրա մասին տե՛ս ԽԱԶ**, էջ 153-218. **Հ. Ղ. Միրզոյան**, *XVII դարի հայ փիլիսոփայական մտքի քննական վերլուծություն* (Երևան, 1983), էջ 176-190:

¹⁰⁴ **Տե՛ս Հ. Ղ. Միրզոյան**, *XVII դարի հայ փիլիսոփայական մտքի քննական վերլուծություն*, էջ 189:

¹⁰⁵ **Տե՛ս Յովհաննէս Մրբուզ Զուղայեցի**, *Գիրք որ կոչի Սրբազնագործութիւն...* (Մարաս, 1812), էջ 222-264՝ «Գլուխ ԻԹ. Յաղագս թէ սրբազան Կաթողիկոսն, պարտին առաւել խոնարհել որքան առաւել գահագլուխք են, եւ յօրինակ հայեցողացն լինել, զի զբարիս ուսցին խոնարհագոյնքն»:

¹⁰⁶ **Նույն տեղում**, էջ 239:

¹⁰⁷ **Տե՛ս ԽԱԶ**, էջ 219:

¹⁰⁸ **Նույն տեղում**, էջ 243:

¹⁰⁹ **Տե՛ս Н. Бердзенишвили, И. Джавахишвили, С. Джанашиа. История Грузии**. Часть I (Тбилиси, 1946), с. 382-390: **Պ. Ա. Չորանյան**, *Վրացական ուղեգրությունները և նրանց տեղեկությունները հայերի մասին* (Երևան, 1981), էջ 12-14:

¹¹⁰ **Տե՛ս Բ. Կիւլէսէրեան**, *Կոլոտ Յովհաննէս պատրիարք*, էջ 44, 198-199. **Գ. Բամպուքճեան**, *Յովհաննէս պատրիարք Կոլոտ*, էջ 280:

¹¹¹ **Գ. Բամպուքճեան**, *Յովհաննէս պատրիարք Կոլոտ*, էջ 218:

¹¹² **Յակոբ Նալեան**, *Վէմ Հաւատոյ*, էջ 8:

¹¹³ **Սիմէոն դպիր Լեհացի**, *Ուղեգրութիւն, տարեգրութիւն եւ յիշատակարանք*: Ուսումնասիրեց եւ հրատարակեց Ներսէս Ակինեան (Վիեննա, Մխիթարեան տպարան, 1936), էջ 111-112:

¹¹⁴ **Նույն տեղում**:

¹¹⁵ Նույն տեղում, էջ 204-207:

¹¹⁶ Բնագրի մեջ՝ «արարանց»:

¹¹⁷ Մատթ., ԺԲ, 32. Մարկոս, Բ, 29:

¹¹⁸ Ձախ կողմում, վերևից ներքև, ստորագրողների անուններն են, որ մենք համարակալել ենք: 28 տարի անց՝ 1693 թ. մայիսի 1-ին, հրատարակելով այս փաստաթուղթը, Ջուզայեցի տպագրիչները յուրաքանչյուր անվան ալ կողքին դրել են խաչի նշան (+): Ձենք կարծում, թե այդ խաչով նրանք նշել են ստորագրողների մահացած լինելը: Ամենայն հավանականությամբ, այս խաչը խորհրդանշում էր յուրաքանչյուրի դրած ստորագրության և կնիքի տեղը:

¹¹⁹ Ծախսաբան = Երկաշաբան կամ Ծախշաբան՝ Սպահանի թաղ (տե՛ս ԴԱԽ, էջ 352. ԶԱՔ, Ա, էջ 19-20):

¹²⁰ Փակագծերի մեջ առնված տառերը լուսապատճենի կամ գուցե բնօրինակի վրա ջնջված են, սակայն, սա ըստ երևույթին Ջաքարիա Ագուլեցու հիշատակած Սարգիս Ջորագեղցին է (տե՛ս «Ջաքարիա Ագուլեցու Օրագրութիւնը», Երևան, 1938, էջ 123-124):

¹²¹ Հմմտ. Հ. Ս. Անասյան, *XVII դարի ազատագրական շարժումներն Արևմտյան Հայաստանում*, էջ 253, ծնթ. 1:

¹²² Տե՛ս «Ջաքարիա Ագուլեցու Օրագրութիւնը», 8 26, էջ 65-66:

¹²³ Նրա մասին տե՛ս աստ, էջ 39:

¹²⁴ Այս ժողովի մասին տե՛ս ստորև:

¹²⁵ ԶԱՔ, Բ, էջ 71:

¹²⁶ Տե՛ս Կարապետ Ամատունի, «Յակոբ Դ. Ջուզայեցի կաթողիկոս էջմիածնի (1600-1680)» - *Բազմավէպ*, 1993, էջ 36:

¹²⁷ Տե՛ս Սիրոն, 1933, էջ 151-153:

¹²⁸ Տե՛ս Սիրոն, 1933, էջ 153:

¹²⁹ Հմմտ., օրինակ, APO, II, փաստաթղթեր № 198, 200, 229, 233, 341, 342, 351:

¹³⁰ Տե՛ս *Բազմավէպ*, 1993, էջ 36-40:

¹³¹ Նույն տեղում, էջ 36, 39. Հմմտ. Մեսրոպ Թերզեան, *Յակոբ Դ. Ջուզայեցի (1655-1680)*: Պէյրուք, 1956, էջ 129:

¹³² Սիրոն, 1933, էջ 153:

¹³³ Նույն տեղում: Խոսքը վերաբերում է «գլխիկեցի Ղազար վարդապետին» (տե՛ս Յ. Քիւրտեան. «Յակոբ կաթ. Ջուզայեցիի նորագիւտ խիստ կարեւոր վաւերաթուղթ մը» - *Սիրոն*, 1969, էջ 129):

¹³⁴ Սիրոն, 1933, էջ 151-152. տե՛ս նաև *Բազմավէպ*, 1993, էջ 36:

¹³⁵ «...էջմիածնայ յերկրէն Նախավկայի վանից Եամբեցի Յոհան վարդապետ...»-ը հիշվում է նաև 1666 թ.՝ Կ. Պոլսում ծավալած հակաղիղազարյան գործունեության կապակցությամբ (տե՛ս «Դիւան Սուրբ Յակոբի» - *Սիրոն*,

1940, էջ 282):

¹³⁶ *Հայերեն ձեռագրերի ժեղարի հիշատակարաններ (1641-1660 թթ.)*: Հ. Գ. Կազմեց Վազգեն Հակոբյան. Երևան, 1984, էջ 537): Դրանից մոտ մեկ տասնամյակ առաջ, 1641-1642 թթ., երբ Սիմեոն Զուղայեցին նոր էր եկել էջիմածին (տե՛ս Հ. Ղ. Միրզոյան, *XVII հայ փրկիսոփայական մտքի քննական վերլուծություն*, էջ 148, ծնթ. 216) միաբանների թիվը ավելի քիչ էր՝ «...ոչ միայն էջիմածնի միաբանքն, այլ և բոլոր վանօրէից գրոց աշակերտեալ արեղայքն... միահամուռ ժողովեցան անձինք երեսուն, և սկսան առնուլ դաս» (ԴԱԽ, 321. Հմմտ. Պօղոս Անանեան, «Ոսկան վարդապետի նամակներն»․ - *Բազմավէպ*, 1967, թիւ 6-8, էջ 133՝ «Սիմեոն վարդապետն ...եկն ի սուրբ Աթոռս և Հաստատեաց զնոր Աթէնս շնորհօք ս. Հոգւոյն... և էին ամենեքեան (իմա՛ աշակերտողները - Ա.Ա.) մեծ և փոքր Լ (30) հոգի»): 1710-1720-ական թթ. Ս. էջիմածնում կրթաուսումնաբերական իրավիճակը շատ ավելի բարվոք էր (մինչև 1724 թ. օսմանյան ներխուժումը). Ղազար Զահկեցու բառերով՝ «էջիմածին փառօք պատուեալ, հայրապետօք բարգաւաճեալ, վարդապետօք փարթամացեալ, ուսումնասէր մանկամբ ծաղկեալ» (*Ղազար Զահկեցի, Գիրք նորաբոյս, որ կոչի ԵՐԳԱՐԱՆ*, էջ 120):

¹³⁷ ՄԺ, Բ, էջ 361, Դավիթ Բաղիչեցու մասին տե՛ս նույն տեղում, էջ 287-288: Աչ. Աբրահամյան, «Դավիթ Բաղիչեցու տարեգրությունը և նրա արժեքը հայ մատենագրության մեջ»․ - *էջիմածին*, 1946, VIII-X, էջ 55-59, XI-XII, էջ 35-42: Հակոբ Դ Զուղայեցու օրոք էջիմածնի միաբանության անդամ վարդապետներից 18-ի անունները հիշված են նաև 1681 թ. հուլիսի 21-ին շարադրված՝ «Գիր աղերսանաց գրեալ առ տէր Եղիազար Կաթողիկոսն ի միաբանիցն սրբոյ էջիմածնի ի սուրբ Երուսաղէմ» վավերագրում (տե՛ս Ն. Պօղարեան, *Մայր ցուցակ...*, հ. Ա, էջ 480): Սակայն մեկ այլ գրչագրից գիտենք, որ «այս գրիս կայր Լ Գ (33) մօհըր (=կնիք) գլուխ վարդապետաց, և Լ (30) այլ իշխանաց մօհըր» (նույն տեղում, էջ 554):

¹³⁸ Տե՛ս Միսաք Թ. Խոստիկեան, «Վերածնութեան շրջան - ժեղարու վերանորոգիչ կաթողիկոսները»․ - *Արարատ*, 1902, էջ 774:

¹³⁹ «Հայերեն ձեռագրերի ժեղարի հիշատակարաններ (1641-1660 թթ.)»։ Հ. Գ, էջ 723, 296, 539, 769, 957: Նրա մասին տե՛ս նաև ԴԱԽ, էջ 285 (Ա. Դավրիժեցու երկի վերջին հրատարակության ցանկում Մովսէս վարդապետ անվան տակ սխալմամբ նույնացված են Մովսես Բջնեցին և Մովսես Տաթևացին՝ տե՛ս էջ 580. Հմմտ. էջ 236, 285, 482, 483, 512): [*Մսեր Մսերեանց*], «Մովսէսի Բջնեցույ առեղծուած գրոյ»․ - *Ճոռքաղ*, 1861-1862, էջ 134-135: ՄԺ, Բ, 361:

¹⁴⁰ Տե՛ս Յ. Տաշեան, *Յուցակ հայերէն ձեռագրաց մատենադարանին Մխիթարեանց ի Վիեննա* (Վիեննա, 1895), էջ 260:

¹⁴¹ Տե՛ս Մաշտոցի անվ. *Մատենադարան*, ձեռ. 2503, էջ 494ա. Հմմտ. Ներ-

սէս Ակիւնեան, *Երեմիա Չէլէպի Քէօմիւրճեան. կեանքն եւ գրական գործունէութիւնը* (Վիեննա, 1933), էջ 57: Այս ձեռագրի առաջին ստացողը նույն ինքը Մովսէս Բջնեցին էր՝ «(1648 թ.) յանգեալ աւարտեցաւ տառս աստուածաբանական մեծին Դիոնիսիոսի Արիսպագացւոյ... ի վայելումն անձին իմում մեղապարտի Մովսէսի իմաստութեան սիրողի» (տե՛ս նույն տեղում, էջ 372բ-373ա. նաեւ՝ «*Հայերեն ձեռագրերի ժէ դարի հիշատակարաններ*»: Հ. Գ, էջ 296):

¹⁴² Տե՛ս Ա.ՁԳ, սյուն. 1851-1852. Հմմտ. **Ար. Զամինեան**, *Հայոց եկեղեցու պատմութիւն*: Մասն Բ, էջ 81:

¹⁴³ Տե՛ս **Ղ. Ալիշան**, *Կամենից*, էջ 193:

¹⁴⁴ Տե՛ս **Գ. Գալեմքեարեան**, «Ո՞վ է Ջուղայեցի Յակոբ Դ կաթողիկոսին յաջորդը». - *Հանդէս Ամսօրեայ*, 1912, էջ 577-580: Հ. **Ս. Անասյան**, *XVII դարի Հայ ազատագրական շարժումները*, էջ 265-266: *Դրվագներ*, Բ, 192, 293-4, 300, 314, 543: **Կ. Ամատունի**, «Սահակ վրդ. Մակունցի». - *Բազմավէպ*, 1983, էջ 98-131, նույն Հոդվածը համառոտված տե՛ս *Բազմավէպ*, 1988, էջ 53-56:

¹⁴⁵ 1661 թ. սեպտ. 28-ին Հռոմի Աղեքսանդր է պապին ուղղված Հակոբ Ջուղայեցու նամակն անձամբ գրել էր էջմիածնի կաթողիկոսի կնքապահ (Sigillarius) «Pater Stephanus Wartanowic»-ը (տե՛ս **Մեսրոպ Թերղեան**, *Յակոբ Դ Ջուղայեցի*, էջ 123), այսինքն՝ նույն Ստեփաննոս Լեհացին, «յազատ տանէ Վարդանէնց» (Հմմտ. **Ղ. Ալիշան**, *Կամենից*, էջ 140, 193): 1673 թ. Ստեփաննոս Լեհացու վարչական պաշտոնն էր՝ «վերակացու եւ գանձապետ ի սուրբ Կաթողիկոսարանն էջմիածնի» (*Մաշտոցի անվ. Մատենադարան*, ձեռ. 678, էջ 166ա. Հմմտ. **Գալուստ Տէր-Մկրտչյան**, *Հայագիտական ուսումնասիրութիւններ /Հայկականք ժԳ-ժԹ/*: Երևան, Գիրք Ա, 1979, էջ 154): Հետաքրքիր է, որ Ստեփաննոս Լեհացին և Միքայել վրդ. Շամբեցին գրեթէ միաժամանակ՝ առաջինը 1679 թ. նոյեմբերին, երկրորդը՝ նույն թվի դեկտեմբերին, հիշվում են իբրև էջմիածնի կաթողիկոսի տեղապահ և ակադեմիկ (ԶԱՔ, Գ, էջ 37. «*Զաքարիա Ազուլեցու Օրագրութիւնը*», էջ 145): Ամենայն հավանականությամբ, այդ միջոցին նրանք եղել են «ակադեմիկ» տեղապահներ: Ստեփաննոս Լեհացու մասին տե՛ս նաև ԴԱԻ, էջ 322-324: ՉԱՄ, Գ, 620: **Ներսէս Ակիւնեան**, «Ստեփաննոս վրդ. Լեհացի». - *Հանդէս Ամսօրեայ*, 1912, էջ 62-66, 147-153: «*Հայերի վարուց*»: Աշխատասիրությամբ Քնարիկ Տեր-Դավթյանի. Երևան, 1994, էջ 13-21: **В. К. Чалоян**, *История армянской философии*. Ереван, 1959, с. 319-333. Ստ. Լեհացին վախճանվել է 1689 թ. (տե՛ս ՄԺ, Ա, էջ 327. **Ստ. Ռոչքայ**, *Ժամանակագրութիւն...*, էջ 185-186. ՉԱՄ, Գ, էջ 620):

¹⁴⁶ Դարաշամբի Ս. նախավկայի առաջնորդ Միքայել վարդապետի մասին տե՛ս

Մաշտոցի անվ. Մատենադարան, Կաթողիկոսական դիվան, թղթ. 244, վավ. 244. նաև անդ, ձեռ. 3531, էջ 350ա. *Դրվագներ*, Բ, էջ 153, 156, 293:

¹⁴⁷ Հակոբ կաթողիկոսի՝ 1665-1672 թթ. բացակայության ժամանակ, Մատթեոս եպիսկոպոսը հիշվում է իբրև էջմիածնում նստող «աթոռակալ» (տե՛ս ՋԱՔ, Բ, էջ 76. Հմմտ. «Հայերեն ձեռագրերի ժեղարի հիշատակարաններ»: Հ. Գ, էջ 383, 632՝ 1654-ին հիշվում է իբրև եպիսկոպոս, 681):

¹⁴⁸ Պետրոս Ագուլեցին եպիսկոպոս էր ձեռնադրվել 1654 թ., իսկ 1664 թվականից բազմել էր Ագուլիսի Ս. Թովմայի առաջնորդության աթոռին (տե՛ս «Ջաքարիա Ագուլեցու Օրագրութիւնը», էջ 63): Սա էր «Գ եպիսկոպոսների գլուխ անցած» այն հրավիրակը, որին 1680 թ. դեկտեմբերին ուղարկել էին Երուսաղեմ՝ Եղիազարին էջմիածին բերելու պատվերով (տե՛ս *Արարատ*, 1874, էջ 75. «Ջաքարիա Ագուլեցու Օրագրութիւնը», էջ 152): Այս գործը լավագույնս գլուխ բերելուց հետո (տե՛ս «Օրագրութիւն Երեմիա Չէլչպի Քէօմիւրճեանի», էջ 430-433. Հմմտ. Հ. Ս. Անասյան, *XVII դարի ազատագրական շարժումները...*, էջ 263-264, 268-269), 1683 թ. Պետրոս Ագուլեցին նշանակվում է էջմիածնի աթոռակալ, սակայն երկու ամիս անց հեռանում է Ագուլիս՝ «իւր վանքը» (տե՛ս «Ջաքարիա Ագուլեցու Օրագրութիւնը», էջ 152):

¹⁴⁹ 1652-1655 թթ. Հովհաննես Մուղնեցին եղել է Կ. Պոլսի հայոց պատրիարքը, 1660-ականների սկզբին՝ Հակոբ Դ. Ջուղայեցու աթոռակալը, այդ ժամանակամիջոցին էլ այս երկուսի միջև սուր առճակատում է առաջացել (Մուղնեցու դժգոհությունները շարադրված են 1664 թ. նոյեմբերի 4-ին Եղիազար Այնթապցուն ուղղած նամակում, տե՛ս *Սրոն*, 1933, էջ 119-122): Հովհաննես Մուղնեցին Փիլիպպոս կաթողիկոսի աշակերտներից էր. «Յովհաննէս անուամբ վարդապետ՝ այր երեւելի», որին հիշում է Դավրիժեցին այն ժամանակ, «մինչ քարոզութեամբ չըլէր Տէր Փիլիպպոս կաթողիկոս յաշխարհին Օսմանցւոց» (տե՛ս ԴԱԽ, էջ 265)՝ կարող էր միայն այս Հովհաննես վրդ. Մուղնեցին լինել, քանզի կաթողիկոսին 1651-1652 թթ. ուղեկցող վարդապետներից միակ Յովհաննէսը, «տեսուչ Տիգրանակերտ քաղաքին»՝ նա էր (տե՛ս «Հայերեն ձեռագրերի ժեղարի հիշատակարաններ»: Հ. Գ, էջ 523-524. նաև՝ էջ 58, 790): Հովհաննես Մուղնեցու մասին տե՛ս նաև ՋԱՄ, էջ 629, 664. **Մեսրոպ Նշանեան**, *Օրագրութիւն Երեմիա Չէլչպի Քէօմիւրճեանի* (Երուսաղեմ, 1939): Հ. Ս. Անասյան, *XVII դարի ազատագրական շարժումները...*, էջ 246-248: **Ստ. Մխիթարեան**, *Ստորագրութիւն հռչակաւոր վանաց Ս. Գեորգայ որ ի Մուղնի* (Դաւրէժ, 1889), էջ 26, 28-29: Յովհաննէս Մուղնեցին մահացել է 1669 թ. ապրիլի 4-ին (տե՛ս «Ջաքարիա Ագուլեցու Օրագրութիւնը», էջ 83-84):

¹⁵⁰ Հովհաննես Կարբեցու մասին տե՛ս **Կարապետ Ամատունի**, «Ժեղարու երևելի վարդապետներ». - *Բազմավէպ*, 1987, էջ 76. ԴԱԽ, 504: Հովհաննես

վանքի մեծ հեղինակութունն ու ազդեցութունը պայմանավորված էր նաև նրանով, որ նրա վիճակի մեջ էր Ձուլսուր-Սաղի, այն է՝ Երևանի նահանգի ամենահարուստ մահալը՝ Կարբին (տե՛ս *Մաշտոցի անվ. Մատենադարան*, ձեռ. 9120, էջ 5ա. հմմտ. *Ջամբու*, էջ 291. հմմտ. *Հակոբ Փափազյան*, «Օտար տիրապետութունը Արարատյան երկրում (ԺԷ դար)»։ - *Հրաբեր Հասարակական գիտությունների*, 1977, No. 1, էջ 38):

¹⁵¹ Պոլսի վերոհիշյալ Եփրեմ պատրիարքն, որն իրեն «երաժիշտ» է անվանում (տե՛ս *Մաշտոցի անվ. Մատենադարան*, ձեռ. 2503, էջ 495ա), բացի Մովսես Բջնեցուց, աշակերտել էր «նաեւ քեռորդի՝ Տեառն Եսայեայ աստուածաբանութեան մեծի ըբունապետի եւ առաջնորդի Նախիջևանու վանիցն Սրբոյ Կարապետին» (անդ, 494ա): Եփրեմը, սակայն, «քանի մի ամ» երաժուտութուն էր ուսանել ոչ սրանցից (և ո՛չ էլ Մարտիրոս Ղրիմեցուց - տե՛ս Ա. Ա. Մարտիրոսյան, *Մարտիրոս Ղրիմեցի* (Երևան, 1958), էջ 27-28, 44, այլ մի երրորդ ուսուցչից՝ Գրիգոր վարդապետ Զեյթունցուց (տե՛ս *Մաշտոցի անվ. Մատենադարան*, ձեռ. 789, էջ 6բ):

¹⁵² «*Ջաքարիա Ագուլեցու Օրագրութիւնը*», էջ 108:

¹⁵³ Սրանք ևս էլջմիածնի միաբանության առաջին դեմքերից էին (*Մաշտոցի անվ. Մատենադարան*, Կաթողիկոսական դիվան, թղթ. 244, վավ. 244):

¹⁵⁴ Հմմտ. **Բաբգէն Կիւլէսէրեան**, *Վարդապետութեան աստիճանները Հայ եկեղեցոյ մէջ* (Անթիլիաս, 1980), էջ 146-149 (այս աշխատութիւնը սկզբնապես լույս էր տեսել 1905-1906 թթ.՝ Կյուլեսերյանի խմբագրած «Լոյս» շաբաթաթերթում): Հեղինակը, մասնավորապես, նշում էր, թե «այսպիսի սովորութիւն մը ունեին հին եպիսկոպոսներ, որոնք ի պատիվ իրենց վարդապետության, կպահէին իրենց վարդապետ տիտղոսը և եպիսկոպոսութիւնը կկցեին իրենց վիճակին հետ» (անդ, էջ 147): Կյուլեսերյանը նաև նկատում էր, որ XVII-XVIII դարերում «վարդապետ ըսված ատենը կհասկցվէր Ծայրագոլյն վարդապետ: Ոչ-ծայրագոլյնները Աբեղա կկոչվեին» (**Բ. Կիւլէսէրեան**, *Կոլոտ Յովհաննէս պատրիարք*, էջ 34):

¹⁵⁵ «*Հայերեն ձեռագրերի ԺԷ դարի հիշատակարաններ*»: Հ. Գ, էջ 807:

¹⁵⁶ Բ. Կյուլեսերյանին անծանոթ էին Վարդապետական ինստիտուտի մասին Ն. Մառի ավելի վաղ արած այս դիտարկումները (տե՛ս **Н. Марр**, *Критика и мелкие статьи*. С.-Петербург, 1903, с. 34-38):

¹⁵⁷ Նույն տեղում, էջ 34. հմմտ. **Գառնիկ Գեորգեան**, «Ճշտումներ Մինաս Ամթեցիի մասին»։ - *Բազմավէպ*, 1966, No. 7-8, էջ 194, ծնթ. 4:

¹⁵⁸ Հմմտ. **Н. Марр**, *Критика и мелкие статьи*, с. 35-37.

¹⁵⁹ Տե՛ս «*Հայերեն ձեռագրերի ԺԷ դարի հիշատակարաններ*»: Հ. Գ, էջ 522-524. հմմտ. անդ, էջ 505՝ «...այսմ ամի Ա. էլջմիածնայ կաթողիկոսն եկն ի սուրբ քաղաքս Երուսաղէմ Ի (20) վարդապետաւք եւ այլ միաբանք ընդ

նմա...»:

¹⁶⁰ ԴԱԽ, 269. Հմմտ. ԱԶԳ, սյուն. 1688:

¹⁶¹ Տե՛ս Արարատ, 1893, էջ 196. Հմմտ. «Դիւան Հայոց պատմութեան», գիրք Ե՝ «Դանիէլ կաթողիկոս /1800-1808/»: Աշխատատիրությամբ Գ. Աղանյան-ցի (Թիֆլիս, 1902), էջ 234-236:

¹⁶² «Զաքարիա Ագուլեցու Օրագրութիւնը», էջ 71, 123-124: Ծմավունը մահացել է 1670 թ. դեկտեմբերին Սպահանում (նույն տեղում, էջ 103):

¹⁶³ Նույն տեղում, էջ 123-124:

¹⁶⁴ Տե՛ս ԴԱԽ, 352: 1670 թ. խոջա Ծմավունը՝ ագուլիսյան մի եկեղեցու շինարարության վրա վերակացու է նշանակում այս Հակոբջան Երևանցու որդի Օհան-Բաբային (տե՛ս «Զաքարիա Ագուլեցու Օրագրութիւնը», էջ 82): 1671 թ. «Յակոբջան աղայ»ն, որ պետք է նույն Հակոբջան Երևանցին լինի, հիշվում է ջուղայեցի այն մեծահարուստների շարքում, «որոց մէջ մի ունեցեալ են գտասն կամ զքսան ստորադրեալ վաճառականս» (տե՛ս ՏՅՈ, Ա, էջ 172):

¹⁶⁵ Տե՛ս «Հայերեն ձեռագրերի ժէ դարի հիշատակարաններ»: Հ. Գ, էջ 236, 252, 910:

¹⁶⁶ Իր՝ «Պատմութիւն Պետրոս աւագ գոնսուլին Հայոց եւ երկու ընկերացն՝ Քթռեչէնց Դեւղորոսին եւ Խանէնց Ստեփանին» չափածոյում, Թադեոսն այսպէս էր ներկայանում. «Մեղօք լցեալ Թադէոսի, Անուամբ եւեթ քահանայի, Գոլով որդի տէր Սարգսի, Եւ ի ցեղէ Համազասպի. Եւ քաղաքու ըսպահանցի, Կոչիմ ազգաւ Երևանցի...» (տե՛ս Գ. Գալեմքեարեան, «Թադէի երիցու պատմական մէկ գործը». - Հանդէս Ամսօրեայ, 1887, էջ 170): Թադեոս երեց Երևանցի Համազասպյանի մասին եղած գրականության մատենագիտությունը, նորահայտ նյութերը և ամփոփիչ գնահատականը տե՛ս Սահակ ձեմճեմեան, Մարսիլիոյ հայկական տպարանը (Վենետիկ-Ս. Ղազար), 1986: Ռաֆայել Իշխանյան, Հայ գրքի պատմություն: Հ. 1 (Երևան, 1977), էջ 476-495: Նույնի՝ «Սահակ ձեմճեմյան. Մարսիլիո հայկական տպարանը». - Պատմա-բանասիրական հանդես, 1988, No. 1, էջ 208-209: Թադեոս երեցի մի հետաքրքրական հիշատակարանը (1674 թ.) տե՛ս Ս. ձեմճեմեան, Մայր ցուցակ հայերէն ձեռագրաց մատենադարանին Մխիթարեանց ի Վենետիկ: Հ. Գ. (Վենետիկ-Ս. Ղազար, 1993), էջ 1049-1050:

¹⁶⁷ Տե՛ս «Հայերեն ձեռագրերի ժէ դարի հիշատակարաններ»: Հ. Գ, էջ 570: Ըստ երևույթին, սա նույն Իսահակ կամ Սահակ Զուղայեցին էր, քանզի երկուսն էլ գրիչ էին (Հմմտ. անդ, էջ 570 եւ 295) և նույն տարիներին գործում էին Նոր Զուղայում: Նա, համառոտաբար ներկայացնելով իր տոհմածառը, ինքն իր ազգանունն էլ է ճշտում. «...Սահակ վարդապետի Զուղայեցույ... որ եմ ազգաւ Ղարատանցի» (անդ, էջ 295. Հմմտ. անդ, էջ 756-757 «...Հեղահոգի եւ առաքելաչնորհ քաջ հովի Իսահակ վարդապետին Զու-

ղայեցւոյ», 962): Հմմտ. նաև **Ս. ձեմճեմեան**, *Մայր ցուցակ Հայերէն ձեռագրաց մատենադարանին Մխիթարեանց ի Վենետիկ*: Հ. Ե. (Վենետիկ-Ս.Ղազար, 1995), էջ 780:

¹⁶⁸ Հմմտ. **Հ. Ղ. Միրզոյան**, *XVII Հայ փիլիսոփայական մտքի քննական վերլուծութիւն*, էջ 42-46: Հ. Միրզոյանն իրավամբ նկատում է, որ «արևելահայ հասարական-քաղաքական կյանքում ջուղահայ առևտրական կապիտալի այս գործուն դերն սկսել էր երևան գալ դեռևս Հին Ջուղայում՝ նախքան մեծ բռնազաղթը» (նույն տեղում, էջ 46):

¹⁶⁹ Հմմտ. «*Ջաքարիա Ազուլեցու Օրագրութիւնը*», էջ 110, 139:

¹⁷⁰ Տե՛ս **Լ. Ս. Խաչիկյան**. «Հակոբ Ջուղայեցու կտակը». - *Պատմա-բանասիրական հանդես*, 1966, No. 4, էջ 183-185: Առայժմ չենք ճշտել ժողովի մյուս մասնակիցների կենսագրական մանրամասները: Երկուսի անձի վերաբերյալ, սակայն,

ուռնենք ենթադրութիւններ. ա) Մարուքի որդի Հարութիւնը պետք է որ բուն երևանցի լիներ, քանզի Ջաքարյա Փանաքեոցին հիշում է Թահմասպակուլի-խան Ղաջարի՝ Երևանում պաշտոնավարելու տարիներին (1625-1635) խոշտանգման ենթարկված ոմն Երևանցի Մարուգեին (ԶԱՔ, Ա, էջ 66), որը քաղաքի ունևորներից պիտի լիներ. բ) Հակոբ եպիսկոպոսը, հնարավոր է, եղել է Ս. Ստեփաննոս Նախավկայի վանքի միաբան. 1679 թ. գրված մի հիշատակարանում, այլ միաբան վարդապետների շարքին, առաջինը հիշվում է «Մեծ Յակոբ բաբունապետն» (տե՛ս *Մաշտոցի անվ. Մատենադարան*, ձեռ. 3531, էջ 350ա. Հմմտ. **Գ. Տեր-Մկրտչյան**, *Հայագիտական ուսումնասիրութիւններ*, էջ 156):

¹⁷¹ Տե՛ս *Սիրոն*, 1933, էջ 151:

¹⁷² Նույն տեղում, էջ 153:

¹⁷³ Տե՛ս **Հ. Ս. Անասյան**, *XVII դարի ազատագրական շարժումները...*, էջ 253, ծնթ. 1:

¹⁷⁴ Կ. Ամատունին, առանց որևէ աղբյուր վկայակոչելու, Եղիազար Այնթափցու օծումը դնում է 1664 թ. սեպտեմբերին, որ ընդունելի չէ (տե՛ս *Բագմավէպ*, 1993, էջ 35):

¹⁷⁵ **Հ. Ս. Անասյան**, *XVII դարի ազատագրական շարժումները...*, էջ 254:

¹⁷⁶ Տե՛ս ԶԱՔ, Բ, 73. ԱԶԳ, սյուն. 1756, 1759: Օրմանյանի հաշվարկով, Հակոբ կաթողիկոսն էլմիածնից դուրս է եկել 1665-ի մարտի 26-ին Զատիկն անելուց հետո (ԱԶԳ, սյուն. 1759): 1665 թ. հուլիսի 28-ին «Եփրեմ կրօնաւորէ Տաթևացւոյ» (որ հետագայում դառնալու էր Պոլսի վերոհիշյալ Եփրեմ պատրիարքը) գրած մի հիշատակարանից պարզվում է, որ այդ օրը նա դեռևս Կեսարիայում էր (տե՛ս *Մաշտոցի անվ. Մատենադարան*, ձեռ. 2291, էջ 380բ):

¹⁷⁷ **Հ. Ս. Անասյան**, *XVII դարի ազատագրական շարժումները...*, էջ 254:

¹⁷⁸ Այս առճակատման սրուլթյունը երևում է նաև Հակոբ Զուղայեցու ավո-
ւակալ Հովհաննես Մուղնեցու՝ Եղազար Այնթապցուն ուղղված մի նամա-
կից. - տե՛ս *Միոն*, 1933, էջ 119-121:

¹⁷⁹ Արդեն 1667 թ. սեպտ. 24-ին Հակոբ Զուղայեցին ազդարարում էր Եղիա-
զարին՝ «խաղաղութիւն եւ հաշտութիւն» բանակցելու իր ցանկությունը
(տե՛ս *Միոն*, 1941, էջ 157-158. Եղիազարի պատասխան նամակը տե՛ս անդ, էջ
200-201): 1671 թ. հուլիսի 4-ին Հակոբ Զուղայեցին գրում է նրան մի նա-
մակ ևս՝ «առ ի մարգումն եւ ի հրավիրումն գքեզ ի խաղաղութիւն... միայն
թէ փութայ գալ [Պօլիս]» (տե՛ս Ն. Պողարեան, *Մայր ցուցակ ձեռագրաց Սր-
բոց Յակոբեանց*: Հ. Ա., Երուսաղէմ, 1966, էջ 553. հաշտության որոնումնե-
րի մասին տե՛ս նաև Տ. Հ. Թ. Սաւալանեանց, *Պատմութիւն Երուսաղէմի*: Հ.
Ա., Երուսաղէմ, 1931, էջ 618-637): Սակայն 1672 թ. սուլթանի հրամանով
Հակոբ Զուղայեցին արտաքսվում է Օսմանյան կայսրության տարածքից և,
յոթամյա բացակայությունից հետո (տե՛ս Ղ. Ալիշան, *Կամենից*, էջ 264),
նույն թվի մայիսի 15-ին ժամանում է Մայր Աթոռ Ս. էջմիածին (տե՛ս «Զա-
քարիա Ազուլեցու Օրագրութիւնը», էջ 66, 91):

¹⁸⁰ ՉԱՄ, Գ, էջ 699:

¹⁸¹ Նույն տեղում, էջ 700:

¹⁸² ՉԱՄ, էջ 699:

¹⁸³ Հմմտ. Ա.ԶԳ, սյուն. 1808:

¹⁸⁴ ԶԱՔ, Բ, էջ 72:

¹⁸⁵ Նույն տեղում:

¹⁸⁶ Նույն տեղում:

¹⁸⁷ 1665 թ. վերջին կայացած էջմիածնի ժողովի որոշման ի հայտ գալով և
վերը կատարված քննությամբ՝ լիովին հերքվում է Կ. Ամատունու այն են-
թադրությունը, թե Օնոփրիոսի երգմնագիրը իբր «գուրկ է պաշտոնական
հանգամանքե, անձնական թողթ մըն է, ինքն է (իմա Օնոփրիոսը՝ Ա.Ա.)
միայն անոր հեղինակը...», և թե «ոչ մեկ ապացույց ունինք հաստատելու,
թե ժողովին 27 անդամները կամ գեթ անոր մեծամասնությունը հավանած
ըլլան օրինավոր հայրապետը դատի հանելու հակաթոռ կաթողիկոսի ատյա-
նին», այլպես՝ «եթե անոնք հավան եղած ըլլային այդ գաղափարին, նկա-
տած դարուն բարքերը, դժվարին չէր վար առնել կաթողիկոս մը, ուրիշ մը
նստեցնելու անոր տեղը» (տե՛ս *Բազմավէպ*, 1993, էջ 39): Օնոփրիոսի երգ-
մնագիր բովանդակությունը որոշակի կասկած էր առաջացրել նաև Աշ. Հով-
հաննիսյանի մոտ, քանզի նա «որպես թե» նախաբանով է վերաշարադրում
1664 թ. հոկտեմբերի ժողովի մանրամասնությունները, իսկ ժողովականնե-
րի՝ Եղիազարին ուղղած համակամ խնդրանքը վերագրում է, ինչպես և Կ.
Ամատունին՝ միայն Օնոփրիոս Կարկուտին (տե՛ս *Դրվագներ*, Բ, 153):

¹⁸⁸ Տե՛ս *Sempadschfr kodex*, herausgegeben und ubersetst von Josef Karst

(Strassburg, 1905), p. 74. Հմմտ. *Судебник Смбата спаранета (гунд-стабля) 1265 г.* Перевод со среднеармянского, предисловие и примечания проф. А. Г. Сукиасяна (Ереван, 1971), с. 88.

¹⁸⁹ **Մխիթար Գոչ, Գիրք Դատաստանի:** Աշխատասիրությամբ՝ Խորով Թորոսյանի (Երևան, 1975), էջ 89:

¹⁹⁰ Ubi periculum-ի հիմնական դրույթները և հետագա էական ձևափոխումները շատ լավ համառոտված են հետևյալ հանրագիտարանում՝ *The World of Knowledge Encyclopaedia*. Vol. VI, London-New York-Toronto-Sydney-Auckland, 1971. տե՛ս նաև **Lector. Conclave: son organisation, sa legislation ancienne et modern** (Paris, 1894).

¹⁹¹ ԿՈՍ, էջ 51, 53, 69, 73:

¹⁹² Տե՛ս ՄԺ, Ա, էջ 113-114:

¹⁹³ Տե՛ս ԿՈՍ, էջ 81-82:

¹⁹⁴ Տե՛ս **Գարեգին վրդ. Յովսէփեան**, «Թովմա Մեծոփեցու կեանքը (կենսագրական նոր նիւթերով)»։ - *Արարատ*, 1914, էջ 8:

¹⁹⁵ «**Ժե դարի հայերեն ձեռագրերի հիշատակարաններ**»։ Մասն Ա (1401-1450 թթ.)։ Կազմեց Լ. Ս. Խաչիկյան (Երևան, 1955), էջ 531-532:

¹⁹⁶ ԿՈՍ, էջ 72:

¹⁹⁷ ԱԶԳ, սյուն. 1458:

¹⁹⁸ Տե՛ս *Սիրոն*, 1933, էջ 151-152:

¹⁹⁹ ԿՈՍ, էջ 53:

²⁰⁰ «**Ժե դ. հայերեն ձեռագրերի հիշատակարաններ**», Ա, էջ 531:

²⁰¹ ԱԶԳ, սյուն. 1453:

²⁰² ԿՈՍ, էջ 53:

²⁰³ ԿՈՍ, էջ 68:

²⁰⁴ ԳԱԽ, էջ 329: Գործածված է հայկական շարժական տոմարը, որով ՊՂԱ (891) թվականն սկսվում է 1441 թ. դեկտեմբերի 1-ին (տե՛ս, օրինակ, **Բ. Ե. Թումանյան**, *Տոմարի պատմությունը*: Երևան, 1972, էջ 90): Լ. Խաչիկյանը հաշվարկը կատարելով անշարժ տոմարով, հիշատակարանը թվագրում է 1442-ով («**Ժե դ. հայերեն ձեռագրերի հիշատակարաններ**», Ա, էջ 536):

²⁰⁵ ՉԱՄ, Գ, էջ 486 և շար.. Հմմտ. **Բարզէն Կիւլէսէրեան**, *Պատմութիւն կաթողիկոսաց Կիլիկիոյ (1441-էն մինչեւ մեր օրերը)*: Անթիլիաս, 1939, սյուն. 1211: Այս դեպքը գրեթե նույն բառերով շարագրելով 1713 թ. գրված իր «Գավազանագրքում» (Երուսաղեմի Մատենադարան, ձեռ. 462)՝ Մաղաքիա դպիր ձեվահիւրճին նախորդում է Չամչյանին (տե՛ս **Բ. Կիւլէսէրեան**, *Պատմութիւն կաթողիկոսաց Կիլիկիոյ*, սյուն. 34, ծնթ.), որ կնշանակի, թե վերջինս օգտվել է հենց այս գործից կամ էլ՝ երկուսն էլ ունեցել են մի երրորդ՝ մեզ անհայտ աղբյուր: Համենայն դեպս, մի օրինակ էլ այս Գավազանագրքից պահվում է Ս. Ղազարի մատենադարանում՝ ձեռ. No. 50-ը, սակայն այս-

տեղ ժամանակագրությունը հասցված է առնվազն մինչև 1741 թ. (տե՛ս **Ս. Ճեմճեմեան**, «Նոր նիւթեր Կ. Պոլսոյ երջանկայիշատակ պատրիարք Յովհաննէս Կոլոտի մասին», էջ 282):

²⁰⁶ ԿՈՍ, էջ 53:

²⁰⁷ Տե՛ս **Մխիթար Գոչ, Գիրք Դատաստանի**, էջ 13-14, 543 (ծնթ. 17, 18, 19):

²⁰⁸ Հետաքրքիր է, որ մի նմանատիպ պատմական փաստ՝ 1652 թ. Երուսաղեմում կայացած եկեղեցական ժողովը մեկնաբանելիս, Օրմանյանը հանգել էր ճիշտ մեր վերոգրյալ եզրակացությանը, այն է՝ որ «ժողովրդական ուխտավորներ հազար կամ այլ աւել, որոնք կերպով մը անցած կնկատվին ի թիւ ժողովին, իբր զի (sic) ընդհանուր ազգային հաւանությամբ հաստատվեցաւ երկու աթոռներու հաշտությունը» (տե՛ս Ա.ԶԳ, սյուն. 1688. Հմմտ. «Հայերեն ձեռագրերի ժե՛ղարի հիշատակարաններ (1641-1660 թթ.)», Հ. Գ, էջ 522-524:)

²⁰⁹ Տե՛ս **Լ. Ս. Խաչիկյան**, «Հակոբ Զուղայեցու կտակը», էջ 179:

²¹⁰ ԿՈՍ, էջ 51-53:

²¹¹ *Энциклопедический словарь*. Изд. Ф. Брокгауз, И. А. Ефрон, том XXII, С.-Петербург, 1897, с. 739. Հմմտ. նույն հանրագիտարանի Հ. 15, էջ 956:

²¹² ԿՈՍ, էջ 69:

²¹³ Ա.ԶԳ, սյուն. 1457: Այդ մրցակցության կարևոր դրվագների և նրբությունների մասին տե՛ս **Հակոբ Փափազյան**, «Մի էլ Արևելյան Հայաստանի քաղաքական կյանքի պատմությունից».- *Տեղեկագիր Հայկ. ՍՍԻ Գիտությունների Ակադեմիայի*, 1955, No. 8, էջ 96-99: 1441 թ. պատմական իրադարձություններին նվիրված Թ. Մեծոփեցու հիշատակարանի ուշագրավ քննությունը տե՛ս **Բ. Կիւլէսէրեան**, *Պատմութիւն կաթողիկոսաց Կիլիկիոյ*, սյուն. 31-42, 1125-1214:

²¹⁴ ԿՈՍ, էջ 73:

²¹⁵ ԿՈՍ, էջ 72-73:

²¹⁶ ԿՈՍ, էջ 40:

²¹⁷ ԿՈՍ, էջ 69-72:

²¹⁸ ԿՈՍ, էջ 69. Հմմտ. Ա.ԶԳ, սյուն. 1457:

²¹⁹ ԿՈՍ, էջ 71:

²²⁰ Տե՛ս **Mansi Joannes Dominicus**, *op. cit.*, p. 1258. Հմմտ. **Ղուկաս Ինճիճեան**, *Հնախօսութիւն աշխարհագրական Հայաստանեայց աշխարհի*: Հ. Գ, էջ 255 (Ինճիճյանից կատարված արտադրությունը տե՛ս **Մսեր Մսերեանց**. *Պատմութիւն կաթողիկոսաց էջմիածնի ի Սիմէոնէ մինչ ցՅովհաննէս Ը (1763-1831)*, Մոսկուա, 1876, էջ 281). Ա.ԶԳ, սյուն. 1290-1291. **Վարդան Հացունի**, *Կաթողիկոսական ընտրութիւն եւ ձեռնադրութիւն պատմութեան մէջ*, էջ 44:

²²¹ Մաշտոցի անվ. Մատենադարան, ձեռ. 9245, էջ 71բ: Իրականում, սակայն, Ս. Էջմիածնից Կ. Պոլիս ժամանած պատվիրակները ներկայացնում են երկու թեկնածուից (այս մասին մանրամասն տե՛ս սույն ուսումնասիրության մեջ, Գլուխ Ը.):

Հ Ա Վ Ե Լ Վ Ա Մ Բ

Ն Վ Ի Ր Ա Կ ՈՒ Թ Յ ՈՒ Ն

1. Ծայրագույն նվիրականներ (1741-1797)

Ստորև նշում ենք 1741-ից մինչև 1797 թ. սկզբնաղբյուրներում մեզ հանդիպած՝ Ս. էջմիածնի ծայրագույն նվիրականների անունները, նվիրակութայն վայրը և առկա զուգահեռ տեղեկություններ:

Ծայրագույն նվիրակ [անանուն], Կ. Պոլիս (ամենայն հավանականությամբ՝ 1742 թ. հիշված Իսահակ արքեպիսկոպոսն է, տե՛ս վարը)

1741 թ. հունիսի 12-ին՝ Կ. Պոլսի պատրիարք Հակոբ Նալյանը՝ իր բարեկամ Սարգիս վարդապետին ուղղած մի նամակում, իմիջիայրոց, գրում էր. «Եթէ կամիս, գրեա՛ աստ քոյոց ծանօթաց եւ բարեկամաց եւ ընկալ ի նոցանէ զգրոյց, թէ՛ յորմէ հետէ եկեալն է Ծայրագոյն նուիրակ Սրբոյ Աթոռոյն՝ որքանիցս ծանուցումն արարեալ եմ եւ որքան յորդորեալ զժողովուրդն ի տուրս Սրբոյ Աթոռոյն, եւ թէ՛ ի ժամանակս նախկին պատրիարքաց որքան էր եւ ինչ կերպիւ նուիրակութիւն Սրբոյ Աթոռոյն, եւ ի ժամանակս լուսահոգի Հօր մերոյ (իմա՛ 1741 թ. փետրվարի 13-ին մահացած Հովհաննես Կոլոտի օրոր՝ Ա.Ա.) որքան յառաջացաւ եւ յորդեցաւ»¹:

Իսահակ արքեպիսկոպոս, Կ. Պոլիս

1742 թ. «Ծայրագոյն նուիրակ ի Կոստանդնուպոլսո» է հիշված «Իսահակ աստուածաբանութեան վարդապետը»²: Սա Սահակ Բ

Ահագերինն է, որ նվիրակել է Կ. Պոլսում մինչև 1743 թ., այնուհետև դարձել է Զմյուռնիայի առաջնորդ. 1746 թ. սկզբին դարձյալ հիշված է իբրև նվիրակ³: 1784 թ. եղել է նվիրակ Զմյուռնիայում, մահացել է 1792 թ.⁴: 1757 թ. ապրիլին դեռևս հիշվում է նույն տիտղոսով՝ «Խառնակ արհիեպիսկոպոսն եւ Ծայրագոյն նուիրակն լուսահիման մօրն հաւատոյ Սրբոյ էջմիածնայ⁵»:

Դանիէլ եպիսկոպոս, Ղրիմ

1744 թ.՝ Ղրիմահայուլթյան գրած մի նամակում ասվում է. «Ի թուռջ ՌՃՂԳ (1744)-ին, ըստ սովորութեան նախնեացն մերոց, եկն առ մեզ եւ յերկիրս մեր Ծայրագոյն նուիրակ Սրբոյ էջմիածնէ ամենասքանչ յԱթոռոյն՝ Տէր Դանիէլ աստուածաբան եպիսկոպոսն, որ մեք ամենեքեանքս բաղձամբ մեծաւ խնդրեաք այսպիսի տեսուչ եւ հովիւ, վասն որոյ յարեաք ի յոտին մեծամեծքս եւ փոքունքս, ծերքս եւ տղայքս, եւ համայն ժողովուրդքս՝ զդա հազիւ եւ բռնութեամբ իմն, ի ձեռն աղերսանաց, արգելաք յերկիրս մեր՝ առաջնորդ եւ դէտ տեսչութեան մեզ եւ նահանգիս մերոյ...»⁶ (փաստաթուղթն ամբողջութեամբ հրատարակում ենք սույն հավելվածի 2-րդ բաժնում որպես Վավերագիր Ա):

Հովսեփ արքեպիսկոպոս Արղուլթյան, Ռուսաստան

1777 թվականից ի վեր Ծայրագոյն նվիրակի պաշտոն-տիտղոսով է հիշատակվում Հովսեփ արքեպիսկոպոս Արղուլթյանը: Ստորև, ըստ ժամանկագրական հերթականության, բերում ենք Արղուլթյանի տիտղոսի հիշատակումները:

1777 թ. ապրիլի 8՝ «լուսակառոյց Աթոռոյն Սրբոյ էջմիածնի ծայրագոյն նուիրակ եւ կողմանցս Հիւսիսոյ Հայոց Առաջնորդ Յովսէփ Արքեպիսկոպոս...»⁷: Արղուլթյանը նշանակվել էր Ռուսահայոց թեմի առաջնորդ և մեկնել Աստրախան տակավին 1773 թ., ուստի չի բացառվում, որ ծայրագոյն նվիրակի տիտղոսը նրան շնորհվել է 1773 թ.:

1780 թ. հոկտեմբերին՝ Ղուկաս Կարնեցի կաթողիկոսը դիմում է Արղուլթյանին որպես՝ «քրտնաջան զաւակիդ Սրբոյ Աթոռոյս եւ Ծայրագոյն նուիրակիդ սորին», իսկ 1781 թ. փետ. 4-ին՝ «Ռուսաց օրհնեցելոց երկրի Ծայրագոյն նուիրակ եւ առաջնորդ Յովսէփ աս-

տուածաբան վարդապետ»⁸.

1788-ից մինչև 1797 թ. (ու, հավանաբար, մինչև 1800 թ. կաթողիկոս ընտրվելը) եղած հիշատակումներում՝ «Սրբոյ Աթոռոյն էջմիածնի Ծայրագոյն նուիրակ»⁹:

Դատելով Իսահակ վարդապետի և Հովսեփ Արղությանի երկար տարիներ անընդմեջ Ծայրագուլյն նվիրակ հորջորջվելուց՝ պետք է կարծել, որ սկսած 1740-ական թթ. Ծայրագուլյն նվիրակի պաշտոնը վերածվել էր տիտղոսի և առանձնահատուկ պայմաններում նվիրակութուն անելու երեք տարվա ժամկետն այլևս չէր պահպանվում: Թեև եղել են նաև նախադեպեր. Մինաս Ամբեցին՝ որպես Ս. էջմիածնի նվիրակ, շրջագայել է շուրջ 24 տարի՝ 1679-1703 թթ.¹⁰:

2. Ս. էջմիածնի նվիրակներին վերաբերող դիվանական անտիպ նյութեր

ՎԱՎԵՐԱԳԻՐ Ա

Ս. էջմիածնի նվիրակ Դանիել եպիսկոպոսին՝ ղրիմահայու-
թյան առաջնորդ ընտրելու վկայականը (1744 թ.)^ա

Տերութեամբ Տեառն Ամենազօրին Աստուծոյ եւ խնամաւն նորա մեք՝ Ղրիմու ժողովուրդքս՝ մեծամեծքս եւ փոքունքս, ծերքս եւ տղայքս, գլխաւորքս եւ առ հասարակ ամենայն հաւատացեալքս՝ քեաֆայիցիքս եւ զարասուեցիքս, բաղջասարայեցիքս եւ կեօզլէվեցիքս, եւ զաւուշանեցիքս, եւ օրեցիքս, եւ աղմեչիտիքս, այլ եւ գիւղեցիքս, այսինքն՝ օրթալանկեցիքս եւ թոփրուեցիքս, եւ զամշլխեցիքս, եւ սալայեցիքս, եւ հսգիղրիմեցիքս, որ եմք ի բնէ թէմք եւ վիճակ վանացն մերոց՝ Սրբոյ Խաչին, որ է՛ յերկիրս Յոնաց:

Եւ զի այս թուի եր[ը]որդ ամ եղեւ, որ մեք մեղուցեալ հօտքս թարց հովուի եւ առաջնորդի եմք, որ ի փաստէ այսմիկ ծնանէին ի մէնջ պէս պէս վնասս հոգեկանս: Վասն որոյ ոչ կարացաք ժուժել առանց հովուի, որ ի հարկէ պիտոյ էր մեզ եւ երկրին մերոյ առաջնորդ ոք: Ուստի՝ ի ազգմանէն Արարչին, ի ցրտային ժամանակոջս

այսմիկ, ի թուոջ ՌՃՂԳ (1744)-ին, ըստ սովորութեան նախնեացն մերոց, եկն առ մեզ եւ յերկիրս մեր Սայրազոյն նուիրակ Սրբոյ յէջմիածնէ ամենասքանչ յԱթոռոյն՝ Տէր Դանիէլ աստուածաբան եպիսկոպոսն, որ մեք ամենեքեանքս բաղձամամբ մեծաւ խնդրեալք այսպիսի տեսուչ եւ հովիւ, վասն որոյ յարեալք ի յոտին մեծամեծքս եւ փոքունքս, ծերքս եւ տղայքս, եւ համայն ժողովուրդքս՝ զդա հազիւ եւ բռնութեամբ իմն, ի ձեռն աղերսանաց, արգելաք յերկիրս մեր՝ առաջնորդ եւ դէտ տեսչութեան մեզ եւ նահանգիս մերոյ, որ յոժար կամաւ հաճեցաք սմա եւ ընտրեցաք մեզ գոլ դէտ կամակցութեամբն Աստուծոյ եւ հրամանաւն սրբազանին տիեզերակալի: Վասն որոյ պարտիմք ամենեքեանքս հնազանդիլ սմա հոգեւորապէս՝ իբրեւ ճշմարիտ հովուին եւ առաջնորդին մերոյ: Փրկչին եւ կենդանատուին՝ Տեառն բնաւից՝ երկնի եւ երկրի Յիսուսի Քրիստոսի, որ եւ վասն հաւատարմութեան մերոյ զթրխանկար մատնէ հարս եղաք ի վերայ վիկայական գրոյն մերոյ, զի տեսոցացն համայնից հաճոյ թուեսցի սակաւագիծ գիրս: Ողջ լերուք: Բաւ է:

(Սուչն փաստաթուղթը Հաստատված է 69 Հայերեն կնիքով և դրանց փոխարինող երեք մատնահետքով, որոնց ներքևի մասում գրված է՝ Գաբրիէլ, Յարութիւն, Խաչեղբայր՝ Ա.Ա.)

**Մաշտոցի անվ. Մատենադարան, ձեռագիր 9120
(Վավերագրեր և կաղապարներ, XVII-XVIII դդ.)**

Սիմեոն Ա. Երևանցի կաթողիկոսի (1763-1780) կարգադրութեամբ, 1765 թ. Մայր Աթոռում պատրաստվել է հաճախակի գործածվող գրականագրությունների մի ժողովածու՝ հավաքվել են մի կամ մի քանի տարբերակ այն գրութուններից, որոնք Ս. էջմիածնի միաբանութեան կամ կաթողիկոսի անունից, պարբերական հաճախականութեամբ կրկնվող այս կամ այն կարևոր առիթով, առաքվել են սովորական հասցեներով¹²: Անուշադրութեան մատնված այս մատյանը հայագիտութեանը հայտնի՝ հայ եկեղեցական թղթակցութեան մեջ կիրառված ստանդարտ բանաձևերի միակ ժողովածուն է: Այստեղից էլ նրա երկակի արժեքը.

ա) մեզանում այս մատյանն առհասարակ զարգացում չստանալով՝ մնում էր անօգտակար և անհետաքրքիր: Բայց այս մատյանն առհասարակ զարգացում չստանալով՝ մնում էր անօգտակար և անհետաքրքիր: Բայց այս մատյանն առհասարակ զարգացում չստանալով՝ մնում էր անօգտակար և անհետաքրքիր:

բ) մատյանիս՝ 1694-1765 թթ. ժամանակահատվածն ընդգրկող շուրջ ինը տասնյակ փաստաթղթերից հրատարակվել է միայն մեկը (տե՛ս ստորև), մյուսները՝ ո՛չ մեջբերվել են, ո՛չ առանձին քննութեան արժանացել, այնինչ դրանցից յուրաքանչյուրը ցարգ անհայտ պատմական կարևոր փաստերի շտեմարան է:

Վավերագրերը լուսաբանում են հատկապես Ամենայն Հայոց կաթողիկոսական հաստատութեան, Մայր Աթոռի միաբանութեան, հայ եկեղեցու ներքին կանոնադրութեան և արտաքին հարաբերութունների կարևոր և քիչ ուսումնասիրված հարցերը:

Բացի վերոհիշյալ փաստաթղթերից, էջմիածնի նվիրակների գործունեութունը կարգավորելու նպատակով, մատյանի մեջ՝ «Հաւաստի տեղեկութեամբ, անթերութեամբ եւ ուղիղ դասութեամբ», ժողովել են «ի մի վայր զընդհանուր թեմս եւ զվիճակս սրբոյ Աթոռոյս. զքաղաքս, զղասապայս եւ զգլխաւոր գիւղորայս նոցին»: Բերված պատմաաշխարհագրական հարուստ տեղեկութուններն իրենց քանակով զգալիորեն գերազանցում են Սիմեոն կաթողիկոսի «Ձամբւ»-ում եղած համանման նյութը՝ հնարավորութունն ընձեռելով ճշ-

տելու 1760-ական թթ. հայուկթյան աշխարհագրական-ժողովրդագրական սփռման սահմանները:

Նվիրակուկթյան խնդիրները լուսաբանված են հետևյալ խորագրերը կրող փաստաթղթերում.

1. «Ի յերկիրն Ռուսաց յորժամ նուիրակութեան կոնդակ գրեցի՝ այս է սկիզբն նորին եւ այսպէս է գրելի» (էջ 10ա):
2. «Օրինակ՝ ծայրագոյն նուիրակութեան մեռոնի» (էջ 13բ-15ա):
3. «Վասն յանձնարարութեան նուիրակի» (էջ 15բ):
4. «Թուղթ առ բաղիչեցիս՝ վասն բարձման քեսիմիւ նուիրակութեան տալոյն» (էջ 16բ-17ա):
5. «Թուղթ՝ վասն յանձնարարութեան նուիրակի (իշխանացն երկրին առ որ գնալոց է)» (էջ 17ա):
6. «Վասն յանձնարարութեան» (էջ 17բ):
7. «Վասն յանձնարարութեան նուիրակի առ մեծամեծ իշխանս գրելոյ» (էջ 18ա):
8. «Վասն յանձնարարութեան նուիրակի՝ զերկաթս ժողովողի» (էջ 18բ):
9. «Վասն շնորհակալութեան» (20ա-բ):
10. «Վասն շնորհակալութեան ի կողմանէ նուիրակաց առ ամենայն քաղաքս» (էջ 19բ-20ա):
11. «Վասն շնորհակալութեան» (21ա):
12. «Վասն շնորհակալութեան» (21բ):
13. «Վասն շնորհակալութեան» (22ա):
14. «Վասն շնորհակալութեան գրելոյ, յորդորման եւ յանձնարարութեան եւ մանաւանդ խնդրանաց» (22ա-բ):
15. «Թուղթ վասն նոր նուիրակ կարգելոյ յայտքուստ» (էջ 24ա):
16. «Վասն ծայրագոյն նուիրակական կօնդակի (զկնի օրհնութեան՝ այսպէս գրեա՛)» (էջ 36ա-37ա):
17. «Օրինակ ծայրագունի նուիրակականի կօնդակի եւ օրհնութեան նամակի» (էջ 41բ-45բ):
18. «Օրինակ՝ մասնաւորի նուիրակականի կօնդակի» (էջ 46ա-47բ)¹⁴:

Ստորև հրապարակում ենք այս մատյանից մեր քաղած երկու վավերագիր, որոնք խիստ արժեքավոր են իբրև պատմական փաստաթուղթ. առաջինը 1765 թ. Ս. Էջմիածնի նոտար Երեմիա աբեղայի պատրաստած՝ «նուիրակական վիճակների»¹⁵ սահմանները ճշտող վավերագիր է՝ 1760-ական թթ. հայաբնակ վայրերի և հայկական եկեղեցիների մի իսկական հանրագիտարան, որն առաջին անգամ հրատարակել է Գյուլտ Աղանյանցը, բայց ցայժմ անհայտ էր մնում, թե նա ո՞ր մատյանից էր քաղել այս վավերագիրը¹⁶: Բավական բարդ ընթեռնելի այս փաստաթղթի վերահրատարակությունը կատարում ենք մեր մանրագնին ընթերցման համաձայն (թեև տարրնթերցումները Աղանյանցի հրատարակության հետ չնչին են): Իսկ երկրորդ վավերագիրը՝ 1737 թ. մայիսի 23-ին Ս. Էջմիածնից Գանձասարի կաթողիկոսին հղված մի հետաքրքրական նամակ է:

ՎԱՎԵՐԱԳԻՐ Բ

Ս. Էջմիածնի «նուիրակութեան վիճակները» (1765 թ.)
(Մաշտոցի անվ. Մատենադարան, ձեռ. 9120, էջ 1ա-5բ)

[էջ 1ա] Աստուածակառոյց մեծի Աթոռոյս Սրբոյ Էջմիածնի համայն նուիրակաց յաղագս նուիրակական արդեանց շրջագայելի քաղաքքն հանդերձ գիւղաքաղաքօք նոցին ընդ յատուկ յատուկ անուանց մի ըստ միոջէ ստորագրին.

ՍՏԱՄՊՈԼ

Ի վերայ Աստուածաշէն եւ տիրապահ, արքայանիստ եւ ծովահայեաց գլուխ ամենայն քաղաքաց մեծի մայրաքաղաքիդ Կոստանդնուպօլսոյ, եւ ամենից սահմանաց եւ շրջակայից դորին. յորս եւ զետեղեցելոց մերագնէից լուսաւորչածին եւ հայագուն ի Քրիստոս հաւատացելոց ամենեցունց եւ ի դոսին զինուորեցելոց ի Տէր սրբոց եկեղեցեաց, այսինքն՝ Ղուևղափիու սրբուհւոյ Աստուածածնի, Սամաթիու սրբոյն Գեւորգեայ զօրավարին, Պալաթու սրբոց Հրեշտակապետացն, Ղալաթիու սրբոյ Հօրն մերոյ Գրիգորի Լուսաւորչին, Ուս-

կուղերու սրբոյն Յովհաննու կարապետին եւ սրբոյ Խաչին, Խասգեղու սրբոյն Ստեփաննոսի Նախավկային, Օրթագեղու սրբուհւոյ Աստուածածնին:

Այլեւ՝ Բէշիկտաշու, Ղուռուչէճմայու, Հիսարու, Բէքղօղու, Էեպու, Թօփղափիու, Ղատիգեղու, Ղարթալու եւ այլոց մերձաւոր եկեղեցեաց, նաեւ՝ այլոց քաղաքաց, զասպայից եւ գիւղորէից դոցին, այսինքն՝ Ագրիանուպօլսոյ, Թրակիու, Պրուսայու, Եգնմիտու, Քեթիաճեայու, Ադաբազարու, Արմաշու եւ բոլոր շրջակայից գիւղորէից դոցին, Գիււրայու եւ բոլոր երկրին Եալօվայու, Բիւաճիկու, Ենկիչհարու, Տավչանլուայ, Գեօլտաղու, Մուհալիճու, Պանդրմայու, Էտինճկու, Փիրմաստու, Բալիքեասարու, Էյնայու, Բօղասհեարու, Կելիպօլու, Մալղարայու, Չօղլուայ, Ուզունքեօրփուայ, Կիւմուրճինու եւ այլոց շրջակայից դոցին մեծաց եւ փոքունց գեօղորէից ամենեցունց եւ ի միջի դոցին հաստատեցելոց սրբոց եկեղեցեաց եւ եկեղեցականաց դասուցդ. նախ՝ եղբօր մերում երջանկապատուոյ եւ հանճարազարդի Տեառն այս անուն Աստուածաբանի վարդապետին եւ արժանաժանգի Պատրիարքին եւ այլոց Արհիպատիւ եւ ուղղավէպ Առաջնորդաց եւ ճմարտաուսոյց վարդապետաց:

[Էջ 1բ] ԻԶՄԻՐ, ՈՐ Է ՏԵՐՈՒՆԻ

Ի Զմիւռին, ի Գեօգհիսար, ի Մանիսայ, ի Մանաման, ի Գիրիդ, ի Սախբըզ, ի Միդիլու, ի յԱյազմայ, ի Քամար, ի Բէրդամայ, ի Ղընըխ, ի Սօվմայ, ի Ղըխաղաճ, ի յԱղասար, ի Գեօրդաստ, ի յԱտալա, ի Մառմառա, ի յԱլաչհար, ի Դուրղութ, ի Բայընդուր, ի Թիրա, ի Բիրգի, ի յՕտամիչ, ի Էնկիպազար, ի Նազլու, ի Դէնկիզլու, ի Հօնաս, ի Ռադոսդ, ի Ստեանքեօյ, ի Բօդըռում, ի Մուղլայ, ի Մալաս, ի Մանդալեաթ, ի Ղուշատայ, ի Սոքա, ի Քեօշք եւ յայլ թեմս եւ ի վիճակս Զմիւռնոյ:

ՂՐԻՄՈՒ

Մայրաքաղաքիդ Կաֆայու, Ղարասուու, Պաղչասարայու, Գեօզլավայու, Աղմէչիտու, Օրթալանկու, Թոփտիու, Սալայու, Ղամիչլըխու, Նորբերդու, Թամանու, Թօմրուկու, Ղափլուու եւ բոլոր Չէրքէզու, Ազախու, Քիրմանու եւ Օրու:

Նաեւ՝ յԱստուծոյ օրհնեալ յերկրիդ Ուռումելու, այսինքն՝ Քիլիսու, Իսմայիլու, Ուրուշճղու, Վառնայու, Թոնօվայու, Եաշու, Հօթինու, Բուքրեշու, Աղքիրմանու, Ղափշանու, Բանդէրու, Սըջօվայու, Պօշանու, Օրմանիու, Ֆօքշանու, Իպրայիլու, Մուսայիպղչլայու, Սուլթանղչլայու, Խանղչլայու, Իսախչայու, Բաբատաղու, Հաճիօղլուբազարճղու, Շումլայու, Ռազղատու, Տայագեղու, Հըրսօվայու, Սիլիսրէու, Քէօստէնճէու, Մալղարայու, Բուրղազու, Այիտօստու, Ահեօլու, Կառնապատու, Իսլիմլայու, Բելըրղատու, Ֆիլիպէու, Թաթարպազարճղու, Սօֆիու, Նիշու, Վիտինու, Ինապօլու, Կեոմիրճինու, Ենկիճու, Սրամայու, Ենկիշչարու, Եանպօլու, Քեօմիուրլուկու, Ղազանլըիու, Էսկիզաղարայու, եւ Օզիու եւ այլ շրջակայ զասապայից եւ գիւղորէից դոցին, յ[որս]...¹⁷

ԹՕԽԱԹ

Ի վերայ տիրախնամ մայրաքաղաքիդ Եւդոկիոյ՝ կրկին անգամ յորջորջեալ Թօխաթու, նաեւ՝ ի Սեբաստիոյ, Զառայու, Աղտու, Դավռայու, յԱկնայ, Կամրկապու, Ապուչեիու, Բէնկանու, Արապկեբու, Մատէնու, Մաշկեբու, Ամասիու, Մարսըվանու, Հաճիքեօյու, Կեսարիոյ, Նիկիտայու, Դէվլէիու, Թօմարուղու, Բօռու, Փէնէսու, Գեամրակու, Թալասու, Կեարմիրու, Էրքիլատու, Մուսնուսուսու, Զիլայու, Քեօփրիու, Կաստէմանու, Նիկիսարու, Հէյրակու, Սընապու, Ճաթսայու, Ղօնիայու¹⁸, Կեարզայու, Տաշքեօփրիու, Սամսօնու եւ այլ ամենայն շրջակայ զասապայից եւ գիւղորէից դոցին:

[Էջ 2ա] ԿԱՐԻՆ, ՈՐ Է ԷՐԶՐՈՒՄ

Ի վերայ Աստուծոյ օրհնեալ մայրաքաղաքիդ Կարնոյ՝ կրկին անգամ յորջորջեալ Էրզրումայ, Էրզընկանայ, Տրապիզոնայ, Իրիզայու, Գիրասօնու, Փերշամպայու, Օրտուա, Շէպինղարահիսարու, Աշխարօվայու, Թամզարայու, Կիւմիշխանայու, Բաբերդու, Թէրճանու, Ղուզուչանու, Կամախու, Արմտանբու, Քեղիու, Օլթիու, Նարիմանու, Սպերու, Խօտեղուր հերճուած (sic)¹⁹, Հասանղալայու, վերին եւ ներքին Բասենու, Թորթումայու, Համշէնու, Թաքմանու, Խնուսու, Պուլանուխու եւ այլ շրջակայ բոլոր զասապայից եւ գիւղորէից դոցին]:

ԳԱՂԱՏԻԱ, ՈՐ Է ԱՆԿԻՒԻՒՄ²⁰

Ի վերայ յԱստուծոյ օրհնեալ մայրաքաղաքիդ Գաղատիոյ, կրկին անուամբ յորջորջեալ էնկիւրիայ, Սիվրիհիսարու, Աֆիօնդարահիսարու, Ալայիայու, Մէնթէշու, Ղաշու, Միաստայու, Ալմալիու, Ղայապազարու, Ղօնիու, Ղարամանու, Աղշէհէրու, Զիլիֆքէու, Պօրիու, Ատալիու, Սպարթայու, Պուրտուրու, Կուլասարօվայու, Սանդըխիու, Դէմիրճինու, Ուշաղու, Բէկպազարու, Նայլուխանու, Պօլիու, Ստանօղու, Դօվրիկու, Պարթինու, Ենկիխանու, Էրէկլիու, Զաֆրանպօլիու, Ղօնաֆայու, Կեռուատիու, Զէրքէզու, Ղօհհիսարու, Թօսիու, Զանդրայու եւ Ղալաչըխու, եւ այլ շրջակայ բոլոր դասապայից եւ գիւղորէից դոցին, յորս...²¹

ՏԻԳՐԱՆԱԿԵՐՏ, ՈՐ ԱՍԻ ԴԵՐՊԵՔԻՐ

Դէրպէքիր. Ի Բալու, Ի Ճապաղջուր, Ի Չարսանճաղ, Ի Յագման (°), Ի Բէրթակ, Ի Սուրբ Մակաբայեցուոց թեմն, Ի Մշու Սուրբ Առաքելոց թեմն, Ի Սըղերտ, Ի Զըռքան, Ի Շիրուան, Ի Մէրտին, Ի Փերին, Ի Մեծկերտ, Ի Զմըշկաձակ, Ի Խառքերթ, Ի Հիւսէինիկ, Ի Արղընի, Ի Մատան, Ի Զերմուկ, Ի Շընքուշ, Ի Սուսէպին, Ի Սէվերակ, Ի Ուրհայ, Ի Ակըլ, Ի Հայնէ, Ի Ղուլթ, Ի Ղիան, Ի Լըճէ, Ի Կասկէ, Ի Հագրու, Ի Բշէրիկ, Ի Սասուն եւ Ի Հըզու, եւ յայլ շրջակայ դասապայս եւ գիւղորայս դոցին, յորս [են]...²²

Ի Արիփոնդար, Ի Ղոյլու, Ի Կարմուջ, Ի Զոխ²³:

ՎԱՆ (Ի բաշխէ)

Վանայ, Բաղիշու, Մշու, Մօտկանու, Գգեխու, Խօշապու, Մահմուտանու, Ապաղու, Արճու, Արծկու, Խըլաթու, Կարճկանու, Բերկրու, Նօղըզու եւ այլ շըր[ջակայ]...

ԲԱՅԱԶԻԴ

[Էջ 2բ] Բայազիտու, Դիատինու, Նահիու, Թօփրախղալու, Խամուրա, Բատնոցու, Մանազկերտու, եւ այլ շրջակայ...

ՂԱՐՍ

Ի տիրախնամ մայրաքաղաքդ Կարս, ի Կաղզվան, ի Քօրօղլու, ի Սօղանլու, ի Շիրակուան, ի Զառիչատ, ի Մաղզբերդ, ի Տիկօր, ի յԱխլըխայ, ի յԱրտահան, ի Կեօլէ, ի Զավախէթ, ի Զըլտըր, ի յԱխլըքէլէկ, ի Շաւշէդ, ի յԱրդուէին, ի Խոտէջուր, եւ յայլ շրջակայ դասապայս եւ գիւղորայս դոցին:

ԲԱՂԴԱՏ, ՈՐ Է ՏԵՐՈՒՆԻ

Ի յԱստուծոյ օրհնեալ տիրախնամ մայրաքաղաքդ Բաղդատ, ի Ղարաչօրան, ի Բասրայ, ի Բանդարբուշ, ի Բանտարըռիկ, ի Խարկ, ի Բանտարապաս, եւ յայլ շրջակայ դասապայս եւ գիւղորայս դոցին, յորս կառուցեալ սրբոց Ե...²⁴

ՀԸՆԴԿԱՑ, ՈՐ Է ՏԵՐՈՒՆԻ

Որք կայք բնակեալք ի կողմունսդ Հնդկաց, ի մայրաքաղաքսդ, ի քաղաքսդ, ի գիւղաքաղաքսդ եւ ի պանդոկսդ. նախ՝ ի մայրաքաղաքդ Շահջանապատ եւ ի դորին բոլոր նահանգսդ. ի Բանկալայ եւ ի յամենայն գաւառս դորին, ի Կալկաթայ եւ յամենայն նահանգս դորին: Ի Զիջրա եւ յամենայն նահանգս դորին, ի Դաքայ եւ յամենայն նահանգս դորին, ի Սէյդապատ եւ յամենայն նահանգս դորին, ի Փօրսանդէվի եւ յամենայն նահանգս դորին, ի Սուրաթ եւ յամենայն նահանգս դորին, եւ զայլս յամենայն տեղիս, յորս գոն եւ գտանին Հայկազինք: Յորս կառուցեալ եւ հաստատեալ սրբոց եկեղեցեաց եւ...²⁵

ՀԱՇՏԱՐԽԱՆ, ՈՐ Է ՏԵՐՈՒՆԻ

Ի տիրախնամ եւ ի կայսերապերճ մայրաքաղաքդ Պետրպուրք, ի Մօսկով, ի Հաշտարխան, ի Ղըզլար, ի Սառաֆան, ի Բորագան, ի Զէրքէզ եւ այլ շրջակայ...²⁶

ՇՕՇ, ՈՐ Է ՍՊԱՀԱՆ

Ի յԱստուծոյ օրհնեալ մայրաքաղաքդ Շօշ, որ յորջորջի Նոր Զուղայ, ի Համատան, ի Հէրի, ի Կեանտիման, ի Բուրվարի, ի Լընճան, ի Շիրազ, ի Քաշան եւ յայլս: Նաեւ՝ ի Ղում, ի Ղազպին եւ յայլ շրջակայս, ուր եւ յօրհնեալ յազգէս մէրմէ գտանիցին:

[Էջ 3ա] ԹԱՐՎԷՋ, ՈՐ Է ՈՒՋՈՒՄՁԻ ԳԻՒՂՆ ՏԵՐՈՒՆԻ

Որք կայք բնակեալք ի բոլոր օրհնեալ թեմս եւ ի վիճակս սրբոց Առաքելոցն թաղէսսի եւ Բարդուղիմէսսի: Նախ՝ ի մայրաքաղաքդ Թարվէզ, ի Մարաղայ, ի Դուխուրխան, ի Խօյ, ի Սալմաստ, ի Սօմայ, ի Յորմի, ի Հաղբակ, ի Սըլզուզ, ի Յուշնի, ի Մուժամպար, ի յՈւզումչի, ի Մակու եւ ի Չորսայ եւ յայլ շրջակայ դասապայս եւ գիւղորայս դոցին, յորս [են]...²⁷

ԳԻԼԱՆ, ՈՐ Է ՏԵՐՈՒՆԻ

Ի վերայ յԱստուծոյ օրհնեալ բոլոր երկրիդ Գիլանու, այսինքն՝ Ռէշտու, Անճալույ, Լաքեարանու²⁸, Քիսմէսու, Սալխանու, Մազանտարանու եւ այլ բոլոր շրջակայ դասապայից եւ գիւղորէից:

ԹԻՖԼԻՋ, ՈՐ Է ՉՈՐՍ ԵԿԵՂԵՑԻՆ ՏԵՐՈՒՆԻ

Ի տիրախնամ մայրաքաղաքդ Թիֆլիզ, ի Գորի, ի յԱլ, ի Սուրամ, ի Կրցխլուան, ի յԱխլզօր, ի Սայրեսթօ, ի Անանուր, ի Դուշէթ, ի յԱտենուձոր, ի Սաբարաթիան, ի Կախէթ, ի Թէլաւ, ի Քիսեղ, ի Ղազախ, ի Բօլնիսձոր, ի Դումանէսձոր, ի Ղայղուլի, ի Տաշիբ, ի Լօռի, ի Բամբկաձոր, ի Սարիբեր, ի Մէժէթուձոր, ի Հանխուսար, ի Բաբաջանիձոր եւ ի բոլոր Սումխէթ եւ յայլ շրջակայ դասապայս եւ...²⁹

ՆԱԽԻՋԵՒԱՆ

Ի վերայ հնոց եւ վաղնջուց քաղաքամօրդ Նախիջեանու եւ երից սրբոց վանորէից բոլոր թեմից եւ վիճակաց, այսինքն՝ Աստապատու, Շաղկերտու, Շօռութու, Ղազանչու, Գաղու, Նորաշինկու, Ճահուկու, Շըխմահմուտու, Քուլթափու, Աժօպու, Ագուլեաց, Դաշտու,

Յըզնու, Շամբու, յԱրարքու, Զաղաց տեղոյ, Ազատակու, Եղեգաձորոյ, Վայոցձորոյ եւ Օրտուվարու եւ այլ շրջակայ դասապայից եւ գիւղորէից դոցին:

ՂԱՓԱՆ

Ի վերայ Սրբոյ Ստաթէի վանից բոլոր թեմի եւ վիճակի եւ բոլոր երկրիդ Ղափանու. Մեղրու եւ դորին եղեալ գաւառաց եւ գիւղորէից, այսինքն՝ Գունէու, Կաւաբերդու, Պղաբերդու, Չաւընդրու, Բարկուշատու, Սիսիանու, Քէշտաղու, Ղարատաղու, Աջանանու, Քեղուածորու, Գուլաբերդու, Շիվանածորու, Մաղանճղու եւ այլ շրջակայ դասապայից եւ գիւղորէից դոցին:

[Էջ 3բ] ԵՐԵՒԱՆ, ՈՐ Է ԱՅԺՄ ԿԷՍՆ ՏԵՐՈՒՆԻ

Երևանու եւ բոլոր գեօղորէիցն դորին. Գառնու նահանգիդ, Վէթիբասարու, Ղըխբուլաղու, Աղէքաձորու, Ծաղկունեաց ձորու, Շիրակվանու, Ապարանու եւ Կարպու նահանգացդ եւ բոլոր գեօղորէից դոցին, յայնկոյս գետոյն Երասխայ, Բլրոյ եւ բոլոր շրջակայ գեօղորէից դոցին:

ՄԵԾԻ ԱԹՈՌՈՅՍ ՍՐԲՈՅ ԷՋՄԻԱԾՆԻ ԲՆԱԿԱՆ ԱՌԱՋՆՈՐԴԱԿԱՆ ՀԱՍԻՑ ԳԻՒՂՈՐԱՅՔՆ ԵՆ ԱՅՍՈՔԻԿ՝ Ի ՅԵՐԿՐՈՋՍ ԵՐԵՒԱՆ

Այս գիւղս, որ է կից Սրբոյ Աթոռոյս՝ Եղեւարդ, Յօշական, Ալիբէկլու, Դողս, Փարաքար, Գեօկգիւմբէթ, Կաւակերտ, Արպատ, Քեալարայ, Ֆառնկանոց: Յայնկոյս Երասխայ մեծի գետոյն՝ Սուրմարի, Կողբ, Ալեթլու:

ՎԻՐԱՊԱՎԱՆԻՑ ԹԵՄՆ

Արկուռի, Վէթի, Արտաշատ, Մուշախպիր, Զղուն, Վանստան, Մանկուս, Աւանիկ, Վանիկ, Դեղձնավանք, Ուռձաձորն բոլոր:

ԹԱԴԵՈՍ ԱՌԱՔԵԼՈՑ ՎԱՆԻՑ ԹԵՄՆ

Բայազիդ իւր նահանգօվն, Սահաթափոս իւր գիւղորէիւն՝ բաց ի Սուրմարիոյ (եւ ի Ալէթլուոյ)³⁰, Խոյ իւր նահանգօվն, Ալդուզ իւր նահանգօվն, Մարաղայ իւր նահանգօվն, Յուչնի, Մակու իւր գիւղէիւքն, Չորս:

ԲՃՆՈՒ ՎԱՆԻՑ ԹԵՄՍՆ

Երկուց նահանգաց՝ Կոտէից եւ Ծաղկունեաց, այսինքն՝ Քանաքեռոյ, Գեղրոնայ, Արծնոյ, Էլառոյ, Գամրիսոյ, Թըթոյ, Գոկքիլիսոյ, որ է Նետիս, Քամալայ, Քանքանոյ, Աղօրանոյ, Ղզլլալոյ, Ղզլօրանոյ, Թէգխարապին, Եղնաջրոյ, Այլաքակոյ, Աւազանկին, Կարմիրաւերակայ, Հազարաբերոյ, Նոնուեաց, Արքոլոյ, Կարենուց, Ջեկրաչինու, Օզանայ, Ֆոանկանոցին, Թեղուաց, Այլաբերուց, Ալաճաքիլիսոյ, Գոռգոչայ, Արտազաքանոյ, [էջ 4ա] Մեղուսայ, Դալուլարայ, Բճնոյ, Ծարայ, իսկ ի Ծաղկունեաց, այսինքն՝ Օղրածորոյ, Եայչիլարայ, Դըդմաչինոյ, Թըթենածորոյ, Ըռընդամալոյ, Գարնեղոյ, Նախամարուց, Աղփարոյ, Աղտենոյ, Չամանկուտոյ, Շխերոյ, Կորկոտանոյ, Խորձորոյ, Կաղսոյ, Մասրիսոյ, Սօլաքայ, եւ այլ առհասարակ³¹:

ՍԷՎԱՆ

Ծաղկունք, Շարիս, Վարսերն, Գօմածոր, Յամաքաբերթ, Չպիլուն, Ուռիծառ, Դրախտիկ, Պորտակն, Կորատեղ, Փէչմակալ, Վարգէլն, Բատակալ, Կախմախի:

ՀԱՅՐԱՎԱՆՔ

Ազատքաղաք, Բերդն, Խըշլածակ, Նորատուս, Պիտնի, Եզնիստ, Կորզաբակ, Չազ, Փոքը Չազ, Ծաքար, Մասըրիս, Հապուլն, Դիլանչի, Էրնատար, Իլկավանք, Դալուղարդաչ, Գանձազ, Բուղխանայ, Արնեղի, Ղուլալի, Ղըշլախն, Ղարադալուկ:

ՄԱՔԻՆԵԱՑ ՎԱՆԻՑ ԹԵՄՆ

Կոթ, Սալամալիք, Նշխարք, Մեծ Կզնուտ, Փոքր Կզնուտ, Բար, Կածիս, Փռակոչունիս, Վարդենիս, Քօլատակ, Ախտենիս, Անմեռն, Ոսկաչէն, Դարանակսն, Մազրէն, Աղծաղալէն, Էիշատ, Կալեր, Սոթ, Էրք, Գետիք, Ճիլ, Արտաւուճ, Կարմունջ, Ճամպարակ:

ԽՈՒԹԱՎԱՆԻՑ ԹԵՄՆ³²

ԿԷՉԱՌԻՍ, ՈՐՈՑ ԵԿԵՂԵՑԻՈՑ ԱՆՈՒՆՆ ՍՈՒՐԲ ԱՍՏՈՒԱԾԱԾԻՆ Է

Կէչառիս, Քուրտաքն, Հարփանտն, Էշակղուտրան, Թաքալուկն, Շօրաղն:

[Էջ 4բ] ԳԵՏԱՐԳԵԼՈՑ ՎԱՆԻՑ ԹԵՄՆ

Աւան, Չագաւանք, Չագ, Շրհապն, Արամուս, Աղասօր, Արախուս:

ԱՌԱՔԵԼՈՑ ՎԱՆՔՆ, ՈՐ ԱՍԻ ԿԱՐԵՆՍՈՒ ՎԱՆՔ

Կարենիս, Ղարաօրան:

ԱՆԱՆԻԱՑ ԱՌԱՔԵԼՈՑ ՎԱՆԻՑ ԹԵՄՆ

Առինջ, Բոլոր Բօշալքն:

ՍՈՒՐԲ ՍԱՐԳԻՍ

Ուշի, Լազրրվան³³, Բ (2) Թամիր, Թալին, Մաստարա, բոլոր Իլուն, Կեօղլուքարվանսարա, Չրրփլու, Աղին:

ՏԵՂԵՐԱՎԱՆՔՆ, ՈՐ ԱՍԻ ՍՈՒՐԲ ԱՍՏՈՒԱԾԱԾԻՆ

Տեղեր, Բիրական, Աքարակ, Յաղձ, Վրժան:

ՄՕՂՆՈՒ ՎԱՆՔՆ

Մօղնի, Շահրիար, Մօլաբայազիդ, Զաֆարապատ:

ԿՈՇԱՎԱՆՔՆ

Կոչ, Աղուենատուն:

ՂԸՓՉԱՂԱՎԱՆԻՑ ԹԵՄՆ

Ղըփչաղ, բոլոր Շիրակվան:

ՂԶԸԼՔԻԼԻՍԻ ՎԱՆԻՑ ԹԵՄՆ

Նահիէն բոլոր իւր թեմն է:

ՄԱՌՄԱՌԱՇԷՆ³⁴

[էջ 5ա] ԳԵՂԱՐԴԱՎԱՆԻՑ ԹԵՄՆ

Նորագաւիթ, Ենկիճէն, Նորք, Տաճարաբակ, Պորտիկ, Բարձապի:

ԱՄԵՆԱՓՐԿԻԶ

Երևան քաղաքն՝ Կոնդովն եւ Նորագիւղովն, Շընգաւիթ, Զրվէզ³⁵, Գառնի, Կոխտ, Հայոցթառ:

ԱՂԶՈՒՑՎԱՆՔ

Ճաթղոան, Մեծ Գլան, Փոքր Գլան:

ՅՕՀԱՆԱՎԱՆԻՑ ՎԱՆԻՑ ԹԵՄՆ

Կարբի, Փոքրգիւղն, Փարպի, Շարապխանի կէսն:

ՍԱՂՄՈՍԱՎԱՆԻՑ ԹԵՄԸ

Բոլոր Ապարան, Գեղարգունոյ Գաւառ գիւղն, Յաշտարակ, Քիրաշլուն, Շարապխանի կէսն, Սէրքեվիլ³⁶:

Մատակարարելոցդ անհատավտակ շնորհիւ սրբոյ Հոգւոյն, եւ զարդարելոցդ նորին զանազան պարգեւօք, պատուականագունիցդ իմոց հարց եւ ցանկալեացդ միանգամայն իմոյ նուաստութեան ի Քրիստոս եղբարց՝ գիտութիւն լիցի. զի որովհետեւ ի ձեռն ամենաբաւական շնորհի նոյնոյ Հոգւոյն ճշմարտի յաջողին մեզ օր ըստ օրէ ընթացք բարի եւ կարգաւորեալ ուղղին որք ի մեզ թիւրութիւնք եւ լնանին թերութիւնք եւ կատարին իւրահաճոյ խորհուրդք եւ տրին պէտք, այնր ազագաւ եւ իմոյս մոլեշաւղի՝ որ մի եմ ի կարօտելոց եւ ի պապողաց նորին կենդանարար աղբեր զովացուցիչ ջրոյ՝ յաջողեցան ընթացք բարի եւ լցան ոչ միայն որ յիս, այլեւ որ յիմուամ գործարանի՝ գրատանս ասեմ Աստուածաիջի սրբոյ Աթոռոյս՝ կարօտողք լնման թերութիւնք եւ բարեկարգեալ ուղղեցան թիւրութիւնք եւ սուան պէտք ըստ այսմ օրինակի:

Քանզի գլխաւորապէս այս էր իմ եւ գործարանիս իմոյ թերութիւն, զի ոչ գոյին միանգամայն ժողովեցեալք առանց թերութեան ի մատենոջ յիշատակարանի թեմք եւ վիճակք սրբոյ Աթոռոյս, թէ՛ ո՞րք նուիրակացն սորին էին շրջագայելիք, եւ թէ՛ ո՞րք Առաջնորդացն ի Հայրապետաց սորին կարգելոց հովուելիք: Ուստի, ի գրելն իմում գկոնդակ ինչ նուիրակական կամ Առաջնորդական՝ ո՛չ սակաւ աշխատէի ի ժողովելն իմ գիւրաքանչիւրոցն թեմս եւ գվիճակս՝ զհին կոնդակս որոնելով եւ զգիտողս ոմանս հարցանելով: Իսկ եւ թիւրութիւն այն ինչ էր, զի յանտեղեկութենէ ոչ ըստ բարուրք դասաւորութեան գրէի գվիճակսն, զի [էջ 5բ] եւ շրջագայօղ նուիրակն ըստ գրեցելոյն կարգի շրջագայիցի, որպէս յետ զէջմիածինն գրելոյ՝ Փարաքարն պարտի գրիլ եւ գկնի Երեւան, եւ այլքն ըստ սոյն կարգի, այլ յետ Երեւանու գրիւր Թարվէզ եւ գկնի նորին Նախիջեւան եւ յետոյ Բայազիդն եւ այլքն այսպիսի անուղիղ դասաւորութեամբ: Եւ զի պատահամբ վիճակ միոյ նուիրակի գրիւր ընդ վիճակս այլոց ուրուք նուիրակի: Կամ՝ գրէին այնպիսիք վիճակք ի կոնդակս, յորս երբեմն բնակեալ լինէին հայք եւ նարդեներս ո՛չ, եւ կամ՝ յաղթարմայու-

Թիւն լինէին դարձեալք: Նաեւ՝ ոչ Առաջնորդացն թեմից լինէաք վերահասու: Ուստի, որպէս ասացաք, ի ձեռն առատաբուղիս շնորհաց Հոգւոյն Աստուծոյ եւ հրամանաւ եւ հարկադրութեամբ առ լցելոյն եւ կատարելոյն նովաւ վեհագան Հայրապետին սրբոյ Գահիս Տեառն Սիմէօնի գերերջանիկ կաթողիկոսին Ամենայն Հայոց եւ իմոյ Տեառն օրհնածնօղի, ես՝ նուաստագունեղ ծառայս նորին եւ ձերումդ ազն[ւ]ութեան՝ Երեմիայ աբեղայս, նօտարս սրբոյ Գահիս, հաւաստի տեղեկութեամբ, անթերութեամբ եւ ուղիղ դասութեամբ ժողովեցի ի մի վայր զընդհանուր թեմս եւ զվիճակս սրբոյ Աթոռոյս՝ զքաղաքս, զղասապայս եւ զգլխաւոր գիւղորայս նոցին յիւրաքանչիւրումն դասու: Զի ես յիմում ժամանակի եւ յետագայքն իմ յիւրաքանչիւր դարս անաշխատ գտցուք եւ գրեսցուք:

Եւ այսպիսի օրինակաւ հորդեցաւ ինձ եւ յետագայից իմոց անխոտոր շաւիղ, եւ գործարանիս իմոյ լցաւ թերութիւն եւ ուղղեցաւ թիւրութիւն, եւ տուան պէտքն ըստ վերոգրեցելոցն, ուստի եւ Տեառն իմոյ սրբազանի կատարեցան բարի կամք, որ ի վաղուց կամէր այսմ այսպէս լինիլ:

Արդ՝ աղաչեմ զհանդիպօղսդ եւ զվայելօղսդ իմոյս սղուն աշխատանաց՝ յիշել ի մաքրափայլ յաղօթս ձեր զսրբազան Հայրն եւ տէրն իմ վերոգրեցեալ եւ յուսկ յետոյ գերեմիայ սեւաւորս աշխատօղս ի յայս:

Գրեցաւ ի ՌՄԺԴ (1765) յունիսի ԺԸ (18):

ՎԱՎԵՐԱԳԻՐ Գ

Ս. Էջմիածնի միաբանության անդամ մի աբեղայի նամակը
Ազվանից Ներսես կաթողիկոսին
(1737 թ. մայիսի 23)³⁷
(Մաշտոցի անվ. Մատենադարան, ձեռ. 9120, էջ 22ա-բ)

Վասն շնորհակալութեան գրելոյ, յորդորման եւ յանձնարարութեան
եւ մանաւանդ խնդրանաց

Յոգնաջան եւ եռերանեան Հաւուդ իմոյ՝ Տեառնդ Ներսիսի սրբազան Հայրապետիդ կողմանցդ Աղուանից: Ահա նուիրեմ առ ընթերակաց առնատիս՝ ծառայականն խոնարհութեամբ, անյագ կարօտիւ եւ տապազին սիրով՝ զփրկչաւանդ միարարն սիրով՝ ողջո՛յն:

Արդ՝ յետ սիրալրականիս ողջունատրութեան՝ արտադրեալ բացեւոցեմ հեզաբարոյի անձինդ զմշտադատ կիրս մտաց իմոց, քանզի յայնժամ ի գալստեանդ քում ոչ կարացի ես՝ ծառայս, պատահիլ Տեառնդ իմոյ սիրով եւ ըստ արժանաւորութեանդ պաշտել զքեզ պաշտամամբ ծառայականաւ, որով թերեւս ընանիւր փափագ սրտի իմոյ: Նմին իրի ամէն ասեմ, զի յոյժ կարօտ մնացի եւ կարի պակաս գտանեցայ ի հայրականդ պաշտօնէ: Ուստի՝ ժտեմ ահա յերես անկեալ յորդեսէր Հօրէդ իմմէ՝ զներումն այնց մեղանաց կր[տ]սէր որդեկիս, վասն զի ահա՛ ցուցի զղջումն եւ գոչեցի զմեղայն: Բայց ակն ունիմ բարեխնդրակատար Տեառն իմոյ, զի վերստին արժանացուցէ զնուաստս ուրախարար տեսութեանդ եւ լցուցէ զփափագ անձին իմոյ:

Աստանօր եթէ գտի շնորհս առաջի Տեառնդ՝ տու՛ր ի լսել ունկն քո, քանզի որովհետեւ զայսքան բարեբարութիւնս եւ գերախտիս ցուցին Սրբոյ Տանս երկրացիք քո եւ մանաւանդ Տեառնդ մեր իսկ ինքնդ: Վասն որոյ՝ ահաւասիկ զթուղթ շնորհակալութեան առաքեցաք ի վերայ այնց գաւառաց, որք տրօք սիրեցին եւ պատուեցին զԱթոռս սուրբ, որոց սիրով տալն եկեալ պատմեաց մեզ սիրելի եւ հոգեւոր եղբայրն մեր եւ հարազատ որդին սրբոյ Գահիս Ա[մանունը] չի

գրուած, Ա.Ա.] վարդապետն, զորս եւ լուեալ՝ գոհացաք զնոցանէ մի-
աբանութեամբ եւ օրհնեցաք զնոսա: Իսկ այսք շնորհք եւ բարերա-
րութիւնք որո՞ց տալի է, եթէ ոչ բազմասէր Տեառնդ, որով սիրես
զսուրբ Աթոռս եւ զպատահեալ միաբանսն սորին, զորմէ եւս, այսին-
քն՝ զանխարդախ սիրոյ քոյ [էջ 22բ] ճառեաց մեզ աստ Ա.[անունը չի
գրուած, Ա.Ա.] վարդապետ եղբայրն մեր: Սակս որոյ եւ զվերապա-
տուելի չօրէդ առաւել եւս եմք շնորհակալ եւ գոհ. Տէր Աստուած
զՀաււդ մեր հոգեւոր ըստ իւրոցն հաճոյից պահեսցէ եւ ի վերայ Գրի-
գորիսանիստ Աթոռոյդ անշարժ արասցէ, եւ ամենայն ժողովուրդօքն
քոյ՝ ընդ քեզ չէն եւ ապատ եղիջիք: Ամէն:

Հայցեմ եւս ի վեհանձնութենէդ, զի զնոյն սէր, զոր ունիս առ
սուրբ Գահս եւ ունէիր առ Քրիստոս հանգուցեալ Հայրն մեր (իմա՝
Աբրահամ Կրետացի կաթողիկոսը, Ա.Ա.) եւ Քահանայապետակից
եղբայրն քոյ՝ անխզելի պահեսցես եւ այժմ առ փեսայամեռ հարսնս
պանծալի եւ առ հայրամեռ եւ որբացեալ որդեակսս, որք ահա տրտ-
մազգեաց սպասեալ մնամք, զի տայցէ մեզ Տէր զՀովիւ բարի, ըստ
բարեխնամ կամաց իւրոց:

Ողջ լեր ի Քրիստոս ի փառս նորին եւ ի պարծանս եւ ի
զուարճութիւն ծառայի Տեառնդ՝ Ֆիլան աբեղայի, մեղկ պաշտօնէի
Սրբոյ էջմիածնի, յորում գրեցի զայս թուղթ առ քեզ ի ՌձՁ եւ Ձ
(1737) թուոջս եւ ի Ի եւ Գ (23) աւուրն մայիս ամսոյ:

ԾԱՆՈԹԱԳՐՈՒԹՅՈՒՆՆԵՐ

¹ Մաշտոցի անվ. Մատենադարան, Կաթողիկոսական դիվան, թղթապանակ 1, վավերագիր 14:

² Տե՛ս Հայ գիրքը 1512-1800 թթ., էջ 374բ:

³ Տե՛ս Ս. Զեմճեմեան, Մխիթար Աբբահօր հրատարակչական առաքելութիւ-
նը, էջ 190-192:

⁴ Տե՛ս Պատմա-բանասիրական հանդես, 1964, No. 2, էջ 70, ծնթ. 16:

⁵ Տե՛ս Ս. Զեմճեմեան, Մայր ցուակ հայերէն ձեռագրաց Մատենադարանին
Մխիթարեանց ի Վենետիկ: Հ. Զ (Վենետիկ-Ս. Ղազար, 1996), էջ 1010:

⁶ Մաշտոցի անվ. Մատենադարան, Կաթողիկոսական դիվան, թղթապանակ
1, վավերագիր 43:

⁷ Նույն տեղում, թղթապանակ 5, վավերագիր 12:

⁸ Դիւան Հայոց պատմութեան, Գիրք Դ, էջ 45, 52, 67:

⁹ Տե՛ս *Հայ գիրքը 1512-1800 թթ.*, էջ 617բ, 621բ, 644ա, 647ա, 654ա, 655ա, 665ա, 666ա, 667բ, 682բ, 683բ, 686բ, 703ա, 704ա, 705ա, 706ա, 714ա, 726բ, 728ա, 733բ, 735ա. Հմմտ. Վ. Գրիգորյան, «Հովսեփի էմինի և Հովսեփ Արղունի լեռնաբանական ճամբարի (1791-1792 թթ.)».- *Պատմա-բանասիրական հանդես*, 1990, No. 4, էջ 187, 190:

¹⁰ Տե՛ս **Գառնիկ Գեորգեան**, «Ճշտումներ Մինաս Ամթեցիի մասին».- *Բազմավէպ*, 1966, թիւ 7-8, էջ 193, 196:

¹¹ *Մաշտոցի անվ. Մատենադարան*, Կաթողիկոսական դիվան, թղթապանակ 1, վավերագիր 43:

¹² *Մաշտոցի անվ. Մատենադարան*, ձեռ. 9120. Թերթ՝ 56. Թուղթ. 33,5-22,5, նոտրգիր:

¹³ Եվրոպական վավերագրագրությունը, սկիզբ առնելով XVII-րդ դարի երկրորդ կեսին, կատարել է վիթխարի ծավալի ուսումնաբերություններ՝ հայտնաբերելով և հրատարակելով տակավին VIII-IX դարերում կազմված ժողովածուներ, ինչպես, օրինակ, Ֆուանկ թագավորների՝ Formula Marculfi-ն և Formula Imperiales-ը:

¹⁴ Այս ուշագրավ՝ ամբողջությունը հրատարակվելու սպասող մատյանի մեջ կաթողիկոսական ընտրությունների կազմակերպման խնդիրներին նվիրված է 10 կաղապարային նմուշ-փաստաթուղթ, ահավասիկ.

1. «Թուղթ վասն զորս կամին նոր ընտրել ի կաթողիկոսութեան» (էջ 10բ):

2. «Վասն վախճանման Հայրապետի՝ Թուղթ մխիթարական եւ յորդորական առ ամենայն ազգս Հայոց» (էջ 11ա-բ. նմանատիպ բովանդակությունը մեկ այլ փաստաթուղթ տես անդ, էջ 53բ):

3. «Թուղթ մասնաբանական եւ խնդրանաց վասն նոր կաթողիկոսից՝ ի Կոստանդինուպոլիս եւ առ ամենայն ազգս մեր» (էջ 11բ):

4. «Թուղթ առ նոր ընտրեցեալ կաթողիկոսն զկնի յանձն առնլոյն զկաթողիկոսութիւն, եւ տակաւին ի վիճակս եւ ի տեղիս իւր իցէ» (էջ 12ա):

5. «Թուղթ ընդհանրական ի վերայ Ըստամպոլոյ եւ այլոց քաղաքաց» (էջ 12բ-13ա):

6. «Վասն կաթողիկոսացոս ընտրելոյ. Թուղթ առ ամենայն ազգն մեր» (էջ 39ա-բ):

7. «Թուղթ առ Արքեպիսկոպոս ոմն, զոր ընտրեն ի կաթողիկոս» (էջ 39բ-40ա. Հմմտ. անդ, էջ 56բ):

8. «Թուղթ խրատական, զոր պարտի գրել Հայրապետն՝ յետ օծանելոյն իւրոյ՝ առ ամենայն քաղաքս յազգս մեր, որք կամեցեալք ընտրեցին զնա գոլ կաթողիկոս իւրեանց» (էջ 40ա-41բ):

9. «Թուղթ մասնաբանական վասն նոր կաթողիկոս ընտրելոյ» (էջ 53ա):

10. «Թուղթ հրաւիրական առ նոր ընտրեցեալ կաթողիկոսացւոյ գրե-

լի» (էջ 54ա). - Հմմտ. *Ջամբռ*, էջ 59:

¹⁵ «Նվիրակութեան վիճակներ» անունը փոխ ենք առել Սիմեոն Երևանցուց, տե՛ս *Ջամբռ*, էջ 44-45:

¹⁶ *Դիւան Հայոց պատմութեան*, Գիրք Գ (Թիֆլիս, 1894), էջ 797-806: Շնորհակալութիւն ենք հայտնում պատմաբան Գեղամ Բաղալյանին՝ մատնացույց անելու համար ձեռագրից մեր քաղած այս փաստաթղթի և Գ. Աղանյանցի հրատարակածի նույնութիւնը, ինչպէս նաև տեղանունների ցանկում բազմաթիւ ճշտումներ կատարելու համար:

¹⁷ Մատյանում այդպէս է:

¹⁸ «Ղօնիայու» բառը վերցված է շրջանակի մեջ. գուցէ սա ջնջելու նշան է:

¹⁹ «Խօտեջուր հերձուած» բառերը ավելացված են տողի վերևում:

²⁰ 1718 թ. Անկյուրիայի Կարմիր վանքի միաբան Սահակ գրիչն իր հիշատակարանում այսպէս է գրանցել Գաղատիայի եպիսկոպոսական վիճակի սահմանները. «Ի յիկոնիսն եւ որք ի Լիւստրայ, որ է Ախշէհիր, ի Ղարահիսար եւ Ուշաղ, եւ անտի մինչ ի Ղարաման, եւ յարեւելս կոյս քաղաքիս Գաղատիոյ՝ Ղալաճուլս եւ Քիւնդրի եւ Չէրքէշ, եւ ի հիւսիս[ա]լիոզմն Պօլի եւ Ղաստամոնի ծովեզերօքն հանդերձ, յորս յարեւելեան վաճառականքն հովուին, եւ յարեւմուտս մեր քաղաքագեօղ Հայոց Ստանօղ, եւ յառաջ անտի Պեկնագար եւ Նալլուխան» (տե՛ս **Բ. Կիւլէսէրեան**, *Ցուցակ ձեռագրաց Անկիւրիոյ Կարմիր վանուց եւ շրջակայից*, էջ 911): Ավելի վաղ՝ 1663 թ. գրառված մի հիշատակարանում Գաղատիոյ վիճակի մեջ հատուկ նշվում է. «Ղօնիա՛ քաղաքն... է թէ՛մ էնկուրո՛ Սուրբ Աստուածածնի վանիցն» (տե՛ս նույն տեղում, էջ 221):

²¹ Մատյանում այդպէս է:

²² Մատյանում այդպէս է:

²³ Այս չորս բնակավայրերն ավելացված են վերջում՝ մի առանձին նշանի տակ, որը դրված է նաև Բերթակի, Հրզուի և Փերիսի մոտ:

²⁴ Մատյանում այդպէս է:

²⁵ Մատյանում այդպէս է:

²⁶ Մատյանում այդպէս է:

²⁷ Մատյանում այդպէս է:

²⁸ «Լաքեարանու»-ն ավելացված է աջ լուսանցքում մեկ ուրիշ գրիչի ձեռքով:

²⁹ Մատյանում այդպէս է:

³⁰ Փակագծերում գրվածն ավելացված է աջ լուսանցքում ուրիշ գրիչի ձեռքով:

³¹ Ինչ-ինչ պատճառներով Բջնիի նվիրակական վիճակի ամբողջ բովանդակութիւնը գրվել է նոր թղթի վրա և ապա փակցվել հին բովանդակութեան վրա:

³² Սրանից հետո մատյանում դատարկ տեղ է թողնված, որն սակայն հետագայում այդպես էլ չի լցվել:

³³ «Լազըրվան»-ի «ը» տառի վերևում ավելացված է «օ» տառը:

³⁴ Սրանից հետո մատյանում դատարկ տեղ է թողնված, որն սակայն հետագայում այդպես էլ չի լցվել:

³⁵ Մատյանում այդպես է:

³⁶ «Սէրքեվիլն» ավելացված է հետագայում՝ այլ գրիչի ձեռքով:

³⁷ Նամակը գրվել է Ս. Էջմիածնում կաթողիկոս չլինելու պահին. Աբրահամ Կրետացի կաթողիկոսը վախճանվել էր 1737 թ. ապրիլի 18-ին, իսկ Ղազար Զահկեցու ընտրությունն ու ժամանումը Ս. Էջմիածին մոտ մեկ տարի ժամանակ խլեց (տե՛ս Ա.ԶԳ, սյուն. 1990, 1993):

ՀԱՎԵԼՎԱԾ Գ

ՂԱԶԱՐ ԶԱՀԿԵՑՈՒ ՀԻՇԱՏԱԿԱՐԱՆԸ

(Կեսարիա, 1726 թ.)

Մաշտոցի անվ. Մատենադարան,
ձեռ. 2121, էջ 366բ-370ա:

[էջ 366բ] Արդ՝ գրեցաւ սա ի թուաբերութեանս արեթական տօմարիս ՌՃՀԵ (1726)-երորդումն: Եւ ի հայրապետութեան Տեառն Կարապետի երիցս երանեալ ծայրագոյն քահանայապետին Աստուծոյ, որ ի գահն տիեզերական Աստուածաէջ եւ Քրիստոսահիմն սրօքէաճեմ եւ Ադինասարաս մեծի յԱթոռոյն էջմիածնի ի սոյն ցաւալից եւ ի վշտաշատ, ի մառախլապատ եւ ի կարկտաբեր յերեկոյացեալ ամի:

Որ ընդ ամաւ յառաջ ել ազգն այլատարագ՝ լէկզի համբաւելն, էառ գերկիրն Աղուանից մինչեւ ի գաւառն Գեղեմայ, աւարմամբ եւ գերութեամբ անմարդաբնակս եւ անապատս արարին: Զքահանայս կտտամահ եւ չարաչար տանջանօք սպանանէին եւ կամ զոմանս ի կարգաւորաց ի շիշ քարշելով ընդ կենդանոյն ի հուրս խորովէին: Զծերս եւ զպառաւունս անողորմաբար կոտորէին, իսկ զտղայս եւ զաղջկունս հանդերձ զընչիւք եւ կարասիւք աւար առնէին: Ո՛հ եւ եղուկ թշուառացեալ անձանց տեսողացս. ա՛խ եւ վա՛յ ներամանուկիս եղելոցս:

Իսկ յետ յերից ամաց՝ սաստկացաւ ցաւն եւ դիզացեալ կուտակմամբ շտեմարանեաց ի վերայ գլխոց մերոց. զսուգ անմխիթար եւ զմէգ անփարատելի, քանզի ոմն զօրագլուխ ժանդատեսիլ եւ գա-

զանաբարոյ, առիթ չարեաց եւ պատճառ կորստեան, յապստամբեալն յարքայէն Պարսից՝ Մեմբրէիզ ողլի Մահմուտ կոչեցեալն, յանկարծորէն եւ թարց գիտութեան ումեք ուժգնակի արշաւամբ սրընթաց երիվարօք եւ յօգնախումբ հեծելագօրօք ել ի Ղանդահարա եւ եկն պաշարեաց գարբայանխոտ մայրաքաղաքն Շօշ (իմա՝ Սպահան, Ա.Ա.): Վշտիւ եւ նեղութեամբ եւ սովով եւ ծարաւով նուաճեցուցաներ զբազմակուտակ եւ գյոգնաժողով բնակիչս մեծի քաղաքին: Քանզի հասեալ էր բարկութիւն Աստուծոյ ի վերայ արեան արբոյ եւ յափշտակող երկդիմի գազանացն պարսից վասն չար եւ անօրէն գործոց իւրեանց, [էջ 367ա] որ, թողեալ գերկիւղն Աստուծոյ, չարաչար եւ պէս պէս գանիւ, կեղեքմամբ եւ զանազան տառապանօք՝ ամբարշտեցաւ ընդ ազգս Հայոց: Թարց ամբաստանութեան եւ վկայի ըմբռնէր զանմեղս եւ կապէր զարդարս, պրկեցուցանելով ի վերայ յերկրի ակցի եւ բռնցի: Խոշոր եւ ստուար փայտօք կռքէին եւ հարկանէին: Զոմանց զըղընկունս ոտիցն հանէին եւ զոմանց զմատունս եւ զթաթս ի գարշապարացն թափէին, զոմանց գարունքս եւ զբարձս խորտակէին եւ զայսպիսի անողորմ եւ դառն գանիւ տանջանօք կիսամահ արարեալ եղեալ ի բանտի՝ առնէին զինչս եւ վաճառէին զտունս եւ զամենայն կարասիս տանն ի վաճառանոցս յղեցուցանէին: Ի խանութս եւ ի շուկայս՝ կիսագին ծախմամբ զգինս վաճառելոցն առնէին եւ ապա արձակէին զբանտարկեալսն, քանզի զարդարն ընդ ամբարշտտին կորուսանէին եւ զանմեղսն ընդ մեղանչականին պատժէին, զի ոչ գոյր քննութիւն ի մէջ նոցին: Եւ զայսպիսի գործս անօրենութեան, որով գործեցին ի յորբս եւ ի յայրիս, ի վանս եւ ի յանապատս, ի կարգաւորս եւ ի ճգնակիր կրօնաւորսն Աստուծոյ: Եւ ո՞ կարողասցի բաւել զանչափութիւն չարեաց շանցն կատաղելոց:

Ուստի եհաս յականջս Տեառն զօրութեան զաղիողորմ հառաչումն եւ զդառնակսկիծ արտասուախառն ողբումն գանելոցն եւ զրկելոցն. ըստ առաքելոյ բանին, որ ի գիրս կաթողիկոսաց: Որով առեալ զվրէժն Աստուած եւ հասոյց ի վերայ նոցայ զգաւազան բարկութեան իւրոյ: Եւ առաքեաց զթշնամիս իւրեանց ի վերայ նոցայ՝ առ ի կսկծեցուցանելով յափշտակել զթագաւորութիւն նոցին:

Ուստի եկեալ վերոյ ասացեալ անօրէն բռնակալին, նստելով ընդդէմ քաղաքին Շօշայ: Յայնժամ արքայն Պարսից, հանդերձ արքայականօք, եւ իշխանքն ընդ իշխեցելովք, եւ զօրագլուխքն ընդ գօ-

րականօք ի պարտութիւն մատնեցան, սովով եւ ծարաւով հաշեալ մաշեցան: Եւ այլ զանազան եւ պէս պէս տառապանօք, ահիւ եւ դոդութեամբ նքտեալ տանջեցան: Անկան ի բարձրութեանց, մերկացան յիշխանութեանց, տկարացան ի զօրութեանց, ցնորեցան ի խելաց, եւ լքեալ ի յուսոյ, աղիողորմ ողբով եւ ակամա կամօք, էլեալ [էջ 367բ] մեծամեծօք եւ փոքումբք ընդ առաջ բռնակալին Մահմուտայ, սիրով եւ մեծարանօք մոլծին ի քաղաքն: Տարեալ ի պալատն արքունի եւ նստուցին զնա ի յաթոռն արքայական, որով թագաւորեց ի վերայ ազգին Պարսից եւ քաղաքին այնմիկ: Գործեցաւ զայս սասանական եւ թագաւորաբարձ գործս տառապանաց ի Ռձձ[Ա] (1722) թուաբերութեան մերում, ներստորասուզեալ եւ խաւարամած բօթածալ ամանակիս:

Իսկ որդիքն իսմայէլեան եւ ցեղքն օմարեան, տիրօղքն Բիւզանդիոյ եւ յամենայն տանն Յունաց, յորժամ լուան զիրս եղելոցն, որ գործեցաւ ի պարսիկս եւ ի հայս, եւ որոնեալ իմացաւ զամայութիւն եւ զանիշխանութիւն տանն Հայոց՝ յայնժամ ձայն տուեալ միմեանց ի սաղրելոյ արքային իւրեանց, որ ի Կոստանդինուպօլիս, զօրս կուտակեցան եւ յօգնահանդէս խումբս կառուցան զինուք եւ սուսերօք, արեան արբոյ եւ խստասրտիւք արամբք երկդիմի գազանօք, անթիւ եւ անքանակ հեծելազօրօք, բարկութեամբ եւ դառնութեամբ, սաստկութեամբ եւ զայրացմամբ հասին ի վերայ բազմավէր եւ ցաւալից տանցն Հայոց, Վրաց եւ Պարսից: Առին զՏփլիս քաղաքն Վրաց աւարաւ եւ գերութեամբ: Եկ ինքնագլուխ իշխանն Վրաց, թողեալ զքաղաքն, փախստական լեալ զօրօքն հանդերձ: Եւ յետ առնելոյ զՎիրս՝ յարեան զայրացմամբ ի վերայ Տանն Արարատու՝ ճակատ առ ճակատ պատերազմունս մղելով ընդդէմ հողաշէն եւ բարձրաբերձ ամրոցին եւ դղեկին Երևանայ: Իսկ ազգն Պարսից յօժարութեամբն իւրեանց ոչ ետուն զբերթն, այլ ընդդիմութեամբ մաքառեալ ամրացեալք ի դղեկի ընդդէմ կացեալ ազգին հզօրաց եւ արանցն քաջասրտաց, պատերազմս տալով ամիսս երիս աւելի եւ կամ պակաս: Բայց յետոյ, նքտեալ ի սովու, ետուն զամրոցն իւրեանց ազգին իսմայէլեան եւ հնազանդեցան նոցա, քանզի անտիրացեալք էին եւ ո՛չ ոք էր, որ հասանէր ի թիկունս կոյս առ ի օգնել եւ կամ ազատել զնոսս ի ձեռաց օտար թշնամեաց: Եւ ի մրրկամայ մառախլապատ ժամանակին, յորում ոչ էին առեալ զբերթն, զայրացմամբ եւ բարկու-

Թեամբ զինուք եւ սուսերօք [էջ 368ա] յարեան ի վերայ քաղաքին եւ ամենայն Տանն Արարատու: Եւ ո՞ կարողասցի բաւել զանչափութիւն աղետիցն, ողբոց եւ աղաղակացն: Քանզի Հասեալ էր ի վերայ նոցա ամպն կարկտաբեր, որով տեղեաց ի ծաղկափայլ եւ ի նորաբողբոջ բուրաստանս սրբոյ Լուսաւորչին: Ուստի սուր ի վերայ եղեալ անողորմաբար առհասարակ կոտորեցին զբնակիչս երկրին այնմիկ. վարդապետք եւ քահանայք, սարկաւազունք եւ եկեղեցականք, իշխանք եւ իշխեցեալք, մեծամեծք եւ փոքունք, անմեղք եւ մեղանշականք, Հայք եւ պարսիկք, վասն զի Հասեալ էր արդարավճիռ բարկութիւն Աստուծոյ ի վերայ մեր: Եւ մատնեաց զմեզ ի ձեռս արեանարբոյ եւ զազանադիմի արանցն խստասրտաց, որով Թափեցին ի մեզ զթոյնս դառնութեան եւ բարկութեան իւրեանց եւ այլ ազգի ազգի զիրս ողբոցն եւ աղաղակացն թողցուք եւ յետոյ ճառեսցուք, զի մի խառնափնտրեալ երեւեսցի զիմացումն Համառօտաճառ բանիս: Բայց եւ յերկրին Նախշուանայ եղեալ գաւառք եւ զիւղաքաղաքք, այսինքն է՝ Աստապատ, Ջահուկ եւ ամենայն տունն Երնջակայ եւ Գողգնեաց՝ Խաս անուամբ կոչեցեալ գեղօրայքն, ամենայն նախկնագոյն պատրաստելով զանճինս իւրեանց, գնացեալ առ զօրապետն Օսմանցոց՝ Հնազանդեցան նմա: Եւ բերեալ զդրօշակս, նստուցին ի յերկիրն իւրեանց, որով եղեւ սուղ ինչ խաղաղութիւն ի մէջ նոցա եւ նախախնամութեամբն Աստուծոյ ո՛չ անկան ի գերութիւն: Այլ անփորձ պահեաց զնոսա Աստուած ի պատուհասակոծ գրաւմանէ եւ ի դառնավիշտ գերութենէ: Եւ թէպէտ յօգնադիմի եղեւ վիշտ նոցին ի ձեռաց այլասեռից արանցն խստասրտաց, սակայն ոչ եղեն այնպէս, որպէս եղեն այլ միւս քաղաքքն եւ գաւառք ամենայն:

Արդ՝ ազգն Օսմանցոց կարի եւ յոյժ ճակատամարտութեամբ Հզօրացեալ յարեան ի վերայ քաղաքաց եւ գաւառաց աւարմամբ եւ գերութեամբ: Առին զքաղաքս բազումս, այսինքն է՝ զՆախշուան մայրն տիեզերաց, զՈւրդուար, զԽոյ, զՇահաստան, զՀամատան, զԳանճայ եւ զայլ ամենայն զգաւառս եւ [էջ 368բ] զգեօղս նոցին:

Սակայն եւ մեր իսկ տեսեալ աչօք զյոյլովութիւն չարեացն, որ գործեցաւ ի նախաձայնեալ աղէտից սուրբ նահատակին Ներսիսի: Զարթի՛ր Երեմիայ, զարթի՛ր եւ ասա. Ո՞ տայր զգլուխ իմ շտեմարանս Ղուրց եւ զաչս իմ յաղբիւրս արտասուաց, զի նստեալ ողբայի բարձրագոչ ձայնիւ զխաւարումն եկեղեցեաց եւ զամայութիւն տանն

Հայաստանեայց: Ուստի զեկեղեցիսն նսեմացեալ եւ զսեղանն սուրբ կործանեալ, զմատեանս Աստուծոյ ինս այրեցեալ եւ առ ոտն կոխեալ: Զսպասն սրբութեան եւ գրքիստոսական նշանս անարժանից ձեռօք շօշափեալ եւ նախատեալ: Զաշխարհս մեր եւ գքաղաքս անպատացեալ եւ բնակութիւն գազանաց եղեալ, քանզի լցան լերինք եւ անապատք մեր անզերձ փախստեամբք եւ դաշտք՝ դիակոյտ ոսկերօք կոտորելոցն: Անդաստանք մեր եւ հովիտք առոգեցան արեամբք եւ կերաք մնացորդքս գհասկ սննդեան այնպիսի արտորէից: Ազատքն մեր ի ծառայութիւն իջին եւ փափուկքն մեր յանըմբերելի չարչարանս: Բարձունքն մեր խոնարհեցան եւ փառաւորք մեր յանարգութիւնս ընկճեցան: Կուսանքն մեր օտարաց եղեն, եւ երիտասարդքն մեր՝ ծառայք այլասեռից: Կարոտացաք ողբոցն Երեմիայի եւ կրեցաք զպատուհաս հնոյն Իսրայէլի: Տղայք մեր որբք եղեն եւ մարք նոցին՝ այրիք: Որդիքն վերնոյն Սիօնի զուգակշիռք ոսկւոյ գքարի հարան իբրեւ անօթ զանպիտան: Յրուեցաւ հօտն Տեառն, ճապաղեցան խաչինք արօտի նորա: Վաճառակուր եղեն գնեցեալքն արեամբն Քրիստոսի եւ անմեղ գառինքն Լուսաւորչեան: Բաժանեցան ծնունդք ի ծնողաց: Որոշեցան քորքն ի սիրասնունդք եղբարց: Մեկնեցան հարազատքն ի միմեանց: Հեռացան բարեկամքն ի սիրելեաց ազիոզորմ հառաչմամբ եւ արիւննախառն արտասուօք: Գարձաւ տօնն մեր ի սուգ եւ ուրախութիւն յարտասուս եւ ոչ գոյ թիւ աղաղակի մերում, զի չիք համար չարեաց մերոց:

Այլ ալն ունիմք ի գթութիւն Աստուծոյ եւ յողորմութիւն [էջ 369ա] նորին՝ յաղագս միջնորդութեան մօրն իւրոյ եւ ծնողի եւ վասն աղօթից ճգնակիր Հօրն մերոյ Լուսաւորչին սրբոյ: Այն, որ բնաբարէ փրկելն եւ կեցուցանելն: Թէպէտ եւ ի մէնջ բռնադատեալ, յարկանէ յուսով խրատու գաւազանաւ բարկութեան եւ չարչարէ զանդամս իւր: Նա՛ բժշկեսցէ զվիրաւորեալ մարմին իւր. զսուրբ եկեղեցի եւ զցրուեալ հօտս իւր հաւաքեսցէ առ ինքն յարօտս խաղաղութեան բարերար կամօք իւրովք՝ ի փառս անուան իւրոյ: Եւ զսաղարթախիտ կանաչացեալ զԱթոռս Հայրապետական, զտեառնախոխ եւ գրքիստոսահիմն զաստուածաչէն Գահն զսուրբ Էջմիածին՝ տեղիքն ամենայն պարծանաց եւ ըղձալին յամենայն ազանց, զոր եթող մեզ զաւակ յուսոյ Տէր զօրութեանց, յորս գոյ աւրհնութիւն Տիրոջն ամենակալի ի վերայ սորա, առ ի հաստատուն եւ անսասան պահել զօրութեամբ

ամենակիր եւ ամենաստեղծ Աջովն իւրով, հանդերձ արժանաւոր կոչմամբ զՏեառն Կարապետիւ Հայոց Մեծաց եւ հանուրց վերադիտողիւ գայժմուս նստեցելոյ: Նաեւ զարժանաժառանգ աթոռակառօք մինչեւ ցյաւիտեան: Ամեն:

Իսկ ի նսեմացեալ եւ ի ծերացեալ աւուրս, ի չարացեալ եւ ի դառնացեալ ժամանակիս մերում էր կաթողիկոս տէր Աստուածատուր բազմաչարչար եւ սրբազան Հայրապետն ամենայն Հայոց, որ ի Գահն Սրբոյն էջմիածնի: Որ բազմադիմի եւ յոգնատանջ տառապանօք վարեաց զիշխանութիւն Հայրապետական պէս պէս վշտիւ եւ նեղութեամբ եւ այլ ազգի ազգի ցաւօք եւ փորձութեամբ. հալածանօք հանդերձ վտարանդի շրջելով ողբօք եւ արտասուօք, միջաբեկիւ եւ անմխիթարաւ սգով՝ երբեմն ի տունն Վրաց, եւ երբեմն ի տունն Նախչուանայ: Եւ անտի դարձեալ գա ի սեպհական յԱթոռն իւր ի Սուրբ էջմիածին, սուգ առնելով ի վերայ տանն Հայոց եւ ի վերայ գիշատեալ եւ ճապաղեալ, խոցեալ եւ վիրաւորեալ գառանցն իւրոց անմեղաց, որպէս Երեմիաս՝ ի վերայ հնոյն Իսրայէլի: Քանզի հովիւս քաջ արիական յոժարութեամբ գանձն իւր եգ ի վերայ բանաւոր ոչխարացն Քրիստոսի, կամէր մատնիլ գանձն իւր ի գանս եւ ի բանտս, ի թուքս եւ ի յապտակս, ի վիշտս եւ ի նեղութիւնս, ի չարչարանս եւ ի մահս՝ վասն փրկութեան եւ ազատութեան ազգին իւրոյ եւ Աթոռոյն:

Իսկ երանելի Հայրս մեր եւ երկրորդն Զօրաբաբէլ պայծառագարդութեան նորոգիչն մերոյս Սիօնի յաւուրս յաւուրս խաղաղութեան իւրոյ եւ ի հանդարտութեան ժամանակին սպիտակացուցեալ զմէջ սրբոյ տաճարին մեծի պէս պէս գեղանկար զարդիւք եւ զանագան ոսկիափայլ ծաղկօք եւ երփն երփն որակօք, հիահրաշիւք զարմացմամբ շքեղացուցեալ պայծառացոյց, ի յերկրէ հեռաստանէ բերելով զպատուական քարինս մարմարիոնեայս. գեղեցկայարմարիւք յօրինուածովք կառուցմամբ կազմեալ կանգնեցոյց զտեղի իջման միածնի բանին Աստուծոյ: Նաեւ զմին խախտեալ սիւնն մեծի տաճարին վերստին ի հիմանէ նորոգմամբ հաստատեաց, որպէս եւ էրն յառաջագոյն: Այլ եւ յետ անբաւելի աշխատանաց եւ քրտնաջան վաստակոց իւրոց եկն էհաս զնախագրեալ պատուհաս բարկութեան Աստուծոյ ի վերայ մեր, որով եւ երանելի Հայրս մեր անկաւ ի հոգս տարակուսանաց: Ուստի ներվարանեցմանն, վճարեաց զկեանս իւր եւ գո-

գովք արեամբք լցելովք զնացեալ եկաց առաջի Աստուցոյ: Որով ընկալաւ զվարձս բարիս եւ դասեցաւ ի կարգս Հայրապետաց: Որ եւ յիշատակ նորին ակրհնութեամբ եղիցի: Աղոթիւք եւ բարեխօսութեամբ Հարցն սրբոց, Տէր ընդ մեզ եւ ընդ ամենայն հաւատացեալս իւր հատեացի: Ամէն:

Եւ յետ ակուրց ինչ անցելոյ յոգնահանդէս ժողով մեծ արարեալ ի Բիւզանդիա քաղաքն արքայանիստ, կամօք եւ հաւանութեամբ ամենեքումբք ընտրեցին զառաջնորդ Գաղատիոյ զՏէր Կարապետ հեզահոգի եւ աստուածաբան սրբազնագոյն եւ արժանաւոր քահանայապետն Աստուծոյ: Ուստի բերեալ ի Կոստանդինուպօլիս եւ անդ երեւելի եպիսկոպոսօք եւ բազմաժողով վարդապետօք արժանաւոր կոչմամբ ձեռնադրեալ զնա օծմամբ Սուրբ Հոգւոյն եւ արարին կաթողիկոս ի վերայ ընդհանուր լուսաւորչադաւան ազգիս հայազունեաց, որ կայ այժմ եւ վարէ գիշխանութիւն Հայրապետական: Եւ Տէր տացէ նմա ընդ երկայն ակուրս: Ամէն:

[Էջ 370ա] Եւ ես ունայնախոհ եւ խակամիտ Ղազար պիտակ եւեթ վարդապետս, գորով յերկրէն Նախչուանայ՝ ի գիւղաքաղաքէն Ճահկայ, որդի ումեմն բարեպաշտի եւ երկիւղածի, իմաստախոհ եւ արժանաւոր քահանայի տէր Մկրտիչ վերակոչեցելոյ: Որ եւ իմ եկեալ ի յերկիրն յունաց եւ ի մայրաքաղաքն Կեսարիոյ Կապադովկացւոց յաղագս նուիրակութեան սրբոյ եւ մեծի Աթոռոյն Էջմիածնի, եւ ետու գրել ջերմաջերմ սիրով եւ կաթողին ըղձիւ զծաղկափայլ բուրաստանս Հոգւոյն սրբոյ՝ հանդերձ համառօտաճառիւք յիշատակօք: Յաղագս առապա [=առապագայ, ապագայ] եկելոց աշակերտացդ ճմարտութեան: Ի վայելումն անձին իմոյ առ ի ուրախութիւն Հոգւոյս եւ ի մխիթարութիւն խօթացեալ եւ բազմավիշտ մարմնոյս: Յիշատակ ինձ եւ ծնողացն իմոց եւ յամենայն համայնից եղբարց եւ ընտանեաց եւ հարազատագոյն աշակերտելոցն իմոց հնազանդեցելոց: Արդ յերեսս անկեալ աղաչեմ հանդիպողացդ այսմ ծաղկափայլ բուրաստանին՝ յիշել զիս եւ զծնօղս իմ ի Տէր: Եւ դուք յիշեալ լիջիք առաջի յահեղատենին Քրիստոսի ի միւս անգամ զալստեանն իւրոյ, այլեւ գովեալ եւ փառաւորեալ՝ ընդ հօր իւրում եւ յամենասուրբ Հոգւոյն յաւիտեանս յաւիտենից:

Ամէն²:

ԾԱՆՈԹԱԳՐՈՒԹՅՈՒՆՆԵՐ

¹1746 թ. մարտի 14-ին գրած մի գրուածյան մեջ, Ղազարն օգտագործել է այս և սրան նախորդող մի քանի նախադասությունները (*Մաշտոցի անվ. Մատենադարան*, ձեռ. 9120, էջ 14բ):

²Այս մատյանն ունի ևս մի քանի հիշատակարան ահա այսպիսի կարճ բովանդակութեամբ՝ «Զստացող այսմ հոգեկեցոյց սրբոյ մատենիս գտէր Ղազար պիտակ եւեթ անուն վարդապետս յիշել աղաչեմ», էջ 39բ. հմմտ. էջ 286ա, 341ա, 370ա:

ՀԱՎԵԼՎԱԾ Դ

«ՅՈՎՀԱՆՆԷՍ ԱՄԱՍԻԱՑԻՈՅ ՎԱՐՔ ԵՒ ԳՈՐԾՔ ՂԱԶԱՐ ԶԱՀԿԵՑԿԻՈՅ»

Մաշտոցի անվ. Մատենադարան,
ձեռագիր 9245, էջ 54ա-77ա

[էջ 54ա]

Ի Յովհաննիսէ վարդապետէ Ամասիացւոյ՝
ի բուն աշակերտէ Ղազարու սրբազան կաթողիկոսին Զահկեցւոյ
ասացեալ է այս բան վասն բազմակի սիրոյ Տեառն իւրոյ.
Նաեւ արժանապատուութիւն նորին հանդերձ որպիսութեամբն
ոտանաւորօք վիպասանեալ բացայայտէ, ըստ կարի իւրում՝ փոքր ի
շատէ:

Ինձ պարտ է՝ զայս գիր պատմութեանս առնելի,
զգործ Ղազարու Հայրապետիս վիպելի.
Լինի ծնեալ ի Նախջուան գաւառի,
գեղեցկանիստ Զահուկ անուն խաս գեղջի:
Իյետ վեշտասան տիոյ նորին ծաղկալի
թողու գաշխարհս նաեւ՝ ծնօղս ըզկնի
եւ մտանէ յԱնապատն հրաշալի՝
ի սուրբ Սիօն Շատիկ կոչեալ ճահ տեղի:

[էջ 54բ]

Ունականայ անդէն գիմաստս բուն բանի
պէս պէս գշնորհս գգիտութիւնս լիալի,

յանտուստ ծագէ իբր զարուսեակ աշխարհի¹,
համանման Յօհաննիսին Մկրտչի:
Վերին օծմամբ ելեալ լինի նա անտի
եւ հրամանաւ սրբոյ վանահօր մեծի.
լինի յայնժամ անուն Աբբահօր տեղի
Ստեփաննոս Կաֆայեցի այր բարի:
Հանգոյն սրբոյ Տարսոնացւոյն Պօղոսի,
քարոզութեամբ ընու ի մեր հայ երկրի,
յետոյ դիմէ յԱմասիայ քաղաքի,
եւ անդ մնայ քարոզելով առ ա՛մ մի:
Անդէն քայլէ զհամբաւ նորին ցանկալի
մինչ հասանէ յԱթոռ Սրբոյն Գրիգորի՝
յականջ վեհին Աստուածատրոյ մեր ազնի,
որ էր տեղեալ Համատանու քաղաքի:
Նա հրաւիրեալ կոչէ առ ինքն շեշտակի՝
յԱթոռ իւր Սուրբ իջման բանին Միածնի,
ի փորձ առնէ զհամբաւոյն զոր լըսի,
եւ հրամայէ քարոզ ասել ի դասի:

[էջ 55ա]

Նոյն ժամայն անդ՝ բանայ զբերանն շնորհալի,
ի մէջ բազմաց հրահանգելոց գումարի,
աղբերաբար անդ քարոզէ ատենի.
մնան լսողք քարոզութեան ապշելի:
Ի վաղճանի հռետորական քարոզի
խոնարհի անդ ի համբուրել զԱջ վեհի.
վեհն համբուրէ զգագաթ նորին նագելի,
այլեւ գովէ՛ զիմաստ մտացն պանծալի:
Սիրով ասէ զվեհ իւր զայս բանս առաջի
համագումար անդ եղելոց ատենի,
թէ՛ «ոչ թողցեր Տէր մեզ գաւակ այսպիսի»².
նմանէաք իբր Սօղոմայ Գօմորի»:
էականի բարւոյն դիտմամբ զվեհն հաճի.
իսկոյն կոչէ զմիաբանս համայնի
եւ ձեռնադրէ եպիսկոպոս ընդհանրի.

յղէ նուիրակ չորրորդ Հայոց աշխարհի:
Վաղվաղակի նախ ժամանէ յեզր երկրի՝
Ի Պոնտոսէ սկիզբն առնէ ժողովի,
գայ Հասանէ յԱմասիայ քաղաքի
աւարտ առնէ գնուիրակութիւն նոյն կողմի:

[Էջ 55բ]

Ամասիոյ գիրնքըն ուղղէ յԵւդոկի,
անդուստ գրէ՝ զթուղթ իմն առ իս շեշտակի,
վկայութեամբ սրբոց գրոց ճոխալի.
Ի գրելոց գայս մինս բերցուք առաջի:
Բենաբան Հայր ոսկեբերանն գայս խօսի՝
«ԶՀայր եւ զմայր թէ ընկողմիցի ի շեմի,
կոխեա՛ ոտիւք զծնօղս քո սրտալի.
Եւ Հա՛ս գկնի փրկչին քո Սուրբ Յիսուսի»:
Դոյն մինչեւ գայս ընթեռնլով երբ Հասի՝
իսկոյն ելի առ բարեկամս դիմեցի,
առնել զխորհուրդս ի նմանէ ելք Հնարի.
Նա առժամայն նոյն օրն ետես Հոգս ուսհի:
Առաւօտուն ի Հայրենեաց մինչ ելի,
արտասուելով զանձն իմ առ Տէր յանձնեցի,
յաջողմամբ Հօր զգործս իմ ամէն կազմ գըտի,
յայնժամ ի գաղտ ելեալ ծնօղաց գընացի:
Պետին իմոյ նոյն գիշերի ազդ լինի,
տեսլեամբ իմն գնալն իմ առ նա Հաւաստի,
վասն այնորիկ յամէ սակաւ նոյն տեղի,
մինչեւ առ նա Հասանիցեմ ըզկնի:

[Էջ 56ա]

Երեք օրէն ապա Հասի յԵւդոկի,
բայց անդ չէր ժամ նուիրակութեան ժողովի,
զի դեռ երկու ամ անցեալ էր նուիրակի.
վասն այն թողաք եւ գնացաք ի Ղայսերի:
Տակաւին անդ չէաք առեալ զմերս Հոգի,
եկն է՛Հաս զգոյժ եւ տրտմութեան բօթալի՝

Ի վաղճանէ Աստուածատրոյ սուրբ վեհի.
 յանժամ եղեւ սիրտք մեր ցաւօք լիալի:
 էր այս գուցէ կամք Աստուծոյ Հաճելի,
 բայց ժողովուրդքն առ մեզ եղեն դժպեհի,
 ասեն՝ «չէ՛ պարտ զնուիրակութիւն այժմ տալի,
 զի ոչ գիտէ ոք, թէ վեհն ե՞րբ լինի»:
 Արդ այսքան ցաւս սրտից մերոց չըբաւի,
 դեռ ռամկաց բանիւք սիրտ մեր խոցոտի,
 բայց ողորմածն Աստուած առ մեզ ողորմի՞:
 Ի փորձութեանց առնէ գելան շեշտակի:
 Մինչդեռ էաք ի մէջ սգոյ տրտմալի,
 ա՛նկարձ էհաս զհրովարտակ Արքայի,
 թէ Կարապետ եպիսկոպոսն Զեյթունցի
 ի Բիւզանդին կաթուղիկոս ձեռնադրի:

[էջ 56բ]

Ապա լինի Հանդարտութիւն մեր սրտի,
 նաեւ՝ տրտունջ ժողովրդեան բաց բառնի.
 այնուհետեւ գործ մեր կարգաւ ընթանի՝
 ի չորս ամսէն անդ ժողովք մեր աւարտի:
 Սոյն սա՛ լինի ի թուոյ փրկչին Քրիստոսի
 Հազարերորդ գեթն Հարիւրեակ զհետ լըծի
 քսան եւ հինգերորդ թուով աւելի,
 եւ տասն եւ հինգ ապրիլ ամսոյ Հաւաստի:
 Իսկոյն ապա դարձաք քաղաքն յԵւդոկի,
 որ այն միայն մնացեալ էր եզակի.
 անդ արարաք զնուիրակութիւն ըստ կարգի,
 որպէս վերոյ ութերորդի տանն յիշի:
 Այլեւ զնամակ վեհին զա մեզ շնորհալի,
 իշխանութիւն տեառն իմոյ նորոգի,
 նաեւ՝ փող ինչ Հասուցանել աղերսի.
 զՀայրն իմ յղէ սուրհանդակաւ շատ ոսկի:
 Յորժամ եղեւ եզերանալ մեր բանի,
 էաք ի Սուրբ եկեղեցին Սարգըսի,

ա՛նկարծ եկըն առ իս թուղթ իմն միակի,
գրեալ ձեռամբ հօրն իմոյ ծերունի:

[էջ 57ա]

Իիւթն թղթոյս, որ էր գրեալ այսպիսի,
թէ՛ «եկ առ իս, ով իմ որդեակ նազելի,
ի գաղտ գնալդ արար սիրտ իմ վիրալի,
ե՛կ, զի տեսից մինչեւ իցեմ կենդանի»:
Որ էր թէպէտ ինձ բանքս այս տրտմալի,
սակայն չէր կամ ինձ հայրենիս գնալի,
բայց կասկածանս լինի վեհն իմ իւր սըրտի,
թէ մի՛ գուցէ երթեալ մնայցէ նոյն տեղի:
Յաղագս որոյ կոչումն առնէ շեշտակի,
ինձ ձեռնադրէ ի սարկաւազ աշտօնի,
ապա կազմէ յոլով անօթս պղղընձի,
ինեւ յղէ ի յԱրգրում քաղաքի:
Ինքն մնայ յամիսս երկու նոյն տեղի
մինչեւ աւարտ հասուցանել իւր բանի,
ապա ելեալ ի տեղուոջէն բազմակի՝
գայ հասանի անարժանիս ըզկընի:
Բազմաբեղուն արդեամբք ելանք եւս անտի,
Բաղձեալ տարաք կապաւ զօրայս բերկրալի⁴,
Գնացեալ հասաք յԱթոռն Սուրբ ցանկալի,
որ է տեղին իջման բանին Միածնի:

[էջ 57բ]

Որոյ յայնժամ զկաթուղիկոսն չէր տեղի,
այլ էր ի մէջ ճանապարհին Բիւզանդի.
յետ մեր գնալոյ երեք շաբաթ անցելի՝
ապա եկեալ յԱթոռն սուրբ հասանի:
Իիւսմամբ ելաք դէմ ընդ առաջ համայնի,
եկեղեցւոյ ուխտի մանկամբք ընդհանրի,
յաղթանակօք հնչմամբ ճայնիւ բերկրալի՝
բերեալ ածաք եւ նստուցաք յԱթոռի:
Նաեւ՝ ծես էր առաջնորդաց ամենի

յարեւելեան Տանըն մեծի Հայկազնի՝
գալ տեսանել եւ ողջունել նոր վեհի,
այն, որ մարթ էր ի մօտագոյն գաւառի:
Այնու գայցէր Աբբայն սրբոյն Սիօնի՝
Շատիկ կոչեալ Անապատին ցանկալի.
Եւ էր յայնժամ անուն Աբբային տեղի՝
Գրիգորիս Աստապատցի այր բարի:
Շարժեալ իղձն իմ ի տես նորին կըրօնի,
այն, որ վաղուց կայր զբաղձանս իմ սըրտի՝
կրօնաւորիլ ի նոյն Մենաստան տեղի,
բայց ոչ թողոյր զՂազարն վեհն իմ պատուելի:

[էջ 58ա]

Ապա լինի միջնորդութեամբ հոգելի
Աստապատցին վարդապետին Պետրոսի.
Այնու վեհն իմ հըրաման տայ սոյն բանի՝
գնալ ըզհետ Աբբահօրըն Գրիգորի:
Կամակատար սրտիւք յայնժամ գընացի
Շատիկ կոչեալ Անապատն այն ցանկալի,
բայց զվեհն իմ յամէ սակաւ իւր տեղի
մինչ ի բացուիլ գերեսս գարնան գուարճալի:
Երբ որ գարունն եկեալ վերա հասանի,
ծառք եւ ծաղկունք կանանչացեալ փլթըթի
յայնժամ զհայրն իմ ի վեհն ձայնեալ հրաւիրի
գնուիրակութեան գնալ նմին յորդորի:
Բաբունին իմ բանից վեհին հպատակի
եւ կամ ասէ՝ «պատրաստ քո սուրբ հրամանի,
զի ծառայեմ իջման բանին Միածնի,
նաեւ՝ սրբոյ հայրապետիդ իմ մեծի:
Տեսեալ վեհին կալ հպատակ իւր բանի,
գո՛վէ՛ գնա ի մէջ եղբարց ատենի,
ասէ առ նա, թէ՛ «ըու ես սիւն Տան մեծի
եւ ժառանգորդ Սրբոյ Աթոռոյս Միածնի:

[էջ 58բ]

էն քեզ, -ասէ, - լիցի սատար քո ուսհի,
բարեաւ երթալ շուտ հասանիլ Ռուսեի,
անդուստ դառնալ առողջութեամբ այս տեղի,
եւ ժառանգել այնմ մեծութեան, զոր ասի»:
Ղազար վեհն իմ համբուրէ զաջ սուրբ վեհի,
ելեալ զնայ նուիրակութեան Ռուսեի,
եւ հասանի Հոգին քաղաք բարեի՝
անդուստ առնէ սկիզբն իւր ժողովի:
Այլեւ՝ ընու քարոզութեամբ հրաշալի
քաղաք եւ գեօղ՝ ուր եւ զնա ընդհանրի-
բազում անդարձք մեղաւորքըն սրտալի
գան զղջացեալք Տեառն իմոյ առաջի:
Զուարճացեալ սրտիւք ելեալ եւս անտի՝
բազում արդեամբք եւ պարգեւօք լիալի
գայ հասանի Կաֆայ քաղաք մեր նախնի,
մինչեւ յանդ իւր գործն ամէն անգ լինի:
Անդուստ ելեալ մինչ անկանիլն ընդ ուսհի
զԿարապետ Հայրապետն այն վաղճանի
եւ փոխանակ ընտրեալ զնի ի տեղի
սրբազան հայր Աբրահամն Մըշեցի:

[էջ 59ա]

Րապաղ սրտիւք Հօրն իմ մերձիլ Սուրբ Գահի,
յոլով ախիւք եւ շատ արդեամբք բեռնալի-
զնոր վեհն գայ դէմ ընդ առաջ սիրալի,
ասէ՝ «բարեաւ եկիր դու աստ, իմ որդի»:
Որով հայրն իմ համբուրէ զԱջ սուրբ վեհի,
զվեհն համբուրէ ճակատ նորին շնորհալի-
ասէ՝ «դու ես մըշակ եւ ժիր Տանս մեծի-
արդ՝ բազմեա՛ ընդ իմ սիրոյ սեղանի»:
Իիւսն սիրով յետ սեղանոյն խրախճանի,
ելեալ դիմեն առ խորան սուրբ հրաշալի՝
երկրպագեն տեղի իջման Միածնի
օրհնեբողութեամբ Հնչմամբ ճայնիւ գուարճալի:

Սոյն այս մեծի նաւակատեաց ըզկընի՝
յաշխարհն պարսից յոյժ մեծագոյն խառնակի,
Թէ՛հմէզ Շահըն բազում գորօք յոյժգնակի
գալ յերկիրըն Արարատեան ըսկըսի:
Բամից թուրքաց գնդից եւս ազդ լինի
զգալուստ Շահին բազում արամբբ շեշտակի.
պատրաստ կազմէ գորքըն առ իւր համայնի
եւ ամրանայ Երևանայ Տըղեկի:

[Էջ 59բ]

Բայց գայս վայրի զվեհ մեր մտօք վարանի,
գուցէ փողով ի նեղութեանց գերծանի.
զփողըն եւս օր ըստ օրէ նուազի
վասն հարկաց մեծամեծաց, որ յուզի:
Արդ՝ վեհն կոչէ զՀայրն իմ առ իւր պալատի,
խնդրէ իւրմէն դարձեալ գնալ նուիրակի՝
առ Բիւզանդին կայսերական քաղաքի,
ասէ՝ «դու ես այնմիկ տեղին արժանի»:
ԶՀայրն իմ ասէ՝ «ով սրբազան Տէր բարի,
հրաման քո սուրբ՝ գլխոյս վերայ իմ լիցի.
է ինձ գրազիր եւ աշակերտ պիտանի,
է Անապատն Շատիկ կոչեալ սուրբ տեղի»:
Ասէ վեհըն՝ «Գրեսցուք առ նա տոմսիկ մի՝
ելեալ անտի գայցէ առ մեզ փութակի,
ընդ քեզ տարցես նուիրակութեան, որ պիտի
հաճոյ կամաց նազելութեանդ քո լիցի»:
Նոյն ժամայն թուղթս սուրհանդակաւ ինձ յղի՝
երկուց համայնց մեծաւորաց կրկնակի,
թէ՛ «հասանիլ թղթոյս առ քեզ հրամանի՝
ելեալ գայցես Սուրբ Ուխտս առ մեզ շեշտակի:

[Էջ 60ա]

Կեալըդ տեղւոյդ ճգնողութեամբ է՛ բարի,
բայց հնազանդիլ մեր բանիցն է՛ գերբարի,
գի պիտոյ ես նուիրակութեան պաշտօնի,

Թէ՛ տեղդ, Թէ՛ աստ է՛ Աստուծոյ հաճելի»:
Ապա թէպէտ այսու խիղճ իմ հանդարտի,
բայց ուսն մեր յամէն կողմանց յոյժ փակի
վասն գողոց արշաւելոց ի դաշտի,
նաեւ՝ ի ձեանց ձմերայնոց սաստկալի:
Թողեալ ապա մեր ճանապարհն արքունի,
մտաք ի ուսն ընդ անծանօթ արտուղի՝
անցմամբ լերանց եւ դաժանմամբ գողուղի,
հազիւ հասաք յէջմիածին ցանկալի:
Ուստի մուտն իմ վեհն իմ չէր անդ ի տեղի,
այլ էր քաղաքն Երևանայ ի բերդի,
զի կոչեալ էր զփաշայն առ իւր ատենի՝
սակըս ծածուկ դժուարագոյն իմն իրի:
Իիւծեալ մտօք մինչ ես կայի ի խըցի,
նոյն երեկոյ եկըն վեհն իմ ցանկալի.
յառաջ մատեայ համբուրել զԱջ շնորհալի,
ասաց՝ «առ իս բարեաւ եկիր իմ որդի»:

[Էջ 60բ]

Ղեկն յուսոյ մարդկանց այժմ բեկանի
վասն անթիւ գործեալ չարեաց իմ մեղի.
Շահըն թէհմէզ մեծ զօրօք գայ հասանի
Արարատեան դաշտին մեծին Արայի:
Իսկ օսմանցոց զօրքն գընան առաջի՝
տան պատերազմ ընդ զօրս Շահին թէհմէզի.
յաղթեալք լինին զօրքն օսմանցոց յետ մարտի,
ոմանք փախնուս, ոմանք՝ պնդին ի բերդի:
Կամք Շահին էր յետ յաղթութեան իւր մարտի
իսկոյն դիմել երկիրն թուրքաց ուղղակի,
բայց երեք խանք ապստամբեալք դէմ Շահի,
գրեալ զթուղթ յըղեն ի բերդն գողուղի:
Ուստի զօրքն այն առաջապահքն գիշերի
ըմբռնին զայրն, որ զթուղթն ինքն ունի՝
բերեալ կարդան թէհմէզ Շահին առաջի.
յսելն իսկոյն սիրտ իւր համայն բեկանի:

Սակս այսորիկ գիշերամէջն վեր կանգնի,
զօրքն անցանել Երասխ գետով հրամայի,
դառնալ Թավրէզ քաղաքն մեծ իւր բաժնի.
զպատիժ խանից ապստամբէից անդ տլրի:

[էջ 61ա]

Իսկ արդ դարձաք զճառելիս մեր բանի.
ոչ է՛ կամ մեր զօրաց մարտից պատմելի,
այլ ժամն այն, զոր ինչ իմիք հանդիպի,
ոչ է՛ անդէպ վիպել փոքր-ինչ ըստ կարգի:
Նա զի մնացաք այնքան Սուրբ Ուխտըն մեծի
մինչ խաղաղիլ երկուց զօրաց կայսերի
յետ գալստեան Հոգւոյն Սրբոյ անցելի,
ապա ելաք նուիրակութեան ի ռահի:
Ջանիւ մեծաւ եւ քելրանաւ բազմակի,
գնացեալ հասաք ի քաղաքըն Ղառս կոչի.
անդուստ գնացաք Դարանաղեաց գաւառի.
անդ էհաս Տօն Լուսաւորչի Հօր մեծի:
Անդէն թողաք զկահքըն մեր ի խըցի,
հետեւեցաք ուխտաւորաց ըզկնի.
ելաք ի լեառն Սեպուհ կոչեալ սուրբ տեղի՝
անդ արարաք Ուխտ մեր գենմամբ զուարճալի:
Համագումարք վարդապետքըն, որք անտի,
քարոզ ասել առ Տեառն իմոյ հորդորի.
զվեհն իմ բանայ զբերան շնորհալի,
ճառէ զկիրս Լուսաւորչին հրաշալի:

[էջ 61բ]

Կատարեցման հռետորական ճոխ բանի
օրհնէ զժողովն այն օրհնութեամբ, որ յերկնի.
կան հիացեալք լսողք համայն քարոզի,
եւ փառս տան այնքան շնորհաց տուողի:
Ելեալ անտի առաւօտուն կանխակի՝
իջեալ ի լեռնէն գնացեալ հասաք մեր տեղի.
անդուստ գնացաք ի վանքըն սուրբ Ներսեսի,

կատարեցաք անդ եւս Ուխտ մեր ջերմակի:
Յորժամ էանց յաւուրս երկուս ընդ մէջ մի,
ապա պատրաստ զճանապարհորդն եղանի,
յայնժամ ելեալ անցմամբ բազում գաւառի
Հագիւ Հասաք առ գետափըն յԵւզոկի:
Իիւսմամբ սիրով իսկոյն յառաջ գան մեզի
Եւզոկիոյ նախածանօթն Համայնի.
անդ մեծարեն պէս պէս բարեաւ լիալի,
յետոյ տարեալ փառօք պատուեն ի տեղի:
Որով անդէն առաք Հանգիստ ամիս մի
մինչ դիպիլ մեզ ճանապարհորդ ընկերի.
ապա ելեալ ընկերակցօք բազմակի,
գնացեալ Հասաք յՈւսկուտար մեծ որ ասի:

[Էջ 62ա]

Յայնժամ եկին ընդ առաջ մեր ջերմակի
քահանայքըն Հանդերձ մանկամբք Սիօնի,
եւ երգելով զհրաշափառն Հոգելի,
այնպէս մուծին երկրպագել խորանի:
Արդ՝ երբ ժամն երեկոյեան աւարտի,
յայնժամ զվեհն իմ վառեալ սիրով ոտք կանգնի.
բանայ զբերան ճոռոմաբան քաղցրալի՝
ողջոյն սիրոյ անդէն բաշխէ Համայնի:
Սակայն՝ ի նոյն երեկոյի ազդ լինի
Յովհաննիսի պատրիարգին մեծ Պօլսի,
թէ նուիրակըն լուսակառոյց Խորանի
յՈւսկուտարայ վանք կոչեալ տեղն զետեղի:
Այլ առաւօտն երբ լուսանալ ըսկըսի
պատրիարգին աթոռակալն գայ մեզի,
ասէ՝ «բարի եկիր, ով Հայր պատուելի,
արի՛ գնասցուք առ օթեւան մեր տեղի»:
Յայս վայր կուր մի վասըն մերոյ պատրաստի
անցեալք ընդ ծով ելաք նոքօք ցամաքի,
գնացեալ մտաք ի Պալատն Հօր մեծի՝
Տեառն Յովհաննու պատրիարգին մեծ Պօլսի:

[էջ 62բ]

Ելեալ յայնժամ պատրիարզըն առաջի
առ սրբազան Տեառն իմոյ Նուիրակի,
ջերմ համբուրիւ ողջագուրեն մին ըզմի,
եւ հարցանեն զորպէսն միմեանց զուարճալի:
Այլ հասանիլ յերեկոյեան աղօթի,
զան քահանայք հանդերձ մանկամբք նոր ուխտի.
քաղցրահնչմամբ եւ բուրվառաւ հրաշալի,
մուծին զմեզ ի տաճար Սուրբ Մօր կուսի:
Լրման ապա յերեկոյեան պաշտօնի
զվեհն իմ կանգնի ի բազմամբոխ ատենի
եւ ողջունէ զժողովուրդսն համայնի,
նաեւ՝ ճառէ ըզներգործսն ողջունի:
է՛ր անդ ներկայ զպատրիարզն մեծ Պօլսի,
նաեւ՝ նորին աշակերտքըն հրաշալի.
համայնք էին կրթեալք զիմաստս Սօփեստի,
ասեն՝ «չքնաղ ետ զլուծմունս ողջունի»:
Այնուհետեւ պատրիարգէն յոյժ սիրի
զվեհն իմ Ղազար աստուածաբան պատուելի.
«զգատաստան ինչ իմն, - ասէ, - թէ լինի
մինչդեռ աստես քեզ յանձնեցի առնելի»:

[էջ 63ա]

Յետ այնորիկ առաջի օրն մեծ պասի
զվեհն իմ դնէ ըզբնաբան Պօղոսի⁵,
ասէ՝ «մի է միջնորդողըն երկ միջի
մարդըն Յիսուս Քրիստոս կոչեալ առձայնի»:
Սոյն բնաբանին վերա քարոզն երկարի.
ակն ունէին բուզումք ի վաղեան փոխելի,
եւ ո՛չ փոխէ՛ զբնաբանն յայլ բանի,
յասուցանէ մինչեւ Մեծի ուրբաթի:
Բայց ամէն օր, իւրաքանչիւր պատշաճի,
զխորհուրդ աւուրն լիակատար իւրն ասի,
ի բնաբանէն ոչինչ լինի արտուղի,
եւ համայնըն առ բնաբանին անկ լինի:

Այլ լսողքըն քարոզութեան խոր բանի
եղեն պակեալք ի հիացեալք ատենի,
ասեն՝ «յարմար կերտելն բանի բնաբանի
ոչ է գիտնոց հասարակի, այլ՝ մեծի»:
Նաեւ՝ բազում փողըս անդուստ ժողովի՝
նուիրակութեան էջմիածնայ Տան մեծի.
եւ մերձ գերծման եկեղեցեաց, որք անտի,
զվեհն իմ դնէ յայլ իմն բան ի մըտի:

[էջ 63բ]

Վասն իջման այսինքն տեղի Միածնի,
ասէ՝ «տացուք շինել կանթեղս արծաթի՝
առ ի կախել ի մէջ չորից սեանց միջի,
զի եղիցի շրջաբոլոր պըսակի»:
Ապա ձայնէ արծաթագործ կիրթ գործի.
«գործեա, - ասէ, - հարիւր կանթեղս արծաթի,
լիցի, - ասէ, - ամէն մինըն մին նուկի,
բայց արծաթըն ամենեւին գուտ լիցի:
Սակայն չորսըն մին մին հոխայ եղիցի,
որ ի միջի քսան եւ չորից կախիցի՝
յուրաքանչիւր ի չորեցունց սեանց միջի,
բայց ամէնըն առ պատկերաւ կերտիցի»:
Նիրակերտէ զարծաթագործն շեշտակի
կանթեղքն ամէն ըստ օրինի հրամանի,
բարձեալ բերէ առ Տեառն իմոյ ի խըցի,
առեալ զփողսն գնայ ուրախ իւր գործի:
Բանայ ապա ըզբերան իւր քարոզի
զՀայրն իմ Ղազար մեծ գիտնական ըաբունի
եւ յորդորէ՝ ժողովրդեանն ամենի
առ ի առնուլ զկանթեղսն արծաթի:

[էջ 64ա]

Անխախտ սիրով մատեան բազումք առաջի,
առին զկանթեղսն, ետուն զփողսն սիրալի
եւ մատուցին առ Խորան սուրբ Միածնի՝

յիշատակ իւր, իւրեանց ծնօղաց համայնի:
Զկնի այսմիկ խոհեմական սոյն բանի,
Աստուածածնայ նուիրակութիւն ակարտի,
լինի թիւըն Հայոց մեծաց Արամի՝
հագար հարիւր ութսուն եւ մին ակելի (1732),
Մայիս ամսոյ քսան եւ հինգն նոյն ամի
յեկեղեցւոյ Աստուածածնայ ելանի,
Ուսկուտարայ եկեղեցին առ դիմի՝
առ ի առնել նուիրակութիւն նոյն տեղի:
Անդ յաւուրս մին քանի օր անցելի
զվեհն իսկոյն ժանտացաւօք ըմբռնի,
այնպէս մնայ զաւուրս քսան յանկողնի՝
տառապանօք եւ տրտմութեամբ ցաւալի:
Կամք Աստուծոյ լինի այնպէս հաճելի,
բայց զգութ իւր իսպառ ի մէնջ ոչ բառնի,
զի զոր սիրէ՝ Տէր խրատէ Պօղոսի⁶,
տանջէ զորդիս իւր՝ ընդունեալ որ լինի:

[էջ 64բ]

Ի նոյն ակուր ցաւօք անկեալ գիշերի,
ձայնէ վեհն իմ կանգնիլ առ իս շեշտակի.
«գրեա՛, -ասէ, - զկտակն իմ քարտիսի,
ահաւասիկ զոգիս ի բաց պահանջի»:
Սրտաթափիւ յարեայ լսելն իմ ձայնի,
առեալ ցթուղթ գրեցի զամէնն իւր կամի,
եւ ասացի՝ «քեզ չէ այժմիկ ննջելի,
կաթուղիկոս քեզ դեռ ապա լինելի»:
Իսկ նախագէտ Աստուածային սահմանի
քսան եւ մին օրէն վեհն իմ վեր կանգնի
եւ ժողովման նուիրակութեան հոգ տանի,
մինչ ի վաղճան յուլիս ամսոյ ակարտի:
Րուպ ինչ մնացեալ եզերելոյ մեր բանի.
եկն Աբրահամ եպիսկոպոսն Կրետացի,
է՛ր Առաջնորդ ի Թրակիոյ քաղաքի
հրաւիրել մեզ գնալ առ իւր Աթոռի:

Ուստի եկեալ ասէ՝ «Ով Տէր սիրելի,
Բարի տեսաք զքեզ հոգևով բերկրալի,
տեսութեան քո սիրտ իմ վաղուց կարօտի,
ե՛լ եւ գնասցուք ի միասին խնդալի»:

[էջ 65ա]

Յայնժամ իսկոյն նաւապետին մարդ յըղի,
որ վասն մեր գնաւակ մի պատրաստի,
եղեալ զմեզ հանդերձ ախիւք ի նաւի,
եհան յայնկոյս օգոստոսի երկրորդի:
Տեսեալ ի հեռուստ քահանայից գալ նաւի,
եկին հանդերձ ժողովրդովք յեզր ծովի՝
յառաջանկեալ մուծին զմեզ յԱթոռի,
Սուրբ Յոհաննու աւետարան գրքողի:
Երեկոյի զվեհն իմ կանգնի ատենի,
բանայ զբերան հոգիաբուղիս շնորհալի,
բաշխէ գողջոյնն եւ զօրհնութիւն համայնի,
որպէս Հոգին ի վերնատան հրեղինի:
Այնուհետեւ սիրտ Տեառն իմոյ հանդարտի՝
հոգասծութեամբ Աբրահամու մեծ դիտի.
այն, որ վաղուց գանձեալ ունէր իւր սրտի,
ի յորոճալ եւ յայտածել ըսկըսի:
Ու ետին զիմաստն, որ կազմեալ էր սենեկի՝
հրեշտակաբնակ յԱնապատին Շատիկի
առ ոտս իւր վարժապետին հոգելի՝
Տեառն Մեսրոպայ Յուշականցի ճգնակրրի:

[էջ 65բ]

Նոյն այս միտս յարանց բազմաց յորդորի
վեհն իմ կանխաւ շրջագայման ներ միջի՝
զգիրք մի կերտել քաղկեդոնեան ընդ դիմի
գուցէ, ասեն, զեն մի ձեռին մեր լիցի:
Իսկ այժմ, ասեն, ոչ գոյ գիրք մի այնպիսի,
որ կարասցէ երկաբնակաց կալ դիմի,
նաեւ՝ նման պարսաքարին քաջ Դաւթի,

տալ ի ճակատն ստայօղին Լեւօնի:
Իհլսմամբ այսքան հարկեցողցչաց խըթանի,
այլեւ Տեառնէ Հայրապետէ երջանկի՝
սիրտ Տեառն իմոյ քաջալերեալ յօժարի
վասն այն յայտնել կանխախոկեալն ըսկըսի:
Բաբունին իմ նոյն կանխասաղմ ի մըտի
կամի այժմիկ գրեալ լինի ի թըղթի,
ասէ առ իս՝ «ով իմ որդեակ նագելի,
առ զթուղթ քո եւ նիստ հանդարտ ի գետնի»:
Որ զիմ առեալ եւ հանդերձեալ ըստ բանի,
գրեցի զամէնն արտաբերման իւր բանի.
զգիրքն զայն, Դրախտ ցանկալի որ կոչէ,
երեք յամսէն շնորհօք Տեառն անդ լինի:

[Էջ 66ա]

Յայսմիկ գրքին շարայարումն ճոխ բանի
լինի Հայոց հազար հարիւրերորդի
ութսուն եւ մին այլեւս թիւ հետ լըծի (1732)
հոկտեմբերի քսան եւ ութն աւարտի:
Նաեւ՝ որքան վեհն իմ էր նոյն քաղաքի,
պատմելն զգեղ լուսակառոյց Խորանի՝
աղեկիզէր սիրտ Տեառն մեծի երջանկի
Աբրահամու Թրակիոյ Աջորդի:
Արդ, սա ո՛չ էր ձեռնադրեցեալ նոյն տեղի,
այլ առեալ էր իշխանութիւնն ի Սըսի.
վասն այն տրտմէր սիրտ իւր այնպէս փղձկալի
ի տեսանել տեղի իջման հրաշալի:
Եպերէ զայն վեհն իմ փոքր ինչ, իւր դիմի,
տրտմումն սրտին Աբրահամու մեծ դիտի,
ասէ առ նա՝ «ոչ հաւատամ քո ըղձի,
թէ ոչ գնաս յԱթոռն իջման Միածնի»:
Իհլսէ դէտըն դաշըն առ մեր առաջի,
ասէ՝ «գնացից յէջմիածին ցանկալի
ի գալ տարոյ ամաղայնոյ հասելի.
ուխտ իմ այս է՝ Տերամբ հաստատ առնելի»:

[էջ 66բ]

Անդանօր մեր նուիրակութիւն եզերի
ի Թրակիայ ծովահայեաց քաղաքի.
յանդուստ ելեալ նոյեմբերի երկրորդի
եւ Հինգ օրէն հասաք քաղաքն Անդրէի:
Բարունապետ Աբրահամըն նոյն տեղի
էր ի նոյնոյ Անդրիանու մեծ պօլսի՝
եւ ընդ առաջ քահանայիւք ցնծալի
տարեալ նստոյց զվեհն իմ առ իւր Աթոռի:
Ժուծէ վեհն իմ մինչ աւարտման պաշտօնի,
ապա կանգնի ի բազմախոռոն ատենի,
ցօնէ զողջոյնն ըստ Տեառնաւանդ հրամանի,
նաեւ՝ ծիսի Առաքելոց համայնի:
Այնուհետեւ անդէն յուշիկ ըսկըսի
զնուիրակութիւն էջմիածնայ Տան մեծի,
զի ակն ունէր Հինգ-վեց ամիս մընալի
եւ է՛ր քաղաքն յոյժ բազմամբոխ մարդալի:
Նաեւ՝ շրջման ի թիւ հայոց միւս ամի՝
հազար հարիւր ութսուներկուերորդի
եկն թուղթ մի ի Կոստանդնու մեծ պօլսի,
ի յամսեանն առաջներորդ յունվարի:

[էջ 67ա]

Արդ, էր գրեալ ի պատրիարգէն նոյն տեղի՝
Յովհաննիսէ աստուածաբան մեծ պետի
վասն սիրոյ առ Տեառն իմոյ Սոփեստի
կրկին անգամ ի տեսանել մին ըզմի:
Պատճէն թղթոյն, որ էր գրեալ այս կերպի.
Թէ՛ «չատ ողջոյն յինէն առ քեզ մատուցի,
թէ՛ կարիցես աւարտ առնել քո բանի
մինչ ի մեծի Բարեկենդան հասելի:
Արդ, խնդիրն է իմ առ ի քէն ըղձալի՝
ելեալ գայցես առ մեզ սիրով շեշտակի,
զի ես ծեր եմ՝ գուցէ զմահն իմ ժամանի՝
ե՛կ, արասցուք զԲարեկենդանս մի տեղի.

Տեսցուք զմիմեանս կրկին անգամ բերկրալի
եւ լցուցուք զբաղձանս մեր կարօտի,
զի ո՞ գիտէ զկեանքս մեր տեւելի՝
վաղեան աւուր կամ միւսում մընալի»:
Ուստի վեհն իմ տայ զպատասխան իւր թղթի,
թէ՛ «առ սրբոյ պատրիարգիտ մեծ պօլսի՝
Տեառնդ Յովհաննու աստուածաբան հռետորի
ողջոյն սիրոյ առ Հօրդ իմոյ բազմասցի

[էջ 67բ]

Իհւսմամբ սիրով գրեալ թուղթ քո քաղցրալի
էհաս առ մեզ առաջներորդ յունվարի
եւ իմացաք զբաղձանք Հաւոյդ իմ մեծի,
բայց ո՞վ եմ ես, որ սիրտ Տեառնդ իմ ըղձասցի:
Որ եմ ծառայ պատրաստական պօլսիդ Դիտի-
որպէս կամի սիրտ Հօրդ իմոյ՝ նոյն լիցի,
որ Աստուծով եւ աղօթիւքդ վրսեմի
զալոց եմ ես, տալով կատար հրամանի»:
Իհւսեալ զնէ զվեհն իմ շտապ իւր սըրտի,
այնուհետեւ յորդորելով ոչ դադրի,
եւ ժողովէ զնուիրակութիւն նոյն տեղի,
հանդերձ Տէրամբ յունվարի մէջն աւարտի:
Թեւակոխեալ զգործ մեր անդէն շեշտակի,
իսկոյն ելաք ի ճանապարհ խնդալի,
եկաք հասաք ի քաղաքըն Բիւզանդի,
մտաք ի պալատն պատրիարգին նոյն պօլսի:
Իբրեւ ետես մեզ պատրիարգն բերկրալի՝
ուրախ եղեւ ինքն եւս սրտալի,
ասէ՛ «բարի եկիր, ով իմ ըղձալի,
աչք իմ դիտէր ձեր գալստեան մըշտակի»:

[էջ 68ա]

Իհւսմամբ սիրով մատչի յայնժամ առաջի
վեհն իմ առ պատրիարգի Հօր մեծի՝
տալ ի համբոյր օծեալ Աջոյն շնորհալի.

նա ոչ տայ Աջն, բայց համբուրեն մին ըզմի:
Նոյն այս դարձումն ի Բիւզանդին մեր լինի
ի թուականի Հայոց մեծաց տօմարի
հազար հարիւր ութսուներկուերորդի
եւ յամսեանն քսան եւ ինն յունվարի:
Նաեւ Յակոբ վարդապետըն մեծ արհի՝
աշակերտըն պատրիարգին նոյն պօլսի,
չէր անդ, յորժամ մեք անդանօր հասելի,
այլ էր յերկիրն Կապադովկեան կեսարի:
Ուստի յետ մին-երկու աւուր անցելի
նա եւս գայ ի Բիւզանդին հասանի.
յորժամ տեսաք, ողջունեցաք մին ըզմի,
այլ աւելաւ ուրախութիւն մեր սրբտի:
Րաբունին մեծ գպատրիարգն հարգելի
յայնժամ ասէ յաշակեր[տ]ացն ընդհանրի.
«վաղիւն առէք ըզնուիրակն պատուելի
եւ շուրջ ածեք ի վե[ր]այ ջուրցն բերկրալի»:

[էջ 68բ]

Իսկ առաւօտն երկու նաւակ պատրաստի,
մեզ եւ նոցին հասարակաց ամենի,
բայց պատրիարգն եւ գալ ընդ մեզ ոչ կամի,
զի նա սարսի ի վերայ ջուրց լինելի:
Նոքա եւ մեք մտաք ի մէջ նաւակի
եւ ասացաք քարշել զթիակքն հեզակի
եւ երկու կուրքն ի միասին գուգակի.
այնպէս գնացաք կապաւ սիրով մի տեղի:
Հէ^օ ի բնէ է մախանք չարին բանսարկուի՝
ոչ կամի սէր, որք լիցին մէջ ընկերի,
խառնի զորոմն ի մէջ յիստակ ցորենի,
որպէս գրի յԱւետարանն Մատթէի⁷:
Այսպէս սիրոյ քաղցրերց բանից ներ միջի՝
մեջ Տեառն իմոյ մէջ Յակոբայ վարժ գիտի,
ազդամամբ չարին առարկ իմն անկանի,
որոմնական սերման նրման, որ ասի:

Նոյն այս առթին լինի Յակոբն ըստուհի,
զրդելով Տեառն իմոյ մեծի սօփեստի,
թէ՛ «դու լիջի՛ր երկաբնաց իբր տեղի,
եւ ես լինիմ Հայոց դասուցն երամի:

[էջ 69ա]

Դոյն օրինակ առարկեսցուք մին ըզմի,
բերցուք վկայս իւրաքանչիւր ըստ կարի,
տեսցուք՝ բանք մեր եւ պատասխան ու՞ր անգի,
զի մի՛ դատարկ շրջագայք մեր անցանի»:
Ետ պատասխան զվեհն իմ առ նա քաղցրալի,
ասէ՛ «չէ այժմ հակաճառումն առնելի,
զի է առուրս Բարեկենդան հրճուալի,
գուցէ լիցի վերջ առարկմանս դառնալի»:
Բաբունին սէգ Յակոբըն այն փքալի
կարծէր լինիլ զվեհն իմ իւրեան կլանելի,
կրկին ժրտէ Տեառնէ իմմէ բըռնալի,
ասէ առնել հակաճառումն սակաւ մի:
«Զեր կամք լիցի, ~ ասէ վեհն իմ պատուելի, ~
եւ Աստուծով տամ պատասխան ձեր բանի,
սակայն չէ՛ր պարտ այսօր այսպէս առնելի,
որպէս կամիք՝ կամք ձեր բարին եղիցի»:
Ուստի հրճուի բաբունին այն իւր սըրտի,
ասէ՛ «այսօր է յաղթանակ առնելի»:
այնուհետեւ հակաճառեալ ըսկըսի
առ Տեառն իմոյ յոգնիմաստին սօփեստի:

[էջ 69բ]

Բաբունին իմ ետ պատասխան իւր բանի
Աստուածային շնորհօք ամէնն իւր տեղի,
յետոյ բերեալ կապէ զՅակոբն մեծ սեպի,
որ ոչ կարաց եւ խլրտալ անգամ մի:
Պարաւանդօք ցնցտելն աստի եւ անտի,
իւր սարկաւազն իւրեան վերայ ծիծաղի,
հարէ գապտակ սարկաւազին յոյժգնակի՝

մինչ զի գտական ի վերայ ջուրցն անկանի:
Իսկ առ այս գործ սիրտ Տեառն իմոյ յոյժ նեղի,
ասէ առ նա. «ո՛վ իմ եղբայր պատուելի,
եթէ ունիս զվկայութիւն՝ բեր յայտնի,
ապա թէ ոչ՝ զի՞՞ բարկանաս սաստկալի»:
Սոյն տիրական սրտամնայ դառն բանի՝
ըսկըսեցաք երգել զտաղս քաղցրալի
առ ի դուրել զցասումն սրտից երկակի,
զի մի ժամ մեր բանակուուով անցանի:
Որ յետ դառնալ մեր ի պալատն հասելի՝
ի փսփսուկն յականջ Տեառն անկանի.
արդ պատրիարզն հաւան կենա եւ ոչ մի,
ասէ՝ «չէր պարտ դուք այդ այդպէս առնելի»:

[էջ 70ա]

Իիւթ մախանաց գաղեալ մնայ ի սըրտի
առ Յակոբայ վարդապետին մեծակի,
յօրէ այնմիկ, որքան առ անդ մընալի,
խեթիւ հայէր առ Տեառն իմոյ մեծեղի:
Թեթեւակի Բարեկենդանս զրաւելի,
գնացաք ի քաղաքն Նիկոմիդեայ որ կոչի,
անդ արարաք ցնուիրակութիւնս շեշտակի,
ի մին ամսէն գործք մեր անդէն աւարտի:
Ելեալ անտի եւս անկաք մեր ուղղի,
հասաք ի քաղաքն ի Քէօթահայ որ կոչի.
Ի վեց շաբթէն անդ եւս գործք մեր կատարի,
յանդուստ դարձաք ի Պուրսայ քաղաք որ ճայնի:
Անդէն տեսաք զԱրհին այն մեծ ըաբունի՝
բիւզանդացին գերկրորդ Ներսեսն Շնորհալի,
որ էր բերան զգիրս Սուրբս հոգելի՝
Աւետարան թէ Այսմաւուրք համայնի:
Մնացաք անդէն շաբաթս տասն բերկրալի,
վայելելով զսէր նորին ցանկալի,
մինչ ի վաղճան գործոյն մերոյ հասելի,
ապա ելեալ եկաք Չմիւռին մեծ թիմի:

[Էջ 70բ]

Բայց մեր անդէն յաւուրս ութ անցելի
ի Թրակիոյ առաջնոր[դ]է գայ թուղթ մի,
ասէ. «ընդ ձեզ, որ կռեցի դաշին մի,
այժմ փութամ տալ կատարումն նոյն ուխտի:
Նոյն այս ուխտն է՝ էջմիածին գընալի,
որ առաջի եղբայրութեանդ ուխտեցի,
այժմ պարտիս վասն իմ յաղօթս առնելի,
ահա գնամ՝ դու ողջ կացիր, նազելի»:
Որ մեր սկիզբն հասման Բիւզանդ քաղաքի,
ասաց առ մեզ զպատրիարզն ըաբունի,
թէ՝ «եկեալ էր [Ա]մ[տ]սրտամայ ինձ թուղթ մի,
իւնդրեալ էին, թէ կարգաւոր մեզ պիտի:
Տե՛ս Աստուծով առ Զմիւռին հասելի
եւ պատրաստեա՛ կարգաւոր մի յըղելի.
է՛ [Ա]մ[տ]սրտամ քաղաք վիճակ քո թիմի,
քահանայ մի յըղել առ անդ քեզ պարտի»:
Անդէն վեհն իմ պարտէր գիր մի գըրելի
առ Սուրբ Աթոռն էջմիածին ցանկալի,
ի մէջ թղթոյն ինձ առաքելն իմ յիշի.
վասն այն Վեհըն գրէ առ իս նամակ մի:

[Էջ 71ա]

Նոյնժամայն այն նամակն առ իս հասելի.
Տէրն իմ եւս տայ տոմսիկ մի հրամանի
երկուց Տէրանց իշխանութեամբ կրկնակի
եկի ի քաղաքն յԱմասրդամ որ կոչի:
Արդ՝ գայս լինի ի թիւ Փրկչին Յիսուսի՝
հազարերորդ եօթնհարիւրերորդի
երեսուն թիւ նաեւ երեք հետ լըծի
եւ յամսեանն դեկտեմբերի տասնեկի:
Իիւսեալ յըղէ յետոյ առ իս թղթիկ մի
զվեհն իմ Ղազար մեծ գիտնական ըաբունի
չըջման թուոյն երեսներորդ չորրորդի,
փետրվարի ամսեանըն հինգերորդի:

Ուստի ասէ՛ «Իմա՛, որդեակ զիմ բանի.
Ի կողմանէ Թրակիոյ յաջորդի
ի յուխտ գնալն յէջմիածին հասելի,
ըզՄըչեցի Աբրահամ վեհն վաղճանի:
Բամեալ անդէն զմիաբանքն համայնի՝
ընտրեն իւրեանց Աբրահամըն Կրետացի
եւ ձեռնադրեն զկաթողիկոս ամենի՝
Թարց իմացմանց ոլորտ աշխարհ ընդհանրի:

[էջ 71բ]

Օրինակին որդւոյ Կիսին Սաւուղի՝
որոնել զէչն ընդ ընկերին մի տեղի՝,
գտանէ նա զօծումն Արքայ լինելի,
որպէս վերոյ յիշեալ այրըս տեսանի»:
Քանզի նա եւ չորս ամ տեւէ կենդանի
յէջմիածին Աթոռըն սուրբ ցանկալի,
դեռ կատարեալ չորրորդ ամըն ոչ զրաւի,
յաստի կենաց՝ յանանց կեանսըն ներգրաւի:
Վաղվաղակի զմիաբանքն համայնի
ժողովք առնին ամենեքեանք մի տեղի.
Թղթովք ընտրեն գերիս Արըս պատուելի՝
էջմիածնայ կաթողիկոս լինելի:
Իսկ առաջին՝ զպատրիարզն Սաղէմի,
եւ երկրորդըն՝ զՅովհաննէսն մեծ Պօլսի,
եւ երրորդն՝ զՂազարըն Ջահկեցի.
զայս երեքեանս էին խնդրեալք ընդհանրի:
Պնդեալ զմուօք՝ երբ զմահասրն հասանի
ի քաղաքըն Բիւզանդին մեծ որ ասի,
ի ձեռն մեծի պատրիարգաց, որք անտի,
որ Աստուծով Գրիգորն եւս անդ լինի:

[էջ 72ա]

Ապա անդէն ժողովք առնեն բազմակի
վարդապետօք, քահանայիւք համայնի.
նախ՝ հրաւիրեն զպատրիարզն Սաղէմի,

Թէ՛ «գու լիջիր կաթուղիկոս ընդհանրի»:
 Սակայն նա սոյն մեծապատուէս հրաժարի,
 ասելով թէ՛ «չէմ այն պատուոյն արժանի,
 չառնում յանձն զկեան իմ վաղուան մընալի,
 զի ես ծեր եմ՝ մահն իմ կայ միշտ իմ դիմի»:
 Ապա յետոյ առ հրաւիրենք բըռնալի
 Յովհաննիսի պատրիարգին մեծ Պօլսի.
 նա եւս չառնու յանձն պէս-պէս պատճառի,
 գտկարութիւն միշտ բերելով առաջի:
 Նաեւ ասէ՛ «չէ միշտ ի մէնջ դնելի,
 պարտ է այժմ արեւելցի լինելի,
 զի երեք արք նստան ի մէնջ Աթոռի,
 պէս-պէս խարդախ անցեալ էր անդ ի միջի»:
 Եթէ կամիք ըզ Ղազարըն Ջահկեցի,
 նա է՛ արժան այսօր զնա առնելի,
 այլեւ՝ է՛ նա ծնեալ ի նոյն գաւառի,
 գուցէ գտրտունջ նոցին այսօր բաց բառնի»:

[էջ 72բ]

Ապա ասեն համագումարքն մի տեղի
 ի մի բերան եւ ի մի սիրտ, մի հոգի.
 «Կեցցէ զ Ղազարն Հայրապետ մեր Աթոռի՛
 ըստ բանի Հօր պատրիարգիս մեծ Պօլսի»:
 Լռիկ լինի մինչեւ ցայս վայր խօսողի
 ըզ Պետրոսն, որ զՔութուր անուանի,
 որ էր յայնժամ նուիրակ եղեալ նոյն տեղի,
 ասէ՛ «մի՞թէ չեմ ես ի նոյն արժանի»:
 Բացասաստեն զպատրիարգունքն մի տեղի.
 «գու ոչ, - ասեն, - այլ ընկեր քո եղիցի,
 ոչ թէ ոք, զանձն որ ընծայէ, նա՛ լինի,
 այլ ընտրութիւնն պարտ է Տէրամբ լինիցի:
 Աստէն, - ասեն, - զանուն քո չէր ի թըղթի,
 այլ էր զանուանս մեր երեքեանս մահասարի,
 թէ զքեզ այժմ նստուցանեմք յԱթոռի՛
 լինիմք ընդդէմ ընտրող մարդկանց ընդհանրի»:

Յայնժամ ժողովքն ընդ բազմութեան մի խըմբի,
ասեն՝ «բարուոք ասաց Հայր մեր պատուելի,
թէ ոք զինքն ինքեան արժան համարի
եւ այնպիսին ոչ է՛ բնաւին այր բարի»:

[Էջ 73ա]

Ապա գնան իշխանքն ի դուռն Արքայի,
առնուն իսկոյն հրովարտակս հրամանի
սակս Ղազարու Տեառն իմոյ երջանկի՝
կաթուղիկոս Էջմիածնայ լինելի:
Յայնժամ Արքս երկուտասանս արքունի
հրովարտակօք յղեն Զմիւռին շեշտակի,
անդուստ առցեն զՂազարն վեհն իմ նագելի
եւ հասուսցեն ի Սուրբ Աթոռն ցանկալի:
Այլեւ յայտնեն զայս Տեառն իմոյ առաջի,
թէ՛ «դու ես մեր կաթուղիկոս ընդհանրի,
ահա յղեցաք ոռճիկ բազում, որ պիտի,
նաեւ՝ զԱրքս եւ զհրամանս Արքունի:
Յարուսցեալ արդ՝ իսկոյն գնասցես քո տեղի,
զի մի՛ գուցէ հասցէ վնաս Տան մեծի,
թէ պակսութիւն քեզ լինիցի մին իրի,
մեք պատրաստ եմք լցուցանել համայնի:
Տէր իմ յայնժամ սրտապնդեալ ի մըտի,
ոչ ընդդէմ կայ այնքան բազմաց խնդրողի-
յօժար սրտիւ ի յանձն առնու գլուծ մեծի՝
Տանն Սրբոյ լուսահիման Միածնի:

[Էջ 73բ]

Էականի կարողութեամբ վեր կանգնի
զվեհն իմ Ղազար եւ երջանիկ բարունի,
բազում արամբք ուղեւորօք պատրաստի,
ելեալ ի Զմիւռնոյ առ ի գընալ ըսկըսի:
Ընթանան խումբք ուղեւորել ընդ վեհի,
ոտանաւորք եւ ձիաւորք ըզհետի՝
Հայք, Հոյնք, Փռանկ, իւրաքանչուր ըստ կարգի,

տրամ ընթացիւք ըստ սարասի արքայի՞:
Տէրն իմ իւրովք պաշտօնէիւք ամենի,
նաեւ՝ մարդկամբք եւ առաքչօք արքունի,
այլեւ՝ եկօք յարեցելովք ընդհանրի՝
գնացեալ ի մերձ յէջմիածին հասանի:
Կազմին յայնժամ միաբանքըն ըստ կարգի.
Եպիսկոպոսք եւ վարդապետք ըստ կերպի,
սարկաւագուք եւ տիրացուք ըստ ձեւի՝
բուրվառանօք, անուշ խնկօք պէսպիսի:

[Էջ 74ա]

Այլք խաչվառօք մոմեղինօք անթուելի
զոյգ զոյգ կանգնեալ ճանապարհի դէմ դիմի՝
հարմամբ զանկակս խաղացուցմամբ ճնծղայի
ընդառաջեն վեհին իմոյ Տեառն մեծի:
Րամեալք այսպէս անթիւ մարդկամք բազմակի,
քաղցր հնջմամբ նուագարանօք ցնծալի,
տարեալ պատուով նստուցանեն յԱթոռի,
ասեն՝ «Կեցցէ Վեհիդ մերոյ ամբ կենի»:
Իսկոյն յայնժամ Աթոռատեարցն ամենի
իւրաքանչիւր առ սուրհանդակս առաքի,
այն, որ մերձ էր Վաղարշապատ գաւառի՝
արագ գայցեն առ օծանել նոր Վեհի:
Իսկ եւ նոքա ամենեքեան մի տեղի
գան գումարեն ի մէջ մեծի հանդիսի,
ապա կանխեն առնել զպաշտօնս հրաշալի
յերեկոյէ մինչեւ ի լոյս կիրակի:
Իիւսին զգեստիւք ի յառաւօտն հասելի
Եպիսկոպոսք եւ կարգաւորք համայնի,
բայց քաղցրաձայնքն ի նոցանէ անջատի
սկսեն նոքա զխորհուրդ խորհինս անհասի:

[Էջ 74բ]

Րաբբի վեհն իմ յայնժամ պայծառ զարդարի,
ապա եկեալ երկնագումար ատենի,

յետ մեղայէն ձեռնալուայէն ըզկընի,
ելեալ կանգնի սուրբ սեղանոյն առաջի:
Ուստի սկսեն գեղգեղանօք մեղեդի՝
մինչեւ օծման խորհուրդն վերայ հասանի,
ապա յայնժամ քաղցրաձայնքն մի տեղի,
երգեն զքարոզն Աստուածային շնորհի:
Իիւսեալք ըզվեց եպիսկոպոսք մի կողմի,
եւ վեց եւս կանգնին եւ այլ միւս կողմի՝
առեալ ըզչիչն զսրբալոյս մեռոնի,
ածեն մի տեղ ի սուրբ գագաթն նոր Վեհի:
Մերձ աւարտման պատարագին հրաշալի,
չրջէ զՎեհն գերեսըն իւր ատենի,
ասէ՝ «ո՛վ հարք եւ սրբազանք Սուրբ Ուխտի,
լուարուք փոքր տառապելոյս ձեր Դիտի:
Փառացս յայսմիկ ես ո՛չ էի արժանի,
արդ, փառք պատիւ բարերարի Տեառն լիցի,
այլեւ սրբոց հարցդ աղօթից համայնի,
հաւատամ ես, հասանիլ ինձ այսմ շնորհի:

[էջ 75ա]

Որովհետեւ պատրիարգունք մեր ազնի
չենթադրեցին զուսս իւրեանց այս լուծի,
այլ ձգեցին հարկադրելով զիմ վըզի,
որ ինձ չէր պարտ բանին նոցին կալ դիմի:
Քանզի ապա զի՞նչ այլ ունեմ ասելի,
որ անցեալքն չէ մարթ յետրս բերելի
խնդրի ի ձէնջ վասն իմ յաղօթս առնելի,
զի կարիցեմ տեւել ի ներքս սոյն Ուխտի»:
Բէնականի ամի Փրկչին Յիսուսի
հազար եօթն հարիւրերորդ թուականի
երեսուն եւ ութ այլեւս թիւ զհետ լըծի
փետրվարի ի տասնեւութն զայս գործի:
Իսկ արդ այժմիկ կատարեցան բանք նախնի,
որք ասացին Կաթողիկոս լինելի
սակս Ղազարու Տեառն իմոյ երջանկի,

ահա եղեւ լրումն բանից կանխասի:
Շնորհալի էր Հայրապետս այս ուժգնակի,
նաեւ՝ բազմաց ամենեցունց գովելի:
յորժամ կանգնել քարոզ ասել ի դասի՝
զարմանք կալնոյր սիրտ լըսողաց ամենի:

[էջ 75բ]

Արդ սա էր մեծ մառանապետ բուն բանի
ունէր զանձեալ մառանն բարեաւ պէսպիսի,
թէ ե՞րբ լինէր կամ ու՞մ պիտոյ լինելի՝
հանէր եւ տայր առատասիրտ լիալի:
Տաֆան էր սա եղեմատունկ պարտիզի,
զկորդացեալս կակղէր խրատիւք քաղցրալի,
ապա ցանէր սերմն բանին քարոզի,
լինէր պարարտ ի սիրտ մարդոյն պտղալի:
էր ամպ ջրաբարձ Աստուածային շնորհի,
քարոզութեամբ մշտացողոջ համայնի.
է՛ բարեխօս այժմ առ մեզ ընդհանրի՝
որդւոյս մերոյ Լուսաւորչի Գրիգորի:

ՎԵՐՋ

Ասացաւ եւ գրեցաւ ի թուոյ Փրկչին 1756
ներ Ամսեանն Դեկտեմբերի 18. ընդ
հովանեաւ Սուրբ Հոգի եկեղեցւոյն
հայոց յԱմստերդամայ:

[էջ 76ա]

Ի թուոյ Փրկչին 1760 եւ մայիսի առաջնումն
ասացաւ զայս ներբողեանս վասն կարօտի
եւ սիրոյ Սրբազանի Տեառն իւրոյ Ղազարու
կաթողիկոսին ամենայն Հայոց. եւ բացայայտէ
զտանազուլութն, թէ ո՞վ ոք է:

Ի մէջ տանէն յարեւելեան յայտնեցար,
օծմամբ Հոգւոյն Աստուածային պատուեցար,
յաջորդ Սրբոյ Լուսաւորչին ընտրեցար՝
ո՛վ սրբազան հայր իմ Ղազար ցանկալի:

Ոսկիափայլ բանիւք սրբովք դու լըցար,
քարոզութեամբ գեր, քան զարքին փայլեցար,
վերծանողաց բազմաց գիտնոց հրաշացար՝
ո՛վ սրբազան:

Հայոց Մեծաց կաթողիկոս կարգեցար,
արդեամբ առատ, քան զնախնիս պանծացար,
արժանաւոր փառօք պատուովք ճոխացար՝
ո՛վ սրբազան:

Ներկուռ վարժմամբ եւ արուեստիւք կրթեցար,
պէս պէս շնորհըս դատողական ըստացար,
նուաճելով զըստահակըս զօրարար,
ո՛վ սրբազան:

(76բ)

Ի մէջ սրբոյ եկեղեցւոյ ջահ լուցար,
ճոխ իմաստիւք անշէջ կանթեղ վառեցար,
Սրբոյ Հոգւոյն քաղցր կամաց կազմեցար,
ո՛վ սրբազան:

Էին աջով զայն քան շնորհաց տիրացար,
եւ գանձապետ գանձուց Հոգւոյն դու ցուցար,
վճիտ խրատիւք բազում որդիս շահեցար,
ո՛վ սրբազան:

Անդուլ սիրով եւ հաւատով վիմացար,
ընդ հերձուածողս բանիւք գրքօք գինեցար,
րամից մերոց ուղղափառաց գովեցար,
ո՛վ սրբազան:

*Դառն կենօք յայսմ աշխարհի դու կեցար,
կամապաշտից, սոպերց մարդկանց ձանձրացար,
Արեանարբու հինից չարեաց վշտացար,
ո՛վ սրբազան:*

*Պինտ յօժարիւք թողուլ զաշխարհս ցանկացար,
վասն այն նախքան փոխիլն յաստիս իմացար,
Ելեալ ի մարմնոյդ ընդ յերկինս բարձրացար,
ո՛վ սրբազան:*

(77ա)

*Տեառնական մաքուր մարմնով ննջեցար,
ի սուրբ գաւիթըս Գայիեանեանց թաղեցար,
Էին լուսոյ գանձարանին գանձեցար,
ո՛վ սրբազան Հայր իմ Ղազար ցան
կալի, բարեխօսեա առ իմ
գերոյս ողբալի:*

ԾԱՆՈԹԱԳՐՈՒԹՅՈՒՆՆԵՐ

¹ Յոհնն, Ե, 35:

² Եսայիայ, Ա, 9:

³ Կորնթ., Ժ, 19:

⁴ Սաղմոս, ձԻԵ, 6:

⁵ Տիմոթայի, Բ, 5:

⁶ Եբրայցւոց, ԺԲ, 6:

⁷ Մատթայի, ԺԳ, 28:

⁸ Թագավորություններ, Ա, 9, 3:

⁹ «Սարասի արքայի» = սերասքեր, այսինքն՝ գլխավոր հրամանատար:

ՀԱՎԵԼՎԱԾ Ե

ԼԻՄ ԱՆԱՊԱՏԻ ՀԻՇԱՏԱԿԱՐԱՆԸ (1722)¹ Գրիչ՝ Մխիթար աբեղա

Ի թուականութեան հայկազեան տուժարիս ՌՃՀԱ (1722) յոյժ դառնակսկիծ եւ նեղ ժամանակիս, ես սուտանուն եւ անարժան կրաւնաւոր Մխիթար միաբան աբեղայս սուրբ մենաստանիս, որ ի վերայ ծովապատ կղզոյ, Լիմ Անապատ կոչելոյ, աչաւք իսկ իմովք տեսի, թէ գարնանաբեր կենսանորոգ յեղինակիս, թէ որպիսի հաւաքումն կատարեցաւ ի վերայ սուրբ կղզոյս՝ խորհելոյ եւ մտածելոյ եւ ճար-ճարնանք գտանելոյ վասն ազատութեան տառապեալ եւ ողորմելի ազգիս Հայոց:

Առաջնորդք եւ վարդապետք եւ քահանայք եւ իշխանք ամբողջաբար քաղաքիս Վանայ, մեծամեծք գաւառաց Վասպուրականի, Մելիքք յերկրաց Քաջբերունեաց եւ Բզնունեաց, գիւղապետք համայն գիւղօրէից հաւաքեալ եղեն ի ծովապատ սուրբ մենաստանս:

Ես սուտանուն Մխիթար աբեղայս՝ անարժանաբար ի միտս առի զրոյցք գաղտնի եւ ծածկախորհուրդս: Քաջահամբաւ եւ արիասիրտ վարդապետ մի՝ յերկրէն Ռուշտունեաց Տէր Ներսէս անւանեալ, յոյժ յուզեալ եւ լալազին պատկերացոյց դառնակսկիծ վիճակս համօրէն ազգիս Հայոց եւ յայտնեաց ցնծազին՝ թէ այր մի յերկրէն Սիւնեաց Դաւիթ բէկ անուանեալ, զօրաշարժութիւն արարեալ իցէ վասն հալածելոյ նեղիչք եւ կշտամբիչք մեր, միտս ունելով ազատագրելոյ արիւննածուփ գաշխարհն Հայաստան:

Արդ, ով բարեմիտ եւ Հայրենապաշտ ժողովականք, շրջեսցէք գաւառս եւ ի կողմանս յերկրին ձերոյ, խրախուսեսցէք ժողովուրդս ձեր, որ մրափեալ է ի խոր խաւարի եւ տանջարանաց, զի թոթափեսցին զլուծ անիրաւանց բռնութեանցս, եւ յորժամ մեք առաքեսցուք զհրաւէր մարտի, բառնան ձայն ապստամբութեան ընդդէմ մարդակեր եւ խաչահալած թշնամեաց մերոց:

Զկնի աւարտման զայս քաղցրալուր ճառասացութեանս՝ ժողովականք յոյժ վշտացեալ արտասուէին լուեիւայն: Եւ եղեն զրուցանողք բազումք, կարծիք բազմազանս, առաջարկս անհամարս: Յետ այնորիկ՝ իշխանք եւ պարոնք եւ Մելիքք եւ տանուտէրք յօժարեսցին վասն պատերազմի հաւաքելոց զառնս բազումք քաջակորով եւ կռուարար, եւ հայթայթելոյ ուտեստս կռուապաշարոյ, սայլք եւ նժոյզս բազումս եւ պիտոյս բազմազանս, դամուրս (իմա՝ երկաթ, Ա.Ա.) եւ նաւս եւ բուրդս եւ ցորեանս եւ ոչխարս:

Ամենայն [օր] երիցս [ան]գամ միաբանք սբ. մենաստանիս մեծարեն պատգամաւորս աղու հացիւ եւ ընտիր ուտելեօք: Զկնի զայս հաւաքման, զոր կատարեցաւ երիցս, յօթներրորդ օր՝ նաւ մի եկեալ ի գեղջէ Աւանց կոչեցելոյ եւ գիշեր մի լուսնակազարդ՝ պատգամաւորք տեղաւորեսցին ի մէջ նաւին եւ ուղեւորեսցին զծովապատ եւ զանառիկ կղզին յԱղթամար՝ առ ոտս վեհապատիւ Տէր Յովհաննէս կաթողիկոսի Հայոց Զորեցւոյ, որում յայտնեալ իցեն զմեծախորհուրդ ձեռնարկս իւրեանց: Աստուածընտիր կաթողիկոսն զՏէր Յովհաննէս համաձայանաբար յօժարեալ իցէ շնորհել զկամս իւր, օրհնելով զպատգամաւորս, որք առաքինաբար զոհելոյ յանձն առեալ իցեն զկեանս իւրեանց, վասն ազատելոյ յաշխարհս Վասպուրական ի լուծոյ բռնաւորաց եւ փաշաներաց եւ բեկերաց եւ աղաներաց:

Տէր Աստուած կատարեսցէ զգործս ձեռաց իւրեանց, տայցէ յաջողութիւն նոցա գործելոյ եւ ազատելոյ ծովազարդն եւ գեղատեսարան զաշխարհն մեր Վասպուրական, յորում յայսմ ժամանակի շէն եւ պայծառ մնացեալ են բազում վանքս եւ մենաստանս եւ եկեղեցիս եւ մատուռս, բազում գաւառս եւ անհամար գիւղօրայս:

Արդ, որ հանդիպիք զայս յիշատակարանիս, զկնի ընթեռնելոյ՝ յիշեցէք սուտանուն կրօնաւօրս, Մխիթար աբեղայս, որ գրեաց սա յուսոյ սրտի եւ լալոյ աշաւք, եւ ասացէք՝ «Աստուած լուսաւորեսցէ զհոգին իւրոյ այժմ եւ միշտ եւ յաւիտեանս յաւիտենից. ամէն»:

ԾԱՆՈԹԱԳՐՈՒԹՅՈՒՆՆԵՐ

¹Սույն հիշատակարանը հրատարակել ենք, թարգմանել անգլերեն ու մանրամասն քննել հետևյալ հոդվածում՝ **Armen M. Ayvazyan**, “The Secret Meeting of Armenians on Lim Island in 1722 (Concerning the Possible Involvement of Western Armenians in an All-Armenian Liberation Movement),“ in **Janos M. Bak and Peter Banyo**, eds., *Issues and Resources for the Study of Medieval Central and Eastern Europe: Reports and Articles* (Department of Medieval Studies, Central European University and the Committee on Centers and Regional Associations of the Medieval Academy of America: Budapest-Cambridge, MA, 2001), pp. 59-68; լույս է տեսել նաև՝ *Iran and the Caucasus*, vol. 5 (Tehran: International Publications of Iranian Studies, 2001), pp. 85-92:

Ց Ա Ն Կ Ե Ր

**ՕԳՏԱԳՈՐԾՎԱԾ ԱՂԲՅՈՒՐՆԵՐԻ
ԵՎ
ԳՐԱԿԱՆՈՒԹՅԱՆ ՑԱՆԿ**

Ձեռագիր ՍԿՋԲՆԱՂԲՅՈՒՐՆԵՐ ԵՎ ԴԻՎԱՆԱԿԱՆ ՆՅՈՒԹԵՐ

**Մաշտոցի անվան Հին ձեռագրերի
Ինստիտուտ-Մատենադարան**

Ձեռագրեր՝

*No. 350, 678, 698, 789, 883, 1534, 2121, 2291, 2347, 2503, 2766,
3531, 7304, 9120, 9245, No. 268 դրսի ժապավենը:*

Դիւանական նյութեր՝ Կաթողիկոսական դիվան,

Թղթապանակ 1, վավերագրեր 14, 42, 43, 53

*Թղթապանակ 1գ (պարսկերեն, արաբերեն, օսմաներեն վավերագրեր),
վավերագրեր 306-311, 313, 314, 321. ցուցակ No. 29, վավերագիր
291, 330:*

Թղթապանակ 5, վավերագիր 12.

Թղթապանակ 243, վավերագիր 5.

Թղթապանակ 244, վավերագրեր 244, 245:

ՏՊԱԳԻՐ ՍԿՋԲՆԱՂԲՅՈՒՐՆԵՐ
ԵՎ
ՌԻՍՈՒՄՆԱՍԻՐՈՒԹՅՈՒՆՆԵՐ

Ա. ՀԱՅԵՐԵՆ

Աբրահամ Երևանցի, Պատմութիւն պատերազմացն 1721-1736 թուի: Հրատարակեց Սահակ Ճեմճեմեան. Վենետիկ-Ս. Ղազար, 1977:

Աբրահամ Կրետացի, Պատմութիւն: Քննական բնագիր, ռուս. թարգմ., առաջաբան և ծանոթագրութիւններ՝ Ն. Կ. Ղորղանյանի, Երևան, 1973:

Աբրահամյան, Աշ., «Դավիթ Բաղիշեցու տարեգրութիւնը և նրա արժեքը Հայ մատենագրութեան մեջ». - *Էջմիածին*, 1946, VIII-X:

Ալիշան, Ղեւոնդ. Շնորհալի եւ պարագայ իւր: Վենետիկ-Ս. Ղազար, 1873:

Ալիշան, Ղեւոնդ. Կամենից. Տարեգիրք Հացոց Լեհաստանի եւ Ռուսիոյ Հաւաստեցեայ յաւելուածովք: Վենետիկ-Ս. Ղազար, 1896:

Ալպոյանեան, Արշակ. Տպագրութեան արուեստը եւ Հայք. անտիպ, Երևանի Եղիշէ Չարենցի անվան գրականութեան թանգարան:

Առաքել Դաւրիթեցի, Գիրք պատմութեանց: Աշխատախրութեամբ՝ Լ. Ա. Խանլարյանի. Երևան, 1990:

Արիստակես Լաստիվերտցի, Պատմութիւն: Թարգմանութիւնը՝ Վ. Ա. Գևորգյանի, Երևան, «Հայաստան», 1971:

Գանձարան Հայ Հին բանաստեղծութեան: Աշխատախրութեամբ՝ Պողոս Խաչատրյանի: Երևան, «Հայագիտակ», 2000:

Ակինեան, Ներսէս. Բաղէշի դպրոցը (1500-1704): Վիեննա, 1952:

Ակինեան, Ներսէս. Երեմիա Չէլէպի Քէօմիւրճեան. կեանքն եւ գրական գործունէութիւնը: Վիեննա, 1933:

Ակինեան, Ներսէս. «Ստեփանոս վրդ. Լեհացի». - *Հանդէս Ամսօրեայ*, 1912:

Աղաւնունի, Մկրտիչ. «Կիլիկիոյ Հայ արքունիքին եւ Հայ եկեղեցականութեան մասին ժԳ դարուն օտար ճանապարհորդի մը տեղեկութիւնները». - *Միտն*, 1933:

«Աղեքսանդր Զուղայեցի կաթողիկոսի կտակ-չըջաբերականը (1708 թ. փետրուարի 20)». - *Ազգասէր Արարատեան*, Կալկաթա, 1849, No. 12:

Ամատունի, Կարապետ. «Ժէ դարու երեւելի վարդապետներ». - *Բազմավէպ*, 1987:

Ամատունի, Կարապետ. «Սահակ վրդ. Մակունցի». - *Բազմավէպ*, 1983.

նույն Հոդվածը Համառոտված տպագրվել է *Բազմավէպ*-ում, 1988:

Ամատունի, Կարապետ. «Յակոբ Դ Զուղայեցի կաթողիկոս Էջմիածնի (1600-

1800)», Մաս Ա-Բ. - *Բազմավէպ*, 1992-1993:

Այվազյան, Ա. Մ., «1720-ական թթ. Սյունյաց ազատագրական շարժման պատմութիւնից (սկզբնաղբյուրների համադրման փորձ)». - *Պատմա-բանասիրական հանդես*, 1990, No. 2 (129):

Այվազյան, Ա. Մ., «Դավիթ-բեկի Հայաստան գալու ժամանակն ու հանգամանքները». - *Պատմա-բանասիրական հանդես*, No. 3 (130):

Այվազյան, Ա. Մ., «Իրադարձութիւններն Այսրկովկասում 1723 թ. և արցախահայերի առաջին օդնական ռազմերթը Սյունիք». - *Պատմա-բանասիրական հանդես*, 1990, No. 4 (131):

Այվազյան, Ա. Մ., «Երևանի 1724 թ. պաշտպանութեան ժամանակագրութեան մասին». - *Պատմա-բանասիրական հանդես*, 1991, No. 1 (132):

Այվազյան, Ա. Մ., «Իրադարձութիւնները Ղափանում և Նախիջևանի խանութիւնում 1724 թվականին». - *Պատմա-բանասիրական հանդես*, 1991, No. 2 (Հ. 133):

Այվազյան, Ա. Մ., «Ամենայն Հայոց կաթողիկոսի ընտրութեանը՝ Բջնո, Հաղբատի, Ս. Թադեոսի և Տաթևի արքեպիսկոպոսների հավանութիւն տալու կանոնը (հավաստիութիւնը, առաջացման ժամանակն ու հանգամանքները)». - *Հայոց եկեղեցի և պետութիւն*: Երևան. Հայկական հանրագիտարանի հրատ., 2000:

Այվազյան, Ա. Մ., *Հայ զինվորականութեան պատվո վարքականոնը (4-5-րդ դարեր)*: Երևան. Մատենադարան, «Արտագերս», 2000:

Այվազյան, Ա. Մ., «Հայոց կաթողիկոսի ընտրութեան հանգամանքները ժեթեղ դարերում (երկու հնատիպ վավերագրերի քննութիւն)». - *Հանդէս Ամսօրեայ*, հունվար-դեկտեմբեր 2000, No. 1-12:

Այվազյան, Ա. Մ., *Մայրենի լեզուն և ազգայնականութեան սկզբնավորումը (հայկական և եվրոպական աղբյուրների համեմատական քննութիւն)*: Երևան. Մատենադարան, «Արտագերս», 2001:

Այվազյան, Ա. Մ., «Հայ եկեղեցու նվիրակական կառույցը ժԶ-ԺԸ դարերում». - *Կանթեղ* (ՀՀ ԳԱԱ Հումանիտար գիտութիւնների բաժանմունքի Գիտական հոգվածների ժողովածու), No. 6, 2001 (Երևան, «Ասողիկ» հրատ.):

Այվազյան, Ա. Մ., «Աստվածատուր Ա. Համադանցի կաթողիկոսը (կթղ. 1715-1725) և Հայ ազատագրական շարժումը». - *Էջմիածին*, No. Զ-Է (հունիս-հուլիս), 2002:

Անանեան, Պօղոս. «Ոսկան վարդապետի նամականին». - *Բազմավէպ*, 1967:

Անասյան, Հ. Ս., *Հայկական մատենագիտութիւն. Ե-ԺԸ դարեր*: Հ. Ա, Երևան, 1959:

Անասյան, Հ. Ս., *XVII դարի ազատագրական շարժումներն Արևմտյան Հայաստանում*: Երևան, 1961:

Աստվածաշունչ մատյան:

Արևշատյան, Ս., «Թովմա Աբղիմացի». - Հայկական սովետական հանրագիտարան, Հ. 4, Երևան, 1978:

Բամպուլքճեան, Գ., *Յովհաննէս պատրիարք Կոլոտ (1678-1741) եւ իր աշակերտները*: Ստանպուլ, 1984:

Բամպուլքճեան, Գ., *Յակոբ Նալեան պատրիարք 1706-1764*: Ստանպուլ, 1981:

Բամպուլքճեան, Գ., «Մարտիրոս պատրիարք Ղրիմեցի (1630^ժ-1683) եւ իր նորայայտ չափածոյ յիշատակարանը». - *Բազմավէպ*, 1994:

Գալեմքերեան, Գրիգորիս. *Կենսագրութիւն Սարգիս Արքեպիսկոպոսի Սարսոեան եւ ժամանակին հայ կաթողիկեայք*: Վիեննա, Միլիթարեան տպ., 1908:

Գալեմքերեան, Գ., «Թաղէի երիցու պատմական մէկ գործը». - *Հանդէս Ամսօրեայ*, 1887:

Գալեմքերեան, Գ., «Ո՞վ է Ջուղայեցի Յակոբ Դ կաթողիկոսին յաջորդը». - *Հանդէս Ամսօրեայ*, 1912:

Գէորգեան, Գառնիկ. «Ճշտումներ Մինաս Ամթեցիի մասին». - *Բազմավէպ*, 1966, No. 7-8:

Գրիգոր Տաթևացի. *Գիրք հարցմանց*: Կոստանդնուպօլիս, 1729:

Գրիգոր Տաթևացի. *Ընդդէմ Տաճկաց*: Ուսումնասիրեց եւ հրատարակեց՝ Բաբգէն Կիւլէսէրեան. Վիեննա, 1937:

[**Գրիգոր Եղթայակիր**]. «Ստորագրութիւն ուղեւորութեան Տ. Գրիգորի Եղթայակիր Պատրիարքի Ս. Աթոռոյս՝ յԵրուսաղէմի ի Կ. Պօլիս». - *Միտն*, 1866:

[**Գրիգոր Եղթայակիր**]. «Նամականի Գրիգոր Եղթայակիր պատրիարքի». - *Միտն*, 1971:

Գրիգորյան, Վ., «Հովսեփ Էմինի եւ Հովսեփ Արղությանի անտիպ նամակները (1791-1792 թթ.)». - *Պատմա-բանասիրական հանդես*, 1990, No. 4:

Դաւիթ Բէկ կամ «Պատմութիւն Ղափանցուց»: Աշխատասիրեց Սամուէլ Արամեան, Վենետիկ-Ս. Ղազար, 1978:

«Դանիէլին կաթողիկոս ճանաչելու եւ Դաւիթին մերժելու շրջաբերականը». - *Արարատ*, 1893:

Դիւան հայոց պատմութեան: Աշխատասիրութեամբ՝ Գիւլտ Աղանեանցի: Գիրք Գ, Թիֆլիս, 1894:

Դիւան հայոց պատմութեան: Աշխատասիրութեամբ՝ Գիւլտ Աղանեանցի: Գիրք Դ, Թիֆլիս, 1899:

Դիւան հայոց պատմութեան: Գիրք Ե՝ «Դանիէլ կաթողիկոս /1800-1808/»: Աշխատասիրութեամբ Գ. Աղանեանցի, Թիֆլիս, 1902:

Դիւան հայոց պատմութեան: Աշխատասիրութեամբ՝ Գիւլտ Աղանեանցի: Գիրք ԺԱ, Թիֆլիս, 1913:

Եղիա Կարնեցու զիվանը: Նյութեր Մերձավոր Արևելքի և Անդրկովկասի պատմության: Առաջաբանը և ծանոթագրությունները պրոֆ. Ա. Գ. Աբրահամյանի: Երևան, Միտք հրատ., 1968:

Եսայի Հասան-Ջալալեան, Պատմութիւն Համառօտ Աղուանից երկրի: Երուսաղէմ, 1868:

Զամինեան, Աբրահամ. Հայոց եկեղեցու պատմութիւն: Մասն Բ, Նոր Նախիջևան, 1909:

Զարբհանալեան, Գ., Հայկական մատենագիտութիւն: Վենետիկ, 1883:

Զաքարիա Ագուլեցու Օրագրութիւնը: Երևան, 1938:

Զաքարեայ սարկաւազի պատմագրութիւն: Վաղարշապատ, Գիրք Ա-Գ 1870:

Մեարոպ Թերզեան. Յակոբ Դ. Զուղայեցի (1655-1680): Պէյրութ, 1956:

Թովմա Մեծորեցի. Պատմութիւն Լանկ-Թամուրայ եւ յաջորդաց իւրոց: Աշխատասիրութեամբ՝ Կարապետ Շահնազարեանի, Փարիզ, 1860:

Թովմա Մեծփեցու յիշատակարանը: Հրատարակեց իւր առաջաբանով Կարապետ Կոստանեանց. Թիֆլիզ, 1892:

Թորոսեան, Յովհաննէս. Վարք Մխիթարայ Աբբայի Սեբաստացւոյ: Վենետիկ, 1901:

Թումանյան, Բ. Ե., Տոմարի պատմութիւնը: Երևան, 1972:

ԺԵ դարի հայերեն ձեռագրերի հիշատակարաններ: Մասն Ա (1401-1450 թթ.): Կազմեց Լ. Ս. Խաչիկյան. Երևան, 1955:

Ինճիճեան, Ղուկաս. Հնախօսութիւն աշխարհագրական Հայաստանեայց աշխարհի: Հ. Գ, Վենետիկ, 1835:

Իշխանյան, Ռաֆայել. Հայ գրքի պատմութիւն: Հ. 1, Երևան, 1977:

Իշխանյան, Ռաֆայել. «Սահակ ձեմճեմյան. Մարսիլիո հայկական տպարանը». - Պատմա-բանասիրական հանդէս, 1988, No. 1:

Լեո, Երկերի ժողովածու. Հայոց պատմութիւն: Երրորդ հատոր, Գիրք երկրորդ: Երևան, 1973:

Խաչատուր Զուղայեցի, Պատմութիւն պարսից (ԺԸ դար): Աշխատութեամբ՝ Բ. Աղաւելեանցի. Վաղարշապատ, 1905:

Խաչիկյան, Լևոն. «Արտագի Հայկական իշխանութիւնը և Ծործորի դպրոցը». - Բանբեր Մատենադարանի, 1973, No. 11:

Խաչիկյան, Լ. Ս., «Հակոբ Զուղայեցու կտակը». - Պատմա-բանասիրական հանդէս, 1966, No. 4:

Խոստիկեան, Միսաք Թ., «Վերածնութեան շրջան - ԺԷ դարու վերանորոգիչ կաթոլիկոսները». - Արարատ, 1902:

[Խոսրովու Անձեւացի]. «Մեկնութիւն աղօթից»: Արարեալ երանելոյն ինսորովու Անձեւացեաց եպիսկոպոսի եւ այլ սրբոց վարդապետաց: Կ. Պոլիս, [մոտ. 1730-1734]:

Կանոնագիրք Հայոց: Աշխատասիրությամբ՝ Վազգեն Հակոբյանի: Հ. Ա., Բ, Երևան, ԳԱ Հրատ., 1964, 1971:

[Կարապետ Ուլենցի]. *Կարապետի կաթողիկոսի Ուլենցեոյ Վարք ինքնագիրը*: Հրատարակեց Սահակ ձեմճեմեան. - *Բազմավէպ*, 1978:

Կարապետյան, Մ. Մ., է. Խ. Թաշիրյան, «Էջեր XVII դարի վերջի Նոր Զուղայի պատմութիւնից» . - *Բանբեր Երևանի Համալսարանի*, 1998, No. 2 (95):

«Կենսագրութիւն Աւետիք պատրիարքի Հայոց Կ. Պոլսոյ». - *Արարատ*, 1874:

Կիրակոս Գանձակեցի. *Պատմութիւն Հայոց*: Աշխատասիրությամբ՝ Կ. Ա. Մելիք-Օհանջանյանի: Երևան, ԳԱ Հրատ., 1961:

Կիւլէսէրեան, Բարգէն. *Պատմութիւն կաթողիկոսաց Կիլիկիոյ (1441-էն մինչեւ մեր օրերը)*: Անթիլիաս, 1939:

Կիւլէսէրեան, Բարգէն. *Կոլոտ Յովհաննէս պատրիարք*: Վիեննա, 1904:

Կիւլէսէրեան, Բարգէն. *Յուցակ ձեռագրաց Անկիւրիոյ Կարմիր վանուց եւ շրջակայից*: Անթիլիաս, 1957:

Կիւլէսէրեան, Բարգէն. *Վարդապետութեան աստիճանները Հայ եկեղեցւոյ մէջ*: Անթիլիաս, 1980:

Կղեմէս Գալանոս, *Միաբանութիւն Հայոց սուրբ եկեղեցւոյն ընդ մեծի սուրբ եկեղեցւոյն Հռովմայ*: Հ. Ա., Հռոմ, 1650:

Հայերի վարուց: Աշխատասիրությամբ Քնարիկ Տեր-Դավթյանի. Երևան, 1994:

Հայերեն ձեռագրերի Ժէ դարի հիշատակարաններ (1641-1660 թթ.): Հ. Գ: Կազմեց Վազգեն Հակոբյան. Երևան, 1984:

Հայոց նոր վկաները. 1155-1843: (Գիտական հրատարակութիւն): Աշխատասիրութեամբ Յ. Մանանդեանի եւ Հ. Աճառեանի: Վաղարշապատ, 1903:

Հացունի, Վարդան. *Կաթողիկոսական ընտրութիւն եւ ձեռնադրութիւն պատմութեան մէջ*: Վենետիկ-Ս. Ղազար, 1930:

Հրավեր ողջամտության: Մայր Աթոռ Ս. Էջմիածին, 1993:

Ղազար Զահկեցի, *Գիրք աղօթից որ կոչի «Աստուածադերս»*: Կ. Պոլիս, 1742-1744:

Ղազար Զահկեցի, *Գիրք աստուածաբանական, որ կոչի «Դրախտ ցանկալի»*: Կ. Պոլիս, 1733:

Ղազար Զահկեցի, *Գիրք նորաբոյս, որ կոչի «Երգարան»*: Կ. Պոլիս, 1737:

Ղազրիկեան, Ա., *Հայկական նոր մատենագիտութիւն եւ հանրագիտարան հայ կեանքի*: Վենետիկ, 1909-1912:

Ղաֆաղարյան, Կարո. *Հաղբատ*: Երևան, 1975:

ձեմճեմեան, Սահակ. «Նոր նիւթեր Կ. Պոլսոյ երջանկայիշատակ պատրիարք Յովհաննէս Կոլոտի մասին (քաղուած Ս. Ղազարի դիւանէն)» . - *Բազմա-*

վէպ, 1978:

Ճեմճեմեան, Սահակ. *Մխիթար ԱբբաՏօր հրատարակչական առաքելութիւնը*: Վենետիկ-Ս. Ղազար, 1980:

Ճեմճեմեան, Սահակ. *Մարսիլիոյ հայկական տպարանը*: Վենետիկ-Ս. Ղազար, 1986:

Ճեմճեմեան, Սահակ. *Մայր ցուցակ հայերէն ձեռագրաց մատենադարանին Մխիթարեանց ի Վենետիկ*: Հ. Դ, Վենետիկ-Ս. Ղազար, 1993:

Ճեմճեմեան, Սահակ. *Մայր ցուցակ հայերէն ձեռագրաց մատենադարանին Մխիթարեանց ի Վենետիկ*: Հ. Ե, Վենետիկ-Ս. Ղազար, 1995:

Ճեմճեմեան, Սահակ. *Մայր ցուցակ հայերէն ձեռագրաց մատենադարանին Մխիթարեանց ի Վենետիկ*: Հ. Զ, Վենետիկ-Ս. Ղազար, 1996:

Ճեմճեմեան, Սահակ. *Նախիջեւանի հայոց վարժարանը եւ Հոռոմը*: Վենետիկ-Ս. Ղազար, 2000:

Մագսուտյան, Գրիգոր. *Ընտրեալդ յԱստուծոյ Ամենայն Հայոց կաթողիկոսի ընտրութիւնը*: Երևան. «Նաիրի», 1995:

Մանկունի, Վահրամ. «Կրօնական պատմութիւն ժողովոց Հայաստանեայց եկեղեցւոյ հանդերձ կանոնադրութեամբք»։ - *Արարատ*, 1874:

Մանր ժամանակագրություններ ԺԳ-ԺԸ դարերի: Կազմեց Վ. Ա. Հակոբեյան, Հ. Ա-Բ, Երևան, 1951-1956:

Մաշտոց ձեռնագրութեան կղերիկոսաց, սարկաւազաց եւ քահանայից: Վաղարշապատ, 1876:

Ցուցակ ձեռագրաց Մաշտոցի անվան Մատենադարանի: Կազմեցին՝ Օ. Եզանյան, Ա. Զեյթունցյան, Փ. Անթաբյան, Հ. Բ, Երևան. ՀԳԱ հրատ., 1970:

Մարտիրոսյան, Ա.Ա., Մարտիրոս Ղրիմեցի: Երևան, 1958:

[**Մինաս Փերվազեան**]. *Վարք գերապատիւ Մինասայ արքեպիսկոպոսին Զմիւռնիոյ գրեալ համառօտիւ ի դիմաց իւրոց*: Մատենադարան Մխիթարեանց ի Վենետիկ (Ս. Ղազար), ձեռագիր 2660:

Մինասեան Լ., «Հայ հնատիպ գրքի մատենագիտական ցուցակը եւ մի քանի նորայայտ գրքեր ու այլ ծանօթութիւններ»։ - *Հասկ*, 1970:

Մինասեան Լ., *Նոր Զուղայի տպարանն ու իր տպագրած գրքերը (1636-1972)*: Նոր Զուղայ, 1972:

Միրզոյան, Հ. Ղ., *XVII դարի հայ փիլիսոփայական մտքի քննական վերլուծութիւն*: Երևան, 1983:

Մխիթար Գոշ, Գիրք Դատաստանի: Աշխատասիրութեամբ՝ Խոսրով Թորոսյանի, Երևան, 1975:

Մխիթարեան, Ստ., *Ստորագրութիւն հռչակաւոր վանաց Ս. Գեորգայ որ ի Մուղնի*: Դաւրէժ, 1889:

Մովսէս Խորենացի. *Պատմութիւն Հայոց*: Քննական բնագիրը և ներածու-

թյունը Մ. Աբեղյանի և Ս. Հարությունյանի (նմանաՀանություն): Լրացումները՝ Ա. Բ. Սարգսյանի. Երևան, 1991:

Մսերեանց, Մսեր. *Պատմութիւն կաթողիկոսաց Էջմիածնի ի Սիմէոնէ մինչ ցՅովՀաննէս Ը (1763-1831):* Մոսկուա, 1876:

[Մսերեանց, Մսեր]. «Մովսէսի Բջնեցոյ ատեղծուած զգրոյ». - *Ճոռքաղ*, 1861-1862:

ՅովՀաննէս Մըքուզ Զուղայեցի, Գիրք որ կոչի Սրբազնագործութիւն: Մադրաս, 1812:

ՅովՀաննէս Պատկերահան, Նամականի: Աշխատասիրեց Սահակ Ճեմճեմեան, Վենետիկ-Ս. Ղազար, 1988:

ՅովՀաննիսեան, Աչ., «Յակոբ Դ Զուղայեցի կաթողիկոսը եւ տաճկահայ նուիրակութեան խնդիրը». - *Արարատ*, 1915 (փետրուար-մարտ):

ՅովՀաննիսեան, Աչ., Պետրոս դի Սարգիս Գիլանէնց: Ս. Էջմիածին, 1916:

ՅովՀաննիսեան, Աչ., Հայ-ռուս օրինատացիայի խնդիրը: Էջմիածին, 1921:

ՀովՀաննիսյան, Աչ., Դրվագներ հայ ազատագրական մտքի պատմության: Գիրք Ա, Երևան, 1957:

ՀովՀաննիսյան, Աչ., Դրվագներ հայ ազատագրական մտքի պատմության: Գիրք Բ, Երևան, 1959:

Յովսէփեան, Գարեգին. «Թովմա Մեծփեցու կեանքը (կենսագրական նոր նիւթերով)». - *Արարատ*, 1914:

Նազարյան, Շուշանիկ. *Ողբի և սթափման բանաստեղծություն:* Երևան. ԳԱ հրատ., 1992:

Նալեան, Յակոբ. *Վէմ Հաւատոյ:* Կ. Պոլիս, 1733:

Մատթէոս ՈւռՀայեցի, Ժամանակագրութիւն: Վաղարշապատ, 1898:

Նշանեան, Մեսրոպ. *Օրագրութիւն Երեմիա Չէլէպի Քէօմիւրճեանի:* Երուսաղէմ, 1939:

Նոր բառգիրք Հայկազեան լեզուի: Հ. Ա.-Բ, Վենետիկ, 1837:

Շահխաթունեանց, Յով., Ստորագրութիւն կաթողիկէ Էջմիածնի եւ հինգ գաւառաց Այրարատոյ: Հ. Բ, Վաղարշապատ, 1842:

Ոսկանյան, Ն. Ա., Ք. Ա. Կորկոտյան, Ա. Մ. Սալպյան. *Հայ գիրքը 1512-1800 թթ.:* Հայ հնատիպ գրքի մատենագիտություն: Առաջաբանը՝ Ն. Ոսկանյանի, խմբագրությամբ՝ Ռ. Ա. Իշխանյանի, Երևան, 1988:

Ոսկեան, Համադասպ. *Նղիա Աստուածատուրեան Մուշեղեան:* Վիեննա, 1927:

Ուշ միջնադարի հայ բանաստեղծությունը (XVIXVII դդ.): Հ. Բ: Աշխատասիրությամբ Հասմիկ Սահակյանի, Երևան 1987:

Չամչեանց, Մ., Պատմութիւն Հայոց: Հ. Գ, Վենետիկ, 1786:

Չորանյան, Պ. Ա., Վրացական ուղեգրությունները և նրանց տեղեկությունները հայերի մասին: Երևան, 1981:

Պատկանյան, Ռափայել. *Հայաստանի ազատութեան վարդապետարան.* - *Յեղին ձայնը:* Երևան, 1999:

[Պետրոս դի Սարգիս Գիլանէնց]. «Ժամանակագրութիւն Պետրոս դի Սարգիս Գիլանէնցի» - *Կոռնիկ Հայոց աշխարհին*, 1863, No. Բ-Գ:

Պերպերեան, Հայկ. «Էջմիածնի վանքը 1662-ին» - *Հասկ*, 1950:

Պողարեան, Ն., Մայր ցուցակ ձեռագրաց Սրբոց Յակոբեանց: Հ. Բ, Երուսաղէմ, 1953:

Պողարեան, Ն., Մայր ցուցակ ձեռագրաց Սրբոց Յակոբեանց: Հ. Ա, Երուսաղէմ, 1966:

Պողարեան, Ն., Մայր ցուցակ ձեռագրաց Սրբոց Յակոբեանց: Հ. Գ: Երուսաղէմ, 1968:

Պողարեան, Ն., Մայր ցուցակ ձեռագրաց Սրբոց Յակոբեանց: Հ. Դ: Երուսաղէմ, 1969:

Պողարեան, Ն., Մայր ցուցակ ձեռագրաց Սրբոց Յակոբեանց: Հ. Ը: Երուսաղէմ, 1977:

Պոտուրեան, Մկրտիչ. «Հայ կաթողիկոսութիւն» - *Բազմավէպ*, 1902:

Սամուէլ Անեցի, Հաւաքմունք ի գրոց պատմագրաց: Հրտ. Արշակ Տէր-Միքելեանի: Վաղարշապատ, 1893:

Սաւալանեանց, Տիգրան Թ., Պատմութիւն Երուսաղէմի: Հ. Ա-Բ. Երուսաղէմ, 1931:

Սիմէոն Երևանցի, Զամբու: Վաղարշապատ, 1870:

Սիմէոն Լեհացի, Ուղեգրութիւն, տարեգրութիւն եւ յիշատակարանք: Ուսումնասիրեց եւ հրատարակեց Ներսէս Ակիմեան: Վիեննա, Մխիթարեան տպարան, 1936:

«Դիւան Սուրբ Յակոբի» - *Միոն* (Երուսաղէմ), 1866, 1940, 1941, 1971, 1972, 1973:

Սմբատայ Սպարապետի Տարեգիրք, Վենետիկ-Ս. Ղազար, 1956:

[Սմբատ Սպարապետ]. *Տարեգիրք արարեալ Սմբատայ Սպարապետի Հայոց որդւոյ Կոստանդեայ կոմսին Կոռիկոսոյ:* Ի լոյս ընծայեաց Հանդերձ ծանօթութեամբք Կարապետ Եահնազարեանց. Փարիզ, 1859:

Ստեփանոս Ռօջբայ, Ժամանակագրութիւն կամ տարեկանք եկեղեցականք: Վիեննա, 1964:

[Ստեփանոս Սիւնեցի], «Ողբք եւ Հառաչանք ի դիմաց Մօրս մեր սրբոց Աթոռոյն Էջմիածնի Տեառն Ստեփանոսի Սիւնեաց այցելուի, որդւոյ Տարսայիճ իշխանի, ըստ ինդրոյ Վարդապետին Խաչատրոյ Կեչառեցւոյ ի ԶԽԸ (1299) թուիս մերոյ», Կալկաթա, 1846:

Ստեփանոս Տարոնացի (Ասողիկ), Պատմութիւն տիեզերական: Ս. Պետերբուրգ, 1885:

Ստեփանոս Օրբելեան, Հակաճառութիւն ընդդէմ երկաբնակաց: Շարադ-

ԱՆՁՆԱՆՈՒՆՆԵՐԻ ՑԱՆԿ

Սկզբնաղբյուրներից եկող անձնանունների և տեղանունների ուղղագրութունը թողել ենք անփոփոխ:

Համառոտագրություններ.

*կ[թղ.՝ կաթողիկոս,
պտր.՝ պատրիարք,
արքեպս.՝ արքեպիսկոպոս,
եպս.՝ եպիսկոպոս,
վրդ.՝ վարդապետ:*

րեալ ի թուին Հայոց ՉԾԱ (1302) ի կաթողիկոսութիւն Գրիգորի Անաւարզեցւոյ: Կ. Պօլիս, 1756:

Ստեփանոս Օրբելյան, *Սյունիքի պատմութիւն:* Թարգմ., ներած. և ծանոթագրությունները՝ Ա.Ա. Աբրահամյանի: Երևան, 1986:

Սրուանձտեանց, Գ., *Թորոս Աղբար,* [մասն Բ]: Կ. Պօլիս, 1884:

Վարդան Արեւելցի, *Հաւաքումն պատմութեան:* Աշխատասիրութեամբ՝ Ղ. Ալիշանի: Վենետիկ-Ս. Ղազար, 1862:

Վարդան Արեւելցի, *Մեկնութիւն քերականի:* Աշխատասիրութեամբ՝ Լ. Գ. Խաչերյանի: Երևան, ԳԱ Հրատ., 1972:

Տաշեան, Ղեւոնդ. *Մայր դիւան մխիթարեանց Վենետիոյ ի Ս. Ղազար, 1707-1733:* Վենետիկ, 1930:

Տաշեան, Յ., *Յուցակ հայերէն ձեռագրաց մատենադարանին Մխիթարեանց ի Վիեննա:* Վիեննա, 1895:

Տեր-Ավետիսյան, Ս., «Աբրահամ Կրետացու հիշատակարանը (ծոցի տետրակը)». - Երևանի Պետ. համալսարանի «Գիտական աշխատութիւններ», շ. XIII, Երևան, 1940:

Տեր-Մկրտչյան, Գալուստ. *Հայագիտական ուսումնասիրութիւններ (Հայկականք ԺԳ-ԺԹ):* Երևան, Գիրք Ա, 1979:

Տէր-Յովհաննեանց, Յ. Թ., *Պատմութիւն Նոր Զոռայու որ յԱսպահան:*

Հ. Ա.-Բ, Նոր Զուղա, 1881.

Տէր-Յովհաննիսեան, Ա., *Ժամանակագրական պատմութիւն Ս. Երուսաղէմի*: Երուսաղէմ, 1890:

Տեր-Ստեփանյան, Արմեն. «Գեորգ Մխլայիմ». - *Էջմիածին*, 1984, No. 5 (մայիս):

Տէրվիչեան, Տիրայր. *Յրուացանկ «Ազգապատում»ի յատուկ անուններու*: Լոս-Անջելէս, 1976:

Յուցակ ձեռագրաց Մաշտոցի անվան Մատենադարանի: Հ. Ա, Երևան, 1955:

Փափազյան, Հակոբ. «Օտար տիրապետութիւնը Արարատյան երկրում (Ժէ դար)». - *Հրաբեր Հասարակական գիտութիւններ*, 1977, No. 1:

Փափազյան, Հակոբ. «Մի էջ Արևելյան Հայաստանի քաղաքական կյանքի պատմութիւնից». - *Տեղեկագիր Հայկ. ՍՍՏ Գիտութիւններ*ի Ակադեմիայի, 1955, No. 8:

Քեչիչեան, Մեսրոպ. *Յուցակ Հայերէն ձեռագրաց Զմմառի վանքի մատենադարանին*: Վիեննա, 1964:

[**Քէօմիւրճեան, Երեմիա Չէլչպի**]. *Օրագրութիւն Երեմիա Չէլչպի Քէօմիւրճեանի*: Հրատ. Մեսրոպ Նշանեան, Երուսաղէմ, 1939:

Քիւրտեան, Յ., «Նիւթեր Յակոբ Զուղայեցի կաթողիկոսի կենսագրութեան համար (1655-1680)». - *Հասկ*, 1952:

Քիւրտեան, Յ., «Նոր նիւթեր Եղիազար կաթողիկոս Այնթապցիի մասին». - *Հասկ*, 1952:

Քիւրտեան, Յ., «Յակոբ կաթ. «Զուղայեցիի նորագիւտ խիստ կարևոր վաւերացումը մը». - *Սրոն*, 1969:

Քրիստոնյա Հայաստան. Հանրագիտարան: Երևան, Հայկ. հանրագիտարանի գլխավոր հրատ., 2002:

Օրմանեան, Մաղաքիա. *Ազգապատում*: Հ. Ա.-Բ, Կ. Պոլիս, 1912-1914:

Բ. ՕՏԱՐ ԼԵԶՈՒՆԵՐՈՎ

Армяно-русские отношения в I-ой трети XVIII века. Сборник документов. Т. II, часть I. Под редакцией Аш. Иоаннисяна, Ереван: Изд. АН Арм. ССР, 1964.

Армяно-русские отношения в I-ой трети XVIII века. Сборник документов. Т. II, часть II. Под редакцией Аш. Иоаннисяна, Ереван: Изд. АН Арм. ССР, 1967.

Армяно-русские отношения во втором тридцатилетии XVIII века. Сборник документов. Т. III. Под редакцией Восканяна, Ереван, 1978.

Бердзенишвили, Н, И. Джавахишвили, С. Джанашиа, *История Грузии.* Часть I, Тбилиси, 1946.

Иоаннисян А.Р., Иосиф Эмин. Ереван, Изд. ЕГУ, 1945.

Марр, К., *Критика и мелкие статьи.* СПб., 1903.

Мартиросян, В. М., П. А. Чобанян, “Документы по истории армяно-грузинских

взаимоотношений общественной жизни Грузии (2-ая половина 18 века),” *Кавказ и Византия*, Выпуск 3 (1982).

Меликсет-бек Л., “К биографии сподвижника Исаи Ори - Минаса вардапета,” *Տեղեկագիր* (Համ. գրու.), 1946, No. 1:

Петрос ди Саргис Гилянени, *Дневник осады Испагани афганами (1722-1723)*. Перевод и объяснения К. Патканова. СПб., 1870.

Симеон Ереванци, *Джамбр*. Москва, Изд. Вост. Лит-ры, 1958.

Судебник Смбата спарапета (гундстабля) 1265 г. Перевод со среднеармянского, предисловие и примечания проф. А. Г. Сукиасяна. Ер., 1971.

Полное собрание законов Российской империи. Москва, 1830, т. VII.

Советская историческая энциклопедия. Том 10, Москва, 1967.

Чалоян, В.К., *История армянской философии*. Ереван, 1959.

Эзов, Г. А., *Сношения Петра Великого с армянским народом. Документы, извлеченные из Московского главного и С.-Петербургского архивов Министерства Иностранных Дел, ... и других учреждений*. СПб.: Типография Импер. АН, 1898.

Энциклопедический словарь. Из-

дателя: Ф. Брокгауз, И.А. Ефрон, том XXII, СПб., 1897.

Aivazian, Armen M., *The Armenian Rebellion of the 1720s and the Threat of Genocidal Reprisal*. Center for Policy Analysis, American University of Armenia, Yerevan, Armenia, 1997.

Ayvazyan, Armen M., “The Secret Meeting of Armenians on Lim Island in 1722: Concerning the Possible Involvement of Western Armenians in an All-Armenian Liberation Movement,” in **Janos M. Bak and Peter Banyo**, eds., *Issues and Resources for the Study of Medieval Central and Eastern Europe: Reports and Articles* (Department of Medieval Studies, Central European University and the Committee on Centers and Regional Associations of the Medieval Academy of America: Budapest-Cambridge, MA, 2001); լույս է տեսել նաև՝ *Iran and the Caucasus*, vol. 5 (Tehran: International Publications of Iranian Studies, 2001), pp. 85-92.

Armen Aivazian, “Demographic Situation in Karabakh in the 1710-1720s,” *Armenian Mind* (journal of the National Academy of Sciences of Armenia), Vol. 5, No. 1-2, 2001, pp. 66-73 (in English); վերահրատարակվել է *Louys* biweekly magazine (Los Angeles), March 2002, No. 4 (145).

Azarian, Stephanus, *Ecclesiae Armenae traditio de Romani pontif-*

icis primatu jurisdictionis et inerrabili magisterio. Romae, 1870.

Baron A. von Haxthausen, *Transcaucasia* (London, 1854).

A Cronicle of the Carmelites in Persia and the Papal Mission of the XVII-XVIII Centuries. Vol. 1, London, 1939.

Hammer, J. de, *Histoire de l'empire ottoman*. T. XIV. Paris, 1839.

Krusinski, Judasz Tadeusz. *The History of the Late Revolutions of Persia*. Vols. 1 and 2. New York, 1973 (Լոնդոնի 1740 թ. հրատարակութեան վերատպուածքները)։

Mohammed A. Hekmat, *Essai sur l'Histoire des Relations Politiques Irano-Ottomanes de 1722 a 1747*. Paris, 1937.

Lector. *Conclave: son organisation, sa legislation ancienne et modern*. Paris., 1894.

Lockhart, Laurence. *The Fall of the Safavi Dynasty and the Afghan Occupation of Persia* (London: Cambridge University Press, 1958).

Mansi Joannes Dominicus. *Sacrorum conciliorum nova et amplissima collectio*. Graz, 1960-1962, Vol. 25 (Anni 1300-1344).

[**Petros di Sarkis Gilanentz**], *The Chronicle of Petros di Sarkis Gilanentz*. Translated from the original Armenian and annotated by Caro Owen Minasian. With an Introduction and additional Notes by Laurence Lockhart. Lisbon, 1959.

A Reference Guide to Modern

Armenian Literature, 1500-1920. Compiled and with an Introduction by Kevork B. Bardakjian (Detroit: Wayne State University Press, 2000): *Sempadschfr kodex*, herausgegeben und ubersetst von Josef Karst. Strassburg, 1905.

Villote, Jacobo. *Dictionarium Novum Latino-Armenorium*. Romae, 1714.

The World of Knowledge Encyclopaedia. Vol. VI, London-New York-Toronto-Sydney-Auckland, 1971.

- Աբրահամ Կրետացի, կթղ. Ս. Էջմիածնի – 13, 103, 147-148, 152-160, 162, 183, 257, 260, 282-283, 284, 291
- Աբրահամ Մշեցի (Խոշաբեցի, Կորզվացի, Քյուրդիստանցի), կթղ. Ս. Էջմիածնի, 1730-1734 թթ. – 80-85, 96-97, 100-101, 104-105, 100, 110, 113, 134, 147-149, 150-153, 155, 157-159, 162, 275, 291
- Աբրահամ, նահապետ – 131, 138
- Աբրահամ Պետրոս Արծիվյան – 72, 78
- Ազարյան, Ս. – 225
- Ալիշան, Ղ. – 17-18, 102-103, 164
- Ալպոյաճյան, Ա. – 100
- Ակիրյան, Ն. – 8, 100
- Ահմեդ Գ, օսմանյան սուլթան – 56-57, 70
- Ադանյանց, Գ. – 8, 86, 244, 259
- Ադամյան, Մ. – 190
- Ադեքսանդր Ա. Զուղայեցի, կթղ. Ս. Էջմիածնի, 1706-1714 թթ. – 32, 55, 68, 163, 180, 182-183, 185-186, 193, 224
- Ադեքսանդր Բ. Բյուզանդացի, կթղ. Ս. Էջմիածնի – 27
- Ադեքսանդր Է, Հոռոմի պապ – 230
- Ամատունի, Կ. – 8
- Այվազ (Սիմեոն Ռոմանով), Հայ կապավոր – 10, 15
- Անանյան, Պ. – 8
- Անանուն Վանեցի, գրիչ – 188
- Անասյան, Հ. – 8, 12, 39, 62, 208-209, 220, 224
- Աչոտ Գ. Ողորմած Բագրատունի, թագավոր – 22
- Առաքել Դավրիժեցի – 49, 97, 204-206, 229, 231
- Ասլան Նորբեյի – 200
- Ասողիկ, Ստեփանոս – 21
- Աստվածատուր Ա. Համադանցի, կթղ. Ս. Էջմիածնի, 1715-1725 թթ. – 29-37, 39, 43-44, 48, 55, 57-58, 68, 96, 109, 111, 128, 130, 132, 151, 270, 272
- Աստվածատուր Տարոնեցի, պար. Հայոց Երուսաղեմի – 209
- Աստվածատուր վրդ. Ֆահրապատցի – 98, 105
- Ավան-յուզբաշի – 32, 35
- Ավետիս, Նոր Զուղայի քալանթար (Ավետ Քալանթարյան) – 174, 180, 184-185, 187, 222, 224
- Ավետիք վրդ., Թիֆլիսի Հայոց առաջնորդ, Սանահնի ու Հաղբատի հոգևոր հովիվ – 27
- Ավետիք Եվզոկիացի, Կ. Պոլսի Հայոց պատրիարք – 181
- Ատոմ Գնունի, նահատակ (†449) – 130
- Արամ, արքա Հայոց – 131, 282
- Արևշատյան, Ս. – 74
- Արիստակես Ա. Պարթև (սուրբ), կթղ. Ամենայն Հայոց, 325-333 թթ. – 129
- Արիստակես Լաստիվեբցի, պատմիչ – 135
- Արիստոտել, Հին Հույն փիլիսոփա – 176
- Արշակ Բ Մեծ, արքա Հայոց – 131, 135
- Արշակունիներ, Հայոց – 131
- Բադալյան, Գ. – 259
- Բաղդասար Դպիր – 114
- Բամպուլքճյան, Գ. – 8, 57
- Բարաքեազ Ագուլեցի, խոջա – 199
- Բարդուղիմեոս առաքյալ – 129

- Բարդուղիմեոս Բուրնիացի – 74 129, 141
- Բարսեղ վրդ.՝ աշակերտ Արապիոն կաթողիկոսի, առաջնորդ Գրիգոր Դ. Տղա, Ամենայն Հայոց կթղ., 1173-1193 թթ. – 139
- Տիգրանակերտի – 196 Գրիգոր ԺԳ, Հռոմի պապ – 92
- Բրքիչա – 177 Գևորգ Մխլայիմ – 75-76
-
- Գաբրիել, զրիմահայ – 241 Դադոնց – 54
- Գաբրիել Կարբեցի, Սաղմոսավանքի Դանիել եպիսկոպոս – 239-241
- առաջնորդ – 199, 204-205 Դանիել մարգարե – 84
- Գալաջյան, Ա. – 99 Դավիթ, նվիրակ Ս. էջմիածնի, նահատակ – 93
- Գալեմքյարյան, Գ. – 8 Դավիթ Բաղիշեցի – 204, 229
- Գասպար Երևանցի, մելիք-խոջա – 206 Դավիթ-բեկ – 35, 40, 132, 299
- Գէորգ վարդապետ, Հալեպի Դավիթ, քահանա – 184
- ասորիների առաջնորդ – 161 Դավիթ վրդ. Մշեցի, միաբան Ս. էջմիածնի – 199, 203, 205-206
- Գրիգորիս (Գրիգոր) Աստապատցի, Շատիկա անապատի առաջնորդ – 274 Դավիթ վրդ. Ջուղայեցի – 180, 193
- Գրիգոր Լուսավորիչ (սուրբ Լուսատու) – 73, 127, 125, 129, 133, 139, 143, 264-265, 270, 278, 296 Դավիթ Սալաձորցի, բանաստեղծ – 141
- Գրիգոր է. Անավարդեցի, Ամենայն Եղիա վրդ. Մարտիրոսյան – 70
- Հայոց կթղ., 1293-1307 թթ. – 18-19, 25 Եղիազար Ա. Այնթապցի, կթղ. Ս. էջմիածնի, 1680-1691 թթ. – 12, 24, 50-52, 54-55, 62-63, 68, 91, 98, 163-164, 172-174, 180-184, 187, 191-192, 201-202, 207-211, 221, 223, 226, 231, 234-235
- Գրիգոր վրդ. Զեյթունցի՝ Կ. Պոլսի Հայոց պատրիարք Եփրեմի երաժշտության ուսուցիչ – 232 Եսայի Հասան-Ջալալյան, Գանձասարի կաթողիկոս, 1701-1728 թթ. – 10-11, 15, 31-32, 36, 38
- Գրիգոր Թ. Մուսաբեկյանց, Ամենայն Հայոց կթղ., 1439-1441 թթ., այնուհետև Սսի կթղ. – 216, 218 Եսայի մարգարե – 264-266, 298
- Գրիգոր Շղթայակիր (Շիրվանեցի) – 73, 81-83, 85-86, 93, 99, 104, 108, 114, 117-118, 152-154, 158, 161, 291 Եսայի վրդ., առաջնորդ Երնջակի Ս. Կարապետի – 199, 205, 232
- Գրիգոր Գ. Պահլավունի (Փոքր վկայասեր), Ամենայն Հայոց կթղ., 1113-1166 թթ. – 18 Երեմիա աբեղա, նոտար – 244, 255
- Գրիգոր Բ, Հռոմի պապ – 213 Երեմիա մարգարե – 111
- Գրիգոր Տաթևացի – 121, 124-125, Երեմիա վրդ. Մեղրեցի, միաբան Ս. էջմիածնի – 199, 204-205
- Երեմիա Չելեպի Քեօմյուրճյան –

209-210

Եփրեմ Ա. Զորագեղցի, կթղ. Ս. Էջմիածնի, 1809-1830 թթ. – 92, 94
Եփրեմ Ղափանցի (Տաթևացի, Երածիշտ), պտր. Հայոց Կ. Պոլսի, 1684-1686, 1694-1698 թթ. – 76, 204, 232, 234

Ջամինյան, Ա. – 225

Ջարբեհանալյան, Գ. – 103

Ջաքարիա Ազուլեցի – 200, 203, 228, 234

Ջաքարիա Քանաքեռցի, պատմիչ – 51, 179-181, 188, 199, 201, 208, 211, 222, 226-227, 234

Զօրաբաբէլ, Հրեաստանի կառավարիչ (Ք.Ա. VI դ.) – 266

Թադեոս առաքյալ – 20, 22, 129

Թադեոս (Թաթոս) երեց Երևանցի Համազասպյան – 200, 206, 233

Թահմասպ-կուլի խան Ղաջար – 37, 157, 234

Թերզյան, Մ. – 8

Թէհմէզ (Թահմասպ կամ Թահմազ Բ), Իրանի շահ – 276-277

Թէոդոս փոքր – 177

Թովմա վրդ. – 118

Թովմա Ակվինացի – 74, 75, 79

Թովմա Մեծոփեցի – 22, 59, 213-218, 237

Թորգոմ նահապետ – 145

Թորոս վրդ. – 53

Ինճիճյան, Ղ. – 17-18, 190, 226, 237

Իննովկենտիոս ԺԲ, Հռոմի պապ – 15, 225

Իսահակ վրդ., Ս. Էջմիածնի Ծայրագուլյն նվիրակ (տե՛ս նաև

Սահակ Բ Ահազին) – 238-240

Իսահակ վրդ. Մակվեցի, Արդար մականվամբ, սբ. Թադեի վանքի առաջնորդ – 184, 205, 211

Իսահակ վրդ. Շախսաբանցի – 199, 206 (տե՛ս Սահակ վրդ. Զուղայեցի)
Իսահակ եպս., վանական Ս. Թադեի – 184

Իսահակ (Սահակ) վրդ. Զուղայեցի – 233 (տե՛ս նաև Իսահակ վրդ. Շախսաբանցի)

Իսրայել Օրի – 12, 15, 184

Լեւօն Ժ, պապ Հռոմի – 284

Լոքհարթ, Լ. – 39

Լուդովիկ Պելլուկա, կարդինալ – 73
Խաչատուր վրդ. Աստապատցի, միաբան Ս. Էջմիածնի – 58

Խաչատուր վրդ., նվիրակ Ս. Էջմիածնի – 90

Խաչատուր վրդ. Կեսարացի – 97-98
Խաչատուր Գաղատացի, կթղ. Սսի – 13, 50, 209, 210, 216

Խաչատուր Զուղայեցի, պատմիչ – 222

Խաչիկյան, Լ. – 8, 17-19, 164

Խաչեղբայր, զրիմահայ – 241

Խաչիկ, Արշարունյաց եպս. – 21

Խոսրով, արքա Հայոց – 131

Խոսրով Անձևացի – 102

Խուբյանց, Գևորգ (Եզոր Խուբով) – 223

Կարապետ Ամատունի – 201-202, 234-235

Կարապետ երեց – 216

Կարապետ Բ Ուլնեցի, կթղ. Ս. Էջմիածնի, 1726-1729 թթ. – 23, 37, 41, 43-50, 52-58, 61-68, 71-72, 77,

- 80-81, 83, 96, 99, 113, 147-148, 151, 158, 161, 163-164, 224, 261, 266-267, 272, 275
- Կարկուտ Օնոփրիոս – 201-203
- Կյուրեղ Աղեքսանդրացի – 177
- Կիրակոս Ա. Վիրապեցի, կթղ. Ս. Էջմիածնի – 213-216, 218-219
- Կիրակոս Բանասեր Ռչտունեցի – 214
- Կիրակոս Գանձակեցի – 88
- Կյուլեեսերյան, Բ. – 8, 17, 56, 232
- Կոստանդինոս – 177
- Կոստանդին Ա. Բարձրբերդցի, Ամենայն Հայոց կթղ. – 87, 189
- Կոստանյանց, Կ. – 17, 218
- Կրուչինսկի, Թադեոս, լեհ ճիզվիտ – 29
- Հակոբ քահանա՝ որդի Ստեփաննոս քահանայի – 54
- Հակոբ վրդ. Բուզայան, մխիթարյան միաբան – 65-67
- Հակոբ եպս., միաբան Ս. Ստեփանոս Նախավկայի – 199, 234
- Հակոբ Զուղայեցի, կթղ. Ս. Էջմիածնի, 1655-1680 թթ. – 54, 127, 177, 186, 198-199, 201, 203-205, 207-212, 215, 217, 221-222, 227-231
- Հակոբ Նալյան, պտր. Հայոց Կ. Պոլսի, 1741-1749, 1752-1764 թթ. – 58, 75, 93, 101, 114, 116, 195, 238, 287-289
- Հակոբ Սսեցի – 190
- Հակոբ Քոնեցի, հայ դոմինիկյան (XIV դ.) – 74
- Հակոբյան Հուրա – 129
- Հակոբյան, Վ. – 222, 226
- Հակոբջան Երևանցի – 48, 200, 206, 233
- Հայկ նահապետ – 131
- Հասրաթյան, Մ. – 17
- Հարություն, կաֆայեցի – 90
- Հարություն՝ Մարուքի որդի – 234
- Հարությունյան, Պ. – 57
- Հեթում Բ, թագավոր – 19, 25
- Հոհան վրդ. Շամբեցի – 199, 203, 228
- Հովհան Գ. Օձնեցի, կթղ. Ամենայն Հայոց, 717-728 թթ. – 129
- Հողեփեռնես – 186
- Հովասափ, աթոռակալ Աստվածատուր կթս.-ի – 35, 58
- Հովհան արքեպս., առաջնորդ Մչո Ս. Կարապետ վանքի – 150, 161
- Հովհան վրդ. Որոտնեցի (1315-1386 թթ.) – 129
- Հովհան(նես) Քոնեցի, հայ դոմինիկյանների առաջնորդ, թարգմանիչ (†1347 թ.) – 74
- Հովհաննես Կորոտ Բաղիշեցի, պտր. հայոց Կ. Պոլսի, 1715-1741 թթ. – 37, 41-43, 47-50, 52, 55, 57-58, 62-64, 67-75, 80-83, 85-86, 93, 96, 99, 104-105, 108-109, 114-118, 148, 152-154, 159-160, 194-195, 238
- Հովհաննես վրդ. Ամասիացի – 101-102, 107-108, 110, 114-118, 132
- Հովհաննես, նվիրակ Ս. Էջմիածնի – 93
- Հովհաննես Զեյթունցի, միաբան Կարմիր վանքի – 47, 61
- Հովհաննես վրդ., առաջնորդ Սանահինի – 33
- Հովհաննես Կարբեցի, Հովհանավանքի առաջնորդ – 205, 231
- Հովհաննես Զ. Սսեցի, Ամենայն Հայոց կթղ., 1203-1221 թթ. – 190

- Հովհաննես Զորեցի, կթղ. Աղթամարի (†1725) – 149, 151
 Հովհաննիսյան, Ա. Ռ. – 13
 Հովհաննիսյան, Ա. Գ. – 8, 39, 185, 223, 225, 227, 235
 Հովհաննես Մրբուզ Զուղայեցի – 55, 193
 Հովհաննես վրդ. Մուղնեցի – 203-205, 231, 234
 Հովհաննես վրդ. Կարբեցի (Սուսիկ մականվամբ) – 203
 Հովհաննես Սեբաստացի, մխիթարյան միաբան – 79
 Հովնանյան, Վարդան, արքեպսկ. – 74
 Հովսեփ արքեպիսկ. Արղուժյան – 239-240
 Հովսեփ Էմին – 13, 150
 Հրանչոխ Փալիվ, ճիզվիտ մխիթոներ – 190
- Ղազար Ա. Զահկեցի, կթղ. Ս. Էջմիածնի, 1737-1751 թթ. – 12, 20-24, 45, 49, 88-89, 98-106, 107-118, 120-126, 128-145, 153-161, 164, 189, 229, 260-261, 267-269, 275, 280-281, 290-293, 295-298
 Ղազար, ոմն – 202
 Ղազար վրդ. Դիվրիկեցի – 228
 Ղազիկյան, Ա. – 100, 103
 Ղուկաս վրդ. Խարբերդցի – 74, 79
 Ղուկաս, խոջա – 174
 Ղուկաս Ա. Կարնեցի, կթղ. Ս. Էջմիածնի, 1780-1799 թթ. – 239
 Ղուկաս Սեբաստացի, մխիթարյան միաբան – 15
- Ճեմճեմյան, Ս. – 8, 16, 26, 56, 63, 66, 73, 76
- Մատթեոս վրդ. Զուղայեցի, աթոռակալ Հակոբ Զուղայեցի կթղ.-ի, 1665-1672 թթ. – 199, 205, 230-231
 Մանածիր – 130
 Մաղաքիա Ճեվահիրճի, դպիր – 236
 Մանկունի, Վ. – 17
 Մանուէլ Աստապատցի (մեծ), աթոռակալ Կարապետ Ուլնեցի կթղ.-ի – 43-44, 57-58, 71
 Մանուէլ վրդ. – 199
 Մառ, Ն. – 232
 Մէջմէտ փաշա – 73
 Մեսրոպ Մաշտոց – 129, 218
 Մարգար երեց՝ Հայր Սիմեոն եպիսկոպոսի – 53
 Մարկոս՝ ուսուցիչ Մինաս Ամբեցու – 191
 Մարտիրոս Ղրիմեցի (Արևելցի) վրդ., նվիրակ («վէքիլ») Ս. Էջմիածնի – 51, 54, 205, 209, 232
 Մարտիրոս վրդ. – 58
 Մարուզե (Մարուք), երևանցի մեծահարուստ – 234
 Մելիք Գասպար Երևանցի – 199
 Մելքիսեդեկ բանասեր – 86
 Մելքիսեթ – 79
 Մեսրոպ Հուշականցի (Բրիտանոսակիր), ճգնավոր Շատիկա վանքում, ուսուցիչ Ղազար Զահկեցու – 110, 283
 Մեվրէիզ ողլի Մահմուտ (Միր-Մահմուտ), աֆղան ապստամբ, Իրանի զավթիչ – 262-263
 Մինաս վրդ. Ամբեցի, պտր. Հայոց երուսաղեմի – 12, 15, 98, 105, 180, 183, 191, 223, 240
 Մինաս վրդ. Աստապատցի, միաբան

- Ս. Էջմիածնի – 58, 172-173, 178, 184, 186, 199, 205
- Մինաս վրդ. Տիգրանյան – 10-11, 12, 15, 30-31, 36, 58, 150, 184
- Մինաս վրդ. Փերվազյան Ակնեցի – 12, 23, 25-26, 43, 45, 58, 83, 223-224
- Մինասյան, Լ. – 170, 200
- Միրզոյան, Հ. – 8, 192, 234
- Միքայել վրդ., մխիթարյան միաբան – 76
- Միքայել վրդ. Շամբեցի, առաջնորդ Ս. Նախավկայի – 199, 203-205, 230
- Մխիթար Գոշ – 212
- Մխիթար Սեբաստացի, Մխիթարյան միաբանությունից հիմնադիր – 64-66, 70, 72, 74, 76, 78-79, 132
- Մխիթար արեղա, միաբան Լիմ անապատի (1720-ական թթ.) – 132-134, 299-300
- Մկրտիչ քահանա, գործել է Ղրիմում (1629-1631 թթ.) – 90
- Մկրտիչ վրդ.՝ լրատու Պետրոս դի Սարգիս Գիլանենցի – 35
- Մկրտիչ վրդ., միաբան Ս. Էջմիածնի, Պետրոս Քյուսթյուրի ուղեկից – 118
- Մկրտիչ քահանա Զահկեցի՝ հայր Ղազար Զահկեցու – 110, 267
- Մկրտիչ վրդ. Զահկեցի՝ եղբայր Ղազար Զահկեցու, առաջնորդ երնջակ-Գողթն (գուցե և Նախիջևանի) թեմի – 120
- Մկրտիչ վրդ., առաջնորդ Զեյթունի Ս. Աստվածածնի (1678 թ.-ից) – 54
- Մովսես Գ. Տաթևացի, կթղ. Ս. Էջմիածնի, 1629-1632 թթ. – 90, 175, 177, 227, 229
- Մովսէս քերթողահայր (Մովսես Խորենացի) – 177
- Մովսես վրդ. Բջնեցի, առաջնորդ Արարատյան երկրի (առնվազն 1656 թ.-ից) – 51, 170, 174, 197, 199, 204-205, 229-230, 232
- Մսերյանց, Զ. – 226
- Մուշեղ, սպարապետ Մամիկոնյան – 131
- Մուշեղյան, Եղիա (Եղիա Կարնեցի) – 45
- Մուստաֆա Չելեբի-զադե, օսմանցի հեղինակ – 78
- Յակոբ Զուղայեցի – 177, 198, 205, 210, 228 (տե՛ս նաև Հակոբ Զուղայեցի)
- Յակոբ վրդ. Նալեան – 101, 116, 287-289 (տե՛ս նաև Հակոբ Նալյան)
- Յակոբ բաբունապետ Մեծ – 234 (տե՛ս Հակոբ եպիսկոպոս)
- Յակոբջան Երևանցի – 200 (տե՛ս Հակոբջան Երևանցի)
- Յարութիւն, դրիմահայ – 241
- Յարութիւն Մարուքի որդի – 200 (տե՛ս Հարություն՝ Մարուքի որդի)
- Յոհան վրդ. Շամբեցի – 199, 228 (Հոհան վրդ. Շամբեցի)
- Յովհաննէս կթղ. Զորեցի – 300 (տե՛ս Հովհաննէս Զորեցի)
- Յովհաննէս վրդ. Ամասիացի – 269 (տե՛ս Հովհաննէս Ամասիացի)
- Յովհաննէս վրդ. Կարբեցի – 199 (տե՛ս Հովհաննէս Կարբեցի)
- Յովհաննէս վրդ. Մուղնեցի – 199 (տե՛ս Հովհաննէս Մուղնեցի)
- Յովհաննէս մեծ Պօլսի – 279, 285-286, 291-292 (տե՛ս Հովհաննէս Կոլոտ Բաղիշեցի)
- Յոհաննէս Մկրտիչ – 111, 270
- Յովսէփ արքեպիսկ. – 239 (տե՛ս

Տ Ե Ղ Ա Ն ՈՒ Ն Ն Ե Ր Ի Թ Ա Ն Կ

- Հովսեփ Արղության) Ոսկյանք, 5 քրիստոնյա վկաներ (I դ.) – 129
 Յովսէփ քահանա – 184
 Յուդա – 199
- Նազիր շահ – 157
 Նահապետ Ա. Եդեսացի, կթղ. Ս. Էջմիածնի, 1691-1705 թթ. – 12, 32, 50-52, 62-63, 68, 163-164, 171, 179-188, 191-193, 212, 221-222, 224-226
 Ներսես, կթղ. Աղվանից – 256
 Ներսես, կթղ. Սսի – 53
 Ներսէս Ա. Մեծ, կթղ. Ս. Էջմիածնի, 353-373 թթ. – 127, 129
 Ներսես վրդ. Ռչտունեցի, արևելահայերի պատվիրակ – 132-134, 150, 299
 Ներսէս նահատակ – 112, 264, 278
 Ներսես Շնորհալի – 289
 Նեստոր – 177
 Նշանյան, Մ. – 201
 Շմափոն – 129
 Շմափոն Ագուլեցի, խոջա – 199, 201, 206, 233
 Շմուկլ – 177
- Ոհաննես Թմոքվեցի, գրիչ – 214
 Ոնոփրիոս վրդ. – 177 (տե՛ս Օնոփրիոս վրդ. Կարկուտ)
 Ոսկան Երևանցի, արքեպիսկոպոս – 204
- Չամչյան, Մ. – 12, 18-21, 23-24, 50, 56, 64, 66, 76, 99, 103, 142, 164, 181, 209-210, 216, 222, 225, 236
 Պատկանյան, Ռ. – 59
 Պատկանյան, Ք. – 39
 Պոտուրյան, Մ. – 17
 Պետրոս մահատախ-խոջա՝ հայր խոջա Ղուկասի – 174
 Պետրոս Ա., Ռուսաստանի ցար – 10, 30
 Պետրոս վրդ. Ագուլեցի, առաջնորդ Ագուլիսի Ս. Թովմայի – 199, 205, 231
 Պետրոս Արագոնացի – 74
 Պետրոս դի Սարգիս Գիլանենց – 33, 35, 39
 Պետրոս վրդ. Քյուլթյուր – 91, 103-105, 118, 153, 292
 Պետրոս վրդ.՝ աշակերտ Աստվածատուր կաթողիկոսի – 110
 Պետրոս վրդ. Աստապատցի – 274
 Պերոշ (Պռոշ) իշխան՝ հայր Իսրայել Օրու – 15
 Պլատոն (Պլատոն), հին հույն փիլիսոփա – 121
 Պողարյան, Ն., արքեպս. – 16

- Պողիկարպոս – 21
- Պորփիր աստուածաբան – 121
- Պօղոս առաքյալ – 280, 282
- Պօղոս Տարսոնացի – 270
- Ռաջաֆ փաշա – 60
- Ռոմանով, Սիմեոն – 15 (տե՛ս Այվազ)
- Ռոչքա, Ստեփանոս – 11, 221, 225
- Սահակ, վանական Արղնիի Բարձրահայաց Ս. Աստվածածնի – 229
- Սահակ Բ. Ահազին – 238-239
- Սահակ Ապուլեիցի, պտր. հայոց Կ. Պոլսի – 78
- Սահակ գրիչ, միաբան Անկյուրիայի Կարմիր վանքի – 259
- Սահակ Ա. Պարթև, կթղ. Ս. Էջմիածնի, 348-439 թթ. – 129
- Սահակ վրդ. Ջուղայեցի (Ղարատանեցի) – 233 (տե՛ս Իսահակ վրդ. Շախսաբանցի)
- Սաւուղ՝ որդի Կիսի – 291
- Սարգիս, նվիրակ Ս. Էջմիածնի – 93
- Սարգիս վրդ. – 184
- Սարգիս վրդ. (X դ.) – 21
- Սարգիս Չորագեղցի, «զառաֆբաշի» Երևանի (1663, 1674-1679 թթ.) – 200, 206, 228
- Սիմեոն թարգմանիչ (XIII դ.) – 59
- Սիմեոն Լեհացի – 91, 195-196
- Սիմեոն՝ որդի հալեպցի Մարգար երեցի – 53
- Սիմեոն վրդ. Երևանցի (մեծ), նվիրակ Ս. Էջմիածնի (1724թ.), աթոռակալ Կարապետ Ուլնեցի կթղ.-ի (1726թ.) – 44, 56-57, 93, 95
- Սիմեոն Ա. Երևանցի, կթղ. Ս. Էջմիածնի, 1763-1780 թթ. – 22-23, 42-43, 48, 50, 52-53, 55-57, 60, 67, 70, 83, 88-89, 92, 99, 114, 127, 139, 158, 183, 192, 220-221, 242, 255, 259
- Սիմեոն վրդ. Ջուղայեցի – 229
- Սիմեոն Բ. Սեբաստացի, կթղ. Սսի, 1633-1648 թթ. – 51
- Սիմոնյան, Պօղոս Տայի վրդ. – 72
- Սկոթոս, աստվածաբան – 79
- Սմբատ Սպարապետ, պատմիչ – 190, 212
- Ստեփաննոս վրդ. Լեհացի, «վերակացու եւ գանձապետ ի սուրբ Կաթողիկոսարանն Էջմիածնի» – 199, 203-205, 230
- Ստեփաննոս վրդ. Կաֆայեցի, վանահայր Շատիկա – 270
- Ստեփաննոս վրդ. Ջուղայեցի – 180, 183, 186-188, 222, 225
- Ստեփաննոս վրդ., մխիթարյան միաբան – 78
- Ստեփանոս Գ. Սևանցի, կթղ. Ամենայն հայոց, 969-972 թթ. – 21-22
- Ստեփանոս Դ. Հոռմկլայեցի, կթղ. Ամենայն հայոց, 1290-1293 թթ. – 18
- Ստեփանոս վրդ. Զեյթունցի (Սաչլու)՝ հոգևոր հայր Կարապետ Ուլնեցու, առաջնորդ Անկյուրիայի վիճակի – 52, 54
- Ստեփանոս քահանա՝ եղբայր Կարապետ Ուլնեցու – 54
- Ստեփանոս Օրբելյան (Սյունեցի) – 18-19, 25, 138, 145, 190
- Սրապիոն կթղ.՝ Գրիգոր ԺԳ Սրապիոն աթոռակից կթղ. Ս. Էջմիածնի, 1603-1606 թթ. – 196

- Վախթանգ Զ, Քարթլիի փոխարքա (1703-1714 թթ.), թագավոր (1716-1724 թթ.) – 194
- Վահան, Գալ – 131
- Վահան Ա. Սյունեցի, կթղ. Ամենայն Հայոց, 968-969 թթ. – 20-21
- Վաղարշակ, արքա Հայոց – 131
- Վարդան վրդ. Բաղիչեցի՝ վանահայր Ամրդուլու վանքի, ուսուցիչ Հովհաննես Կոլոտի, Գրիգոր Շղթայակրի, Աբրահամ Խոշաբեցու – 154
- Վարդան վրդ. Արևելցի – 87-88, 94
- Վարդանէնց տուն – 230
- Վարդան, ղրիմահայ – 90
- Վարդան Հացունի – 18-19, 23, 164
- Վրթանէս սուրբ՝ Վրթանես Ա. Պարթև, կթղ. Ս. Էջմիածնի, 262-333 թթ. – 129
- Վրթանէս Կեսարացի Ստեփանյան, Կեսարիայի արքեպս. – 59, 77
- Վայիխոսրով բեգ – 184
- Քյուրտյան, Հ. – 8
- Քուլթուր, Պետրոս – 292 (տե՛ս նաև Պետրոս Քյուլթյուր)
- Օնոփրիոս վրդ. Կարկուտ – 207-208, 235
- Օրմանյան, Մաղաքիա, պտր. Հայոց Կ. Պոլսի, 1896-1908 թթ. – 8, 13, 17, 21, 25, 38, 41-42, 50, 53, 57, 67, 77, 81, 94, 100, 142, 187-188, 214, 216-218, 234, 237
- Օրպելի, Սիւնեաց արհիեպիսկոպոս – 19 (տե՛ս Ստեփանոս Օրբելյան)
- Օհան-Բաբա՝ որդի Հակոբջան Երևանցու – 233
- Исайя патриарх — 40
- Аван юзбачи — 35
- Айваз (Айвас) — 11
- Peter Stephanus Wartanowic — 230
- Տեր-Ավետիսյան, Ս. – 158
- Տեր-Հովհանյանց, Հ. – 6, 171, 221
- Տիգրան Բ Մեծ, արքա Հայոց – 131
- Տիգրանյան, Մինաս վրդ. – տե՛ս Մինաս վրդ. Տիգրանյան
- Տիրացու, Արտազի եպիսկոպոս (XIII դ.) – 25
- Տրդատ Գ Մեծ, արքա Հայոց – 130, 131, 135
- Փարթամ, գրիչ – 138
- Փիլիպպոս Ա. Աղբակեցի, կթղ. Ս. Էջմիածնի, 1632-1655 թթ. – 53, 175, 177, 182, 206, 222, 227, 231
- Փիլիպպոս վրդ. – 199

Ագուլիս – 201, 231, 249
Ագաբազար – 245
Ագրիանուպոլիս (Անդրէի քաղաք,
Ագրիանու մեծ պօլիս) – 102, 115,
285
Ագախ (Ագով) – 245
Ագատակ (գյուղ) – 221, 250
Ագատքաղաք – 251
Աթէնք – 196, 229
Ալ – 249
Ալաճաքիլիսա – 251
Ալայիա – 247
Ալաչհար – 245
Ալդուլ – 251
Ալէթուլ – 251
Ալիբեկուլ – 250
Ալմալի – 247
Ալցիսա – 65, 66, 77, 248
Ալթամար (Աղթամար) – 17, 90,
149, 151, 223
Ալպօր – 249
Ալչեհիբ – 259
Ալպէլէք (Ալալքալաք) – 248
Ալպատ (Հաղբատ) – 20
Ալտենիս – 252
Ածօպ – 249
Ակըլ – 247
Ակն – 246
Ահեօլ – 246
Աղասար – 245
Աղասօր – 252
Աղէքաձոր – 250
Աղին – 252
Աղճաղալէ – 252
Աղմեչիտ – 245
Աղչէհէր – 247
Աղվան – 223, 261
Աղտ – 246
Աղտեն – 251

Աղունատուն – 253
 Աղփարա – 251
 Աղքերման – 246
 Աղօրան – 251
 Աճեմիստան (Իրան) - 70
 Ամախիա – 111, 246, 270-271
 Ամիթ (=Տիգրանակերտ) – 196
 Ամատերզամ – 290, 296
 Ամրդոլ, տես նաև՝ Ամրտոլ – 82-83, 147, 154
 Այազմայ – 245
 Այիտօստ – 246
 Այլաբեր – 251
 Այլաքակ – 251
 Այսրկովկաս – 25, 29, 37, 69, 71, 80, 147-148, 155
 Այրարատ – 223
 Անանուր – 249
 Անապատ – 274
 Անգեղակոթ – 11
 Անգեղատուն – 131
 Անդրէի քաղաք – 285 (տե՛ս նաև Արբիանուպոլիս)
 Անի – 21, 161
 Անի-կամախ – 161
 Անկյուրիա – 53-54, 65-67, 72, 259, 247 (տե՛ս նաև Գաղատիա)
 Անձալի (=Անգելի, Էնգելի) – 249
 Անմեռն – 252
 Աշխարօվայ – 246
 Ապաղ (Աբաղա) – 247
 Ապարան – 250, 254
 Ապուչեխ – 246
 Աջանան – 250
 Առինջ – 252
 Ասիա – 98
 Ասորեստան – 97, 150
 Ասպազան//Իսպազան – 180
 Աստապատ – 44, 185, 224, 249, 264
 Աստրախան – 239
 Աւազանկ – 251
 Աւան – 252
 Աւանիկ – 250
 Ատալա – 245
 Ատալի – 247
 Ատենուձոր – 249
 Ատրպատական – 172, 179
 Արախուս – 252
 Արամուս – 252
 Արա մեծի դաշտ//Արարատեան դաշտ – 277
 Արապկեր – 246
 Արատես – 221
 Արարատ//Արարաղ – 64, 143, 172
 Արարատեան տուն (նահանգ, երկիր, դաշտ) – 28-29, 34, 48, 81, 112-113, 148, 158, 178-179, 197, 204, 208, 214, 263, 264, 276-277
 Արարք – 250
 Արդուխն – 248
 Արգինա – 21
 Արեւեան կողմանք [Հայոց] – 197
 Արևելյան Հայաստան – 130, 149, 171, 210
 Արևմտյան Հայաստան – 71-72, 149, 220
 Արզրուժ – 182, 273 (տե՛ս նաև Էրզրուժ, Կարին)
 Արծն – 251
 Արծկէ – 247
 Արկուռի – 157, 250
 Արդնի – 226, 247
 Արճէշ – 247
 Արմաշ – 245
 Արմատաներ – 246
 Արնեղի – 251
 Արպատ – 250
 Արտաղ – 17-18, 20, 22, 25

- Արտազ – 18
 Արտազաքան – 251
 ԱրտաՀան – 248
 Արտաշատ – 250
 Արտավին (=Արտաբոյնք) – 221
 Արտաւուճ – 252
 Արցախ – 13, 29, 32, 35, 37-38, 48-49, 69, 70-71, 147, 164
 Աքարակ – 252
 Արքով – 251
 ԱֆիօնդարաՀիսար//ԱֆիօնդարաՀիսար – 247
- ԲաբաՂանիձոր – 249
 Բաբատաղ – 246
 Բաբերդ – 246
 Բալիքեսար – 245
 Բալու – 247
 Բաղդատ – 248
 Բաղէշ – 42, 82, 247
 Բամբկաձոր – 249
 Բայազիտ(դ)//Բայազետ – 57, 247, 251, 254
 Բայընդուր – 245
 Բանդարբուշ – 248
 Բանդէր – 246
 Բանկալայ – 248
 Բանտարապաս – 248
 Բատակալ – 251
 Բանտարբուիկ – 248
 Բասրայ – 248
 Բար – 252
 Բարկուշատ – 250
 Բարձապի – 253
 Բելըրդատ (=Բելգրադ) – 246
 Բասեն (Ներքին, Վերին) – 246
 Բեշիկտաշ – 245
 Բատնոց – 247
 Բերդ – 251
- Բէրթակ – 247, 259
 Բերիա – 210-211 (տե՛ս նաև Հալեպ)
 Բերկրի – 247
 Բէկպազար – 247
 Բէնկան – 246
 Բէրզամայ (=Պերզամոն) – 245
 Բէքդօզ – 245
 Բզնունիք – 149
 Բիլաճիկ – 245
 Բիրական (Բյուրական) – 252
 Բիրզի – 245
 Բլուր – 250
 Բիւզանդիոն//Բիւզանդի քաղաք//
 Բիւզանդիա քաղաք – 116, 263, 267, 272, 276, 287, 290-291 (տե՛ս նաև Կ. Պոլիս)
 Բշէրիկ – 247
 Բոլոր Բօշայք (=Կոնդ) – 252
 Բոսփոր – 128
 Բորաղան – 248
 Բջնի//Բճնի//Պջնի – 17-18, 22-23, 163, 170, 204, 251, 259
 Բուղխանայ – 251
 Բուրղազ (Բուրղաս) – 246
 Բուրվարի – 249
 Բուքըրեշ (=Բուխարեստ) – 246
 Բօղըուում (=Հալիկառնասուս) – 245
 Բօլնիձոր (=Բոլնիսձոր) – 249
 ԲօղասՀեսար (ԲողազՀիսար) – 245
 Բօռ – 246
- Գաղատիա (=Անկյուրիա) – 23, 43, 46-48, 52-54, 56, 58, 65-67, 77-79, 244
 Գաղ – 249
 Գամրա երկիր (=Գամիրք, Կապարովկիա) – 53
 Գամրիս – 251

- Գանգէս – 128
 Գանձակ – 29, 251
 Գանձասար – 10, 29, 31-32, 90, 244
 Գանճայ – 264
 Գառնի – 157, 250, 253
 Գարնեղի – 251
 Գեամրակ – 246
 Գեղրոն – 251
 Գեղարգունոյ գաւառ – 254
 Գեղարդ – 157
 Գեղեմայ (Գեղամայ) գաւառ – 261
 (տե՛ս Գեղարգունոյ գաւառ)
 Գետարգել վանք – 157
 Գետիք – 252
 Գեօզլավ – 90, 245 (տե՛ս նաև
 Կէզլով)
 ԳեօզՀիսար – 245
 Գեօլտաղ – 245
 Գեօկգիւմբէթ – 250
 Գեօրդաստ – 245
 Գզելա – 247
 Գիլան – 249
 Գիւրասօն – 246
 Գիւրիդ (=Կրետե) – 245
 Գիււղայ – 245
 Գլաձոր – 74
 Գլան (Մեծ, Փոքր) – 253
 Գոկքիլիսէ – 251
 Գողթն//Գողդենեաց – 31, 120, 180,
 264
 Գոռգոչ – 251
 Գորի – 249
 Գուլաբերդ – 250
 Գոունէ (=Կենավուզ, Գենվուզ) – 250
 Գօմաձոր – 251

 Դալուկար – 251
 Դալուկարդաշ – 251
 Դաշտ – 249

 Դարանակ – 252
 Դարանաղի//Դարանաղիաց գավառ –
 112-113, 278
 Դարաշամբ – 221, 230
 Դավրէժ, Դաւրէժ (տես՝ Թավրիզ) –
 49, 182
 Դավուայ – 246
 Դեղձնավանք – 250
 Դերբենդ – 28
 Դերջան – 161
 Դէմիրճի – 247
 Դէնկիլզի – 245
 Դէվլէի – 246
 Դէրպէքիր//Դիարբեքիր//Դիարբէքիր
 //Տիարպեքիր – 65, 149-150, 247
 Դըրմաշէն – 251
 Դիատին – 247
 Դիլանչի – 251
 Դոդա – 250
 Դըրխտիկ – 251
 Դոււսուրխան – 249
 Դումանէսձոր – 249
 Դուշէթ – 249
 Դուրթուզ – 245
 Դօվրիկ (Տեվրիկ) – 247

 Եալօվայ – 23, 245
 Եայչիլար – 251
 Եանաօլ – 246
 Եաշ (=Եասի) – 246
 Եզնիստ – 251
 Եզնմիտ (=Իզնամիտ, Իզմիթ,
 Նիկոմիդիա) – 245
 Եղեգաձոր – 110, 256
 Եղեւարդ – 250
 Եղնաջուր – 251
 Ենկիշար – 245-246
 Ենկիխան – 247

Ենկիճ – 246
 Ենկիճէն – 253
 Եվողկիա (=Թողխատ) – 91, 92, 111, 113, 271, 246, 279
 Եվրոպա – 62, 92
 Երասխ – 250, 278
 Երևան – 28-29, 33-35, 37, 48, 60, 71, 81, 85, 134, 157, 159, 170, 183, 187, 201, 203, 205-207, 209-210, 218, 227, 231, 234, 250, 253-254, 263, 276-277
 Երզնկա – 161
 Երնջակ/Երնջակայ տուն – 120, 205, 264
 Երուսաղեմ – 12, 14, 53, 79, 81-83, 85, 90, 104-105, 113, 117, 148, 154, 161, 174, 201-202, 205-208, 211, 232, 291
 Եփեսոս Ա. – 73
 Եփրատ – 128

 Զառայ – 246
 Զառիշատ – 248
 Զաֆրանպօլի – 247
 Զեթայ (գյուղ) – 221
 Զեյթուն – 53, 54
 Զըռքան – 247
 Զիլայ – 246
 Զիլիֆքէ – 247
 Զմիւռնիա/Զմիւռնի – 26, 46, 99, 109, 114, 150, 154, 160, 239, 245, 289, 293

 Էեպ – 245
 Էիշատ (=Էրիշատ) – 252
 Էլառ – 251
 Էյնայ – 245
 Էնկիւրիայ – 247 (տե՛ս Անկյուրիա)
 Էնկիպագար – 245

 Էչակղուտրան – 252
 Էջմիածին//Ս. Էջմիածին – 8 և Հտ.
 Էսկիզաղարայ – 246
 Էտինճիկ – 245
 Էրէկլի – 247
 Էրզընկա – 246 (տե՛ս Երզնկա)
 Էրզրում – 71, 150, 223, 246 (տե՛ս նաև Կարին)
 Էրնատար – 251
 Էրբ – 252
 Էրբիլատ – 246

 Թաթարպագարճիղ – 246
 Թալաս – 246
 Թալին – 252
 Թամա – 245
 Թամգարայ – 246
 Թամիր – 252
 Թավրեզ//Թավրէզ//Թավրիզ – 111, 187, 249, 254, 278
 Թաքալուկն – 252
 Թեքման – 246
 Թէզլարապ – 251
 Թէլաւ – 249
 Թեղի – 251
 Թէրճան (=Դերջան) – 246
 Թեքիրդաղ (Թագավոր դաղ, Ռոտոստո) – 148, 152, 160-161
 Թըթենաձոր – 251
 Թութ – 251
 Թիրա – 245
 Թիֆլիս – 26-27, 31, 37, 45, 69, 111, 223, 249
 Թոխատ//Թոքատ//Թոխաթ – 65, 150, 155, 211, 246 (տե՛ս նաև Եվողկիա)
 Թորթում – 246
 Թունովայ – 246
 Թրակիա – 100-103, 110, 141, 148, 152-153, 155, 158-161, 245, 282,

285, 290-291

Թուրքիա – 69, 149-150, 209
Թոմառզու – 246
Թօսիա – 247
Թօմրուկ – 245
Թոփղափի (=Թոփկափու) – 245
Թօփրախղալա (=Թոփրակկալա) – 247

Իզմիր – 58, 114-118, 245 (տե՛ս նաև Զմիւռուին)
Իլկավանք – 251
Իլուն – 252
Իկոնիա (=Իկոնիա) – 259 (տե՛ս նաև Ղոնիա)
Ինապօլ – 246
Ինդոս – 128
Իպրայիլ – 246
Իսախչայ – 246
Իսլիմլա – 246
Իսմայիլ – 246
Իսպահան – 174, 183 (տե՛ս նաև Սպահան և Շոշ)
Իսրայել/Իսրայէլ – 111, 265, 266
Իրան – 29, 69, 71, 165, 167
Իրիզայ – 246 (տե՛ս նաև Երզնկա)

Լազըրվան – 252
Լաքեարան – 249
Լեհաստան – 79, 92, 97, 135
Լըճէ – 247
Լընճան – 249
Լիմ կղզի, անապատ – 132-133, 149, 299
Լիոն – 213
Լիւստրայ (Ախշէհիր) – 259
Լոուի – 111, 249
Լվով/Լէոպոլիս – 74

Խամուրա – 247
Խանդշլայ – 246
Խառքերթ – 247
Խասզեղ – 245
Խարա-Սու (=Խարասու բազար) – 90
Խարկ – 248
Խըլաթ – 247
Խըշլաձակ – 251
Խնուս – 246
Խոշաբ ավան – 104
Խորհրդային Հայաստան – 9
Խորձոր – 251
Խոր Վիրապ – 157
Խրաշկու (գյուղ) – 221
Խրովատեղ (գյուղ) – 221
Խօյ – 249, 251, 264
Խօշապ – 247
Խօտեջուր (=Մտտորջուր) – 246, 248, 259

Մաղկունեաց ձոր – 250-251
Մաղկունք – 251
Մար – 251
Մաքար (=Մակքար) – 251

Կալասեռ (գյուղ) – 221
Կալեր – 252
Կալկաթայ – 248
Կախէթ – 249
Կախմախի – 251
Կաժիս – 252
Կաղզուան/Կաղզվան – 182, 248
Կաղս – 251
Կարենուց – 251
Կամախ – 161, 246
Կամրկապ – 246
Կամրջաձոր – 21
Կապադովկիա/Կապադոկեան երկիր

- 110, 287 (տե՛ս նաև Գամիրք)
- Կառնապատ – 246
- Կասկէ – 247
- Կաստէման – 246
- Կաւաբերդ (=Կաքաւաբերդ) – 250
- Կաւակերտ – 250
- Կարբի//Կարպի – 157, 231, 253, 250
- Կարենիս – 252
- Կարին – 81, 155, 161, 246 (տե՛ս նաև Արզրուճ//Էրզրուճ)
- Կարճկան – 247
- Կարմիրաւերակ – 251
- Կարմունջ – 252
- Կարս – 57, 71, 113, 155, 248, 278
- Կաֆա – 90, 113, 245, 275
- Կեանտիման – 249
- Կեառատի – 247
- Կեարզայ – 246
- Կեարմիր – 246
- Կելիպօլ – 245
- Կեոմիրճինա – 246
- Կեսարիե – 45, 77, 109-111, 128, 150, 154, 234, 246, 267 (տե՛ս նաև Ղայսէրի)
- Կեօզլու – 252
- Կեօլէ – 248
- Կէզլով – 90 (տե՛ս նաև Գեօզլավ)
- Կէչառիս – 252
- Կզնուտ (Փոքր, Մեծ) – 252
- Կիլիկիա – 17, 19, 87, 170, 189-190, 219
- Կիլիկյան Հայաստան – 7, 50, 62, 130, 165
- Կիւմիշխանայ – 246
- Կիւմուրճին – 245
- Կոթ – 252
- Կոխտ – 253
- Կողբ – 250
- Կոնդ – 253
- Կող – 253
- Կովկաս – 69
- Կոտայք – 251
- Կորատեղ – 251
- Կորզաբակ – 251
- Կորկոտան – 251
- Կոստանդնուպօլիս//Կ. Պօլիս – 12-13, 23-24, 28-29, 36-37, 41, 44, 46, 47, 49, 51-52, 55, 57, 63-66, 69, 72-74, 76-78, 80-81, 83, 85, 91-93, 96-106, 110, 113-114, 116-118, 124-125, 141, 148, 150, 152-154, 160-161, 163-164, 174, 189, 194, 204, 208-210, 219, 228, 231-232, 234, 237-239, 244, 263, 267, 279-280, 285, 291-292
- Կրցիլուան – 249
- Կուլասարօվայ – 247
- Հազարաբեր – 251
- Հազրու – 247
- Հակեպ//Հալապ – 161, 209-211 (տե՛ս նաև Բերիա)
- Հաղբակ (=Աղբակ) – 249
- Հաղբատ – 17, 22-23, 25-27, 45, 163, 223
- Հաճիքեօյ – 246
- Հաճիօղլուբազարճիղ – 246
- Համատան – 249, 264, 270
- Համչեն – 111, 246
- Հայաստան//Հայոց Տուն//Հայկազյան տուն – 9, 12, 14, 20, 28, 30, 32, 45, 59, 65, 71, 112, 114, 121-122, 124-125, 127, 130-132, 136, 138-139, 142, 146, 151, 155, 165-167, 170, 175, 190-191, 207, 211, 218-219, 239, 263, 265-266, 271, 274, 299
- Հայկական սղնախներ – 69
- Հայնէ – 247

- Հայոցթառ – 253 (տե՛ս նաև Հավուց
 Թառ)
 Հայոց ձոր – 104
 Հայոց Սյունիք – 69
 Հայոց Ստանօղ – 259
 Հայրավանք – 251
 Հանիսոսար – 249
 Հաչտարխան 248
 Հապուկ – 251
 Հասանդալայ – 246
 Հավուց Թառ – 157 (տե՛ս նաև
 Հայոցթառ)
 Հարփանտ – 252
 Հէյրակ – 246
 Հէրի – 249
 Հըզու – 247
 Հըրսօվայ – 246
 Հիսար – 245
 Հին Ջուզա – 234
 Հիւսէիիիկ – 247
 Հյուսիսային Իրան – 37, 69, 155
 Հնդկաստան – 92, 127, 248
 Հոռոմստան – 24, 44, 97
 Հորս (գյուղ) – 221
 Հոռոմ – 11-12, 15, 18, 24, 62, 67, 73-
 77, 79, 92-93, 95, 142, 186, 213, 219,
 224-225, 230
 Հոռոմկլայ – 18
 Հունաստան (Հունաց տուն, երկիր) –
 98, 110, 240
 Հօթիին//Հոդիին – 246, 275
 Հօնաս – 245

 Զազ – 251, 252
 Փոքր Զազ – 251
 Զազաւանք – 252

 Ղաբալա – 31
 Ղազախ – 249
 Ղազանլըխ – 246
 Ղազան – 249
 Ղազալին – 249
 Ղալաթիա – 79, 244, 247, 259, 267
 Ղալաճուխ – 259
 Ղալաչըխ – 247
 Ղամիշլուխ – 245
 Ղայապազար – 247
 Ղայդուլի – 249
 Ղայսերի (=Կայսերի) – 91, 271 (տե՛ս
 նաև Կեսարիա)
 Ղանդաշար – 262
 Ղաստամոնի – 259
 Ղավչան – 246
 Ղատիգեղ – 245
 Ղարաբաղ – 36, 69
 Ղարադալուկ – 251
 ՂարաՀիսար – 259
 Ղարաման – 247, 259
 Ղարաչօրան – 248
 Ղարասու – 245 (տե՛ս նաև
 Խարասու)
 Ղարատաղ – 250
 Ղարաօրան – 252
 Ղարթալ – 245
 Ղարս//Ղառս – 248, 278 (տե՛ս նաև
 Կարս)
 Ղափան – 31, 250
 Ղափուկ – 245
 Ղըզլար – 248
 Ղզլզալա – 251
 Ղզլօրան – 251
 Ղընիս – 245
 Ղըշլախ – 251
 Ղիան – 247
 Ղըրիմ//Խըրիմ – 90, 92, 240, 245
 Ղըխաղաճ – 245
 Ղըխբուկաղ – 250
 Ղուկուչան – 246

- Ղուկալի – 251
 Ղուկբ – 247
 Ղում – 249
 Ղումդափուկ (=Գումդափուկ) – 244
 Ղուշատայ – 245
 Ղուռառչէշմայ – 245
 Ղօնիա – 246-247, 259 (տե՛ս նաև Իկոնիս)
 Ղօչհիսար – 247
 Ղօռնաֆայ – 247

 Ճաթղուան – 253
 Ճահուկ – 109, 110, 249, 267
 Ճամպարակ – 252
 Ճիլ – 252

 Մագանդարան//Մագանտարան – 28, 249
 Մագրէն – 252
 Մալաս – 245
 Մալդարայ – 245, 246
 Մակու – 249, 251
 Մահմուտան – 247
 Մաղազբերդ – 248
 Մանազկերտ – 247
 Մանաման – 245
 Մանդազեաթ – 245
 Մանիսայ – 245
 Մանկու – 250
 Մաշկեր – 246
 Մառմառա – 245
 Մառմառաշէն (=Մարմաշէն) – 253
 Մասըրիս (Բջնիի) – 251
 Մասիս – 143
 Մաստարա – 60, 252
 Մասրիս (Հայրավանքի) – 251
 Մատան – 247
 Մատէն – 246
 Մարաղայ – 249, 251

 Մարսըվան – 246
 Մեղիտենէ (=Մալաթիա) – 53
 Մեծկերտ – 247
 Մեծ Հայք – 17, 20, 24 (տե՛ս նաև Հայաստան)
 Մեղրի – 250
 Մեղու – 251
 Մէթէթուճոր – 249
 Մէնթէշ – 247
 Միսատայ – 247
 Միդիլու (=Լեսբոս) – 245
 Մուժամպար – 249
 Մուհալիճ – 245
 Մուղան – 13
 Մաղանճղ – 250
 Մուղլայ – 245
 Մուղնի//Մօղնի – 157, 253
 Մուսնուսուս – 246
 Մուշ – 81-82, 147-148, 150-151, 155, 247
 Մուշախալիբ (=Մուշաղբիբ) – 250
 Մուսայիպղչլայ – 246
 Մուսէպիւն (=Մծբին) – 247
 Մօլաբայազիդ – 253
 Մօսկով (=Մոսկվա) – 248
 Մօտկան – 247

 Յադձ – 252
 Յաշտարակ (=Աշտարակ) – 254
 Յորմի – 249
 Յուշնի – 249-250
 Յօշական (=Օշական) – 250

 Նալլուխան – 247, 259
 Նախամարք – 251
 Նախիջևան//Նախչուան – 31, 35, 71, 111, 120, 134, 181-182, 185, 232, 249, 254, 264, 266-267, 269
 Նահիա (=Նահեն) – 247

- Նարիման – 246
 Նէղոս – 128
 Նեվա – 128
 Նետիս – 251
 Նիշ – 246
 Նիկիտար – 246
 Նիկիտայ – 246
 Նիկոմեդեայ – 289 (տե՛ս նաև Իզնամիթ)
 Նշխարք – 252
 Նորագաւիթ – 253
 Նորագիւղ – 253
 Նորաշենիկ – 249
 Նորատուս – 251
 Նորբերդ – 245
 Նոր Նախիջևան – 225
 Նոր Զուղա – 29, 51, 52, 170, 178-181, 184, 193, 197, 199-200, 206, 221-222, 224, 233, 249
 Նորք – 157, 253
 Նուռնուս – 251
 Նօբրուկ – 247
- Շախսաբան//Շըխշաբան//Շախշաբան՝ Սպահանի թաղ – 228
 Շահաստան – 264
 Շահջհանապատ – 248
 Շահրիար – 253
 Շաղկերտ – 249
 Շամախի – 29, 69, 31, 32
 Շամբ – 250
 Շաշ – 247 (տե՛ս նաև Ղաշ)
 Շաւշէդ – 248
 Շատիկի անապատ (Շատիկա վանք) – 110-111, 189, 269, 274, 276
 Շարապխանա – 253-254
 Շարիս – 251
 Շաքի – 31
 Շէպինդարահիսար – 246
- Շըխմահմուտ – 249
 Շըհապն – 252
 Շընգաւիթ – 253
 Շընքուշ – 247
 Շիրազ – 249
 Շիրակ//Շիրակվան//Շիրակուան – 21, 248, 250
 Շիրվան//Շիրուան – 31-32, 247
 Շիրվանաձոր – 250
 Շխեր – 251
 Շումլայ – 246
 Շօշ – տե՛ս Սպահան
 Շօռութ – 249
 Շօրաղ – 252
- Ոսկաշէն – 252
 Ոստին (դյուկ) – 221
- Չամանկուտ – 251
 Չանդրայ – 247
 Չաւընդուր – 250
 Չարսանճաղ – 247
 Չէրքէզ – 245, 248
 Չէրքէշ – 247, 259
 Չըլտըր – 248
 Չըրփու – 252
 Չիջրա – 248
 Չմըշկածակ – 247
 Չորս – 249, 251
 Չորրորդ Հայք – 113
 Չպխու – 251
 Չուխուր-Սաաղ – 231 (տե՛ս նաև Սահաթափոս)
 Չօուլու – 245
- Պալաթ – 244
 Պախչա-Սարայ//Պաղչասարայ// Բախչիսարայ – 90, 245
 Պանդրմայ – 245

Պարթին – 247	
Պարսկահայաստան – 24, 48	
Պարսկաստան – 29-30	
Պեկնազար – 259 (տե՛ս նաև Բէկզազար)	
Պէյրութ – 228	
Պետրպուրք – 248 (տե՛ս նաև Ս. Պետերբուրգ)	
Պիտնի – 251	
Պղաբերդ (=Բաղաբերդ) – 250	
Պոնտոս – 271	
Պորտակ – 251	7
Պորտիկ – 253	
Պրուսայ//Պուրսայ – 245, 289	
Պուլանուխ (=Բուլանուխ) – 246	
Պուրտուր – 247	
Պօլի – 247, 259	17
Պօչան – 246	
Պօրի – 247	
Ջահուկ – 264 (տե՛ս նաև Ճահուկ)	
Ջաղաց տեղ – 250	28
Ջավախէթ – 248	
Ջաֆարապատ – 253	29
Ջեկրաշեն – 251	
Ջերմուկ – 247	
Ջղուն – 250	
Ջրվէզ – 253	
Ջուղայ – 180	41 43
Ռեշտ – 69, 249	
Ռընդամալ – 251	44
Ռոզոսթո//Ռոտոսթոյ//Ռազոսդ – 103, 245	46
Ռումելի – 113, 275	
Ռուսաստան – 10, 36, 48, 127, 165	50
Սաբարաթիան – 249	
Սախաբըզ (=Քիոս) կղզի – 245	
Սահաթափոս – 251 (տե՛ս նաև Ջուխուր-Սաադ)	62
Սալամալիք – 252	
Սալայ – 245	

Սալիան – 249	
Սալմաստ – 249	65
Սաղէմ – 117, 291 (տե՛ս նաև Երուսաղէմ)	
Սաղմոսականք – 157	
Սամաթիա – 244	68
Սամսոն – 246	
Սայրեմթօ – 249	72
Սանազին – 27, 33	
Սանդըլիլի – 247	
Սառաֆան – 248	
Սասուն – 247	
Ս. Ղազար կղզի –14, 236	80
Սարիեր – 249	80
Սեբաստիա – 246	
Սեպուհ լեռ – 133, 278	82
Սէրքեվիլ//Սերկևիլ – 214, 254, 260	
Սեֆյան Իրան – 8, 165	83
Սէյդապատ – 248	
Սէվան – 251	
Սէվերակ (Սևակերակ) – 247	87
Սըլդուզ – 249	
Սըղերտ – 247	
Սընապ (=Սինոպ) – 246	
Սըջօվայ – 246	
Սիլիսրէ – 246	96
Սիս – 42, 46, 50-55, 205, 210, 284	
Սիսիան – 250	98
Սիվրիճիսար –247	
Սիւնիք – 22, 69	
Սիօն//Սիրոն – 111-112, 126, 265-266, 269, 274, 279	108
Ս. Լուսավորչի անապատ – 157	113
Սկիւտար – 46	
Սղնախ – 70	114
Սյունիք – 13, 18-19, 29, 35, 37, 48-49, 70-71, 147, 164	
Սոթ – 252	
Սոքա – 245	
Սպահան – 172, 179, 206, 233, 249, 262 (տես նաև Շոշ)	121
Սպարթայ – 247	121
Սպեր – 246	

Ստանօզ – 247	
Ստեանքեօյ (=Կոս կղզի) – 245	124
Սրամայ – 246	
Ստամբուլ//Ստամպոլ – 43, 70, 73, 93, 98, 104, 114, 126, 244 (տե՛ս նաև Կոստանդնուպոլիս)	132
Սուլթանղշլայ – 246	134
Սուճխէթ – 249	136
Սուբամ – 249	
Սուբմարի – 250-251	140
Սօլաք – 251	141
Սօղանլու – 248	
Սօմայ – 249	
Սօվմայ – 245	
Սօֆի – 246	
Ս. Պետերբուրգ – 86	147
	147
Վաղարշապատ դաւառ – 22, 189, 216, 218, 294	
Վայո[ց]ձոր – 250	148
Վան (Վուեր) – 71, 104, 149-150, 216, 247, 299	
Վանիկ – 250	152
Վանստան – 250	
Վառնա – 246	
Վասպուրական – 70-71, 149, 299-300	163
Վարդենիս – 252	163
Վարդէլն – 251	165
Վարսերն – 251,	
Վենետիկ – 14, 45, 65-66, 70, 76-77, 102, 224	
Վէթի (Վեդի) – 250	
Վէթիբասար – 250	
Վըժան – 252	
Վիեննա – 229	
Վիտին – 246	
Վիրապ – 188	
Վիրք//Վրաստան//Վրացոտան//Վրաց տուն – 37, 45, 111, 165, 224, 263, 266	170
Վոլգա – 128	
	171
Տաթև//Տաթեւ – 17, 19-20, 22-23, 29, 74, 163, 180	171
Տաճարաբակ – 253	179

Տաճկահայաստան – 24	179
Տակճկաստան – 42	179
Տայագեղ – 246	181
Տաշիր – 249	
Տաշքեօփրի – 246	183
Տավչանլու – 245	184
Տարոն – 71, 82, 149-150, 154	185
Տեղեր – 252	187
Տիգրանակերտ – 70, 150, 231, 247	189
Տիկօր – 248	
Տրապիզոն – 246	193
Տփխիս – 263	
	197
Յաղման – 247	197
Յամաքաբերթ – 251	200
Յըղնի – 250	200
	201
Ուզունձի – 249	
Ուզունքեօրփու – 245	207
Ուշաղ – 247, 259	
Ուշի – 157, 161, 252	209
Ուռիծառ – 251	
Ուռձաձոր – 250	212
Ուռունձի – 246	
Ուսկուրեր//Ուսկուտար – 118, 244-245, 279, 282 (տես նաև Սկյուտար)	
Ուրդուլար (=Օրդուբաղ) – 264	238
Ուրհայ – 247	238
Ուրուշճըղ – 246	
	240
Փարաքար – 250, 254	
Փարփի//Փարպի – 157, 161, 253	
Փերին – 247, 259	
Փերչամպայ – 246	261
Փէնէսէ – 246	
Փէչմակալ – 251	
Փիւմաստ – 245	
Փոքր Հայք – 24	
Փոքրգիւղ – 253	269

Փռակունիս (=Փառակունիս) – 252

Քաղկեդոն – 64	299
Քամալ – 251	
Քամար – 245	
Քանաքեռ – 251	
Քաշան – 249	
Քաջբերունիք – 149	303
Քարթլի – 194	
Քարվանսարա – 252	316
Քեալարայ – 250	
Քեղի – 246	326
Քեղուածոր – 250	
Քեօշք – 245	
Քեօմփուրլուկ – 246	
Քեօփրի – 246	
Քէշտաղ – 250	
Քէօթահայ – 245, 289	
Քէօտէնճէ – 246	
Քիանդրի – 259	
Քիլիս – 246	
Քիսեղ – 249	
Քիսմէս – 249	
Քիրաչլու – 254	
Քիրման – 245	
Քուլթափա – 249	
Քուրտաք – 252	
Քօլատակ – 252	
Քօրօղլի – 248	
Օզան – 251	
Օզի – 246	
Օլթի – 246	
Օղրածոր – 251	
Օնցւոց աշխարհ – 127	
Օշական – 60, 157, 218 (տե՛ս նաև Յօշական)	
Օսմանյան երկիր – 49, 51, 164	
Օսմանյան կայսրութիւն – 8, 28-29, 48-49, 51, 71, 90, 92, 96-97, 147, 154, 165-167, 181, 192, 231	

Օտամբիչ – 245
Օրթագեղ – 245
Օրթալանկ – 245
Օրմանի – 246
Օրդու – 246
Օրտուվար (=Օրդուբադ) – 250 (տե՛ս նաև Ուրդուար)
Օր – 245

Ֆաթիա – 246
Ֆիլիպէ – 246
Ֆռանկանոց – 250-251
Ֆռանկատան//Ֆռէնկատան – 76, 93, 127
Ֆրանսիա – 73
Ֆորսանդէվի – 248
Ֆօքչան – 246

Большая Армения — 35
Карабах — 40
The Bosphorus – 144
The Euphrates – 144
The Ganges – 144
The Indus – 144
The Nile – 144
The Volga – 144

Բ Ո Վ Ա Ն Դ Ա Կ Ո Ւ Թ Յ ՈՒ Ն

ՆԵՐԱԾՈՒԹՅՈՒՆ

ԳԼՈՒԽ Ա.

ԱՄԵՆԱՅՆ ՀԱՅՈՑ ԿԱԹՈՂԻԿՈՍԻ ԸՆՏՐՈՒԹՅԱՆԸ՝ ԲՋՆԻԻ, ՀԱՂԲԱՏԻ, Ս. ԹԱԴԵՈՍԻ ԵՎ ՏԱԹԵՎԻ ԱՐՔԵՊԻՍԿՈՊՈՍՆԵՐԻ ՀԱՎԱՆՈՒԹՅՈՒՆ ՏԱԼՈՒ ԿԱՆՈՆԸ (առաջացման ժամանակն ու հանգամանքները)

ԳԼՈՒԽ Բ.

ՄԱՅՐ ԱԹՈՒ Ս. ԷՋՄԻԱԾՆԻ ՔԱՂԱՔԱԿԱՆ ԴՐՈՒԹՅՈՒՆԸ 1720-ԱԿԱՆ ԹՎԱԿԱՆՆԵՐԻՆ
Աստվածատուր Ա. Համադանցի կաթողիկոսը (1715-1725) և նրա կապերը հայ ազատագրական շարժման հետ

ԳԼՈՒԽ Գ.

ԿԱՐԱՊԵՏ ՈՒԼՆԵՑԻՆ (1661-1729) ԵՎ ՆՐԱ ԿԱԹՈՂԻԿՈՍԱՆԱԼՈՒ ՀԱՆԳԱՄԱՆՔՆԵՐԸ
Կոլոտի դեմ դժգոհությունների սկիզբը
Կարապետ Ուլնեցու ընտրությունը մասնակցած արևելահայ եպիսկոպոսները
Կարապետ Ուլնեցու կենսագրական կարևոր մանրամասներ
Կարապետ Ուլնեցին իբրև «յայնկուսացի» (արևելահայ և արևմտահայ կղերի հարաբերությունները XVII-XVIII դարերում)

ԳԼՈՒԽ Դ.

ԿԱԹՈՂԻԿՈՒԹՅԱՆ ՆԿԱՏՄԱՄԲ ԿԱՐԱՊԵՏ ՈՒԼՆԵՑՈՒ ԵՎ ՀՈՎՀԱՆՆԵՍ ԿՈՒՈՏԻ ՎԱՐԱԾ ՔԱՂԱՔԱԿԱՆՈՒԹՅՈՒՆԸ

**Գաղատիա-Անկյուրիա թեմը և Հայ-կաթոլիկ
հարաբերությունները
Կոլոտ պատրիարքի և Կարապետ կաթողիկոսի՝ կաթոլիկների
հանդեպ որդեգրած հաշտարար դիրքորոշման
քաղաքական դրդապատճառները
Հովհաննես Կոլոտի և Կարապետ Ուլնեցու հակակաթոլիկ
ձեռնարկները**

ԳԼՈՒԽ Ե.

**Ա.ԲՐԱՀԱՄ Բ ԽՈՇԱԲԵՑԻ ԿԱԹՈՂԻԿՈՍԻ ՀԱՐԱԲԵՐՈՒԹՅՈՒՆՆԵՐԸ
ԿՈԼՈՏ ՊԱՏՐԻԱՐՔԻ ՀԵՏ (1719-1734 թթ.)
Նախնական դիտողություններ
Աբրահամ Խոշաբեցու և Կոլոտի հարաբերությունները
1719-1727 թթ.
Աբրահամ Խոշաբեցու և Կոլոտի հարաբերությունները
1730-1734 թթ.**

ԳԼՈՒԽ Զ.

Ս. ԷՋՄԻԱԾՆԻ ՆՎԻՐԱԿՆԵՐԻ ՀԱՍՏԱՏՈՒԹՅՈՒՆԸ

ԳԼՈՒԽ Է.

**ԾԱՅՐԱԳՈՒՅՆ ՆՎԻՐԱԿՈՒԹՅԱՆ ՀԱՍՏԱՏՈՒՄԸ Ա.ԲՐԱՀԱՄ Բ
ԽՈՇԱԲԵՑԻ ԿԱԹՈՂԻԿՈՍԻ ՕՐՈՔ
Ս. Էջմիածնի առաջին ծայրագույն նվիրակը՝
Ղազար վարդապետ Ջահկեցի**

ԳԼՈՒԽ Ը.

**ՂԱԶԱՐ ԶԱՀԿԵՑՈՒ ՆԱԽԸՆԹԱՑԸ (1719-1731 թթ.)
Ղազար Ջահկեցու տարիքը
Հովհաննես Ամասիացին՝ Ղազարի և Կոլոտի
հարաբերությունները մասին**

ԳԼՈՒԽ Թ.

**ՂԱԶԱՐ ԶԱՀԿԵՑՈՒ ԳԱՂԱՓԱՐԱԽՈՍՈՒԹՅՈՒՆԸ
Հայությունն ազգակազմիչ տարրերի շահկեցիական սահմանումը**

Զահկեցու *Երգարանը* իբրև XVIII դարի Հայ պաշտոնական
 ազգայնականության «ճեռնարկ»
 Ղազար Զահկեցին՝ 1722 թ. Լիմ անապատի գաղտնի ժողովում
 ընթերցված կոչի Հեղինակ
 Զահկեցու «Ողբի» գլխավոր հարցադրումը իբրև ուշմիջնադարյան
 Հայ մատենագրության կենտրոնական դրույթ
 «Ազատագրական աղոթքը»
 Պատառիկներ Զահկեցու Հայրենասիրական-ազգայնական
 գաղափարախոսության
 Ղազար Զահկեցին ընդդեմ կաթոլիկ քարոզչության

ԳԼՈՒԽ Ժ.

ՕՍՄԱՆՅԱՆ ՆԵՐԳՈՐԾՈՒԹՅՈՒՆԸ ԱՄԵՆԱՅՆ ՀԱՅՈՑ
 ԿԱԹՈՂԻԿՈՍՆԵՐԻ ԸՆՏՐՈՒԹՅԱՆ ՎՐԱ (1725-1734 թթ.)
 Ընդհանուր դիտարկումներ
 Աբրահամ Մշեցու ընտրությունը նպաստած ցարդ
 անհայտ պարագաները
 Աբրահամ Կրետացու ընտրությունը նպաստած ցարդ
 անհայտ պարագաները

ԳԼՈՒԽ ԺԱ.

ՎԵՐՋԱԲԱՆ ԵՎ ԵԶՐԱԿԱՅՈՒԹՅՈՒՆՆԵՐ
 Պատասխան՝ ուսումնասիրության սկզբում առաջադրված հարցին
 Հայաստանը և Հայոց եկեղեցին XVII-XVIII դարերում

Հ Ա Վ Ե Լ Վ Ա Ծ Ք
 (ու ս ու լ մ ն աս ի ռ ու թ յ ու լ ն ն ե ռ և վ ա Վ ե ռ ա գ ը ե ռ)

ՀԱՎԵԼՎԱԾ Ա.

ԱՄԵՆԱՅՆ ՀԱՅՈՑ ԿԱԹՈՂԻԿՈՍԻ ԸՆՏՐՈՒԹՅԱՆ
 ՈՐՈՇ ՀԱՆԳԱՄԱՆՔՆԵՐԸ XV-XVII ԳԱՐԵՐՈՒՄ
 (երկու հնատիպ վավերագրի քննություն)
 Ա. Նահապետ Եղեսացու կաթողիկոսանալու հանգամանքներն ու
 դրա հետևանքները
 Ա. վավերագիր (1693 թ.)
 Քննություն Ա. վավերագրի

1. Տպագրութիւնը
2. Պատմական ետնախորքը
3. Նահապետ Եղեսացու կաթողիկոսանալու Համբամանքները
4. ՆորՅուզայեցիների և պոլսեցիների մասնակցութիւնը
կաթողիկոսական ընտրութիւններին
5. Մինաս եպօ. Աստապատցի
6. Նահապետի կաթողիկոսութեան շրջանի հետեանքները
7. Ստեփաննոս Զուղայեցու ընթացքն ու վախճանը
8. Հայոց կաթողիկոսների կենցաղավարութեան և տարազի մասին . . .
9. Հայ և օտար մշակույթների համեմատական գնահատականներ (1625,
1693, 1733 և 1740 թթ.)

Բ. Հակահակոբյան ժողովներ (1664-1665 թթ.)

Բ վավերագիր (1665 թ.)

Քննութիւն Բ վավերագրի

1. Վավերագրի գրութեան ժամանակը և վայրը
2. 1664 թ. հոկտեմբերի ժողովը: Ժողովականները
3. 1665 թ. տարեմուտի հակահակոբյան ժողովի պահանջների
հարաբերական մեղմացման դրդապատճառները
4. 1664 թ. ժողովը և Արեւմտահայոց կաթողիկոսութեան
ստեղծումը
5. Կոնկլավի կանոնները և 1441 թ. Էջմիածնի կաթողիկոսի
ընտրութիւնը

ՀԱՎԵԼՎԱԾ Բ.

ՆՎԻՐԱԿՈՒԹՅՈՒՆ

1. Ծայրագույն նվիրականներ (1741-1797)
2. Ս. Էջմիածնի նվիրականներին վերաբերող դիվանական
անտիպ նյութեր

ՀԱՎԵԼՎԱԾ Գ.

ՂԱԶԱՐ ԶԱՀԿԵՑՈՒ ՀԻՇԱՏԱԿԱՐԱՆԸ (ԿԵՍԱՐԻԱ, 1726 Թ.)

ՀԱՎԵԼՎԱԾ Դ.

«ՅՈՎՀԱՆՆԷՍ ԱՄԱՍԻԱՑԻՈՅ ՎԱՐՔ ԵՒ ԳՈՐԾՔ
ՂԱԶԱՐՈՒ ԶԱՀԿԵՑԻՈՅ»

ՀԱՎԵԼՎԱԾ Ե.

ԼԻՄ ԱՆԱՊԱՏԻ ՀԻՇԱՏԱԿԱՐԱՆԸ (1722)

ՑԱՆԿԵՐ

ՕԳՏԱԳՈՐԾՎԱԾ ԱՂԲՅՈՒՐՆԵՐԻ ԵՎ ԳՐԱԿԱՆՈՒԹՅԱՆ ՑԱՆԿ

ԱՆՁՆԱՆՈՒՆՆԵՐԻ ՑԱՆԿ

ՏԵՂԱՆՈՒՆՆԵՐԻ ՑԱՆԿ

